

歷城縣志卷三



邑人葉承宗撰

建置志上

城池 驛舖

封建

公署

里社

衢市

王公設險以守其國君子攸躋以宣其政歷下

名藩嶽峙列署星羅逮夫畫井為里日中為市郵舍

稽程祠宇崇祀樓閣美觀棹楔表異橋梁利涉皆

政之大者况兵燹圯廢之餘重新草昧棘恐病民

需復賊事雖時詘未易舉羸然擇可而勞次第就

理以光復舊制曷容緩哉詩曰匪疚匪棘王國來

極旬宣之事也作建置志



城池

郡城形如盆盎雉堞巍峩鯨波環繞天險哉日者
來能上儒者迂計人和當事殫心增築詎知恃
陋不備齊人乃入莒邦疲民以城趙襄不歸長子
但使為邑中之黔不為澤門之哲則實墉實壑豈
非虔共之大者哉

城

歷城建自漢歷晉永嘉間從平陵移治於此而城
始大

國朝洪武四年始內外甃以磚石週圍十二里有奇

高三丈二尺濶五丈

成化四年張僉憲珩重修
十九年宋御史經重修萬

曆二十年宋中丞應昌重修天啓五年呂中丞
純如重修崇禎七年朱中丞大典重修崇禎已
卯間雉堞傾殘城堞盡圯樓櫓半焚重闈
悉燬今方修築增高三尺言言天險煥然改觀
矣

池

濶五丈深三尺

衆水環紫若然天塹西南高亢則
以二閘蓄焉城北又建利田等四

閘以時蓄泄獨是地近南山秋潦大發旋濬旋
淤且河深廣行坦夷易涉加以頻年亢旱泉源
衰息茫茫巨浸幾埒行潦今方大
事疏濬酒酒相汨拭目俟之矣

門

南曰舜田後改歷山東曰齊川西曰灤源北曰會

波東西南有重關而北為水門每歲啟以季春

閉於孟冬其門南居中東偏北西偏南北偏東

西去南近東去北近故諺相傳為四門不對云

東南二甕城各設子門二名放軍門壬申葉憲

副大受毅然塞之夫古人建置良有深意卒然

有警修復惟艱君子

所以貴舊貫之仍也

樓

南城前後各一巍峩軒敞屹然大觀東西城如之

北城惟一四隅各一而東南城勢偏狹迺委折

以因其勢上有九峯俗名三角樓又名九女樓

結構天然製白名手南城迤西為觀風樓西迤

北東迤南東迤北各一凡一十四座東西南敵

樓各一其南諸樓遠眺羣山廣睨萬畝獨踞一

方之勝其東諸樓俯瞰三齊遥觀出日顏其額

一曰永安一曰鎮海其西諸樓傍挹鈞水直瞻

黃崗民廛錯列羣波環縈昔年樓中貯砲自鳴

因額曰先聲如雷又後額曰拱辰至於北樓下

踞大明湖俯臨會波橋南瞻函歷之雲嵐北醉
嵒華之煙雨外則秧鍼刺水萬畝雲屯內則桂
棹泝波千頃繡列顏曰河山一覽洵勝地也
殘止餘三四西南又經砲災目今經營伊始南
樓規制勝前次第修葺光復舊制衛國忘亡拜
諸臺之賜匪渺矣

舖

舖與旗相兼內有衛軍直宿夜則千百巡視晨則
赴各該司迴風共計五十有五座

敵臺

共一十三座宋中丞應昌創建崇禎庚辰又於西
北增置四座

梁口

共三千三百五十個崇禎丙子戊卒數詣遂有併
梁口之役減竈示怯大失古制戊寅砲眼難運
復有鋸梁口之役震剝致猝亦非良策武備志
云仍舊旣礙砲眼盡更又難猝辦不如令埴工
因勢爲模隨廢漸易誠爲便利也

馬道

南城二門內外各一皆在東東城二門內外各一

皆在南西城二門內一在南北城內一在東凡

五處

崇禎己卯創設
一處在撫院前

磚陂

城以石爲趾磚爲膚土爲骨濶凡五丈近內者多

陂上覆以甃各三尺許所以防水潦之浸灌也

戊寅築望臺修炊灶猝難給辦取資於甃過半

事平時詘未盡興復夫一蟻之微可以潰堤及

其摧圯費倍而城復不堅何惜運甃之勞不爲

未雨之防也

旗臺

共五十五座旗因方色竿皆長桅

官廳

門各二座惟北門止一座皆四楹

砲樓

門各四座惟北門止二座皆貯銅百子鏡一尊

藥局

惠民藥局東西南三門各二座

橋

東西南三門各有弔橋有警則引絙樓上綢繆甚

固西門橋外復有濼源橋

排柵

東西南三門外皆列排柵非獨美觀亦以防行人

冗塞恐致覆溺也

墮

列陣以下皆有護墜東方高聳北方寬衍廣至數

丈近遂環水建演武場東西各一

西城至南城舊皆闢弁牟

利市為民居無慮數百家相沿數十載戊寅警逼而去之民大鞅望庸人見小不為遠謀今毀故垣徧築女牆後之君子慎無信小人漁利之謀因緣復築令滋蔓之難圖也

瓮城

瓮城原以貯軍勢宜寬廣西城建廟踞三之一餘

復列為市廛危警公至拆之又以歛怨何愛數

廛之息不為徙薪之計至南為正門建廟植楊

雖愚卒崇神之意實全城風氣所關遷其廟而

伐其樹無再計矣

封建

濟南跨溟拱岱原平流清河濟之間亦一都會也

相傳平陵為帝乙所都不足深辯惟是譚子肇封

漢唐皆以親子弟王之

朝剪桐歷下世有令聞河間東平不能擅美前史矣

周封譚國

子爵按詩碩人篇稱譚公惟私大東詩序稱譚大夫作此以告病則春秋初譚國猶

盛魯莊公十年齊桓公滅譚子奔莒漢以名邑唐以名州今以名驛

漢封臺侯戴野

高帝六年封東郡戴野為臺侯

封濟南王辟光

高帝微時外婦之子肥六年封為齊王二傳無嗣國除文帝憐悼惠

王適嗣乃分齊為六國盡立齊悼惠王子列侯見在者六人為王其三勃侯辟光為濟南王都東平陵十六年進封食東平陵鄒平臺梁鄒士鼓於陵陽丘般陽管朝陽歷城魏著宜城十四縣孝景三年坐同吳楚反伏誅國除地人於漢為都

封平陵侯蘓建

建以都尉從大將軍擊匈奴封平陵侯一千戶後坐敗師免

封營平侯趙克國

本始元年以定策封營平侯

東漢封濟南王康

建武十五年封濟南公復為王就國以平原之祝阿安德朝陽平昌

潔陰重丘六縣益濟南國卒子簡王錯嗣卒子孝王香嗣香篤篤行好經書初叔父篤有罪不得

封西平昌侯昱作法失侯香乃上書分爵土封篤子九昱子嵩皆為列侯卒無子國絕永建元年順帝立錯子阜陽侯顯為嗣是為釐

王三年卒子悼王廣嗣卒無子國除

晉封濟南王遂

字子伯宣帝弟魏鴻臚丞恂之子也仕魏累遷冠軍將軍武帝受禪封濟

南王泰始二年薨謚曰惠二子耽緝耽嗣立咸

寧三年徙王中山薨無子緝繼成都王穎以為

建威將軍與石熙等率眾

拒王浚歿於陣無子國除

封濟南王固

吳敬王晏四子祥鄴固衍鄴即

愍帝固初封漢王改封濟南

北魏封濟南王麗

建寧王崇之子興安二年正月封

後京兆王杜元寶謀反麗為所引

父子各賜死國除

先封濟南公承明元年進爵為王

封濟南王慕容白曜

七年又改封為趙郡王卒謚曰康

皇興元年崔道固以歷城叛

歸宋魏詔白曜討之曜築長

圍以困固力詘出降遂進爵

為濟南王皇興四年以冤誅

臨淮王潭之子宣武時襲封臨淮王

封濟南王昌

未拜而薨贈齊州刺史謚曰康王遂

改封濟南王子彧紹封濟南盧思道謂史部清

河崔休曰安豐少於造次中山皂白大多未若

濟南風流寬雅

封歷城子韓子熙

麒麟子普泰初除通直散騎嘗

侍撫軍將軍光祿大夫尋正吏

部郎以奉冊之故封歷城

縣開國子食邑五百戶

北齊封濟南王殷

顯祖文宣皇帝長子天保十年嗣

位乾明元年八月壬午太皇太后

廢帝為濟南王食一郡以常山王演入纂大統

隋封濟南公柳敏 開皇元年受封

唐封濟南王祐 字贊武德八年王宜陽又王燕已乃王齊領青州都督貞觀十一年歸國

後狎昵羣小帝用權萬紀繩祐祐輒支解萬紀遂舉兵叛帝詔李勣討之送京師賜死內侍省

除國

元封濟南王也只里 至元二十四年封

封濟南公張榮 榮以戰功累封濟南公事在中統二年詳見人物志

國朝封歷城侯盛鏞 燕師南下銳不可當而濟南之解東昌之捷皆鏞功也以建文

三年受封後暴卒

封德王

莊王

英廟之子

睿廟之庶兄天順元年封濟南成化三年之國正德

十二年薨謚曰莊 王崇儒重道憂國愛民精詩賦工丹青孔子杏壇像併贊

皆屬睿翰毫不與外事故稱賢

懿王 莊王子

懷王 懿王子

恭王 懷王子

定王 恭王子

端王 定王子遵訓守禮謙恭孝義通翰墨嫺弧
矢著訓後七十二事撫按交薦

詔建坊以褒異之

嗣王 端王子儉樸好佛崇禎己卯蒙 難嗣子

六歲殤

上命紀城府進爵為德王 庚辰六月十日冊封

郡王

泰安王 莊王庶長子

濟寧王 莊王庶子無嗣

歷城王 懿王庶子無嗣

東平王 懿王庶子無嗣

臨朐王 懿王庶子

高唐王 懿王庶子無嗣

寧海王 懷王庶子

臨清王 懷王庶子無嗣

堂邑王 恭王庶子無嗣

利津王 恭王庶子無嗣

安陵王 定王次子無嗣



紀成王 定王第三子傳二世進封德王

嘉祥王 定王第四子

清平王 定王第五子

永年王 端王次子早薨

寧陽王 端王第三子無嗣

將軍共七位

公署

彈丸黑子之邑鋪張縣治何啻夜郎不知漢大歷
既倚郭會城則

藩封列署不附諸歷將奚附耶况此官亭解字其
塗而茨者歷令之經始也其畚而鍤者歷人之營
繕也其跋而翼輦而飛者歷土之鉅觀也風有作
宮作室雅有攸寧攸躋居其居事其事尚亦懋乃
職哉

德府 濟南府治西居會城中占十之二
成化二年建

泰安府 西門內 臨胸府 西門內

寧海府 南門內 臨清府 尹家巷

紀城府 縣庠 嘉祥府 府館街

卷三 封建 友聲堂



清平府 嘉祥府西

寧陽府 寧海府東卽舊安陵府

長史司 左右各一

典簿廳

審理所 正副各一

紀善所 正副各一

典寶所 正副各一

典膳所 正副各一

典儀所 正副各一

奉祀所 正副各一

工正所 正副各一

良醫所 正副各一

儀衛司 正副千戶各一 典仗二人

羣牧所 正副千戶各一 鎮撫一百戶十人

總旗四人 小旗七人 以上俱王府前

廣受倉 大使一人

廣受庫 大使一人 俱府內

巡撫都察院 陝西南隅 成化元年建 正德二年燬于火 八年趙孟頫重建 萬曆間改督撫軍門崇禎戊寅又燬于火 顏中丞繼祖市民居而益廊之 吏

縣皆易以樓木及落輒經 庚辰巡撫王公諱國賓重修

巡按察院 歷山頂 洪武三十年建

清軍察院 縣治北 成化十二年建

巡鹽察院 清軍察院東 嘉靖三年建

山東等處承宣布政使司 府治西北 洪武九年

自青州移于此 天順四年重修 學士彭時記 已

經歷司 正堂左

炤磨所 正堂右

理問所 儀門 外西 司獄司 理問 所西

廣儲庫 理問 所南 東兗道 糧儲 道東

糧儲道 大門 內東 分守濟南道 貢院東時 駐泰安

海右道 東兗 道東 山東等處提刑按察司 府治東 洪武中建亦青

州移于此 成化中重修學士商輅記 庚辰憲長蔡公懋德重修

經歷司 正堂 左 炤磨所 正堂 右

司獄司 儀門 外東 知事廳

驛傳道 司之 南 提學道 舊在塔行街 江陵時改湖上

濟南兵巡道 司外 進西 山東都指揮使司 府治迤西 成化二年建 崇禎 已卯

燬都闔季公 國祚重建 分司 塔巷街 一在舜 廟西

經歷司 斷事司 俱司二 門西

都轉運鹽使司 府治東 洪武元年建

濱樂分司 運同 知 膠萊分司 運判 官

經歷司 知事廳 俱司 內

濟南府 居城之中 近南 舊治改為按察司 洪武 初崔太守亮建危素記

崇禎已卯燬太 守張公夬重修 清軍廳 府堂東 北隅

卷三 公署 友聲堂

糧儲廳

府西
北隅

馬政廳

府堂西崇禎
已卯年裁

理刑廳

府堂東有坊曰平衡齊魯已卯之亂一堂
之外俱經燬司理丘公祖德獨俸重建

經歷司

府堂
東

炤磨所

刑廳
東

司獄司

二門
外東

稅課司

府治西崇
禎初裁

廣豐廣儲倉

城東南隅上有石額濟南府豐
儲二倉上有樓額曰東齊司命

譚城馬驛

西關北五里舖內有皇華公署自
書院改為郵亭驛遂鞠為草莽矣

遞運所

捍石橋
外路北

陰陽學

布政
司西

織染局

府治西
北久裁

醫學

府治
東

僧綱司

正覺
寺

道紀司

城隍
廟

濟南衛

舜廟西洪武
十九年建

五千戶所

鎮撫司

經歷司

俱衛
內

叅將府

府館
街

五府公署

四牌
坊

歷城縣 南至濟南府北至巡鹽察院東至塔行

街西至東華門

大堂六楹顏曰愛牧堂東庫房
四楹左右吏舍各十六楹堂前

戒石亭亭前儀門四楹儀門兩腋為角門東角
門外為土地祠西角門外為寅賓館館有額曰

大賓館門西有獄獄中有廣生室獄神祠草舍
十楹獄南為倉儀門外為大門四楹門內有收

糧房門外有屏傍有舖堂後有退堂有衙舍有
內書房堂西為西書房又西為清軍衙又西為

水利衙今裁又西為管糧衙又西為巡捕衙凡
五衙崇禎已卯燬宋令公祖法捐俸重建

煥然改觀有新城王公
象晉碑記見藝文志

龍山鎮馬驛 城東七
十里

堰鎮巡簡司 城東北
二十里

灤口批驗所 城西北
十三里

縣倉 按察司
街西

貢院 布政司後洪武初建 成化十九年重修嘉
靖元年重建至公堂

大學士劉羽記崇禎己
卯燬 諸臺重建

武場 南門外二里 楊中丞俊民創建軍舍
御史熊相記見藝文志

南營公署 武場
西

總局 縣庠東

城隍廟官廳 廟東 官員到任朔望
行香多駐此

舜廟官廳 廟東凡遇

聖壽元旦冬至各官舜廟習儀皆駐此

里社

祖制十家為甲十甲為里里置十長分統百家丁出
於斯賦出於斯海良法也災亂相仍逃亡遷移民
無恒態或甲存而家不滿十里在而戶不滿百豐
大之里時或踰制于時大至千家小或數姓比而
同之勢不能也歷下南盡山墅北多水村東西皆
沃野相友相助頗有古風獨怪邇來民疲征繕村

舍蕭條無復擊壤之樂矣雖然天道無往不復人事有廢必興吾亦志其盛者焉爾

里 凡九十
有八

一坊一至三

二坊一至三

三坊一至四

四坊一至四 共十里

南保一至五 共五里

北保一至五 共五里

東關一至三 共三里

桃園一至三 共三里

二堰頭一至七 共七里

清河一 一里

鵲華一至八 共九里

仙臺一至七 共七里

閔孝一至五 共五里

南會清一至三 共三里

北會清一至三 共四里

南保泉一至三 共三里

北保泉一至二 共二里

安平一至五 共五里

南綺園一至三 共三里

北綺園一至三 共三里


明賢一至十七 共十七里

村墅 大小九百有奇茲惟大書古鎮名莊餘各以近類附風土間標其尤他不悉錄

龍山路 風土不一皆號沃壤

七里舖 城東七里土沃水淺俗勤灌溉東新店祝店南小莊西接官亭北權富莊

八澗舖 東十三里風土同前東北張馬屯郭家莊北新莊西北小新莊



王舍店 東三十里地沃民殷南將官莊殷家莊西

韓倉 東四十里地沃水深南彭家莊西北胥家莊東北侯家莊

郭店 東五十里風土河前東曹家館南棗林北相公莊東北蘓家莊山頭

十里舖 東六十里地沃水深俗多健訟東南盧家寨南于家莊西北王官莊耿家莊

龍山鎮 古鎮城東七十里土沃俗悍東山城莊東南大柳樹南大徐馬牛家莊西南鄭家莊

葫蘆坡西擡頭河五里堂

神武路 地亢賦輕民務本業

甸柳莊 閔子墓南三里東姚家莊南窰頭西南來家莊北七里河

險峪 閔子墓東十里東劉智遠廟東南草山嶺南孟家莊西丁家莊北神福寺院東北牛家莊

神武 城東五十里西南 耙頭山西章金

張陵丘 龍岵山西東程家莊棠野東南宮莊東北何二莊

田家莊 鳳凰山前東潘家莊南牛欄峪西南蔣溝

劉海莊 十里舖西南五里東南方家莊西武家莊東北侯家莊東聶家莊盧官莊

營城路 土肥泉盛恒鳴不災

楊家屯 王舍店西北三里東裴家營劉家莊南吳家店西張馬泊西北水坡北冷水溝

梁家莊 裴家營東北東路家窪東南毛莊西南路家莊西紙房西北孫家衛

填子屯 沙河東五里東馬家莊東南曲家莊南灘頭北桃園東北金口

杏園屯 路家窪東東方家莊南皮家莊

沙河路

地脉鬆肥
產饒果蔬

沙河鎮

城東北二十五里東朱家莊西
王家閣西北劉姑店北沙河店

朱家橋

沙河北三里東蘓家溝
西北田家莊北蔡家溝

虞山路

地沃宜麥
水淺宜蔬

董家莊

虞山西北三里東韓家莊徐家莊西那
家窪北靳家莊荀家莊東北新屋頭

曹官莊

曲家莊東東崔家莊東南趙家屯南江家
莊西南呂家莊林家莊西許家莊簡家屯

潘家馬頭

曲家莊北東南船流渡口
東營裏東南石家柳樹

巨冶河路

風土不一
皆稱沃壤

唐王渡口

城東北六十里地沃水淺俗勤稼
圃東張家莊王家坡西王家莊

城子莊

唐王渡口東東全節河
南袁家莊西段家莊

溫家莊

十里舖北東北甄家莊三
官廟西呂家莊北時家莊

張兒莊

唐王渡口西南東楊家莊程
家巷西季家寨北王浩莊

遙牆鎮

東北五十里地多鹽白俗務織紡西南舖
馬李家莊邢家渡西北馬官寨北郭兒莊

鴨王口

遙牆東七里東張家莊東南陳
家園北朝陽莊東北太平莊

橋頭

鴨王口東五里西北柴家莊丘
家莊北張家園東北郭家莊

周官店

王家坡北風土同唐王渡口東傅
家莊南紙吳莊西韓家莊顏家莊

奉先城路

地沃水淺
民務本業

樊家莊

崔家莊西北三里東亓家莊徐
家莊西岳家寨西北殷千戶莊



劉良務

李官莊西北西崔家莊
南輝李莊北郝家莊

李官莊

黃桑院東北東喬家莊
南蕪家莊西北胡家莊

婁家莊

老僧口西地鹵宜綿東康家莊西南韓官
莊船流道口西北徐家寨東北單家莊

平陵城路

地沃水深
俗多麤悍

權家莊

平陵南三里東省莊南侯李莊西南丁家
莊西泉家莊西北大官莊東北曹家莊

畢楊莊

平陵東南三里東斜溝東南張郎莊
西北嚴家莊北公鈕二莊城角頭

新店

平陵東四里東南丁王莊南小莊楊家岡西
南窪裡舖西高兒莊北何家莊東北李家莊

城後

平陵北二里西為小城後崔家莊
西北馮家莊北于家莊兗家莊

黃桑院

兗家莊北二里東甄家莊宋家布師家莊
大桑樹東南石家莊薄蘿林四周王莊

王野戶

全節河東南南田家莊南婁家四戶
家四戶孫家四戶西南柿子園北藍家莊

白雲湖路

地近東鄙
俗尚鬪訟

石家鎮

白雲湖南岸地沃近水民業萑蒲
南火把莊西南西溝頭東娥女溝

索家馬頭

白雲湖東南西楊家
莊邊湖莊湖邊莊

老僧口

白雲湖西岸東吳家寨南入戶西温流關
盧家莊北梨行嚴馬莊高官寨侯家寨

韓家馬頭

白雲湖北岸西聶家馬頭東張家馬
頭薛家馬頭高橋鄭深馬頭趙官橋

靠河林

高橋西北三里西齊家莊李家
馬頭東魏家莊鳳凰莊范家莊

傅家莊

老僧口東北十里地鹵土白西力士莊東
北驛鈴莊張家林東安家莊托寨梁寨

函山路

地多磽瘠
民資樵採

十里河 城南十二里地亢無水東周家土屋黃泥溝南分水嶺西南康兒莊西九曲里北八

里窪東北 龍窩 城西南十五里雖屬山村猶稱沃土

王官莊梁家莊東南七仙莊西南 井家溝西魏花莊西北袁劉莊

展村 甲山西五里地沃水艱南邵兒莊 西北岳家莊北文莊東南吳家莊

大澗溝 函山前地亢無水獨饒柿利京黃路 線東南侯家莊南兩仙溝西西仙莊

泉瀘 函山東南東窩舖駱駝蹄東南雙井 峪南碾子溝西南時家莊西兎石窩

寨兒頭 中宮西十五里東朱家莊左兒莊東南楊 兒莊南宅科西渴馬崔家莊東北石灰溝

火閣 函山東北地瘠有井民多穴居東北齊 家峪大嶺莊東南白土岡西北花山峪

錦雲川路 地有肥饒 風皆淳厚

中宮鎮 古鎮城南五十里地沃民勤 東郭兒莊南營兒西許家莊

旋風店 中宮西南十里地瘠山深民資 柴炭東黑線溝南勞泉北草溝

羅家園 太甲陵南五里南張家莊尹家店 西南道溝北逆肚口東北馬家溝

薛家莊 楊廣寨東南易家莊 北魏家溝湯家莊

出山溝 玉皇嶺西北東南傅家莊石屋南譚家莊 聶家莊西南丘家莊北高兒莊孫家崖

錦陽川路 地宜果蔬 山產柴炭

都泉 中宮東南十五里西門家莊東 南龍崗咬杖石欄東柏崖坡裏

柳埠鎮 巨鎮都泉東十里東北神通 寺湧泉庵西小莊東樞峪

蔡家莊 梨峪內北劉家莊嘗家莊東南武家 栗樹南閻家河龐家莊蔚溝捺池

袁洪峪

齊城峪內北陡崖莊宋家莊東南黃草郎家莊南趙官峪白石崖西南李家莊雞窩

岱密庵

窩舖峪內北懈灘東怪子峪南劉家峪洪山口窩舖三岔昌家莊

龍門

龍門峪內東北葛家莊滴水東吳家溝石妖南紅廟綽溝西南澇峪桃科鎗桿西五家莊

海螺峪

神通寺東東混裏東北井桶峪南乾窪

錦繡川路

土沃山秀民資柴炭

敖兒莊

中宮東十八里東商家莊南孫家莊西稻池路家莊丘家莊楊家窪大佛寺

牛家莊

孤山東三里東蕭家莊東南白草灘西少微莊西北黃崖東北車川鈴鑄山

張家坡

牛家莊東東紙房南黃巾石屋茨子峪北石門潘家廠金剛鑽東北大水坑十八盤

西營

望米臺東二里東磅驛藕池南將軍堂南營西南羅驛西大黑峪擒口雲河

瀆米峪

西營東北南嶺脚莊東苗窩棗林白炭窪西勾脚疇

歷山東路

地亢無水民俗淳樸

龍洞莊

城東南三十里東北老鼠溝漢王峪南鑛材西南上井西中井西北西廂峪下井

東務

東南五十里東北火路高家窪南兩河莊燕鵬窩東南黑龍峪西北西務北牛欄峪

龍灣

東務東南北大澗嶺南石嶺

城西路

地沃土潤民多樸厚

孫家閘

標山西北三里東陳家莊林家莊南畢家窪黃家屯西南侯家莊西盧家莊

劉七溝

藥山西北七里東南魏家莊沙王莊西北蔣家莊東北徐家莊

黃崗舖

藥山西南三里東田家莊東南滕家屯南堤口西南孟家莊西北羊骨

關家營

譚城驛西二里東瓜王莊棗林南五里溝廟王莊東北河套

段店

城西南十五里地沃水淺民治瓜蔬東大槐樹新莊南紅廟西南朱家莊西北小屯殷馬

莊北嚴千戶莊老屯

北灘路

池圃所產魚粳蔬藕

白鶴書院

城北三里東南劉家井南趙家莊西南殷家莊衙閘西北楊家莊邊家莊

董家莊

厲壇東北東柳行頭西南陳家樓西黃家橋邨家莊北尚家莊何家莊

劉家橋

府閘西東王家莊西北段家莊賈家莊

雲莊

老鶴橋東北東水屯南藏家屯東北許家水村

黃臺路

地多嫌白俗尚儉樸

韓家店

黃臺東北西北陳家莊東北菜園洪家園

張家莊

黃臺西東魏家莊西徐家莊北致家莊東北宋家莊

大清河路

居多商賈民倚魚鹽

灤口鎮

古鎮城西北十二里西尚家林紙房桃園東北喬家莊蘆家莊干家莊張除家窩小

街彌陀寺解家莊史家莊邢家渡新開四周家莊張侍渡丘家園老兒灣青錢趙家莊任家岸

灤口南岸

西魯家莊下家莊東北馬家莊趙家莊姬家莊元家莊蔣家莊路家莊張家莊

堰頭鎮

城東北十八里東北傅家莊雲家莊何趙園清河寺陳家園孟家園楊令史渡口秦

家渡王家莊姚家莊澄溝沙灘

嶧華路

地多嫌白俗稱質樸

甜水井 崞山西北五里南時家莊西
王二鎮范家莊北郭家莊

焦家集 崞山北十里東車王莊
南吳家莊西南孫家莊

八里莊 崞山東北五里東杜家莊
南趙家莊西南陳家莊

倪家莊 華不注西北八里南馮家
堂西王家莊北韓家莊

香王店 倪家莊東北四里南
劉家莊西北胡家莊

懷家窪路 地近廣斥
俗尚儉樸

史家塢 腰頭東北二十里西南程家莊西蔡家
莊西北鄧官寨北曹家莊東北范家舖

孫家鎮 鄧官寨西三里東南崔家寨南姚趙家店
薛家營西北路家寨東北油房趙家莊

清寧寺 鄧官寨西北四里東南牛家莊西李
家莊萬家莊西北崩家莊謝家莊

大柳樹 任家岸西南七里東周家
莊北王家河溝猪毛店

韓家莊 史家塢北東趙家莊西
萬家莊北黑槐劉家莊

丁家屯 懷家窪中南雙廟西南姚
家店西祝家莊張公店

吳波店 丁家屯西南東北谷家
莊南靳家莊西楮家營

小寨 焦家集西北七里東邢家店西
北盧家莊孫家莊東北高家莊

宜涼店 路家店南三里東尹家店東南賈家
莊南徐家店北魏家莊東北董家莊

孔家莊 彌陀寺北四里西南
孟家莊西北崔家莊

衢市

歷下衢街透迤市廛布列采而志之余創也烏衣



巷口王謝貽名柳市南頭右丞訪隱躡屨近晏嬰
之市車馬喧雜陽之街王政辟塗有司治市殆亦
政之大者哉是曷容以無紀

街

南門內大街

濟南府大街

東為歷山頂

東門內大街

按察司街

西門內大街

會波街

北門內

布政司街

賈廛錯列亦歷下之莊嶽

衛前街

南門西顏中丞繼祖重修

府館街

東為榜柵後

南三府街

舜廟東

百花橋街

德府後

北察院街

鐘樓寺街

學道南寺毀樓存俗仍其名

嵒華橋街

塔行街

縣東

四牌坊街

布政司東

太平寺街

西門內北又北為小倉

靈官廟街

布政司西

南門外大街

南關大街

東東嶽廟西山水溝

趵突泉大街

西抵捍石橋又西靈官廟乃西南孔道

東門外大街

東府孔道

後街

東門外北北縣孔道

西門外大街

丁字街

西關又南為城頂

菜市街

西關北為北小門迎仙橋西北孔道

廣會橋街

趵突泉北



土街 長春觀西 又南斜街

司街 南為所街又南半 邊街東南為捨房

巷

衛巷 濟南 衛西

杜康泉巷 舜廟 西

番官巷 寧陽 府東

尹家巷 縣治東又 南為倉巷

城隍廟巷 尹巷北又北 為五喇麻巷

胡千戶井巷 縣治 北

苗家巷 東門內 迤南

石灰巷 北察 院東

二郎廟巷 兩隅頭 西北

茶巷 府學 前西

貢院巷 四牌 坊北

劉皇親巷 布政司 街路東

總憲坊巷 布政司 街路西

高都司巷 太平寺 街東

券門巷 南 關

孟家巷 東 關

船巷 西門外世 名東流水

五龍潭巷 船巷 西

篋子巷 西門 外南

剪子巷 篋巷 西

神堂巷 剪子 巷西

大庵巷 長春 觀前

曹家巷 廣會橋 東北

養濟院巷 城頂 西

柴家巷 丁字 街西

太湖石巷 柴巷 西北

冉家巷 郝家 巷東


郝家巷 柴巷 南

乾麪巷 東西二巷 俱萊市北

禮拜寺巷 城頂 南

豆腐巷 東西二巷 俱路矣東

倉巷 城頂 南



營

東營

東轡 開東

西營

馬跑 泉東

後營

東門內北昔 爲武場故名

南營

武場西皆南兵所 居亦各小教場

回營

捍石橋東皆 色目人所居

市

糧市

丁字街輜輞雲集貿易無 虛日南東門外皆遜西市

菜市

迎仙 橋東

菓市

東門外然菓 店獨盛於西

藕市

五龍 潭南

柴市

廣會 橋西

炭市

三關有六 西居其四

石炭市

三關 各一

筐市

訂字 街北

馬市

城 頂

集

龍山

中宮

灤口

堰頭

柳埠

老僧口

王舍店

神武

十里舖

遙牆

田家莊

西營

梁家莊

填子屯

沙河

董家莊

潘家馬頭

唐王渡口

鴨王口

營裡

橋頭

劉良務

李官莊

石家鎮

索家馬頭

侯家集

何趙圈

韓家馬頭

鄭深馬頭 傅家莊 焦家集 史家塢

孫家鎮 清寧寺 牛家莊 魏家莊

驛舖

濟南屬皆種馬歷以衝煩特免獨是東西二驛疲於奔命既往既來使我心疚自昔而已然矣王季木云周道蕭蕭仍古驛幾人能誦小東詩蓋傷之也至於書院移為郵亭遞舖儻為民舍君子過之不能無餼羊之思焉

驛

譚城馬驛上衝府轄而應役多出於歷 正馬三十 二匹歷城

編驢十頭鋪陳銀五十八兩俱歷城編支銷銀三十兩歷城編省城駐劄衙門坐支銀一千四百七十兩歷城等十三州縣編崇禎戊辰呂令公黃鍾白上臺攤派闔屬民力稍蕪至今德之
龍山馬驛下衝 正馬十五匹副馬十三匹驢六頭 內撥副馬四匹驢一頭幫章丘走 遞車夫五十名內徵銀夫十名該縣貯庫以上 章丘鋪陳銀十八兩歷城編庫子二名歷城編 內摘銀十二兩編僉鋪陳庫子一名館夫二 各長山編支銷銀二百三十一兩歷城編

舖

總舖 布政司前鼓樓下內有亭結構奇特時匠不敢更修今門垣頽廢矣司二名兵十八名

七里舖 城東七里司 一名兵四名 八澗舖 城東十二里司 一名兵四名

王舍店舖

城東三十里司 一名兵四名

韓倉舖

城東四十里司 一名兵四名

郭店舖

城東五十里司 一名兵四名

十里舖

城東六十里司 一名兵四名

龍山舖

城東七十里司 一名兵四名

平陵舖

城東七十五里司 一名兵四名

九里山舖

城東北三里司 一名兵四名

堰頭舖

城東北十八里司 一名兵三名

張侍舖

城東北二十五里司 一名兵三名

葭莊舖

城東北三十里司 一名兵三名

五里舖

城西五里司 一名兵六名

匡山舖

城西八里司 一名兵四名

段店舖

城西南十二里司 一名兵四名

歷城縣志卷三止

歷城縣志卷四

邑人葉承宗撰

建置志下

壇廟 宮室 門坊 津梁

壇廟

稽古祀事法施於民者祀以勞定國者祀以死勤

事者祀能禦大災者祀能捍大患者祀賢夫山林

川澤之屬法皆得祀歷下正神載在祀典固揭日

月而行它如民間私相尸祝似當從梁公之毀第

國殤山鬼靈均不遺貝闕玄宮騷人攸憇曷容沒

哉備紀之以志其盛

壇

社稷壇

德府前西壇南
向祀國社國稷

山川壇

德府前東壇北向祀境內山
川風雲雷雨旗纛城隍諸神

郡厲壇

城東北一里今圯稽考
舊典蓋郡大夫主其祀

五龍壇

西門外有龍潭禱雨多應建宮祀之張兵
憲鶴鳴重修崇禎庚辰中丞王公謀修

廟

文廟

府庠在府治西北縣庠在縣治東齊乘云宣
聖廟在憲府東大明湖上有宋崇寧賜辟雍

詔大觀御製政和手詔
三碑在焉詳見學較志

東嶽廟

南門外廟制宏敞中祀東嶽泰山之神東
祀碧霞西祀文昌兩廡列諸冥曹諸祀咸

備宋元皆有碑記朔望焚
香如市已卯盡燬

城隍廟

縣治東制極闕麗森聳嘉靖壬戌重修殷
太保記天啓丁卯焚太守時英重修己卯

燬庚辰住持羽士張仁善募
化重修諸上臺捐俸助其役

舜廟

南門內宋元豐間修天順間重修亭上薛瑄
記崇禎壬申火朱公大典命貴令養性重修

武廟

武場
內東

漢壽亭侯前將軍關公廟

歷下崇祀以數百計志
載德府後籤芟之靈

則西瓮城內法像之古則東郊外名勝之地則
馮跑泉蜜脂泉餘如欄頭唾口公署城廳不可
枚舉萬曆末年名號不經
今按祀典仍稱其舊云

八蜡廟

通志載南門外後廢張令鶴鳴創建
於東郊淨居寺傍
以上載在祀典

北極廟 北城內迤西大明湖上祀玄武亦以名臺朔望婦女多辦香於此

玄帝廟 德府內

晏公廟 北門內晏公水神上臺下券乃會波晚照所繇名也

三皇廟 城外東南隅響開迤南

火神廟 南門外崇禎壬申十二月廿一日大火二日士民祈禳雲集 德藩重修制復峻麗

張仙廟 北極廟東一在嶽廟後一在龍潭西 金星廟 城東朱家橋西

藥王廟 酌突泉西萬曆末孫方伯承榮建 星宿廟 南門外萬曆末德府創建

黑虎廟 東南城濠上懸崖下泉滙為池廟翼其上其一在鵲華橋西

速現司廟 西關驢市北內祀張桓侯包孝肅廟前有坊

郭巨廟 城西南里許 二郎廟 東門內兩隅頭西北

靈官廟 布政司西東向遙與關廟對

祠

啓聖祠 府庠在大門內東縣庠在大殿東北 文昌祠 府庠啓聖祠東縣庠移奎樓上

名宦祠 鄉賢祠 府縣庠俱在二門外西

閔子祠 縣治北張令翼明建 張文忠公祠 布政司街祀張養浩

七忠祠 西門內祀建文死難臣鐵鉉陳迪胡子昭平安高巍王省鄭華萬曆間黃中丞克纘

黜平安躋丁志芳周學憲應治贊陳公瑛記崇禎庚辰蔡廉憲懋德丘司理祖德宋令公祖法

重修



薛王二公祠

水面亭前祀提學薛瑄甲子壬

許公祠

水面亭東祀尚書許達先令樂陵禦劉六

之難贈禮部尚書謚忠節因有功東土

崇正祠

華不注山下舊為華陽宮嘉靖十一年袁

祀之後裔齊河令重修以上有司致祭

丑父閔子騫兩廡配鐵鉉等二十二

曾鞏祠

年巡撫趙公重修祭竟

朱公祠

千佛山半崖知齊州事歷下山水多所題

遺愛祠

詠民懷其德肖像祀之有正統間碑記

閔子祠東祀巡撫朱公衡江西萬安人嘉

靖千辰進士陞少司空有坊曰高山仰止

黃公祠

運司西祀運使甘公一驥

李中丞

趙公祠

西門外祀兵部尚書黃公克纘在鎮十三

王公祠

年地方安靜祀之後堂因祀李中丞同芳

曹方伯祠

譚城驛西祀曹方伯爾禎

征蓮之役措餉著勞崗山兵敗陣亡家屬親詣吊恤軍士感泣遷戶部尚書

李太守祠

譚城驛東祀太守李公天經蓮妖亂時

吳令公祠

譚城驛西祀吳令公阿衡因蓮妖時守城有功

朱公祠

大明湖上祀朱中丞大典平東有功遷督

鳳陽立祠祀之壯麗宏敞大為湖上生色

李義士祠 嶽廟內東祀義士李端以家資修東嶽廟且素行直方乃十鱗祖也

張公祠 西關舊天王寺內祀右都御史張公鼎呂令公黃鍾重建

宮

二妃宮 舜廟西祀舜妃娥皇女英張起巖記 碧霞宮 行宮以十數以德府後為古

靈虛宮 龍洞 華陽宮 華不注下四帝所居殿宇軒敞

迎祥宮 舜廟北祀三清朱元豐間童亥子修真處元張起巖記永樂中重修崇禎己卯火

凝碧宮 西門外五龍潭 玉函宮 玉函山

玉皇宮 五龍壇西蔡公懋德重修移門南向 海山宮 武場東北

青帝宮 南三元宮西 三元宮 圓通寺西在柴家巷

蟠桃宮 馬鞍山上

寺

太平寺 西門內孝感泉北勝國重修崇禎庚午重修

正覺寺 舊在府城內名曰開元院正統間勅賜藏經成化間移舜圍門 國初更名鎮安

外始易今名崇禎壬申火藏經雖燬大雄殿獨存僧綱司今在其內

華林寺 正覺寺東唐天寶十年建與正覺同日災亦存正殿

神通寺 柳埠東五里皇始二年建元那天祐記

興國寺 舊名千佛寺在千佛山上唐貞觀建石崖皆鑄佛像成化四年重修

開元寺 大佛頭巖下宋建炎三年重修嘉靖二年重修今圮



鐘樓寺

府治北僧綱司舊在正覺寺成化間移於城內鐘樓之側建佛殿藏經殿為別院因

鐘樓
遂名

圓通寺

距突泉西成化間尹恭簡修建

水月禪寺

北門內東觀音晉天福建

聖泉寺

完備山前在北薄蘿泉

大佛寺

八達嶺下寺去嶺三里佛去寺七里

淨居寺

東關外肇于宋燬于元重興于明

安閣寺

譚城驛東北一名草寺國朝建

月陽寺

黃臺山上國朝建

栢山寺

展村西至正間重修

回龍寺

王舍店西相傳唐太宗征高麗時建

興龍寺

王舍店東北隅相傳唐太宗建

雲臺寺

桃花嶺東一名天井依澗築臺依臺築寺下有甘泉石閣重重蓋盛夏無炎暑者

洪福寺

中宮東天福間建

清寧寺

城東北五十里中統間重修

朝陽寺

城東南六十里宋大中祥符初建

南泉寺

中宮東南至元重修許邦才記

九塔寺

齊城峪唐大曆重修許邦才記

福聖寺

梁家莊

觀音寺

祝店一在顛柳庄一在鴨王口

釋迦寺

堪子屯東一在小官莊

三教寺

韓倉一在殷千戶莊一在小周莊

傅家寺

程家巷東

興福寺

高橋一在橋頭一在大新莊

丈八佛寺

溫家莊

會仙寺

平陵城東一名東窪寺宋建元修

白雲寺

方山寨前

延真寺

龍山鎮古為太清觀

萬福寺

在新店

清河寺

河趙園東北元修

雷音寺

史家塢一名釋迦院宋建元修

真容寺

藍家莊東元修

宗教寺

懷家注東

彌陀寺 堰頭西北一名陡崖頭寺元修南瞻華
不注東遶大清河賈艇漁舟時泊寺下

龍泉寺 唐王道 崇寧寺 孫家關西一
口元建 有任家岸

永平寺 卧牛山肇于金燬 陰泉寺 城東南
于元成化重修 龍門峪

法雲寺 隱士峪建自永徽初廢于 萬曆末寺前舊有雙檜

塘頭寺 神武西南寺前一塔有開 元九年字塔東即倘豆泉

醴泉寺 中宮南一名四 普門寺 道溝內崇禎十
合至正重修 年張洪重修

玉泉寺 龍集山巔一 興國寺 任家岸
名果老庵 河東

藥師寺 在權富庄 華巖寺 馬帝峪元
萬曆間建 建今廢

報恩寺 樂 毘盧寺 田家莊一
口 在曹家館

萬善寺 蜡山下崇禎乙 香山寺 泉瀟一名
亥僧司彬荆建 甘露今廢

干安寺 黑山寨東 崇興寺 湯家寨
為今廢 西今廢

渴馬寺 西渴馬莊崇禎初 慈氏寺 遷建武后建
重修亦名玉泉 嘉靖重修

羅家寺 文昌閣山前 鄉義寺 黑龍峪
成化間建 西頂

聖水寺 東務鷄山下今廢 止一石礎猶存

興教寺 箭桿裡 中統建

般若寺 東佛 蛟內

院

崇佛院 千佛山下崇官廣宇勝壓 嗣祠每當令節士女如雲俗各下院

卷四 友聲堂

黃桑院

龍山東北一方巨刹

十方院

南門外萬曆甲辰建

華巖院

在南寺庄至元間重修

梵音院

龍山鎮國朝建

壽聖院

龍洞北崖山如疊甃峯若城壙崖間有金刻勅龍洞壽聖院六大字為蕪軾所書下

有寺即

古院也

平臺院

老僧口西南元修

汀溝院

沙河朱家橋東至元修沙門智澄記

升果院

董家莊至元重修

禪靜院

龍山鎮北建於後唐始名新禪後名中禪宋治平初名禪靜尹敬止記

彌陀院

老僧口路東國朝修

佛堂院

杜家四戶境最幽僻

大聖院

老僧口路西元修王繪記

普光院

老僧口

觀

岱嶽觀

南門外嶽廟東大德重修

紫微觀

柳埠今廢

長春觀

西門外丘處機修真處殿後平地一洞蜿蜒數十里今沒入民家一名大庵

白雲觀

鞏村元至元重修

太微觀

中宮東一名柳泉觀

林泉觀

太微觀北一名弔枝庵

太清觀

龍山鎮南

丹陽觀

一名大庵馬冲和修真處至元年建

洞真觀

展村今廢

永興觀

柳埠東南大定重修今名岱密庵

棲霞觀

龍山鎮南

玉虛觀

左家莊

庵

水潮庵

趵突泉東高臺聳峙踞山水之勝內祀觀音大士額曰水月清境亦曰金地院

湧泉庵 柳埠東百尺飛流千
章古木李于鱗有詩

雲水庵 道溝內
今廢

皇姑庵 都泉上石塔
有開元字

白衣庵 水月
寺西

天壽庵 史家塢嘉
靖間建

菩薩庵 柳埠
東

八僊庵 馬跑泉東
西營南巷

彌陀庵 姜家
莊

廣勝庵 小教場萬
曆間建

淨業庵 一名雙橋寺在壇
闕北萬曆未建

朱老庵 荻子
峪

廣嗣庵 速現
司東

殿

十王殿 城西隣却天啓崇禎間歲有
增修香火甚盛一在東關

三清殿 千佛山曾公祠北有
天順間碑記今非

堂

學聖堂 德府
宮門西

三教堂 水峪
內

五聖堂 八僊
庵東

宮室

唐宋遺跡烟草同沉然山水不殊亭臺相望今茲

所錄皆魏煥奇觀靈秀勝境其它圯廢別載古蹟

則中蓋嘗論之經始不如緝故飾觀不如存景卽

如一會波晚照也尹亭改水而塞其券劉園擴地

而侵其基遂使此景竟歸烏有景云亭存亦復何味况夫華峰抹黛徧與香火之祠酌水澆輪盡失翰墨之舊曾子固能不笑人也哉



殿

承運殿

德府大殿

存心殿

德府後殿

宮

正宮

西宮

西宮

東宮

東宮

齋宮

東長安街

堂

孝友堂

淵澄閣後

正巳堂

撫院

紫薇堂

布政使司周公應期重修

四栢堂

按察司賓館東今燬

敬事堂

府治

喜聞堂

府賓館

堂

水玉堂

按察司蔡公懋德建改名欽恤

經濟堂

都司季公國祚重修

來鶴堂

府治後蔡太守景記

孚惠堂

運司

和羹堂 運司賓館

牧愛堂 縣治已卯燬 庚辰宋令公祉 法重建有王公象晉訖見藝文志

大賓堂 縣賓館宋公重建 改名虛受 明倫堂 府縣學

至公堂 貢院已卯燬 諸臺重建 閱武堂 武場上標 曰建牙

精一堂 歷山書院

講孝堂 舊閔子書院邑人 劉富平勅改今名 君子堂 水面亭

玉壺堂 平地湧出白玉壺 有詩

叢桂堂 小淇園中王 中丞見賓題 六戒堂 殷學士宅

見五堂 周侍郎宅 合敬堂 韓觀察宅

深柳讀書堂 金縷泉亦名來雲館 予取曾子固詩改水綃堂

廳

射圃廳 府庠東今為樊太守 碑亭縣庠在奎樓北

館

聞韶館 鐘樓左今人 占為私居

鮫人館 五龍潭東岸下 瞰深潭陰雨魚龍出沒 時發光怪張令鶴鳴修崇禎庚辰重修

陽春館 東關劉富 平勅建 圖雲館 伊人館南趙刺 史廷璽精舍

伊人館 三娘子灣陳文 學治策書舍

閣

御書閣

德府後樓

淵澄閣

珍珠泉上

崇制閣

郡庠宏麗尊巍屹然大觀登是閣也俯瞰峭橋傍覽明湖一收烟雨之勝惜將圯壞

尊經閣

縣庠天啓壬戌吳令公阿衡建崇禎己卯燬

虛明閣

提學道內

文昌閣

大佛山前徐方伯元氣建萬曆末廢

呂僊閣

距突泉上張運使光奎樊太守時英呂令公黃鍾建

白鷗閣

北門內孟觀察醇建劉富平勅易今名已卯易主

樓

鐘樓

提學道南舊為鐘樓寺成化年建

嚴更樓

布政司門東舊名譙樓後改今各內有銅壺滴漏崇禎己卯毀

存公樓

都察院內巡撫劉公節建崇禎丙子火災辰改建新樓

仰泰樓

布政司後崇禎壬申火

府後樓

崇禎丙子火陳半刺虞胤重修

明遠樓

貢院至公堂前

奎樓

縣庠異方陳令公采建

超然樓

水面亭後樓頭一望十星湖光盡在目中己卯火

白雪樓

李于鱗白雪樓一在鮑山下一在碧霞宮西後皆圯廢萬曆間嶺南葉公因於第一

泉間


另構傑閣臨水眺山獨居奇勝

瞻泰樓

布政司街許殿卿宅與李于鱗倡和處

洪家樓

城東南七里洪侍御別墅後為殿霍山象賢書樓崇禎己卯易主



孟家樓 北門內會波街
孟觀察醇建
耿家樓 煙雨亭西耿
郡丞昭築

齋

燕居齋 德府淵
澄閣後
墨香齋 水雲
居內

亭

彰善亭 按察司街東西相對嘉靖五年
瘴惡亭 建內有
勸農亭 四郊各一呂中
承純如建今廢

泰重修已卯燬
遂為瓦礫場矣

敬一亭 城西五
迎恩亭 里

中規亭 府學前方圓異製樊太守時
中矩亭 美重修顏以此名今廢其一

白雲亭 淵澄
閣西
濯纓亭 濯纓
湖南

翫月亭 淵澄
閣西
南薰亭 舜廟後崇
禎王申燬

後樂亭 布政司內楊
方伯守禮建
觀風亭 華陽
宮左

御箴亭 按察司堂前
蔡公懋德建

天心水面亭 鐘樓北大明湖上元學士李洞讀書
其中後同學士虞集燕侍元主談及

濟南為天下湖山之勝李洞以
亭對帝令虞集記之見藝文志


觀瀾亭 趵突泉上天順五年建邢子愿改為漏
輪亭取水經注水涌如輪句舊額俱毀

來鶴亭 趵突泉來
鶴橋北
漱玉亭 趵突泉玉壺堂
後貴令改噴玉

賓華亭 千佛山上與華
不注對故名
霖雨亭 五龍潭內黃
中丞克纘建

烟雨亭 鵲華橋西孟觀察醇所構其臨水者曰濯
錦亭北向湖心見華山如筆卓蒼翠逼來

卷四 官室 友聲堂



直堪挹取去此亭四五步華岫便隱去不得
復親明湖華山得兩兼者城中無二地也

一竿亭 大明湖內西

問水亭 小淇園內

浮網亭 水雲居內 邢公侗題

冷香亭 小淇園內

問山亭 王季木購城中 白雪樓故址建

芙蓉亭 韓觀察應元宅芙蓉池上

如斯亭 川上

水雲亭 布政司西北

滿歌亭 府庠樊太守碑亭

松亭 王文學瑞園內

一覽亭 千佛山石巖下 額曰塵飛不到

邃香亭 南關

劉家亭 小淇園北聞小淇園亦劉氏園也後歸趙氏止餘一亭今淇園廢矣而劉亭猶在

園

小淇園 大明湖中趙司農世卿建

三瑞園 東關劉富平勅家

逸老園 鵲華橋東周侍郎繼置

臺

北極臺 大明湖上北倚城南 觀

釣魚臺 黑虎泉前面懸崖高峙俗傳太公垂釣處一在渴馬崖

鞦韆臺 泰山後

仙臺 城南四十里相傳漢武望仙處

門坊

旗臺 鴈鵬窩南 慕容德置

原夫懸金識書於呂相環橋賭教於漢明過闕覘

敬於蘧爰門所繇志也若夫棹楔之設表厥里宅
向也瞻坊而思其人今也覽冊而思其坊矣可勝
慨與

門

櫺星門 府縣

聖門 縣庠

橋門 縣庠明倫堂前

歷山門 原名舜田城南門

齊川門 城東

滌源門 城西

會波門 城北水門曾子固有記

轅門 武場

端禮門 德府正門

體仁門 東

遵義門 西

廣智門 北

祠坊

海岱文樞 府學文廟前

泮宮 縣學前

德配天地 道冠古今 府學文廟左右


江漢秋陽 金聲玉振 縣學文廟左右

大孝格親 重華協帝 舜廟左右

山川壇 社稷壇 俱德府壇內

碧霞駐節 碧霞宮前 霖濟蒼生 五龍宮前南為靈應龍宮

蓬山舊蹟 來鶴橋上 高山仰止 朱公祠



昭代大儒 薛王祠前

署坊

欽承上命世守齊邦 德府前

遵訓守禮 謙恭孝義 德府左右萬曆末

督撫軍門 撫院東額後題文武為憲額中丞改文經武緯今復舊

齊魯總鎮 海岱長城 軍門左右額中丞改清勤表吏敬簡臨民今復舊

肅寮 貞度 按院左右 振肅 激揚 北察院左右

海岱雄藩 布政司前 保障東土 布政司街南

旬宣 康阜 布政司左右 弼教 貞度 按察司左右

節鎮 都司前今改齊魯專閫 都閫分司 塔巷街

齊魯文衡 提學道前 至道坊 提學道南

敬敷文教 樂育英才 提學道左右

東藩首郡 濟南府前 觀光 論秀 貢院巷南北

貢院 額俊 掄材 貢院前 總局 縣庠東

皇華駐節 譚城驛前 湖山嘉境 水面亭南

趵突泉 泉大門外 稅課司 都司西

歷山書院

縉紳坊

卷四 建置 門坊 友聲堂



黃堂宣化

薛理

兩京總憲

布政司街都御史張彝

元老 世臣

尹旻尹家巷

金榜題名

張善

黃門給事

張良弼

進士

陳謨

海內文宗

李攀龍

五馬 三鳳

共一坊周導南門內

青雲接武

賈峻

方岳

祝壽

都憲

黃臣

進士

徐暹

世科

劉天民字街北

亞元

崔森

進士

劉天民

青山心遠

陳明按察司街

父子禮元

殷衡

進士

劉汝松

海岱精華

谷繼宗按察司街

太史

范瑟

翰林吉士

趙繼本

濟美

金城

父子進士

張嵐及子志

解元

徐承祖

豸史

江濬按察司街

世恩坊

潘相等

雙壽四封

周六學東門內

總理糧儲提督軍務

周繼

黃閣調元

天恩褒贈

殷士儋石坊二西門內

上黨分藩

韓應元捍石橋內

罔卿

于鯨藹市

西秦方岳

董元學萊市

登科

張鑾府東

宮保太宰

海豐楊巍石坊按察司街北

登瀛

孟醇

熙朝名輔

聊城朱延禧南門內

榮恩誥贈

王鏡

三齊文獻

劉勅

五馬恩綸

劉檄共一坊東門外

四碑坊

四科進士

造士坊

歷科貢士

百歲坊

濟陽李希周曾拾遺金復還失主當事義之年又百歲故為建坊於撫院東

津梁

會城百泉深注雙河環縈加以山雨興潦奔湍激

射非如澤國鮫鄉崑資杭葦是故杠梁利涉則有

橋舟楫待濟則有渡築堰以為隄防則有壩設版

以時蓄洩則有閘類而次之非徒詩思資於霸陵

麗情縈於桃葉將有杖藜弗迷於東過而執輿不

阻於知津者矣

橋

鵲華橋

古名百花橋元易今名遂以百花名其南橋齊乘曰橋在大明湖南岸橋側有元大

書大明湖石碑

灤源橋

齊乘曰灤源橋在城西蕪子縣有記

廣會橋

城西南跨踞突泉下流

百花橋

鵲華南兩橋相望中為百花洲

會波橋

北門內明湖之水悉出其下

興文橋

府庠前芙蓉泉水經流其下入泮池

迎恩橋

迎仙樓下正德十五年建

旱石橋

西關跨錦纏溝嘉靖元年重修

宗家橋

會波街

來鶴橋

約突泉白雪樓前樊太守時英建

洪濟橋

齊川門外

黃崗橋

城西五里嘉靖十二年袁中丞宗儒用有司議開濬黃崗廢河自匡山鋪經長清界

抵段店華家口諸水溢塞處悉疏掘之達于鹽河以涉岱陰濟樂暴雨泛漲乃因匡山西廢橋

甃石新之又建板橋于

西南河津教諭王僕記

柳陰橋

城東柳行頭昔有虬仙報一舉子云柳陰橋上定分明揭榜日行至橋上遇報始知

此為柳

陰橋

劉家橋

東流水西北龍潭諸水出其下

普濟橋

韓倉店

昇仙橋

紅廟

錦陽橋

姜家庄

永濟橋

中宮鎮

通聖橋

神通寺前

嶽廟前橋

火神廟橋

新橋

梁家橋東南天啓三年建

梁家橋

南門外西

聚秀橋

井家溝

老鸛橋

劉家橋北府闌之水出其下

姚家橋

東嚮闌東

勝濟橋

老鸛北五柳之水出其下

朱家橋

沙河北

三空橋

北壇北錦纏下流俗呼此名

天生橋

姚家橋東

滙川橋

約突泉東山水溝天啓間土人築之不足跨水北流徒令行人不便耳

夾河小橋

約突下流至廣會橋分之以殺其勢下復合入城濠洗鉢馬跑之水自東南來

會亦一幽勝奈皮

工燠竈減却風味

闌

永清閘

城西北一名衛閘西城之水繇此出

廣濟閘

邊家莊前一名分水第二閘也

聽水閘

標山西北永清五柳之總閘也

護城閘

城河東北一名壇閘嘉靖初建

新閘

何家莊東護城第二閘

利田閘

黃臺山前護城第三閘

平水閘

利田閘東護城第四閘

斜河閘

平水閘東北城河第五閘

呼雷閘

斜河閘北城河第六閘

崇正閘

華不注前城河第七閘

廣惠閘

利田閘西天順四年中丞年公富建教諭傳鴻記閉則東城之水經利田達崇正開

則西入五柳矣旱澇蓄洩全係于此亦名縣閘

五柳閘

廣惠閘西

東響閘

城東南隅所以蓄黑虎諸泉之水也

西響閘

城西南隅蓄馬跑諸泉之水也

柳林閘

華不注後俗呼咎家閘

小新閘

黃臺山前

韓家店閘

城東北十二里成化間開濬小清創設此閘以候蓄洩

蔡家閘

沙河灘以上二閘俱存河則淤沒矣

老僧口閘

老僧口

龍灣閘

四風閘

巨門閘

俱在城北成化十一年建

壩

二里壩

城西二里距突泉南延袤二里餘夏秋南山諸水暴漲捍之使西下達錦纏溝今雖

漸圯遺石猶存及時修之為費尙小因循不治此堤一潰約泉數百家必受漂沒之害矣

渡 按橫水而濟曰渡自濼口南至堰頭北無慮數十然不盡以渡名故類及之

丁家道口

馬家渡西

馬家道口

尙家林西

尙家林

濼口西

灤口 城北十二里大清河口原設濱樂分司係磋商會集處蓋自昔稱巨鎮云

蕪家渡口 灤口東 牛家渡口 蕪家渡東

張除家窩 牛家渡東 小街渡口 張除家窩東

堰頭 小街東 邢家渡 堰頭北

新開口 邢家渡東 張侍渡 今名張水渡口新開口東

庾家渡口 張侍渡東 老兒灣 庾家渡北

東河頭 史家塢東 楊柳渡 東河頭東北今名楊令史渡口

秦家渡 揚令史渡口北 任家岸 秦家渡北以上大清河要津

孫家閘 柳塘河東 柳林閘 華不注北

王家閘 柳林閘東 填子屯 王家閘東

船柳渡 填子屯東 四風閘 船流東

橋頭 四風橋東 張家圈 橋頭東

溫流關 張家圈東 老僧口 溫流關東

聶家馬頭 老僧口東 韓家馬頭 聶家口東

張家馬頭 韓家口東 薛家馬頭 張家口東

鄭深馬頭 薛家口東 趙官橋 鄭深馬頭東以上小清舊津

唐王道口 全節河西 鴨王口 唐王道口西北以上巨冶要津

余志建置蓋未嘗不廢書而歎也 墮我

名城佳館珍亭半餘焦壁腹田勝墅蕩爲礫場誰
挽明湖爲華峯洗汚哉今幸會城

藩第列署名祠漸次鼎新餘雖猝難槩復惟有禁樵
採以護風氣察遺址以防侵隱夫朔所未嘗不如
保所僅有未幾天運旣轉民力漸饒次第興復以
還勝槩語曰不有廢也其何以興飭其舊而新是
圖予日望之矣

歷城縣志卷四止

歷城縣志卷五



邑人葉承宗撰

賦役志

征徭 方產

周禮冢宰以九賦任萬民司徒卽以保息六養萬民以本俗六安萬民以荒政十二聚萬民蓋重民若此其至也故古人占邑貧富不以財貨而以戶田戶田旣衆庶物迺興是故稽其登耗而邑之贏誦可知也今天下率言財而已矣不知以人爲富顧倉廩盛於比閭吏胥煩於田畷軍戍浮於婦子戰馬脂於耕牛農夫日散而流民多戶田日耗而



盜賊起君子卽欲爲保障不爲繭絲其如軍需何哉歷下十餘年來征繕南疲於蓮妖轉輸東困於旱蝗相仍繼以兵燹民幾靡孑遺矣幸朝廷屢賜蠲恤當事多方綏輯是以鄰壤逃亡接踵而歷民猶安堵也作賦役志

征徭

維正之供無古今一也軍興以來名目不一糧有起存徵有隔現優免曰納加泐曰再端緒紛綸未易殫詰茲惟清原額以正其始稽增蠲以著其變

無事劉子詩曰 寇方交訖軍餉自宜速但願執爰飽寧可食無肉但願長征煖寧可衣無穀烽燧一朝靖敷天皆賜復余亦望其復焉爾

丁

原額人丁柒萬貳千柒百貳拾貳丁

優免生員供丁貳千壹百陸丁

實在當差丁柒萬陸百壹拾陸丁每丁編派壹錢

肆分

崇禎柒年每丁加派銀柒釐叁毫共銀壹萬肆百零壹兩柒錢伍分叁釐崇禎拾貳

年分清查額丁柒萬陸百壹拾貳丁又添上年原優免供丁貳千壹百壹拾丁共柒萬貳千柒

百貳拾貳丁內除殺擄丁捌千捌百伍拾壹丁
實注當差丁陸萬叁千捌百柒拾壹丁共該銀
捌千玖百肆拾
壹兩玖錢肆分

地

原額徵糧地捌千肆百陸拾捌頃壹拾畝捌分壹

釐五毫玖絲

每畝派本色米壹升貳合貳勺壹
抄柒撮共派米壹萬叁百肆拾伍

石伍斗壹升柒合
叁勺貳抄伍撮

優免王府地壹百壹拾貳頃肆拾玖畝肆分陸釐

柒毫柒絲伍忽

崇禎拾貳年分優免壹百叁拾
陸頃陸拾壹畝捌分捌釐柒毫

柒絲伍忽每畝派銀伍分伍釐柒毫玖忽貳微
壹纖壹沙共該銀柒百陸拾壹兩玖分貳釐玖

毫捌絲柒

忽叁微

優免生員地貳百陸拾柒頃伍拾捌畝叁分肆釐

捌毫肆絲

崇禎拾貳
年分暫徵

共優免地叁百捌拾頃柒畝捌分捌毫肆絲伍忽

每畝派銀肆分貳釐叁毫柒絲玖忽叁微柒纖

陸沙玖渺共派銀壹千伍百叁拾肆兩柒錢叁

分壹釐叁毫肆絲壹忽柒微陸纖陸沙

全徵民地陸千捌百叁拾伍頃伍拾壹畝陸分伍

釐肆毫肆絲伍忽每畝派銀伍分貳釐叁毫柒

絲玖忽叁微柒纖陸沙共派銀叁萬肆千肆百

叁拾陸兩玖錢貳釐叁毫伍絲叁忽叁微肆纖

叁沙

崇禎拾貳年分全徵民地柒千貳拾叁頃肆拾肆畝肆分叁釐壹毫柒絲每畝派銀

陸分伍釐柒毫玖忽貳微壹纖壹沙共該銀肆萬陸千壹百伍拾兩肆錢玖分捌釐伍毫柒絲

玖忽貳微叁纖伍沙貳塵

寄莊地壹千貳百伍拾貳頃捌拾壹畝叁分伍釐

叁毫每畝派銀陸分捌釐叁毫柒絲玖忽叁微

柒纖陸沙玖渺共派銀捌千伍百陸拾陸兩陸

錢陸分柒釐柒毫伍絲叁忽捌微伍纖壹沙

拾貳年分寄莊地壹千叁百捌頃肆肆畝肆分玖釐陸毫肆絲伍忽每畝派銀捌分叁釐柒毫玖

忽貳微壹纖壹沙共銀壹萬玖百肆拾玖兩五錢肆分壹釐叁毫肆絲陸忽壹微貳纖玖沙貳

塵

賦

夏稅每畝派麥叁合貳勺肆抄叁撮伍圭玖粟共

派麥貳千柒百肆拾陸石捌斗

秋糧每畝派本色米壹升柒合叁勺貳抄伍撮貳

圭壹粟陸粒共派米壹萬肆千陸百柒拾壹石

柒斗叁勺肆抄伍撮

開荒地共壹百貳頃玖拾壹畝伍分捌釐伍毫共
徵銀壹百陸拾壹兩叁分伍釐叁毫伍絲

夏稅起運

保安州宣德等三倉并趙川葛峪堡倉小麥伍百
玖拾叁石柒斗柒合伍勺貳抄伍撮每石折銀
壹兩貳錢共銀柒百壹拾貳兩肆錢肆分玖釐
叁絲脚費銀玖兩玖錢柒分肆釐叁毫

派剩各馬房倉小麥玖百伍拾貳石柒斗柒升柒
勺捌抄伍撮每石折銀壹兩共銀玖百伍拾貳

兩柒錢柒分柒毫捌絲伍忽脚費銀拾叁

錢叁分捌釐捌毫

光祿寺小麥玖拾肆石本色肆分折色陸分每

折銀壹兩共銀玖拾肆兩脚費銀壹兩叁錢壹
分陸釐

保定府廣盈左右二倉小麥叁百捌石陸斗捌升
本色一半改納折色每石折銀捌錢折色一半
每石折銀柒錢共銀貳百叁拾壹兩伍錢壹分
脚費銀叁兩貳錢肆分壹釐貳毫

永平府山海庫潤白綿布伍千玖百伍拾肆疋貳
丈柒尺貳寸玖分准小麥柒千壹百肆拾伍石
捌斗貳升伍合玖勺肆抄每疋折銀叁錢共銀
壹千柒百捌拾陸兩肆錢伍分陸釐伍毫捌絲
伍忽脚費銀拾肆兩貳錢玖分壹釐柒毫

德州倉小麥本色無麥納米柒百伍石壹升伍合
柒勺柒抄耗米柒拾石伍斗壹合伍勺柒抄伍
撮後款另派外脚價銀貳百壹拾柒兩壹錢肆
分肆釐捌毫伍絲壹忽蓆草銀拾兩伍錢柒分
伍釐貳毫肆絲使費銀貳拾捌兩貳錢陸毫叁
絲共銀貳百伍拾伍兩玖錢貳分柒毫貳絲壹
忽

絲綿折絹叁百捌拾疋壹丈陸尺壹分壹釐肆毫
伍絲叁忽每疋折銀柒錢共銀貳百陸拾陸兩
叁錢伍分壹釐脚費銀叁兩柒錢貳分捌釐玖
毫

農桑折絹壹百捌拾肆疋貳丈貳寸伍分每疋折
銀柒錢共銀壹百貳拾玖兩貳錢肆分叁釐

微

夏稅存留

本府儒學倉小麥貳百伍拾肆石每石折銀柒錢

共銀壹百柒拾柒兩捌錢見

本縣儒學倉小麥壹百貳拾捌石每石折銀柒錢

共銀捌拾玖兩陸錢見

本府廣儲倉小麥叁千肆百玖拾壹石貳斗壹升

叁合捌勺陸抄肆撮肉除本色麥貳千伍百

止折色麥玖百玖拾壹石貳斗壹升叁合

陸抄肆撮每石折銀

捌錢肆分玖釐柒毫伍忽內崇

旨蠲免止編蓆草使費銀陸拾肆兩共伍拾兩捌錢肆分玖釐柒毫伍忽隔

秋糧起運

兌軍價運折色米肆千肆百貳拾石每石折

錢共銀叁千伍百叁拾陸兩盤鞘腳價銀

柒兩貳錢柒分叁釐崇禎拾貳年奉戶部

捌拾肆兩盤鞘腳價玖兩叁錢壹分捌釐叁毫共銀捌百玖拾叁兩壹分捌釐叁毫見徵

兌軍價運本色米肆千伍百石耗米壹千貳百陸

拾石後款另派外脚價銀壹千陸百壹拾貳兩

捌錢輕齋銀叁百陸拾兩蓆草銀叁拾貳兩柒

錢伍分使費銀陸拾兩壹錢捌分肆釐貳毫

銀貳千柒拾伍兩柒錢叁分肆釐貳毫見徵

徵完米石除先運到水次正耗米柒百伍拾伍石叁斗捌升交訖寄囤米陸百陸拾伍石共米

肆拾玖石陸斗貳升焚劫無存屢經題蠲奉

旨將焚劫漕米於拾叁兩年帶徵起解庚辰秋又奉

旨拾肆兩年帶徵起解

德州倉改兌本色米叁千石耗米伍百壹拾石後

款另派外脚費銀捌拾貳兩捌錢蓆草銀貳拾

捌兩伍錢使費銀肆拾柒兩陸錢叁分捌釐捌

毫共銀壹千伍拾捌兩玖錢捌釐捌毫見徵蠲帶如前

運軍行糧作為改兌本色米貳百伍拾陸石肆斗

壹升耗米肆拾叁石伍斗玖升脚費銀捌拾肆

兩見徵供用庫芝蔴伍百壹石捌斗捌升每石折銀貳兩

捌錢叁分共銀壹千肆百貳拾兩叁錢貳分肆

毫脚費銀拾玖兩捌錢陸分肆釐陸毫隔徵崇禎巳卯

拾貳年內奉旨蠲免拾貳月隔徵拾壹年分本色芝蔴一半銀柒

文聲堂

百貳拾兩玖分貳釐伍毫卽於拾叁年太倉芝蔴銀內昭數減編抵解

洗馬林堡倉并新河口堡倉黑豆叁千叁百肆

柒斗壹升伍合每石折銀壹兩貳錢共銀叁

玖百陸拾伍兩陸錢伍分捌釐脚費銀伍拾

兩伍錢壹分玖釐貳毫

隔徵

光祿寺細粟米壹千肆百陸拾陸石柒升壹

勺陸抄陸撮陸圭陸粟柒粒每石折銀

銀壹千肆百陸拾陸兩柒八

釐

忽陸微柒織脚費

派剩米叁拾叁石叁斗叁升叁合叁勺叁抄叁撮

叁圭叁粟叁粒每石折銀柒錢共銀貳拾叁兩

叁錢叁分叁釐叁毫叁絲叁忽叁微叁織脚費

銀叁錢叁分陸釐柒毫

隔徵

御馬倉黑豆叁百石每石折銀柒錢伍分共銀貳

百貳拾伍兩脚費銀叁兩壹錢伍分

隔徵

御馬倉菜豆貳百石每石折銀壹兩貳錢共銀貳

百肆拾兩脚費銀叁兩叁錢陸分

隔徵

萬全都司宣府等二十一衛所官旗折俸布壹千

捌百伍拾疋准米壹千捌百伍拾石每石折銀
叁錢共銀伍百伍拾伍兩脚費銀柒兩柒錢柒

分隔
微

義合倉黑豆叁百肆拾肆石陸斗玖升捌勺柒抄

玖圭玖粟陸粒每石折銀捌錢共銀貳百柒拾

伍兩柒錢伍分貳釐陸毫玖絲陸忽捌微脚費

銀叁兩捌錢陸分陸毫隔
微

湖渠馬房倉黑豆柒拾玖石捌斗貳升柒合玖勺

叁抄陸撮捌圭肆粒每石折銀捌錢共銀陸拾

叁兩捌錢陸分貳釐叁毫肆絲玖忽肆微肆纖

脚費銀捌錢玖分肆釐肆毫隔
微

霸上倉黑豆肆石伍斗陸升壹合壹勺陸抄貳撮

貳圭每石折銀捌錢共銀叁兩陸錢肆分捌釐

玖毫伍絲叁忽柒微陸纖脚費銀伍分壹釐壹

毫隔
微

霸上北倉黑豆伍百柒拾石玖斗貳升每石折銀

捌錢共銀肆百伍拾陸兩柒錢叁分陸釐脚費

銀陸兩叁錢玖分肆釐叁毫隔
微

京庫地畝棉花絨原編捌拾伍斤肆兩捌錢肆分
 耗花拾斤拾兩共花玖拾伍斤拾肆兩捌錢肆
 分每斤折銀柒分共銀陸兩柒錢壹分肆釐玖
 毫貳絲伍忽運價門單共銀一兩柒錢玖分貳
 毫伍絲脚費鋪墊銀壹兩伍分叁釐叁毫隔
 德府嘗盈庫棉花絨陸千貳百肆拾斤准米陸百貳
 拾肆石每斤折銀陸分共銀叁百柒拾肆兩肆
 錢脚費銀伍兩貳錢肆分壹釐陸毫隔
 秋糧存留

本府儒學倉粟米肆百捌拾石每石折銀柒錢共
 銀叁百叁拾陸兩

本縣儒學倉粟米貳百肆拾石每石折銀柒錢共
 銀壹百陸拾捌兩

本府廣豐倉本色稻米肆百伍拾壹石每石折銀
 壹兩伍錢共銀陸百柒拾陸兩伍錢

德府郡王將軍祿粟米除減派外實徵米壹千柒百
 貳拾伍石內秦安輔國將軍折色米捌拾伍石
 每石折銀陸錢該銀伍拾壹兩本色米壹千陸

百肆拾石改納折色每石折銀捌錢該銀壹千叁百壹拾貳兩共銀壹千叁百陸拾叁兩

德府廣受倉本色祿粟米柒百肆拾柒石捌斗捌升

玖合伍勺柒抄貳撮蓆草銀陸兩捌分叁釐叁

毫除減派外實徵正耗米叁百壹拾捌石蓆草

銀肆兩伍錢使費銀陸兩本色改納折色每石

折銀捌錢該銀貳百伍拾肆兩肆錢共銀貳百

陸拾肆兩玖錢以上見徵

本府廣豐倉粟米貳千肆百伍拾伍石內折色米

壹千伍百貳拾柒石每石折銀柒錢該銀壹千

陸拾捌兩玖錢本色米貳百玖拾捌石崇禎拾貳年奉

口蠲

免止派蓆草銀拾叁兩玖錢貳分使費銀玖兩捌錢叁分陸釐捌毫共銀壹千玖拾貳兩陸錢伍分陸釐

捌毫隔徵

本府廣儲倉粟米肆千壹百柒拾捌石壹斗陸升

伍合陸勺內折色米貳千陸百陸石壹斗陸升

伍合陸勺每石折銀柒錢該銀壹千捌百貳拾

肆兩叁錢壹分伍釐玖毫貳絲本色米壹千伍

百柒拾貳石崇禎拾貳年奉

旨蠲免止編薦草銀貳拾叁兩伍錢捌分使費銀壹拾陸兩陸錢陸分叁釐貳毫共銀壹千壹百陸拾肆兩伍錢伍分玖釐壹毫貳絲隔徵

德府郡王將軍減派祿粟米陸百叁拾石內伍百每

石折銀伍錢又壹百叁拾石每石折銀陸錢共

銀叁百貳拾捌兩隔徵

馬草起運

宣府在城草場草肆千伍百叁拾束每束折銀柒

分每兩外加脚價銀貳錢共銀叁百捌拾兩伍

錢貳分脚費銀伍兩叁錢貳分柒釐叁毫隔徵

太倉銀庫草肆萬柒千貳百陸束捌斤捌兩每束

折銀叁分伍釐共銀壹千陸百伍拾貳兩貳錢

貳分玖釐捌毫叁絲脚費銀貳拾叁兩壹錢叁

分壹釐叁毫

居庸倉草肆百陸拾陸束陸斤捌兩每束折銀伍

分共銀貳拾叁兩叁錢貳分壹釐陸毫脚費銀

叁錢貳分陸釐伍毫

雜項以下五項皆近年加派附書志變

加派解司聽用銀壹百伍拾捌兩肆錢捌分肆釐

壹毫叁忽叁微捌纖鞘費銀壹兩貳錢陸分柒

釐捌毫柒絲貳忽捌微叁纖

議解部充
餉見徵

原派均輸米叁千壹百叁拾叁石壹斗每石折銀

捌錢共銀貳千伍百陸兩肆錢捌分鞘費銀拾

兩貳錢捌分

見徵自崇禎玖年加派起先
為四則後改均糧拾叁年奉

旨頒發刊刷大字告示全
為免派永不派徵矣

溢地銀肆百玖拾捌兩叁錢叁分叁釐鞘費銀叁

兩玖錢捌分陸釐陸毫陸絲肆忽共銀伍百貳

兩叁錢壹分玖釐陸毫陸絲陸忽

見徵崇禎拾
年加派起科

鄉宦舉監并吏承優免銀玖拾兩柒錢柒分脚費

銀壹兩貳錢柒分柒毫

見徵

暫徵生員優免銀叁百壹拾肆兩伍錢陸分玖釐

肆毫捌絲脚費銀肆兩肆錢叁釐玖毫柒絲貳

忽柒微貳纖

見徵

驛站

本府供廩銀壹百兩

本府編剩銀壹百貳拾陸兩

譚城驛支銷銀陸拾壹兩

譚城驛馬銀肆拾貳兩柒錢叁分

糧簽銀叁百兩

奉文改抵恩縣應解布政司錄奇兵餉起解

龍山驛支銷銀貳百叁拾壹兩



龍山驛馬叁拾陸匹每匹原舊銀叁拾兩崇禎五

年每匹加銀貳拾叁兩伍錢柒分貳釐伍毫該

銀壹千玖百貳拾捌兩伍錢伍分

原奉撫院明文加派撥馬

工食銀陸拾兩又加馬頭工食銀叁百貳拾兩共銀貳千叁百捌兩伍錢伍分

車夫伍拾名每名銀拾兩

原奉撫院明文加復原裁工食銀伍拾兩共銀

伍百伍

拾兩

抄牌人役工食銀陸兩

幫夫銀壹百兩

以上俱見徵

兵餉

本省兵餉銀壹千壹百貳拾玖兩柒釐柒毫

錄奇兵餉銀壹千壹百陸拾玖兩叁錢伍分肆釐

肆毫

以上俱見徵

福租

歲解銀壹百壹拾柒兩壹錢貳分玖釐柒毫外路

費添搭銀叁兩伍錢壹分叁釐捌毫玖絲肆忽

見徵萬曆肆拾貳年封建立此倉櫃書工食銀
貳百肆拾兩天啓元年巡撫趙公題免加派

鹽鈔起運

京庫鹽鈔銀貳百壹兩玖錢陸釐加帶閏月銀陸
兩柒錢貳分陸釐貳毫脚費銀貳兩捌錢貳分
陸釐陸毫叁絲陸忽共銀貳百壹拾壹兩肆錢
伍分捌釐捌毫叁絲陸忽

鹽鈔存留

司庫鹽鈔銀貳百玖拾伍兩陸錢肆分捌釐捌絲
奉文減派一半銀壹百肆拾柒兩捌錢貳分肆
釐肆絲實徵銀壹百肆拾柒兩捌錢貳分肆釐

肆絲
見徵

遼餉

遼餉銀陸千壹百貳兩伍錢玖分捌釐陸絲貳忽
陸微捌織鞘費銀肆拾捌兩捌錢貳分柒毫捌
絲肆忽伍微壹肆鈔肆陸共銀陸千壹百伍
拾壹兩肆錢壹分捌釐捌毫肆絲柒忽壹微玖

織肆鈔肆陸見徵

均徭銀差

戶部黃蠟銀叁拾兩徵

卷五 征徭 友聲堂

木柴銀叁拾肆兩貳錢脚費銀肆錢柒分捌釐捌毫

胖襖壹百玖拾捌副每副銀壹兩伍錢該銀貳百玖拾柒兩又翰鞋壹百玖拾捌雙改折胖襖貳拾貳副共貳百貳拾副每副外加脚費銀壹錢伍分該銀叁拾叁兩共銀叁百叁拾兩

軍器濟南衛料價銀壹百柒拾捌兩玖錢壹分伍釐貳毫伍絲

軍器加增銀叁百貳拾玖兩陸錢陸分伍釐貳毫陸忽伍微捌纖

柴夫貳百伍拾伍名每名銀叁兩壹錢共銀柒百玖拾兩伍錢脚費銀拾壹兩陸分柒釐

扣解薊鎮民兵銀肆百捌拾兩明加銀貳兩捌錢捌分鞘費銀叁兩捌錢肆分

有馬快手分巡濟南道團操拾捌名每名拾捌兩共銀叁百貳拾肆兩

步隊民壯分巡濟南道團操壹百捌名每名銀拾兩捌錢共銀壹千壹百陸拾陸兩肆錢

步快本府打探肆名每名銀拾貳兩共銀肆拾捌兩

門子 撫院陸名每名銀拾貳兩布政司拾陸名
按察司拾叁名每名玖兩本府拾叁名每名柒
兩貳錢長史司並朝房肆名每名陸兩共銀肆
百伍拾兩陸錢

皂隸 撫院貳拾貳名 按院貳名每名銀拾貳
兩布政司伍名按察司捌名每名拾兩捌錢印
馬察院壹名玖兩陸錢本府壹名捌兩肆錢長
史司貳名每名柒兩貳錢共銀肆百陸拾兩捌

錢

庫子 布政司叁拾名按察司捌名本府貳名本
縣叁名每名拾貳兩共銀伍百壹拾陸兩

禁子 布政司拾壹名按察司捌名每名拾貳兩
共銀貳百貳拾捌兩

祭祀文廟銀壹百肆兩啓聖祠陸兩名宦鄉賢二
祠各叁兩舜廟貳拾貳兩陸錢捌分肆釐閔子
祠肆兩張文忠祠叁兩陸錢厲壇拾兩八蜡廟

伍兩肆錢壹分陸釐歷城高唐二王玖兩捌錢
陸分利津王貳兩貳錢柒分叁釐安陵王叁兩
肆錢伍分玖釐永年王叁兩肆錢伍分玖釐七
忠等祠拾玖兩壹錢壹分捌釐共銀壹百玖拾
玖兩捌錢陸分玖釐

鄉飲銀拾肆兩 歲貢銀拾捌兩

歷科舉人車價銀貳拾捌兩

進士舉人牌坊武舉盤費長夫銀陸拾玖兩

明文加派文武科場灘派銀伍拾壹兩柒錢柒分捌釐貳毫叁忽

原奉軍門

齋郎 德府捌名每名伍兩共銀肆拾兩

民較 寧海王肆名泰安王貳名清平王陸名每

名拾貳兩共銀壹百肆拾肆兩

民厨 臨胸王貳名每名拾兩共銀貳拾兩

柴薪皂隸知縣肆名縣丞主簿各貳名典史壹名
每名拾貳兩共銀壹百叁拾貳兩

馬夫 運司壹名知縣縣丞主簿典史各壹名每
名肆拾兩共銀貳百肆拾兩

齋夫 教諭訓導三員各貳名每名拾貳兩共銀

柴拾貳兩

膳夫肆名共銀肆拾兩

預備 鹽院按臨并各道府進省油燭柴炭銀貳百玖拾兩

雇覓厨子專備撫院貳名每名拾兩在省各道各壹名遇各院奉差官到省每名日給壹分共銀陸拾肆兩

預備上司進省雇覓門子銀柒拾貳兩

預備上司聽事農民肆百壹拾貳兩伍錢

預備上司抄案書手貳百貳拾兩

各院門厨衣鞋拾伍兩 各院修理家伙叁兩

荅應各衙門筭手叁兩陸錢

修府學歲派銀叁兩叁錢

價書工食銀貳百肆拾兩

收麥米里長銀壹百捌拾貳兩 以上俱見徵

力差

守城民壯壹百肆拾名每名銀柒兩貳錢器甲銀

捌錢

內除奉文停役貳名扣銀拾陸兩充餉外實役壹百叁拾捌名共銀壹千壹百肆兩

有馬快手本縣肆名每名工食草料器甲銀貳拾兩共銀捌拾兩

門子知縣貳名縣丞主簿典史各壹名府學教授訓導伍員各壹名縣學教諭訓導參員各壹名兩學文廟各壹名每名陸兩府學啓聖祠敬一亭壹名名宦鄉賢祠壹名縣學啓聖名宦鄉賢祠共壹名每名肆兩較試公署壹名伍兩肆錢共銀壹百壹拾叁兩肆錢

皂隸知縣拾陸名縣丞主簿各陸名典史肆名每名柒兩貳錢

內除奉文停役伍名扣銀叁拾陸兩充餉外實役叁拾叁名共銀貳

百叁拾柒兩陸錢

庫子府學貳名縣學壹名每名陸兩共銀拾捌兩
禁子本縣拾貳名每名拾貳兩刑具貳兩共銀壹百陸拾捌兩

看縣倉夫叁名每名拾貳兩共銀叁拾陸兩

預備倉搬剥銀拾伍兩

內奉文支給本府步快買馬銀伍兩肆錢剩銀玖兩

陸錢備用

弓兵堰頭巡簡司貳拾名每名柒兩貳錢

內奉文停役貳

名扣銀拾肆兩肆錢又除解府首領馬價拾貳兩外剩銀貳兩肆錢解司充餉實役拾捌名共銀壹百貳拾玖兩陸錢

巡攔稅課司陸名每名貳兩其銀拾貳兩

司兵總舖司壹名兵拾捌名每名玖兩西五里舖

司壹名兵陸名筐山段店東七里舖八澗王舍

韓倉郭店十里龍山平陵每舖司壹名兵肆名

司每名柒兩貳錢兵每名玖兩東北九里山堰

頭鎮張侍渡葺莊每舖司壹名兵叁名司每名

陸兩兵每名柒兩貳錢共銀柒百捌拾叁兩陸

錢

撫按兩院燒夫拾名每名肆兩燈夫貳拾名每名

貳兩肆錢共銀捌拾捌兩

看更夫卽橋夫捌名每名拾貳兩共銀玖拾陸兩

燈夫玖拾貳名每名肆兩共銀叁百陸拾捌兩

雇覓燈夫捌拾兩

脚夫樂口批驗所肆名每名陸兩共銀貳拾肆兩

舜廟老人壹名銀叁兩陸錢

抵充本省兵餉銀伍拾肆兩肆錢

本府首領馬匹草料銀拾貳兩

係裁減
弓兵銀

閘夫貳名每名叁兩陸錢共銀柒兩貳錢

以上俱
見徵

里甲夫馬

走遞青夫伍拾名共肆百兩

奉文加復原裁
工食肆拾兩

走遞白夫壹百名共銀壹千貳百兩

奉文加復原
裁工食壹百

貳拾
兩

撫院買辦青夫肆名打傘貳名兩院書手議給青

夫工食貳名布政正堂壹名糧道守道各貳名

經歷理問炤磨都事各壹名提學驛傳分巡道

各貳名經歷知事炤磨各壹名府堂刑廳各貳

名本縣聽差拾名管盒擔拿盒盤子叁名管磁

器壹名管籠壹名打棚壹名貢院壹名樵樓運

水夫壹名每名柒兩貳錢本縣貼監拾名每名

陸兩捌錢陸分打更伍名每名肆兩捌錢二門

外走更陸名每名捌兩肆錢管催遞路官門子

夫壹名伍兩肆錢管催燈夫壹名陸兩共銀伍

百壹兩

各項備募銀壹千陸百兩

走逃馬玖拾捌匹每匹工料銀貳拾貳兩該銀貳千壹百伍拾陸兩奉文准復原裁工食壹百伍拾柒兩陸錢以上俱見徵
額辦公費

分守濟南道小修衙宇卓圍家伙歲派銀貳兩

修補察院家伙傘轎公座圍裙坐褥歲派銀陸拾兩

歲考科舉生童打棚造冊供給試卷花紅紙筆并新進生員披紅旗綵歲派銀壹百貳拾兩

起送會試舉人公宴花紅歲派銀拾兩

迎賀新中舉人花紅酒席歲派銀貳拾兩以上俱見徵

縣用額款

鞭春土牛花杖捌兩貳錢

立春桃符門神公宴貳拾肆兩

各衙門查盤審錄等項造冊紙張伍拾兩

本縣日用薪紅紙劄筆墨油燭正堂貳拾兩佐貳

陸兩教官各肆兩共銀伍拾肆兩攤府教官陸錢柒分

六房日用一應呈上公文并造報賢否循環文冊

紙張封袋青殼等項壹百貳拾兩

派徵錢糧赤曆易知單紙張捌拾兩

造報年終文冊紙張叁兩

孤貧冬衣布花并埋葬銀肆拾伍兩

歲貢生員正副盤費歲派貳兩

修補文廟壇所祭品歲派肆兩

歲貢迎賀旗扁花紅酒席歲派肆兩

審編均徭油燭柴炭榜冊紙張工食歲派肆兩

新官到官修理衙宅家伙正堂拾貳兩佐貳陸兩

教官肆兩歲派拾伍兩叁錢叁分

攤派府學教官貳錢叁分

科舉生員盤費酒席歲派捌拾兩

修理倉監舖舍歲派拾兩

朝覲考滿文冊紙張並搵冊夫歲派肆兩

朝覲官吏盤費歲派貳拾叁兩叁錢叁分

脩葺家伙冬夏卓圍正堂陸兩佐貳貳兩

正佐及六房冬月火炭陸兩

朔望下學講書紙劄捌兩

季考生員供給并花紅紙筆拾陸兩

朔望行香香紙貳兩



刷卷登搭歲派叁兩

押囚官吏盤費貳兩

新官到任祭神并酒席正堂叁兩佐貳教官貳兩

歲派伍兩陸錢陸分

擬府學教官銀壹錢以上俱見徵

雜辦公費

上司獎勵本縣并儒學叁拾兩

修補接遞傘扇拾兩

上司使客薪紅紙筍油燭柴炭捌拾兩

上司使客廩糧下程中火小飯壹百兩

上司按臨下學紙劄貳拾兩

糧儲驛傳提學道冬夏卓圍拾米兩肆錢捌分

元宵節送鑿燈蓮燈紙張顏料工價拾兩

德府千秋各郡王年禮叁拾兩

軍門閱操各用酒席并分閱酒席小飯拾兩

花紅弓箭

銀錢出布政司香稅

按院閱操軍快壯賞賜花紅銀錢及分閱官酒席

小飯捌拾兩

賞官花紅濟南衛備

上司使客卷箱槓架繩蓆并差遣盤費陸拾兩

兩院冬夏卓圍肆拾兩

各院二司各道本府陸續修理衙宇物料匠作工
食貳拾兩

脩置食盒盤籠磁器家伙貳拾兩

本府堂廳新任執事傘轎拾貳兩

通省新官到任并朔望行香合用茶葉茶菓及看
茶人工食肆兩

置造上下鋪陳脩理氈絲圍屏卓圍貳拾兩

峇應舉場各試官家伙下程陸拾兩歲派貳拾兩

養濟院孤貧月糧麥玖拾陸石捌斗

十二年奉
旨蠲免

養濟院孤貧月糧米壹百玖拾叁石陸斗改納折

色每石折銀捌錢共銀壹百伍拾肆兩捌錢捌

分以上俱見徵款開未盡備用銀肆百兩以俟
條款所未盡者如王府鄉宦慶弔各院取

送禮儀陞官批給路費等項一切未
盡事宜支銷如有支剩貯庫備用

方產

禹貢之記青州也曰土白墳田上下賦中上遂繼
之曰厥貢鹽絺厥篚檠絲志所以附土物於賦役
之後也歷雖不產金玉然南方之美者有漢帝之
金杏焉北方之美者有鄭公之碧筒焉西北之美

者有陽起之石焉餘如不知名之奇卉自呼名之
山鳥盡為拈出以資多識其或他方所有而此獨
良他方所無而此獨有乃為標識耳目近物槩存
不論噫坊州杜若悞勞使人黃州菊英致難學士
何至悞食鱉鯉貽爾雅不熟之誚哉

布帛

平機

綿線所織人所嘗服

潤布

較平機稍粗而寬解京成衣所需

小布

較潤布稍短邊塞所市

絹

田婦皆知蠶桑絹成可練為衣

綿紬

練蠶繭而成較絹密而貴

屯絹

近歲多解織此甲官下吏皆服之

絲桌

絲

貴家田婦皆習蠶事

綿

處處有之東北獨多

綵

紅花

染絳

槐子

染黃

紫草

染紫

藍

爾雅曰蓐藍今為澱者是也種有大藍小藍槐藍以石灰和之成質曰靛可染青藍上浮者為靛花清潔者為青黛

黃櫨

染黃

橡碗

染皂

琉璃枝

染綠所需南山多產四方取資有稅

皂莢

染皂

茹蘆

茅蘆也齊人謂之茜可以染絳俗呼茜草

穀

小麥

麥具四時之氣兼有寒溫熱冷之性麥寒麩濕麩熱麩冷色有白有紫白者粒肥而佳

大麥

穗有六稜者為六稜麥露仁者為青穎麥宜飯宜醋藥宜傷有春秋兩名種宜畦中濕地

穀

諺雖云一麥勝三秋然歷人以穀成為大有其名有百餘種

黍

爾雅翼曰以大暑種故曰黍有酒飯二種酒粘飯不粘古人羹飯多言為黍今酒人孔多未免

暴殄佳種矣

稷

爾雅翼曰后稷播百穀獨稷得名糝子曲禮曰稷曰明粢故祀神多需此

稻

杭糯也杭宜飯糯易酒歷雖山城而城北一帶盡屬水田粳稻之美甲於山左

梁

俗云梁穀米可入祀品

稗

玉麥

菘豆

紅豆

豇豆

黑豆

豌豆

初成可為菓稔熟可為飯物甚名貴人不嘗食

大豆

有青黑作鼓用

黃豆

人所習用佐穀之款

小豆

赤白黎黑四種

薏苡

宜飯宜酒

秫

紅白黑三種白者佳與穀相似米粘其莖稈似禾而粗大俗呼高糧

玉秫

色白味美

芝蔴

宜油歷人研汁調羹甚香美

蕎麥

入伏種霜前收可佐二麥之款

蔬

芹

白芹食根赤芹食葉

蕨

南山生三月初生如拳採為茹亦可為粉

白菜

四郊皆有野突泉東上者佳冬月地窖中生者為黃芽

蔓菁

葵

粒紅香軟葉綠滑肥

芋

根可為羹今用為蔬

菠菜

一名赤根菜

韭

春初秋晚兩擅其香冬月窖生者曰韭黃一種山韭其味辛

葫蘆

蘿蔔

根莖皆可食一名蘆菔

紅蘿蔔

形如瓶然亦有白者紅者味辛

胡蘿蔔

色黃味甘亦有赤色者城西獨多

劈藍

黃瓜

春秋兩種西

稍瓜

青白二種早晚異時

西瓜

隨處種之城西村墅尤多

甜瓜

冬瓜

北瓜

類南瓜皮黑無稜近多種此宜禁之

南瓜

茄

水茄

色白津多但宜生食

山藥

一名薯蕷

扁豆

俗名眉豆二種或青而長或白而肥

絲瓜

圃中架植宜羹

蠶豆

形似蠶盤月生

筍

北地竹貴間取佐酒人所嘗食率資南方

蒿苳

俗名生菜

蕘菁

藤蒿

莧

羊肚

柳埠沙濕產之

木耳

山中多產

天花

柳埠以南南產之

香蕈

南山濕地多產

甘露

滴露所生

蘑菇

城東北下濕地多產之

薑

天薺

胡荽

一名芫荽

香菜

葱

近水者甘近山者辛

芥

紫芥作齏白芥入藥

蒜

北門外盈畦按壤獲蒜亦歷人一季之利苔可為茹蓄之亦以御冬

苔子

金豆

長豆角

刀豆

苜蓿

香芋

水芹

似芹多生水傍

金簪

以上俱習用蔬菜

莧

馬齒

秦椒

地瓜

似甘而粗大

白花菜

茅窩

似篔而小多生荒地

馬勃

色味如蕈圓大如瓜生濕地

青薊菜

地踏菰

卽地灌皮

山薺菜

山花

耐驚菜

紫菜

匙頭菜

藜

筆管菜 薔薇 刺野 蓬 黃練芽 即

苦苣菜 杏馥苗 即杏 苦菜 數 銀條菜

燈碗菜 地棗 灰菜 驢駒嘴

薇 兔兒酸 剪刀股 茶 以上俱 野蔬

花

牡丹花 種類 甚多 芍藥花 亦有數種 歷 人多善蓄之

梅花 歷多 蠟梅 紅白二 種 皆自南方來者 海棠花 歷下 最多

秋海棠 花 紅莖赤 又有野秋海棠 龍 洞 秋月 滿山 皆紅 大助景色

鐵角海棠 莖葉 皆 有刺 石榴花 有紅粉 黃白 四 種 又有月石榴

桃花 歷有數種 獨 絳桃 碧桃 佳 杏花 隨處 有之 山村 尤密

李花 柰花 梨花 柳葉桃

荷花 明湖 十里 皆是 也有紅蓮 白 蓮 樓子 千葉 諸蓮 不可勝 紀 薔薇花

葵花 有二種 世 名向日葵 葛葵 種類 甚繁 芙蓉花

繡毬花 德府 後樓 東有數本 菊花 歷有百種 蓄者 甚眾 而善蓄者 惟龍山

丁香花 紫白 二種 白者 更香 紫薇花 一名 紫綬花 俗名 百日紅

瑞香花 玉簪花 性宜 陰歷 所多 有香 類茉莉 藤花 土人 用 以為 蔬

迎春花 雞冠花 紅白 二種 鳳仙花 即指 剪絨花

水紅花 紅白 二種 本名 蓼 金錢花 一名 夜 落金錢

石竹花

有數種皆叢生

木槿花

紅白二種朝花暮落齊魯謂之王杰

月季花

滴滴金

雒陽花

一名金盤

萱草花

金盞花

玫瑰花

即香刺梅

剪秋羅

捲丹花

金銀花

馬纓花

十樣錦

雁來紅

即老來少

素馨花

望江南

探春花

紅白二種異香無比

紫荊花

鼓子花

即馥子苗

山丹花

紅白二種

郁李花

結香花

玉蘭花

蝴蝶花

鑽凍花

盛冬始開

木香花

有純白者有紅白兼者有一莖數朵者俗呼百穗頭一名白木香

八儂花

金粟花

即米殼

珍珠花

色白多莖似珠而香

紫羅花

俗名紫羅單鴛鴦

竹葉梅

金雀花

軸頭花

老鴉花

百合花

馬蘭花

金菊花

六月菊

無絲菊

小桃紅

辛夷花

狀元紅

水儂花

地棠花

孤亭花

有紫色者名紫玉簪

牽牛花

藍白紫三種俗名江娘子花

映山紅

五色梅

轉枝蓮

草牡丹

深秋始開

桂花

茶花

茉莉花

梔子花

以上四種皆至自南方歷人善蓄有至數十年者附載之以見歷下土宜之美云

水

松 栢 椿春初多採葉爲茹蓄之可以禦冬

槐花可入藥 榆莢可食 柳有三種金線者佳 桑

棠棣 梧桐 青桐 青楊

白楊墓間多植 赤梁 楮蔓生 棟花甚香

檮與椿相似椿葉疎而香檮葉密而臭 楷芽可爲茹 荆

檀 藥 楸 柘

榕 檣 椴 畫皮

榦昔年郊以南皆榦也古房猶多此梁今雖荆榛已除然斧斤太勝矣 四季槐

白蠟 苦梨 八麻 柶榆

黃楸 刺楸 三川柳 冬青

草

竹歷多水宜竹湖上萬竿其大可把爾雅曰莽數節挑枝數寸有節鄰堅中簡筴中仲無筴筴節

萌篠 蘭一幹一花而香有餘者蘭一幹五七花而香不足者蕙

芝論衡曰土氣和故芝草生萬曆末劉富平勅家產芝崇禎乙亥劉孝廉緯家產芝然山間尤多

蕙 蒞 萱一名忘憂草 苔石衣

菖蒲泰山石菖蒲有寸數節者歷之山澗亦有 蒲筍可爲菹

蕉歷下多有 艾爾雅一名冰臺名蘄艾者入藥 菱

莠 蒿數種初生異名成皆曰蒿 水葱

薜荔 俗名巴山虎枝柔 葉密附壁而生 葦

蕙

葭 虎鬚草 薜

綉墩

萍 大者曰蘋 藻 荇

櫻欄

箭 爾雅曰王芻似 藜可以為掃帚 蓬 有數種

女蘿 兔絲也 詩作唐

茵 有數種 薺 爾雅俗名鬼麥 菅 茅屬

垂盆草

烟蘿 慎火草 即佛指甲 珍珠蒿

太乙藜

莎 潤和草 吉祥草

纓絡垂珠

菓

梅 黃似杏 味酸 桃 形匾者曰匾桃冬熟 又佛擡手桃

李 數種青白 色者甘脆

杏 有數種西陽雜俎云金杏種出濟南大于梨黃于橘而味為獨美昔漢武帝訪蓬瀛有獻此者 帝嘉之今人猶呼為漢帝果又有海東紅

銀杏 樹高葉密 實若枇杷 梨 曰紅綃曰秋白曰香水曰鶯梨曰瓶梨

石榴 數種今又多河南榴 櫻桃 一名崖蜜產泰山者多歷亦有之

林擒 一名胡桃 俗名核桃 栗 柳埠南營其產獨盛 榛子

棗 四鄉皆有北方者佳 柿 十餘種南山皆又有鈴棗小棗脆棗 有大澗溝獨盛

蘋婆 大如甘橘色青亦 羊棗 桑椹

文官菓 四稜內有仁如螺外蔽以房唐德宗出狩道傍有以此菓獻者遂官其人故名

沙菓 又有蜜菓秋菓硃 白菓 殼似杏核白實綠歷所貴重者亦名銀杏

砂紅果掉線紅菓

葡萄

錦荔枝

鳧茨

即地梨

柰

蓮子

爾雅曰荷芙蕖其莖茄其葉蓮其本菡其華菡萏其實蓮其根藕其中菡萏中薏

菱

爾雅名茨俗呼雞頭

山查

大而紅者曰糖毬小而黃者曰山查

松子

海棠菓

無花果

煙纍

一名野葡萄

柑

橘

金棗

香圓

四種東鄉多植

藥

僅注產所藥性不錄

黃精

歷南山谷皆有之

天麻

產天麻峯

黃芩

出長城嶺

陽起石

出藥山山惟一穴官中嘗禁歲久穴深得之甚難以色白肌理明瑩若狼牙者為上

磨水透楮見日則飛故曰陽起

薑石

生土石間狀如薑有五種色白者最良

枸杞

荆芥

防風

何首烏

仙茅

白薇

大戟

茵陳

苦參

葛根

葛花葛粉

芍藥

赤白二種

金銀藤

即金銀花

天南星

連翹

桔梗

黃耆

山查

四葉人參

出天麻峯

羊蹄根

木瓜

薄荷

南種者良

蘇子

紫蘇蘇葉

遠志

柴胡

牽牛

黑白二種

酸棗仁

接骨丹

秦艽

車前子

蛇床子

破故紙

地黃

桑螵蛸

香附子

半夏

蛇皮 蟬蛻 菊花 桑寄生

桑白皮 地膚子 蘄艾 鉤吻

瞿麥 劉寄奴 赤石脂 蒼木

地榆 石膏 杏仁 馬兜鈴

葶麻子 地茄 白蒺藜 鬼臼

山茨菰 杏參 沙參馬頭山出 石菖蒲

麥門冬 甘草 威靈仙 龍膽草

百合 猪苓 澤瀉 龍骨

知母 藜蘆 漏蘆 玄胡索

益母草 夏枯草 天花粉 栝樓

蒼耳 萹蓄 郁李仁 栝仁

紫草 草烏 射干 早蓮花

芫花 葶草 小薊 大薊

旋覆花 王瓜卽赤葩子 葇蓉子 覆盆子

露蜂房 枳殼 九頂艾 土蜂房

犀遊草 旋花卽馥子苗 菴蓂 五加皮

徐長卿 黃連 當歸 地錦草雀兒臥單

狼毒 蒲公英卽婆娑丁 穀精草 紫花地丁

磁石 無名異 石鍾乳 雲母石

商陸 景天 丹參 緞參

鳧茨 地骨皮 藁本 芎藭

葶藶 米殼 蒲黃 王不留行

天門冬 絡石 皂莢 禹餘糧

翻白草 卷栢 青芝 百部

莪朮 兔絲子 酸漿草 茴香

千歲纍 花椒 葳蕤 牛黃

石龍芮 白芥 青黛 慈苡仁

金剛骨 細辛 老鴉蒜 麻黃

側栢葉 竹葉 皮竹茹 津竹瀝 急性子 卽鳳仙子 鼠粘子

三稜

禽

鶴 士大夫家蓄之 鶯 雉 野雞 燕 一名鷗以社日來去

鴿 有數種 鳩 有數種 鷗 數百為羣隨波上下 鵲

雀 鸛 鳩鵲 鷺鷥

烏 張華禽經曰慈烏反哺白服鳥不祥巨喙烏善驚哀鳥吟夜 鴨 家

鴛鴦 禽經曰雞鴛惡其類鴛鴦愛其類 鶩

鷓鴣 一名青莊禽經曰鷓以聲交而孕鷓以音感而孕白鷓相眠而孕鷓鷓睛交而孕

鷄 鷺水 翡翠 鷓鴣

鳧 白鷺 練雀 紅白二種 鷓鴣

鷓鴣 一名鳥 鷹 鷓 捉兔者曰兔鷓夜鳴者曰恨鷓

鷓 鷓鳥善搏 鷓 鷓禽經曰骨曰鷓瞭曰鷓鷓鷓曰鷓奪曰鷓 麻雀 黃雀

珠頂 鹖雀 俗呼字 百領 鷓鴣

鷓鴣 鷓鴣 斷水 紅冠 似鷓紅是夜鳴 水鴉

山鴉 鷓 一名陶河禽經曰鷓志在水鷓志在木 紅嘴鴉

扈 一名竊脂頸有文采 黎頭 鷓鴣

布穀 一名鳴鳩一名戴勝一名鷓鴣 阿卵 河野雀 其色如翠

蘆雀 常棲蘆葦中自鳴單單七因以呼之 鷓 桃雀也即巧女禽經曰鷓拙而安鷓巧而危

鷓 白鳴悔煞我人亦名爲杜鷓鳥 沙燕 似燕而小多巢土穴

石鷄 火燕 臘嘴 鷓嘴

黃爛 油葫蘆 山和尚 檀草鷄

長尾郎 麻姑油 貼樹皮 黑尾杓

鸚鵡 畫眉 天鷺 地鴉 以上四名雖非

歷產然歷之蓄養實繁是亦鳥中之僑寓也故併載之

歷成縣志 卷五 試投 方產

獸

馬

驢

騾

牛

羊

鹿

麕

獾

狐

犬

細腹者獵長喙者守

豕

兔

狼

蝟

猫

鼠

鼬

青腰

野狸

貉

地羊

鱗介

鯉

鯽

鮎

魴

鱧

一名黑魚身有七星夜朝北斗

鯈

俗名白條

青鱖

一種黃鱖

鯪

鱠

鱖

鱖

刀魚

鱉

蟹

二種

鰕

蚌

螺螄

蛭

蝦蟆

蛙

蟪

蜥蜴

馬刀

牡礪

魚類尚有馬郎鱈魯子船丁沙錐油渾史編梭子麥穗玳瑁帕子山裏榜沙裏玩等名不可勝紀姑志其習知者


蟲

蠶

其晚生單亦名蠶小蠶名蠶者曰蠶名勝亦名聽結

蜂

蜜蜂馬蜂



蝴蝶各色 蜻蜒數種 蟋蟀名各促織亦 蜘蛛

蟻大小二種 蟻 蠅蒼蠅青蠅數種 蚊三種

燈蛾 蚯蚓一名曲鱗 蝸 編蝠

伊威一名鼠負 螳螂即刀郎 蟋蟀有銅糞二種 蛾數十種

螢腐草所化山中為草螢湖上為水螢 螭虎即螭虎 蝎

蚰蜒 螻蛄 蠹魚 蛇數種

裸蠃土蜂 螟蛉 百脚 紅娘子

江狗 山水牛 錦雞似禪而小如豆 蚰

豆娘 斑蚕 牛蠨 蠅虎

寒蛾暮生朝死濟水甚多 躄躄 蠶 蠖

蠨蛸小蜘蛛 槐蟲

雜產

山蘭野蠶所成歷之南山皆有生椿樹曰椿蘭生樹樹曰榭蘭生山中曰山蘭產不同價亦異

東人以蘭紬名山蘭者為上價伴綺錦惜土人不習織緝反為他邑所市也

蜜凝結者為黃蠟 白蠟白蠟樹及苦梨樹所生 石灰

炭 椒 蒙茶味甘 石花茶

鴛管石 羊肝石可磨鏡 甘子土出塔山及苦洪峪土人用以和錫

五音石即花板石可點笙簧 文石臥狼山上穴產五色文石

磨鐵石

出交戰頂

上水石

出湧泉廬及袁洪峪

工不倍不製器利不百不易法則賦役之法未有善於條編者也是故條編之法有十利通輕重苦樂於一里十甲之中則丁糧均而徭戶不苦難一也法當優免者不得割他地以私蔭二也錢輸於官而需索不行三也又折閱不賠累四也合銀力二差並公私諸費則一人無叢役五也去正副二戶則貧富平六也且承稟有制而侵漁無所穴七也官給銀於募人而募人不得反覆抑勒八也富者無弛擔而貧者無加額九也銀有定例則冊籍清而詭寄無所容十也有此十利所以百姓奉條編法不啻著蔡愛行條編人不啻祖父奈日久法紊軍興費加條編之銀已徵入官而徵收之役復僉大戶且因事多差煩而不循十年一輪之制民始不堪命矣比年以來均徭變爲條鞭條鞭變爲雇覓雇覓變爲官收吏解大都始未嘗不善久之弊生豈立法之過哉長民者但潔已以惠民則凡法皆良有治人無治法蓋自昔言之矣

歷城縣志卷五止

歷城縣志卷六

邑人葉承宗撰

職官志

縣令

佐貳

官績

春秋上大夫縣下大夫郡秦始置郡以監縣風俗
通曰縣玄也言當玄靜徭役也釋名又曰縣也縣
於郡矣十三州記曰縣弦也弦以貞直言民之
位不輕其誓施刑用法不曲如弦也顧名取義可
以職思其居矣歷縣於濟首三十城承流宣化爲
力似逸然手板日執單父之琴撤絃案牘實勞王
喬之舄折齒安得優游潘花自植哉但以貞直玄



靜為心則召杜歌興誰謂百里非大賢之路也作
職官志

縣令

歷縣於漢後雖或理或遷邑名不易豈無飛鳧駟
雉之迹何以千百年來學宮尸祝止漢劉寵一人
豈臨以郡州厥用不彰與抑史佚之也廣詢輿論
採近世琅琅有聲施者別載宦績餘惟備列職名
於左蓋自何公瑾始

正統

何瑾

字子敬山西崞嵐州人舉人

沈瑀

何英

成化

賈宣

字文著河南封丘人貢士

武文

蘇學

游寬

詹鵬

弘治

高舉

字廷選河南魯山人貢士

盛璫

鄧鏞

石經

字大倫陝西澄城人貢士



劉瑞

正德

蔡宇

字天洪河南祥符人貢士

石宗泰

直隸清苑人進士

梁敏政

字人道直隸房山人進士

吳廷瓚

欽天監籍舉人

余翱

字大振直隸定遠人進士見宦績

池龍

字文化涿鹿左衛人進士

吳琦

字汝器山西潞州人進士

梁世隆

字道亨山西和順人舉人

嘉靖

張偉

南京府軍左衛人舉人

朱鵬

字騰霄廣西陽朔人進士

高大經

字以仁直隸任丘人進士

張鶴

字雲卿燕山右衛人舉人

謝鎰

字萬卿直隸祁門人進士

朱徵

字晉卿河南唐縣人進士

張淑勵

字自勉山西孟縣人進士見宦績

李應時

字際可山西平定州人進士

王希堯

字法仁陝西安化人進士

李從宜

字宗賢直隸長垣人進士

李齊芳

直隸成安人進士

賈仁元

字子善山西萬泉人進士見宦績

覃應元

字德芳山西大同守禦所人進士

隆慶

韋以誠

字立夫直隸定興人進士

王炳衡

字欽夫直隸長洲人進士

萬曆

賀一孝

字子順河南魯山人進士陞兵部主事

卷六

職官

縣令

友聲堂

靳紹謙

字受之直隸安平人進士

杜縻

字惟公直隸永年人進士行取南科給事中官至武德道副使

楊繼先

直隸定興人進士官至副使

彭應捷

字讓甫河南光山人進士官至知府

冀體

字育甫河南武安人進士有敏才官至御史以忠諫罷

張鶴鳴

字元平河南潁川衛籍潁川人壬辰進士官至兵部尚書見宦績

陳禾

字冲然直隸清苑人戊戌進士陞吏部主事官至祭政祀名宦見宦績

陳陞

字柳吾河南夏邑人辛丑進士刻滄溟集脩其墓陞戶部主事官至邊郎

黃衮

字補之河南光州人丁未進士陞戶部主事官至副使

裴鉉

字鼎和太原衛人庚戌進士陞戶部主事官至邊郎見宦績

張翼明

字滄麟河南永城人庚戌進士陞禮部主事官至大同巡撫

黎國器

河南睢州人丙辰進士有執持善課士陞刑部主事官至憲副

天啓

吳阿衡

字隆微河南裕州人己未進士立法嚴苛民皆震畏盜不入境蓮妖之亂一呼而集

郭捍城

字四維直隸平鄉人壬戌進士官至兵部主事

呂黃鍾

字初陽山西澤州人乙丑進士行取戶科給事中見任曹州兵備見宦績

崇禎

歷成縣志

卷六

職官

縣令

友聲堂

友聲堂



郭永泰

字大來順天大興人戊辰進士不

貴養性

字履吾河南胙城人辛未進士

韓承宣

字康侯山西蒲州人甲戌進士

宋祖法

字允繩河南新蔡人甲戌進士

佐貳

許丞廉吏重聽何妨程簿大儒黏竿斯折員尉豪

士發賑可專英雄不自振拔而顧臺隸於上官市

販於小民扁石自卑人乎何尤然賢不擇地而生

苟得其人亦宜改容而禮貌之無使人謂丞負人

人不負丞日對二松吟哦哉

縣丞

賈能

天順間任

孟瑄

天順間任

游寬

成化間任脩

曹冕

弘治間任

周玉

弘治間任

許應奎

嘉靖間任

于珠

嘉靖間任

張明賢

陝西人吏員萬曆初任陞經歷

王鳴鳳

萬曆癸巳任

吳應祥

萬曆甲午任

陳樑

萬曆戊戌任

郭四極

南直五河人選貢巳亥間任陞文昌知縣

盧柯

萬曆戊申間任

劉明徵

陝西人選貢庚子任陞知縣

宋需

陳尚表

關中人有才幹署商河篆有清名陞四川眉州知州

劉哲 棗強人一清不染見受賄者則極口罵之陞關中知縣

焦三移 南直人歲貢陞知縣 杜岩 贊皇人監生萬曆戊午任

李時芳 潯南人儒士崇禎庚午任 葉春霖 仁和人陞經歷

楊穎發 秀水人 周啓庠 滄州人

王儒 河南人陞陝西知縣 周明 仁和人

主簿

張彪 天順間任 陳綸 天順間任 劉芳 天順間任

武學 成化間任 蘇奇 成化間任 李鐸 弘治間任

王爵 嘉靖間任 邢繼志 萬曆壬午任

陸夢博 萬曆戊戌任 白希綵 陝西人

郭俊文 太原人甚廉介有才幹脩小清河有功陞清平知縣

顧夢珖 章世簪 青陽人監生萬曆戊午任

任順天 曾本端 建寧人知印崇禎庚午任

李實 懷仁人歲貢崇禎丙子任 劉正行 河南祥符人


典史

孫裔 天順間任 鮑治 弘治間任 高世洪 嘉靖間任

姚鎮遠 康希政 胡邦佐 萬曆戊戌任

俞守仁 浙江人有才幹陞主簿 王文豸 華陰人

歷成縣志 卷六 職官 佐貳 友聲堂



趙萬方

三原人歷
陞守備

陳仲昇

焦永盛

長治人

鍾道賢

浙江人雖刀筆吏日不廢
書史陞任時行李蕭然

郭欽秋

江西人

田多善

陝西人

李承顯

富平人

宦績

花封琴堂郵焉而已矣金章墨綬名焉而已矣卽

轅轍尸祝襲焉而已矣所可憑者斯民三代之口

碑耳余旣詳載職名然長老傳聞官牆俎豆遺澤

如新烏可諼耶謹而志之俾前無所泯後有所則

焉若夫邑乘例不及上官然非爲首善之邑言也

列戟分符功德被矣故凡興利捍患有造於歷足

以墮峴淚而植萊栢者冠於循吏卷首至於一時

名德勲業方隆蓋未敢遽列云

名宦

周鮑叔牙

齊卿進管仲於桓公而下之天下不多管
仲而多鮑叔知人也食邑鮑山下曰鮑城

子孫世

祿於齊

管仲

桓上人相齊桓公通商積財富國強兵
尊周室攘

蔡丘一盟天下宗齊



逢丑父 齊卿魯成公二年晉敗齊師三周華不注丑父使公下如華泉取飲而免韓厥獻丑

父卻子將戮之呼曰自今無有代其君任患者卻子赦之

漢顏異 武帝時為濟南亭長以廉直遷九卿

韓千秋 武帝時為濟南相屬擊南越戰死帝命子延年為侯

何敞 扶風平陵人和帝時為濟南王康太傅康尊貴驕甚敞輔以道義數以法度諫正之康禮

敬馬

劉寵 東萊牟平人桓帝時為東平陵令以仁惠為百姓所愛及代去老幼塞道留之祀名宦

北魏鹿生 濟陰乘氏人濟南太守有治稱顯祖賜以驄馬青服彰其廉潔時三齊始附民廢農業生立制斷之聞者嗟善

麟曰：不犯法何所戮乎必需斬斷

韓麒麟 昌黎人孝文帝時為齊州刺史在官寬仁事劉普慶說之曰無所斬戮何以示威麒麟曰：不犯法何所戮乎必需斬斷

以立威當以卿應之普慶慚而退

薛聰 汾陰人宣武時為齊州刺史政存簡靜卒於州吏民追思留其所坐榻以為遺愛

拓拔子華 字伏榮孝莊時除齊州刺史先是州境數經反逆邢杲之亂人不自保子華撫

輯豪右委之管鑰衆皆感悅鞠獄訊囚務以仁恕齊人樹碑頌德

北齊房彥謙 清河東武城人廣寧王孝行辟為齊州主簿清簡守法境內肅然及周師入鄴

齊王東歸以彥謙為齊州治中從事彥謙痛本朝傾覆將斜率忠義潛謀匡輔不果而止齊亡

歸於家

隋韋藝 京兆杜陵人高祖初拜齊州刺史為政清簡士庶懷惠在職數年遷營州總管

趙軌 雒陽人高祖時為齊州別駕有能名及被徵父老揮涕送之曰公清如水不敢以壺漿相

送請酌一盃水奉

王伽 河間章武人開皇末為齊州行參軍送流囚

脫其枷鎖與期日某日當至京師囚感悅如期而至一無離叛帝聞驚異召見稱善并赦流人

元褒 河南雒陽人場帝初拜齊州刺史尋改齊郡太守吏民安之

張須陁 弘農閿鄉人 大業中齊郡丞會與遼東役百姓失業又屬歲饑開倉賑給不俟詔報

唐徐彥伯 兖州瑕丘人武后時薛元超表其賢對策高第遷宗正卿出為齊州刺史

王志愔 博州聊城人 中宗時為齊州都督後授齊州刺史破碎姦猾令行禁信境內肅然

李務光 柳州澄陽人 中宗時拜齊州參軍為吏詳敏有治譽

李隨 玄宗時為濟南太守安祿山反隨與單父尉賈賁濮陽人尚衡以兵討之

五代郭瓊 盧龍人仕周齊州防禦使民饑瓊以已俸賑之人懷其惠詣闕頌德政詔許立碑

宋李漢超 雲州雲中人 太祖時齊州防禦使在郡政平訟理吏民愛之詣闕求立碑頌德太祖

命徐鉉撰文賜之

趙師民 青州臨淄人 仁宗時為齊州推官勤於吏治政有惠愛更天平軍節度推官

王巖叟 大名清平人 哲宗時知齊州先是巖叟言河北權鹽法尚行民受其弊至是請以所

言鹽法行之京東

范純仁 蘇州吳人 哲宗時知齊州治尚寬平時有盜竊而督償者繫司理院純欲使保外輸

納通判曰此釋之復系官司往往待其疾斃純仁曰法不至死以情殺之豈理耶遂戒飭而釋

之囚懼呼而出轉相告語是歲犯法者減半

曾鞏

建昌南豐人仁宗時知齊州曲墾周氏久惡難治鞏取寘於法章丘民聚黨為盜鞏多方

議捕盜多自首自是外戶不閉河北發民濬河齊當給夫二百鞏括其隱漏人取其一又作橋

梁徙傳舍民皆以為利及代州人絕橋閉門留之至夜乘間乃得去

蘇轍

眉州眉山人王安石時以諫青苗法出掌齊州書記沉靜簡潔以文章名於時

晁補之

知齊州力於為政有羣盜晝掠塗巷補之默得其姓名一日宴客召賊曹授以方畧

酒行未竟悉擒來一府為撤警

李嘗

南昌南康人神宗時知齊州齊多盜論報無虛日嘗得劫盜刺為兵使在麾下盡知囊括

處悉發屋破柱拔其根株半歲間誅七百人法無所匿

王吉甫

同州人神宗時知齊州一於用法而廉介不回吏民畏服

張叔夜

欽宗時知濟南府山東羣盜弊至叔夜以計緩之乃取舊赦賊文俾郵卒傳至羣盜

聞果稍懈狐疑相持至暮不夫叔夜發卒五千乘其情擊之盜奔潰以功進龍圖閣直學士

金楊伯淵

真定藁城人海陵時知泰安軍百姓刻石頌德遷山東東路轉運使正隆末盜起州

郡皆罹害獨濟南賴以保全

元趙炳

世祖時濟南路總管時妖民作亂炳止罪首惡餘黨解散歲凶賑民而後以聞

胡祇適

磁州武安人至元間山東東西道提刑按察使所至抑豪右扶孤弱敦教化勵士節

民有父子兄弟相訟者必懇切諭以天倫之重不獲已乃繩以法終贈禮部尚書謚文靖

趙孟頫

字子昂至元間同知濟南路總管府事時總管闕孟頫獨知府事官事清簡有元掀

兒者役于鹽場不勝艱苦逃去其父求得他人屍誣同役殺之既誣服孟頫疑其冤留弗決踰月揪兒自歸郡中稱爲神明改翰林侍講學士

張昇

字伯高平州人天曆初爲山東道廉訪使時方有警有司請完城以備昇曰民恃吾以生

完城是棄民也繇是民皆安之文宗賜尚醞文幣以賞其功終淮西道廉訪使卒謚文憲

王構

濟南路總管學田爲牧地所侵者埋而歸之官貸民粟而責償不已構請輸以明年

于欽

青州益都人延祐六年齊地大饑父子相食欽銜命賑恤濟南六縣泊離竈饑民嘗以勸

率富民出粟太多賑濟太廣見責于憲府時官僚有幸此凶歲捐升斗以鬻子女舉曰過房悉

輦以北欽則訪鬻子者爲贖還之乃怒曰是違例徵譽也

國朝安然

穎川人洪武初爲山東中書省參知政事立心平正撫綏勤勞祿止養身餘給公

後遷御史大夫

熊鼎

臨安人洪武初按察司僉事公平正直斷獄明允凡有糾劾務從大體

崔亮

洪武初知濟南府修城堞建倉廩撫綏得宜士民咸服陞禮部尚書

陳脩

廣信弋陽人洪武初知濟南府刑清政平嘗上言墾田之策上嘉納之時府治既爲按察

司葺開元寺爲府治民無所擾國初稱郡守之賢必曰崔陳

徐鐸

洪武間布政學術正大蒞事公平入爲戶部尚書

徐安

洪武末爲濟南知府精通吏事爲政有方於庫藏出納之弊尤掃清無遺

馬麟

永樂初布政惠澤及人持法不撓僚屬敬畏百姓安

房安

永樂中參政天性剛烈蒞事敏捷人皆憚之

段民 武進人永樂間妖婦唐賽兒作亂民為布政司叅政下車撫宣德意整飭紀綱撫綏殘氓

剗革宿弊東方以寧官至刑部侍郎

何文淵 永樂間以監察御史巡撫時豪右侵漁百姓兼軍衛多擾文淵發奸摘伏吏民畏之

如神官至吏部尚書

劉中敷 宣德中布政天性質直廉靜樂易吏民懷畏召為戶部尚書

王質 鳳陽人正統初右布政廉勤果毅人服其公尤以清譽聞有王青菜之譌召為戶部侍郎

張驥 正統間巡撫值歲大饑設法振救民賴全活甚眾山東設巡撫自驥始

年富 懷遠人正統間巡撫廉靜寡欲過事敢為按行諸部官吏畏服奸豪屏迹召為吏部尚書

陳泰 正統間巡按克振風紀以藩臬多匪人陳疏數下言要以選賢去奸為治本陞副都御史

盛顒 正統間山東旱饑顒奉命巡撫下車禱雨即應民賴全活又建祠以祀前代聖賢有功齊魯者黜貪暴表忠良除苛政

居三年政化大行風俗以變

薛瑄 平陽河津人正統間吏部尚書郭璉薦瑄以御史提學山東欣然就之曰此吾事也每臨

諸生親為講解不事夏楚人呼之曰薛夫子立祠湖干以祀之

馬諒 和州人正統間叅議巡行郡邑訪政得失察吏賢否時降虜安置山東者欲乘機為亂諒

諭之咸服民有惑於後妻欲寘子於法諒諭之曰爾子凶德乃吾教令之失非爾之罪父母感

悟請釋還為孝子疑獄久不決者一訊即伏於負冤者尤為辨雪官至戶部侍郎

陸瑜 浙江郢縣人天順間布政器量偉弘曉練政體尤精法律召為刑部尚書

王字 天順間布政時累歲不登民皆流移字奉命安撫之設法賑濟不憚驅馳民賴全活者數

十萬人召爲副都御史

郭觀 天順間巡按首劾三司正佐三四人夫貪墨決疑獄一循公法陞廣西僉事

許進 成化間巡按剛正嚴肅貪污望風解組賑恤饑荒平反獄囚官至吏部尚書

白行順 陝西清澗人成化間知濟南府緩刑興學教民耕種招撫流移賑恤窮獨陞山西叅

政士民遮留爲之立碑

牟俸 四川巴縣人成化間巡撫值歲大饑設法周濟全活數萬人大小清河湮塞建議脩濬民

大稱便

王琮 山西陽曲人成化間濟南府同知歷三年都御史牟俸薦其賢陞知本府秩滿陞布政使

歷有德政民刻石識之

衛英 成化間濟南府同知志行高潔蒞政嚴明陞開封知府行李蕭然人服其清

原傑 弘治初巡撫有才望多所興建士民賴之

王越 弘治初按察使慷慨明敏見事風生精練吏事深得憲體官至太子太保封威寧伯

趙璜 江西安福人弘治間知濟南府爲政敦大體不事苛急有德政頌後忤逆瑾削職未幾起

用巡撫山東值流賊殘傷之後悉力拊循東方以靖官至工部尚書

楊文卿 弘治間提學造就生徒勤懇不倦乘公黜陟士心允服

于大節 弘治間按察使有丰采卒於官濟南人攀號送者塞於道

方良永 正德間廣東僉事以不謁劉瑾致仕及瑾誅起用歷陞山東右布政廉明節愛士民

感頌後陞浙江布政疏劾朱寧遂乞休嘉靖初起爲山東巡撫復以老母乞終養陞刑部尚書

姜洪 正德間布政時流賊猖獗洪飭兵繕守民恃無恐服食淡如陞山西巡撫

黃瓚 直隸儀真人正德間巡撫武廟南巡調度有方民賴不擾性耿直嘗面斥人過官僚肅然

平生以清苦自持比歸家無蓄資士論重之

孫燧 正德間按察使明習法律獨持憲體命三堂按歸善王燧毅然往不終朝具獄

王相 正德間巡按訪除民蠹摘伏如神時朱寧怙寵遂被謫逮繫

朱節 嘉靖二年巡按昔兵旱相仍曠賊竊發節躬自行軍親臨督戰一鼓擒賊山東蕩平竟以

勞卒民痛如喪父母贈大理卿

應檟 嘉靖間巡撫居官持大體清慎有聲一方賴之

王廷相 萬曆初提學節義文章並著於世以正學造就士子

李遷 萬曆初濟南知府政善民安化行俗美

宋應昌 浙江仁和人萬曆間以給事中出守濟南歷陞巡撫均地畝行條編民享樂利者四

年十

平康裕 北直河間人萬曆間濟南太守有風裁庶事就理至門難錢一事先是地方宿直皆

沿門編派舉場考試一切物料取之民間人甚苦之平公編為門灘按房多寡收錢于官以資

二食器皿毫不擾民又大佛山建文筆峯府庠泮池立太湖石至今追思不忘

鍾化民 浙江仁和人萬曆間巡按崇尚德化加意學較曩平太守康裕革火夫編為門灘置

一切器具毫不犯民間久之門灘出而索取如故公移檄有司宿直等役悉出香稅人甚德之

清香稅出而索取又如故也

鄒善

江西人萬曆間督學湖湖南書院置學田養士遍遊海右名士陶鎔其中趙司農王中丞

諸名卿俱屬品題毀淫祠為社學教童子歌詠以養性情訓人自覓其良心士人悅服

李化龍

北直大名入萬曆間督學試士五日一案寒士不羈旅邸閱文不代倩評文曲肖其人發落時掩卷逐名細加品題經識拔者皆入彀後以平播功擢兵部尚書

徐榜

南直涇縣人萬曆中知濟南府仁民愛士馭屬吏仁而且寬曰凡戴烏紗者皆朝廷官最不可侮立明湖會課士論文發身者甚多

黃克纘

福建晉江人初以觀察來歷藩臬而中丞十三載安靜仁厚於地方一無所擾鑛墻

為崇能力制之建廣川城擒白面狼置歷山書院刻鵠遊亭帖後晉大司空立祠祀之

畢懋康

南直歙人萬曆間巡鹽御史建書院於天泉東置學田贍士又蠲粟脩閔子墓

國大慶命有司賑濟活起者無筭而作人之功後無繼者

趙彥

陝西膚施人天啓初巡撫留心政務民隱悉知勸民象魏幾滿城市值蓮妖之變身親征

之三月蕩平陞兵部尚書有生祠

呂純如

南直無錫人天啓中巡撫修城濬隍建勸農亭作冬生院修岱史與明湖大社真留

心民事者不可

樊時英

浙江仁和人天啓末知濟南府御物謙和禔躬純白盡出俸錢脩學宮濬玉帶河建

呂仙閣來鶴橋興明湖社陞福建提學歸里毫無長物府庠有去思碑亭

陳應元

南直江浦人崇禎初左布政值孔李之變書夜擘畫禁兵兵數十萬餉無不辦給

且擅文名山左景物皆有吟咏後陞副都巡撫登萊

景昌 號仙岩河南雒陽人 監紀軍事 官 丁卯巡按山東

哭而掩遺骸設醮而祭孤 民蠲金厚恤鵠結之士亦 又親征萊蕪土寇議題蠲 言被逮十民如失慈母保

蔡懋德 字惟立南直崑山人 提學寧前兵備崇禎己卯任布政司參議

擢按察使力請改折天津漕糧教民鑿井引水 灌田躬祭孤魂普振貧黎築城濬池買蝗恤旱

修七忠廢祠以慰英靈闡文心八則以牖多士 刻當官功過格公門修行錄以醒人心今陞河

南右布政使將行猶躬親禱雨蠲貲施藥 飭薛王公祠士民保留無計乃立祠祀之

涂原 號之瀾四川梁山人辛未進士崇禎己卯督 學山東四月徧試六府賦性敏捷存心仁愛

較藝之暇曲加提誨兵火 後文物復興皆公力云

董允茂 號豸章浙江慈谿人丁丑進士任分巡濟 南道僉事維時兵燹之後將儒兵驕公嚴

核兵制整飭營規壁壘一新又攝學道篆雖考 歲貢故事亦細心甄錄輿論咸孚會

廷推天津遼餉兵備僉謂公 能庚辰十一月遂往任

張斗 字南乙河南溫縣人己卯任濟南府同知加 意興輦不避勞怨賑饑瘞骸安民緝盜大著

功績至修城一役躬親築濬毫不擾民無何 以京察降秩民甚思之今任大同監軍道

李恪 號三如山西安邑人甲戌進士任兗州府推 官己卯之役會城列署皆虛上臺以公來署

府篆公修城濬池招移恤孤剪冠綬良掩胥賑 餒頗著勞績俸深望重以兗州推官超陞交西

兵備按察 司僉事

丘祖德 字念修四川成都人丁丑進士任濟南府 推官明恕用刑庭無積案吏胥斂手嘗攝

清軍糧馬三篆事治神開連歲監軍勦寇與士卒同甘苦大小數十戰屢著捷功愛民任事民有急必訴于公如賑士犒兵賜貧瘞骨開闢滋稻捐粟捕蝗民皆感悅又修七忠祠五龍潭府學等處辛巳五月兩臺特題陞補分巡東昌道僉事赴任之日歷下父老擁道遮留願久任會城旣不得留相携泣送者絡繹於道公議建碑立祠志遺愛焉

靖難死節

鐵鉉

河南鄧州人建文中布政司叅議靖難師圍濟南鉉悉力拒守勢迫詐降為鐵板於門上迎燕邸入板下擊燕邸馬驚逐去三月圍解陞左布政兵部尚書事定不屈族誅祀七忠祠

平安

洪武末都指揮使靖難師圍濟南安同鐵鉉為城守計有攻破者以布畫假城障於外督兵築於內一日而畢三月圍解安率兵追至東昌大戰槩矢及馬蹄而止京師定乃自經死祀七忠祠萬曆間黃中丞革去

胡子昭

嘉定人少從方孝孺學性忠介富經術革除間繇史官遷山東按察僉事遇靖難不

屈死之

高巍

遼州人初授前軍都督府斷事靖難師起從李景隆出師叅謀軍務累上事請罷兵歸國

不報戰敗南奔遇鐵鉉於臨邑遂協謀
固守濟南京師已定乃縊死祀七忠祠

陳廸 宣城人布政司右參議捕蝗彌盜民甚德之
後陞禮部尚書靖難師起上疏陳論大義被

詔責問不屈而死祀七忠祠

遼叛死節

徐從治 浙江海鹽人初為濟南知府後治兵武德
孔季之亂公以巡撫固守萊城持正死守

飛炮中顛而卒祀於學宮

死節

張秉文 南直桐城人庚戌進士
丙子任左布政已卯死

周之訓 湖廣黃州人己未進士崇禎戊寅分巡濟南守南城城陷而死

鄧謙 湖廣孝感人己未進士崇禎丙子
戊寅擢守巡二道以守城

濟池一切防備多費據摺奏忠義
獨守西城日夜俾頭城陷回司率眾

死於司前

馮鎔 益都人署都指揮守
西北城城陷遇害

唐世能 人崇禎戊寅任鹽運使守西北城已
卯城陷或問計公曰此乃我輩死所也無

可死之

苟好善 陝西醴泉人辛未進士以南海御史出知濟
南府事戊寅守北城城陷不屈死

陳虞胤 雲南昆明人乙亥任司知濟南府事戊寅
守東北城時不見賞友責之獨

公處頗有城陷赴火死

孔聞武 曲阜聖裔府學教授已卯死

循令

侯宣 河南封丘人天順間知歷城縣事廉明威信勤政有為賑饑荒興學校決疑獄弭盜賊奏

免牧馬民受其賜有德政碑

余翱 直隸定遠人正德間知歷城縣事性清直不受請託節財用均賦役革冒越民多賴之擢

監察御史

張淑勵 太原孟人辛丑進士蒞任值災厲邊圍之

片言及壘壘問疾苦必竟辭嘗語人曰吾四載於縣署有未蹈之跡未嘗一日於窮簷忘兼解之心月旦與諸弟子設俎豆言詩書士再適薦者七人丙午秋入上最留擢御史

賈仁元 山西萬泉人嘉靖末知歷城縣事有善政民德之李于鱗為作序

張鶴鳴 河南潁川人萬曆初任時礦使四出魚肉小民公力抗陳脩五龍壇入蜡廟濟懷家

寗凡興利便民者無不為之且嫺風雅愛遊詠陞南京主政歷人祀之已陞憲副有張公重來天有眼之謠後為兵部尚書行邊有功賜璘玉年九十流賊逼潁公率家族悉力拒之城陷罵賊而死事聞贈恤有加

陳承 直隸清苑人萬曆己亥任作人質朴立政真誠加意窮民持躬純白且承張令之後人稱

雙美祀於學宮

裴鉉 太原衛人斷獄如流務得民情胥弊一清奸人屏迹雖承平而用斧斤不無稍刻然發奸

摘伏狐鼠潛消市棍偷兒屏息遠遁亦吏才之最敏者

呂黃鍾

山西澤州人天啓初自魚臺來任清慎寬勤持躬以禮遇物以和簡詞訟隨處折以片言察保甲委巷亦必親歷且過目能察正邪任真不干聲譽衙胥斂手士庶歸心行取戶科給事中屢上時務不留諫草忤當事意出爲登州副使以病歸庚辰起布政司右叅政曹州兵備歷民間公來連袂相迎踵接於道蓋去數年如一日焉

韓承宣

山西蒲州人初任淄川以建石城功調歷院課士戊寅公調度有方奈羣指亂視朝令夕更甲可乙否未知適從然猶修濬城池勦建望臺招徠鄉民獎勵輸助徒勞罔功遇難身殞公早已知之矣事聞候恤

宋祖法

字允繩河南荊蔡人甲戌進士初築城濬隍捕蝗禱雨修邑乘汰冗胥勦其人遂自祁調歷甫下車賑貧招移綏

興復季考設鑼于餅以察寃囚請免支銷以蘇積困勦撫叛寇頗費拮据辛巳六月陞北京

刑部主事

以余志縣令于漢得一人焉曰平陵令劉寵于宋得一人焉曰歷城令歐陽大春于元得一人焉曰歷城令李珪然大春與珪其行事不少槩見故闕焉不書書自正統何公瑾始其功烈表表著於當世者僅得十人于時作而歎曰今之爲令厥惟艱哉然救時之法大要有三因功令之嚴而濟以寬杜傍門之虐而攬其權防叢借之端而肅以威昔

賢有言新法固嚴正賢者所當盡力之時能寬一
分則民受一分之賜吁東方民力疲矣豈非賢者
盡力之時與

歷城縣志卷六止



歷城縣卷七



邑人葉承宗撰

學較志

廟祀

師生

書院

風俗

學較天下之達教也曷專於歷歷百城之望也魯
宮泮水稷下文裾不得先歷山片席學較曷不可
專於歷也是故廟不載於宮室殊其制也祀不列
於祠宇殊其儀也名不入於職官殊其秩也書院
不附於公署殊其規也山有木工則材之邑有賢
學則鑄之夫學賢士之關也可不敬與作學較志

廟祀



濟南郡邑二廟並建兩祀偕舉蓋甚盛也不敢詳
邑而畧郡者郡祀亦在歷也不敢先郡而後邑者
邑志爲歷作也昭富美紀王林修廢而崇實是在
當事

學宮

歷城縣學舊在府治北縣治東隘巷

卽今尹巷

頽然數

楹不支風雨成化戊戌郡學旣新賈令公宣謀
新此學縣治東北有空閑公館寬廣爽塏宜易
之巡撫許公乃請於

朝而遷焉復市學前民舍闢而廣之前爲聖門櫺星
門泮池儀門中爲聖殿後爲橋門橋門東爲啓
聖祠橋門內爲明倫堂東西建兩齋一曰廣大
一曰高明又構鄉賢各宦二祠于儀門西列學
官居及倉庫庖湍之所又爲號舍以居諸生大
約如郡庠有提學畢公瑜記正德八年章太守
寓之擴學路通南衢立青雲路坊嘉靖二年建
射圃萬曆甲午張令鶴鳴重修庚子陳令采建
奎樓于巽方天啓壬戌吳令阿衡改敬一亭爲

尊經閣軒敞壯麗巍然大觀已卯經閣倫堂皆燬正殿亦就圯宋令公祖法謀修

府學廟制考一魏太和五年立廟於學宮唐高祖立周孔廟於國子監貞觀二年房玄齡建議乃罷周公專享孔子四年乃詔州縣學皆立孔子廟宋熙寧間郡守李恭始建府學於大明湖南如魯泮宮金貞祐間板蕩城空二十餘年元至元間復立學較天曆間教授孔之巖置贍學田至正六年庚辰秋八月山東憲曹告朔於廟憲

副珊行忽里哈赤知事李彥敬乃議修垣廣千二百五十二尺高一丈六尺廣四尺以石築基以白汚堊覆之以瓦官牆始峻有元張起巖記國朝洪武二年崔太守亮重建天順五年陳太守銓修成化十九年癸卯蔡太守晟建鄉賢祠增兩廡像龕樂器設二大屏於戟門外又建二坊於門之東西一曰鍾英一曰毓秀丁酉巡按梁公以太保尹冢宰命復增大成殿廣兩廡建戟門櫺星門饌堂明倫堂庖厨庫房師生廨舍百有

五十以及堂後環碧亭崇制閣其東爲射圃蔽
座章服無不一新正德七年章太守寓之建講
堂嘉靖十年建敬一亭有夏寅記萬曆庚子沈
太守蒸修引芙蓉泉水入外泮池名其水道曰
梯雲溪懣星門外左右建方圓二亭天啓丁卯
樊太守時英名二亭曰中規中矩又引明湖水
入巽方爲一池蓄以金鯉種以桃柳建亭其上
曰飛躍又引水西入內泮池繇西廡後繞尊經
閣而東名曰玉帶河崇禎癸酉又圮廢顧太守
燕詒重修戊寅着太守好善重修大殿倫堂會
變而倫堂燬庚辰諸臺及郡守謀修

聖號

周魯哀公十六年諫稱尼父漢議孔子爲先聖唐
貞觀二年尊孔子爲先聖乾封初贈太師天授
中封隆道公開元二十七年謚文宣王宋乾德
初加戟十二枚詔命殿曰大成爲龕像祥符初
加謚玄聖文宣王尋改至聖文宣王元至大元
年加謚大成至聖文宣王

國朝名山大瀆皆易本號獨至聖不敢更至正德猶
仍其謚嘉靖中從輔臣張璁議去王號稱為至

聖先師

聖像

像如郡庠

按府學聖像白

國朝成化十七年蔡太守晟塑聖賢龕像嘉靖中從
輔臣張璁議撤塑像立木主諸生抱像而泣乃
止萬曆七年從輔臣張居正議撤像提學周之

屏以紙障之得不撤

祭期

國朝洪武初命春秋二仲上丁祭之是日子時先祭
啓聖祠取子不先父食之義

禮器

銅香爐一銅花瓶二小銅香爐六小銅花瓶四鐵

香爐四錫燭臺二銅爵五十銅籩豆三十三

府庠祭器登一銅二

實太羹和羹

簋簠各二

實黍稷稻粱籩

十

實形鹽藁魚棗栗榛豆

實蕤苜蓿芹菹芹菹

醢魚醢脾胙胙成化中增
邊豆各二實糗餌粉餈餽食

樂器

樂器樂舞樂章缺



府學樂器鐘一堵磬一堵琴六瑟二鳳箏塤箎搏拊如其瑟數箏籥如其琴數鼓一祝一敵一樂章迎神歌咸和之曲初獻歌寧和之曲亞獻歌安和之曲終獻歌景和之曲撤饌歌咸和之曲送神亦歌咸和之曲樂生三十九人歌生六人麾生一人凡四十五人俱堂上之樂其次則麾

生一人立神位左西向次左祝右敵次左右搏拊各東西對立次左右舞生以次而南亦東西對立次琴六人左者以次而東右者以次而西俱北向立次左右瑟各一次左右笙箏各六笙在內箏在外次左右塤箎鳳箏及籥亦以次而東西北向立於笙箏之後次左鐘右磬又次楹

鼓居其左焉

舞生凡六十四人

卧碑

御製卧碑在明倫堂左壁

敬一箴

御製敬一箴及視聽言動心箴在尊經閣內

二者天下儒學

俱有士子習誦文不具錄

官廨

教諭宅

尊經閣東

訓導宅

高明齋在射圃東垣隣總局廣大齋在橋門西崇禎初裁

師生

國初隆禮師席博士課最有

詔入翰苑者其後日以積輕而廣文齋冷徒資問字

之金苜蓿盤空誰復鱣堂之盛是以哲士成名率

繇鄉塾而學宮教課寥寥無聞焉至於歷士文名

日盛甲于他邑已卯之役衿佩晨星尚忍言哉

教諭

傅鵬

彭城人天順間任

婁偉

成化間任

周顥

廬陵人舉人成化間任

彭三俊

正德間任

楊璉

宜陽人歲貢

史定

嘉靖間任

甘霖

雲南人舉人

林清偉

福建人舉人

馬師道

濟寧人歲貢

左之似

萊陽人歲貢

高昇

山西人舉人

王袞

大名舉人

胡來順

濟寧州人舉人辛酉任興歷山社修尊經閣河南分考陞陝西知縣

楊元瀛

貴州人辛酉舉人天啓乙丑任留
心課士河南分考陞夷陵知州

沈萬春

浙江仁和人敦厚不計束金
顧反周士數月陞陳州知州

張文昂

山西安邑人甲子
舉人陞內丘知縣

林懋先

掖縣人歲貢
已卯死難

尹牧民

濟寧人

訓導

古鼎

成化
間任

程喬

嘉靖
間任

郭楠

嘉靖
間任

李君寵

膠州人博學能
文開薦未果

蕭衣

曹州人

朱國盛

河南人

許衣

堂邑人

李當興

雲南人

陳默

益都人
死難

李聯桂

直隸真定
獲鹿人

生員

廩膳生員二十人增廣生員二十人附學生員六

百餘人

萬曆間三百有奇天啓間五百有奇崇
禎戊寅六百有奇已卯死難者三百

有奇現在者三
百五十七名

送學有旗有紅有花有馬有鼓吹縣令率佐貳親

詣學宮謁

廟令與學師交拜諸生向學師四拜學帥報二拜

卽縣

試儒童黎令公國器亦必吉服綵亭鼓
吹親送至庠揭榜奎樓之上後多因之

應試先期速以名刺至期設宴愛牧堂學師南面

縣令主席諸生東西向盛酒筵演戲劇簪以桂
花被以綵絹導以絳旗引以鼓吹縣令親送至
迎恩樓上盒樽數斟諸生乘驛馬回舍後多送
至譚城驛癸酉僅送至城門外天鏡泉長此不
已將有不出國門者矣諸生三年之勞一日之
樂何惜數武不以侈下賢之譽哉

觀風

按院歲一行

送考五十七名

鹽院歲一行

數半之按院刻

文鹽院作養優等月銀六錢軍
興以來多方搜括此典遂廢

撫院往往行之

無恒期

季考

縣有季考學有月課太守司理各有考皆

合兩學試之賞格有差

興廢十年庚辰張太守
共宋令公祖法皆舉行

學田

撫院地一項九畝三分八釐每年銀五兩

四錢七分五釐按院地一項七十畝五分銀五

十九兩鹽院地五頃五畝八釐銀六十五兩布

政司地二頃一十七畝五分銀二十兩一釐學

道地二頃九十五畝四分二釐銀一百二十九

兩六錢本府地嗣查銀九十四兩刑廳地三十

三畝二分八釐五毫銀八兩三錢二分一釐二

毫五絲本縣地八十八畝九分銀十一兩五錢

社學

南門內外各一東西門內外各三嘉靖四年督學鄒公善既修至道書院因徧葺社學有碑記在迎祥宮後今皆圯廢社學以端蒙養今貧生藉以餬口頑童聚以嬉戲豈立教初意耶

恤貧 貧不能葬不能娶不能衣食者皆有恤或

以鏹或以粟無恒數

書院

附 社會

子產不毀鄉較齊宣猶重稷門育人才美風俗書院又曷可少也歷下以書院名者四曰至道曰閔子曰白鶴而最後乃曰歷山方當盛時合六郡人

又較藝其中吾伊之聲與趵突接響黃中丞撫歷十餘年山水皆所登涉一日問左右曰濟南名勝何地未至左右以書院對中丞喟然曰書院乃賢士之關豈酒遊地乎重斥其人而止無何驛舍摧殘借供駐節已而銀璫大帥橫踞精一之堂黥胥健兒猥蹲瞻碑之畔畢直指闈之寧不悔為多事耶

至道書院

大明湖上江右鄒公善建原名湖南後更今名號舍若干間學田若干頃羣英才而教之名卿碩輔皆出其

中張江陵時改為提學道

閔子書院

閔子墓前劉富平勅改為講孝堂

白鶴書院

城北三里邑人周居岐建今廢

歷山書院

約突泉東巡鹽御史畢公懋廉萬曆甲寅年建其制中為精一堂六楹堂後有

穿廊有後堂六楹庭四楹各有配房四楹迴圍書舍數十楹堂前為儀門左右有掖門儀門前

有橋引白龍泉水經約突泉前東注之復會約突泉前為大門四楹門前有坊曰歷山書院坊

前有屏繪五魚化龍形初六郡士子讀書其中者以百計天啓初為郵亭士人不敢過而問矣

川上社

殷文莊主之嘉靖丁丑公以簡討居憂授徒課藝踰年售張中鵠周繼劉宗禹三人

次科售鄭傑洪一謨二人未幾召入而社廢

金線泉社

陳憲副九疇主之成進士者六人繼憲副載春主之成進士者四人

白鶴院社

周司農繼主之相繼發跡者數人

歷山社

黎令公國器主之設元縣庠官給養廩考次殿最士風翕然丕振

明湖大社

呂中丞純如主之命樊太守時英董其事諸生二百餘人會呈十卷中丞悉評

閱發刻賞賚有加

歷山大社

崇禎丁丑予糾同人為此社每會五七十名人自餽食糊名易書浸及百人私

館莫容會韓令承宣下車聞之令入書院會擇優卷送縣詳覽備刻行二載人文不變未幾以

罷

風俗

禮樂興於庠序教化成爲風俗附風俗於學較明

其源也隋書云齊郡風俗男子多務農桑崇向學
業程元云濟南人敦厚濶達多大節劉敏中云貴
禮尚義長老有勤儉之範子弟多絃誦之風以今
考之遺化猶存而囂風時作轉移化導存乎長吏
南陽好商賈召父審以本業潁川好分異黃霸化
以篤厚况歷風未流滋弊何不可變哉

鄉飲 舉以歲正月望十月朔古者賓席牖前南
面主人席阼階上西面介席西階上東面饌席
東北西面今賓主介俱隅坐相向矣古有瑟有
笙有勺有篚有司禁有玄酒今惟有觶有鐘鼓
古樂以工今以諸生古歌南陔魚麗周南召南
等章今惟歌鹿鳴四牡皇皇者華古有揚觶無
讀律今制取周官讀法之義所以補揚觶之不
足也

射禮

國初設圃於學亦以習射之法先期定耦樹鵠臨射
各以齒讓齒上者爲上射齒下者爲下射凡射
以二人爲耦耦各四矢中者飲三爵中采者

飲二爵負者階下取觶立飲射畢各揖而退今
功令森嚴必欲悉衿佩而韎韐濟鉛槧以弧矢何如
復古制以責其實哉

冠禮 前輩筮賓醮子甚慎歷俗總角弱冠皆從
其便三加之禮不惟凡民罔知卽詩禮之家亦
有不行且雜流無異章縫娼優埒於后飾恬然
莫知其非焉安得公孫僑取厥衣冠而楮之哉
婚禮 先以媒妁通婚約次交讌士夫加幣有度
不受財于歸前饋女紅嫁用粧奩既嫁送茶饌

雖親迎不行事事有古禮獨女亡多反而相訟
大爲惡風甚有指腹割襟乘凶扶婦者敗俗妨
禮尤所當禁

喪禮 親故三日殮焚用楮帛弔賻者至倩客迎
賓逢七延浮屠遮廬葬日置冥器列鼓吹導擁
土民廝同近日牙儉者流爭塗耳目墓起樓坊
衢設棚障後一日之觀壞百年之俗持正君子
甚耻之

祭禮 士大夫有家廟藏主於中祖考龕櫝依次

附焉累世不祧凡遇祭期則刑鷄以薦寒食墓
祭卽享神胙於傍雖販夫販婦亦知負楮錕以
徃詩云清明祭掃各紛然歷俗有焉

士人好讀書多盟社愛鼎者浹歲不至公門時
有一二敗羣取賤有司賢者遂耻與爲伍不肯
朋比相援且輸將恐後莫敢有雌黃時政覘縷
官府者獨是近日優贍無聞稅役交應謀食無
計唔呶聲漸衰矣

農夫富者食田貧者食力播種於地徼倖天澤
幸而豐年又苦征催稼甫登堂室已告罄一遇
凶歉家無隔宿稱貸無門矧諸差皆出於地農
民車戶等役遭之輒爲破家殃及族閭此農夫
所以扶耒而灰心也

工匠不作淫巧惟務本業日逐錙銖自食其力數
年來工役煩興餬口不給妨於官不得不取償
於民故今之工價皆倍昔時矣

商之大者曰鹽大力者負之而趨羅綺履舄取給
於南米粟布縷悉權於官一二傭夫販婦盼盼

窮年價增貨耗安望貿遷化居乎

孟春月元日昧爽設香燭牲醴祀神祇祖先家人稱壽及旦戚里相賀三日徧謁諸神祠宴親友元夜通衢張燈放花炬男女羣遊謂之走百病過橋放河燈是月也女輟鍼工童子入塾農于

耜

仲春月二日打灰回逆女歸寧春分日爲春酒是月也冰泮草生農舉趾會姻

季春月遊人徧于郊原命曰踏青二日上馬鞍山璠桃宮寒食祭墓標紙錢增新土是月也女爲歌鞦韆戲麥始生木始華桑始蠶多登岱起嶽社孟夏月八日爲佛浴日僧作盂蘭會徧鄉士女咸上東嶽廟北極廟是月也蠶繭登

仲夏月午日書門符懸艾虎繫綵絲黍角相餽士大夫携酒泛舟作折筒飲卽小民亦攜一壺劇飲樹下十三日作醮社祠關侯燕飲戲劇爲樂是月也麥始登婦始絲

季夏月六日汲水作酒麴士曬書農曬麥女曬衣

伏日造醬是月也黍始登

孟秋月七夕設瓜果乞巧婦歸寧中元日祭墓僧

作水陸醮是月也穀始登

仲秋月中秋翫月設菓餅飲月下戚里饋糕餅瓜

菓是月也木綿始登婦紡績

季秋月九日作菊糕登高媚女互貽服食是月也

釀菊酒醃瓜菜

孟冬月一日拜墓送寒衣農家滌場十五日下元

修醮是月也畢場功設讌會

仲冬月至日祀先逆女官拜

闕士拜師民祭祖是月也農治糞婦始織

季冬月八日食臘粥好施者濟貧童男女剃頭女

黔耳二十四日設湯餅菓菜祀竈除日易門神

桃符春帖插芝蔴楷於壁掛長錢是夕辭歲奠

爆竹焚蒼术家人設酒守歲是月也掃舍宇新

牆垣備薪米多嫁娶立春先一日迎芒神設讌

士人畢會老稚胥觀至期鞭土牛農商百藝咸

持器以走春

南鄉之民知耕耘善樵牧性惟魯畏官法故長年
之叟終身不知官衙而百里之地無人能解文
墨近來權貴置產其間不復向日樵源矣於是
刁詐日習竟有以樸貌相稱長吏者其產也宜
棗栗多藥材多炭薪

東鄉之民習農事多讀書性聰察善興訟故俗號
殷富士多振拔其產也多材木多蒲葦

西鄉之民務稼穡知誦讀性輕率其產也多瓜蒞
多絲綿

北鄉之民治畦圃性撲鄙其產也多粳稻多葱蔬
東關土厚水深其人敦樸然失也鄙西關水清水
秀其人文雅然失也華南關地衝民雜其人勇
悍然失也戾諺云東麥西米南柴北菜又曰東
關胡餅西關酒好漢出南門口此言雖鄙蓋亦
確論矣

五美 舊乘有五美五
惡之論附載

樂輸將 耕田納貢小民之職也有等姦民即日
撻而求其輸不可得歷民不俟催科而輸納如

流卽士夫亦先民而輸雖輸將固爲當然而較之姦頑大不相侔矣

按自癸酉秋糧衙役倡爲納黃米之說胥自貿米非

其米卽車輶雲集守候經旬亦不得納民始悌然喪氣矣夫邑有美俗最不易得奈何使利歸于下怨歛于上壞淳風而貽官謗彼孰孰何知寧不自爲愛鼎計乎

務本業 人皆種田藝圃貧者則樵採傭工遠販

者少男則貿易女則紡織在鄉者多務樹畜之業有僻在深山老死不識衣冠者

讀書 章縫家多教其子弟以繼書香卽農夫胥

役亦知延師學館如雲各社相望昔所謂十萬

人家盡讀書又曰齊魯文學皆天性倘歷得之者多與

士夫不放債 士宦挾橐中裝而問舍求田猶其

上者乃放債以權子母之利刀錐相競以魚肉

鄉曲又有奸民假縉紳之勢放已之財縉紳得

其一彼得其十不惟主人不知有司亦不敢問

歷之鄉紳羞爲之故多貧

婦女不出官 秦晉閭有事多婦女出告歷之婦

女恒多廉耻卽有牽及者亦百計求豁故歷多

烈女節婦獨是朔望日女婦猶多辦香而遊庵
觀者此尙不可不戒

五惡

衙蠹 無籍之人投售官府志在勾攝以瀆民血
髓又有富室求免差徭動以數百金買爲探快
一差破兩一票數出惡如狼虎非數十金不敢
獻跨馬橫行卽士夫不敢望可謂煊赫之極

順治玖年奉

明文汰革探馬永不復役

送訪 鄉曲挾讐卽賄窩家捏事件送訪雖良有
司昭雪之然一拿則身家盡破矣卽明知其冤
則曰訪犯也姑薄治之卒使無所控訴

串盜 無論強竊無窩則賊無所寄大都皆捕役
爲之故人寧失盜不敢報盜報則盜未必獲而
失主先受其殃比之惡則妄咬無辜以肆其詐
比之緩則坐地分贓而莫之誰何矣

火圍 民有訟之官者審其無事而放保寬之也
有一起姦民以賣飯爲名串通衙役窩屯之犯

無論飯高其價男子受其拘禁婦女任其姦淫
嘗有數月不能見官者亦可矜之甚

牙儉 若輩假以官稅為名物擡其價致使騰貴
又有一等市虎坐收龍斷之利大肆把持此貨
財所以不通也

學較廢則人才衰禮義消則風尚薄鄭人所為賦
子衿也故曰田蕪室荒其復也以三稔戶耗口戕
其復也以十稔禮義壞廉耻亡其復也無日矣歌
相鼠而不知咏茅鴟而不聞其何能治 七卷止

歷城縣志卷八

邑人葉承宗撰

選舉志

科目 貢監 武秩 雜吏

國以制科取士而猶歲舉明經歷人應運而生後
先輝映炳乎史冊矣乃若鷹揚遺烈鬱為干城山
東寧直多相哉至於漢辟功曹晉矜闕閱是皆思
皇之選也豈以勢之積輕而遂及其例與作選舉

志

科目

歷惟村藪方在盛時印纍綬若里擬鳴珂牀盈積

歷城縣志 卷八 科目 友聲堂

芴比年以來何落落如晨星也或曰灤水微而士氣薄歷嶺鑿而文運衰是大不然猶憶曩時上有臨賢課士之典下有閉關攻苦之彥冠蓋相望固其宜也余特取姓名次而列之其聲望表表者備載人物志中此不具論

甲辰科

洪武辛未科

楊煥

戶科給事中

建文庚辰科

武斌

員外郎

永樂甲申科

侯儀

知府

甲辰科

薛理

任行在戶科給事中奉授衛州府知府見人物志

正統乙丑科

王允

山西左布政見人物志

正統戊辰科

尹曼

宏之子丁卯第一名官至吏部尚書特進光祿大夫少保柱國謚恭簡有李入東陽誌銘

祀於鄉見
人物志

景泰辛未科

李衍

景泰甲戌科

史蘭

庚午第一名
御史陞知府

天順丁丑科

李森

給事中見
人物志

成化丙戌科

鄒襲

濟南衛人南兵部
郎中見人物志

成化己丑科

尹龍

曼之子翰林
侍讀學士

劉獻

濟南衛人戊子第一
名都御史見人物志

成化乙未科

張錦

獻之孫右都御史
祀於鄉見人物志

成化戊戌科

蘓泰

趙璧

給事中陝西
僉事見人物志

成化辛丑科

張鑑

主事

成化甲辰科



王勅 辛卯第二名探花及第河南提學副使國子祭酒見人物志

張善 湖廣參議

弘治庚戌科

陳謨 主事

弘治癸丑科

張良弼 進之子戶科給事中湖廣參議

弘治丙辰科

邊貢 寧之孫節之子南京戶部尚書祀于鄉見人物志

羅璋 修之子河南道御史陞知府

弘治己未科

周導 溥之子平陽知府

弘治壬戌科

徐暹 給事中山西副使見人物志

正德戊辰科

祝壽 雲南布政

正德甲戌科

劉天民 環之孫緒之子四川副使見人物志

張玩 太僕寺少卿

劉承恩



正德丁丑科

王至善 浙江 參議

趙璜 川府 長史

嘉靖癸未科

陳明 浙江 僉事

劉汝松 漢中 知府

嘉靖丙戌科

陳軻 陝西 臨洮 知府 見人物志

谷繼宗 濟南 衛人 宜興 知縣 見人物志

嘉靖壬辰科

范瑟 翰林 編修 陝西 副使 見人物志

嘉靖乙未科

趙繼本 翰林 庶吉士 改御史 北京 學院 見人物志

魏希佐 山西 潞安 府 推官

嘉靖戊戌科

金城 鼎之 玄孫 佩之子 江西 道 御史 蕪州 知府 見人物志

嘉靖甲辰科

李攀龍 庚子 第二 名 河南 按察 使 祀于 鄉 見人物志

張嵐 山西 參議 見人物志

薛樟 松梅 之弟 廣東 道 御史 見人物志

洪遇 陝西 西安 府 知府

徐承祖 暹之 孫 丁酉 第 一名 元氏 知縣

嘉靖丁未科



殷士儋 峻之孫庚子第五名歷官少保禮部尚書武英殿大學士贈太保謚文莊祀於鄉見

人物志

嘉靖癸丑科

潘子寬 子雨弟戶部員外郎祀於鄉

嘉靖己未科

劉宗岱 勗之子陝西副使

嘉靖乙丑科

周繼 尚忠曾孫居岐孫南京戶部侍郎見人物志

韓應元 山西參議祀於鄉 陳可大 工部郎中

鄭傑 直隸吳江知縣

隆慶戊辰科

于鯨 河南道御史太僕寺少卿 劉伯縉 山西副使見人物志

隆慶辛未科

趙世卿 戶部尚書太子少保祀于鄉見人物志

萬曆甲戌科

王見賓 僉都御史祀于鄉見人物志 于達真 丁丑廷試陝西參議

萬曆丁丑科

張志 嵐之子翰林庶吉士湖廣參議 賈希夷 御史陞河南副使



陳九疇 乙卯第一名山西副使祀于鄉見人物志

萬曆庚辰科

董元學 策之孫陝西布政為入醇謹寡交遊亦篤行君子

陳載春 九疇子河南副使見人物志

萬曆己丑科

陶嘉璋 濟南衛人河南副使

萬曆壬辰科

穆深 吏部稽勲司員外郎祀于鄉見人物志

劉亮采 辛卯第六名璟之玄孫縮之曾孫天民孫戶部主事見人物志

陳宁 大本子辛卯第二名陝西副使

萬曆戊戌科

吳聞詩 直隸天長知縣祀于鄉

萬曆丁未科

周萬鑑 溥之玄孫藻曾孫四川道御史 汪三益 行人朝鮮正使

萬曆癸丑科

方守地 四川叅政能詩文 張九賢 本名九重刑部主事

萬曆壬戌科

孫止孝 純孝弟會魁密雲道叅議見人物志

孫成孫志 卷八

選舉科目

友聲堂



天啓乙丑科

張元俊 鑾五世孫
曲沃知縣

崇禎丁丑科

王際亨 直隸南
和知縣

鄉薦

洪武丁卯科

仇友 戶部員
外郎

謝允 泗水
訓導

庚午科

張志 刑部員
外郎

徐敏 順天
訓導

癸酉科

錢盛 秦府
伴讀

秦琰 刑部
侍郎

張時中 真定
知府

郭英 陝西道
御史

丙子科

張本 河南榮
陽知縣

黃質 寧府
紀善

魏登 直隸內
黃知縣

陳俊 河南懷慶
府訓導

己卯科

武斌 庚辰
進士

楊煥 辛未
進士

艾福 福建建寧
衛經歷

張子善 陝西鳳翔
府簡轍

重校系志 卷八

選舉 科目

友聲堂



壬午科

竇信

四川道御史

黃文

陝西階州訓導

黃昭

直隸淮安通判

永樂乙酉科

侯儀

甲申進士

張文郁

山西太原知府

沈俊

光祿署丞

耿信

陝西慶陽知府

李琰

陝西秦州同知

張東

戶科給事中

牛恭

鴻臚鳴贊

金儀

光祿署丞

黃榮

韓府長史

焦僕

遼東自在知州

戊子科

張俊

通政叅議

科義

陝西平涼知府

辛卯科

傅弼

河南南陽知府

王璉

山西曲沃教諭

李壽

山西臨汾知縣

張獻

光祿署丞

劉翥

陝西慶陽推官

趙紳

江西叅議

穩顒

山西原州知州

甲午科

尹宏

福建泉州知府以子旻貴累封少保吏部尚書



韓聰 直隸燕山 衛經歷

吳信 直隸保定 衛經歷

侍立 戶部 主事

胡寧 山西澤州 同知

苗興 河南太康 知縣

楊春 山西平陽 推官

程稷

李厚 直隸華亭 知縣

李福 直隸澤縣 教諭

楊清

李源 山西安邑 知縣

丁酉科

楊宏 浙江金華 府庫大使

孟訥

張貫 直隸寧國 推官

黃升 遼東廣寧 衛經歷

劉斌 直隸慶雲 知縣

姚真 鴻臚 鳴贊

庚子科

時利 刑部 主事

竇暹 南京刑部 主事

癸卯科

張勇 國子監 學正

封術 河南府 城教諭

薛理 甲辰 進士

張鑑 直隸清苑 知縣

李春 雲南蒙化 通判

徐峨 山西沁源 知縣

李漢 南京羽林 衛經歷

郭政 直隸平山 教諭

祖斌

胡寧 河南許州 訓導



宣德丙午科

劉貴 鴻臚 鳴贊

巳酉科

閻肅 山西 參議

孫睿 山西 參政

邢讓 順天 通判

壬子科

田輔 直隸 靈璧 知縣

乙卯科

劉敏 河南 許州 知州

趙瓚 紳之 弟

正統辛酉科

王允 乙丑 進士

甲子科

鄒儀 四川 重慶 教授

趙恭 直隸 安肅 教諭

丁卯科

尹旻 第一名 戊辰 進士

陳昱 陝西 都司 斷事

李茂 陝西 參議

康原 廣東 廣州 府同知

崔鐸 山西 代州 知州

殷質 河南 鄴縣 教諭

張鸞 湖廣 長沙 通判

李信 代府 教諭

王福 山西 興縣 知縣

薛昌 雲南 臨安 知府



景泰庚午科

史蘭

第一名甲戌進士

李森

丁丑進士

賈恕

河南封丘知縣

癸酉科

李衍

甲戌進士

張相

勇之子

盧獻

直隸富州知州

羅修

丁丑進士

丙子科

周溥

第一名直隸元氏知縣

鄒襲

丙戌進士

大順己卯科

高輔

福建運使

韓相

聰之子直隸棗強知縣

邢思義

讓之子

邊寧

應天府治中

楊璽

直隸太平知府

壬午科

崔森

鐸之孫第二名

孫瑜

直隸太平通判

董璽

直隸山陽知縣

成化乙酉科

朱鼎

直隸徐州知州

王倫

直隸真定同知

王凱

直隸深澤知縣



戊子科

劉瓛 第一名已進士

劉現 瓛之弟知縣

薛讓

辛卯科

王勅 第二名甲辰會試探花及第

劉琬 謙之子

張鼎 乙未進士

徐敬 山西汾州知州

趙望 進士

尹龍 已丑進士

柴鵬 河南衛輝通判

蕪泰 戊戌進士

王乾 戶部主事

張鑑 辛丑進士

李綸 壽之子直隸隆慶知州



甲辰科

周恪 河南孟津教諭

林峴

丁酉科

許嗣榮

李鐘 岐嶺長史

庚子科

殷峻 以孫士儋貴累贈尚書大學士

范圯 直隸博野知縣

崔茂 浙江溫州通判

陸洪 山西沁州教諭

李懋 順天府教諭

張善 甲辰 進士

王宗 直隸 豐知縣

丙午科

王昌齡 名 進士

周導 已未 進士

李澤 山西忻州 知縣

邊節 寧之 山西知州

張良弼 癸丑 進士

弘治己酉科

李宗舜 信之 河南榮陽訓導

陳 庚戌 進士

盧法

湯俊

壬子科

周程 溥之子 導之兄二名直隸寶坻知縣

周秀 溥之子 導之弟第 五名懷慶同知

羅璋 丙辰 進士

劉緒 環之子 直隸高邑知縣

徐暹 壬戌 進士

乙卯科

趙睿 山西介休 知縣

張齊 鼎之子 浙江金華同知

邊貢 丙辰 進士

戊午科

董昌 直隸揚州 通判

姚卿 山西霍州 學正

張鑾 直隸行唐 知縣

畢鐸 直隸滑縣 訓導



辛酉科

賈駿 直隸貴池教諭

秦鉞 山西嵐縣知縣

趙隆 山西霍州知州

甲子科

岳巍 山西渾源知州

李宗文 直隸南宮知縣

祝壽 戊辰進士

正德丁卯科

劉天民 甲戌進士

鄒以定 襲之子以誠兄懷慶教授

庚午科

王詔 河南開封同知

李良翰 河南永寧知縣

癸酉科

胡鏜 第二名武學教授

靳廷寶 陝西渭南知縣

鄒以大 襲之子以定弟山西文水知縣

魏治

柴軻 直隸樂亭知縣

張玩

陵俊 直隸隆平知縣

劉承恩 甲戌進士

谷繼宗 丙戌進士

趙秉祝 陝西寧州知州

丙子科

趙瑄 丁丑進士

王至善 丁丑進士



陳明 癸未進士

巳卯科

劉汝松 巳未進士

錢世資 公溥子贊皇知縣

劉煥

蘓民慶 南京刑部員外郎

劉宗仁

江濬 山西道御史陞陝西副使

壬午科

曹俸 山西平遙知縣

閻在邦 紀之子隨州知州

湯霽 直隸吳橋知縣

乙酉科

曹卿 第二名直隸河間通判

李瞻

陳輞 丙戌進士

馬應奎 山西應州知州

賈應祥 峻之子

范瑟 壬戌進士

周居岐 尚忠之子河南葉縣知縣以孫繼受封見人物志

嘉靖戊子科

董三餘 政之曾孫璽之孫

辛卯科


金城 戊戌進士
魏希佐 乙未進士

薛松 梅之弟樟之兄

卷八

科目

友聲堂



甲子科

趙繼本 乙未進士

周居魯 尚忠子居岐弟以歲貢中順天亞魁直隸元氏知縣

丁酉科

徐承祖 第一名甲辰進士

崔世用 河南懷慶推官

錢穀 世資之子

齊忠 山西安邑知縣

庚子科

李攀龍 第二名甲辰進士

殷士儋 第五名丁未進士

洪遇 甲辰進士

張汝龍 山西渾源知縣

癸卯科

許邦才 第一名周府長史加四品服俸見人物志

魏宗芳 河南歸德同知

薛樟 甲辰進士

陶棟 相之弟河南羅山知縣

潘子雨 子霓弟行太僕少卿能詩

張嵐 甲辰進士

郭寧 淮府長史

丙午科

張弓 第五名直隸淮安通判見人物志

巳酉科

耿尚文 信之曾孫直隸蠡縣知縣

潘子霓 癸丑進士



趙鑛 璧之孫

崔元吉 森之孫宿遷知縣民為立祠

張存智 瑄之孫戶部郎中

壬子科

楊宗儒

高自甲 直隸邳州知州

劉宗岱 已未進士

乙卯科

陳九疇 第二名丁丑進士

任登瀛 河東運副見人物志

劉伯縉 戊辰進士

李魚化 直隸威縣知縣

戊午科

張中鵠 伯醇之子河南歸德通判

韓應元 乙丑進士

周繼 乙丑進士

劉宗禹 山西沁州知州

辛酉科

鄭傑 乙丑進士

洪一謨 遇之子御史陞湖廣僉事

劉鉞 陝西漢中通判有詩集二卷

孟醇 雲南僉事侏儒滑稽善攝生好亭榭

甲子科

于鯨 戊辰進士

趙世卿 辛未進士

陳可大 乙丑進士

隆慶丁卯科



李淑性 應和子

張正蒙 四川成都通判

庚午科

王見賓 甲戌進士

張志 嵐之子丁丑進士

宋應奎 河南沈丘知縣

萬曆癸酉科

周璧 直隸玉田知縣有清操

劉承培 煥之子

陳載春 庚辰進士

于達真 甲戌會試丁丑廷試

光廬 河南太康知縣見人物志

丙子科

耿熠 尚文子直隸廣平同知飲于鄉

賈希夷 丁丑進士

劉伯綬 伯縉弟雲南楚雄知府見人物志

黃應乾 質七世孫湖廣蘄州知州

劉濟 曹縣教諭

李淑身 應和子淑性弟河南鞏縣知縣

巳卯科

董元學 庚辰進士


劉勅 陝西富平知縣見人物志

壬午科

趙肄塾 繼本孫克塾弟第

張情 鑿之玄孫雲南巨津知州

陳大務 陝西延安同知五馬之第無一椽支風雨然諸子孫皆以才餬口四方矣



王一登

劉遷 河南衛輝知府見人物志

彭潤 山西蒲州知縣

余晉

趙廷璽 直隸景州知州

張邦基 汝椿孫暉之子湖廣保康知縣

戊子科

穆深 第七名壬辰進士

袁慶庚 霑之子直隸晉州知州

田秋實 遺東安樂知州

張九疇

陶嘉璋 巳丑進士

辛卯科

陳宁 第二名壬辰進士

劉亮采 第六名壬辰進士

吳聞詩 戊戌進士

黃應貞 質七世孫應乾弟山西榮河知縣

甲午科

張蒙正 直隸保定同知

穆遠 深之弟直隸元城知縣見人物志

丁酉科

馬維驥 河南陳留知縣

張九重 癸丑進士

邢善

殷象賢 士儻從孫直隸霍山知縣精理學善音律積書數百卷

庚子科

陳楹 直隸平山知縣

孫純孝 止孝兄見人物志

癸卯科

汪三益 第七名丁未進士

孫止孝 壬戌會魁

張士英 山西徐溝知縣

丙午科

王啓亨 元復子第二名見人物志

姜應科 陝西郿陽知縣

周萬鎰 丁未進士

壬子科

方守地 癸丑進士

馬從龍

乙卯科

米嘉珠 見人物志

劉汝通 見人物志

賈槐 希夷子見人物志

戊午科

張元俊 乙丑進士

天啓辛酉科

曹顯光

甲子科

趙天開 璿之玄孫繼本孫肄藝從弟第九名著易經四書講意各數十卷

徐暉吉 見人物志
張元英 鑾六世孫情之子見人物志



董威如 元學嗣子

馬鳴宙 惟驥猶子

丁卯科

吳斗光 直隸博野知縣 丙寅死於難 劉化光 伯縉猶子伯綬子見人物志

趙標名 已卯守東城正月二日城陷人見其死東城下

葉承宗

崇禎庚午科

胡顯宗 見人物志 劉漢儀 化光子見人物志

癸酉科

丁振 見人物志

丙子科

嵇嵐 第七名見人物志 王胤前 見人物志

孫建宗 止孝子純孝猶子 王際亨 丁丑進士

劉緯

貢監 任子保舉附

明經一席盛代所重然固有博物洽聞厄於數奇俛首而就寒氊者則亦有偶廁前茅魚貫而及揚眉而後進賢者斯固區以別矣而况值

國慶典則有貢不次特拔則有貢貢雖不同皆非待

年者比也若夫任子厚襲夫祖廕成均廣毓乎譽
髦擇其賢者著於篇至例貢一途槩置不錄君子
以爲銅臭也

歲貢

洪武年

宋牧

天長主簿

尹迪

大興主簿

李觀

雒陽知府

劉郁

靈石知縣

楊政

春坊清紀郎

趙庶瞻

汾州知府

楊勉

吉安府通判

永樂年

趙謙

臨洮府同知

曹樂

安樂州判官

李貞

李煥

紹興知府

張欽

許信

江陰主簿

趙祚

宋慕

鳳翔知事

程翱

王榮

崑崙衛經歷

黃盈

兵馬指揮

宣德年

楊亨

河南縣知縣

薛凱

崞縣知縣

邢志

昌黎縣丞

金鼎

珮之曾祖城之高祖南京戶部主事府庠

鄧宗

昌平縣丞

王安

桃源縣丞

正統年



劉振 靈丘主 府教授

姒芳 泉縣 知縣

趙冲 太谷 縣丞

許鼎 溫州府 通判

趙璿 繼本祖河 東運同

沈俊 光祿 署丞

吳信 太谷 縣丞

張洪 蘭州衛 經歷

張志 潞州 判官

李幹 通政司 經歷

劉殷 遼府 典簿

李譽 延安 昭磨

董正 武安 縣丞

景泰年

劉經 南陽 知縣

聶通 桐城 主簿

周紀 武安 知縣

天順年

范禎 新野 知縣

張倫 儀武 縣丞

李友 陽武 縣丞

李斌 肅縣 縣丞

耿恕 新城縣 丞府席

劉鐸 新領 縣丞

劉璟 天民 之祖

趙縉 茗溪 驛丞

胡秀

張進 良弼父樂 州判官

成化年

尹禎 河南縣 知縣

單貴 肥鄉 縣丞

劉龍 蘭溪 大使

尹裕

江深 固始 訓導

江清 永城 訓導

蕭敬 阜陵衛 經歷

陳能 固始 訓導

蔡垠 元始 訓導

李麟 曲沃 訓導

于弘 吳江 縣丞

張昱 汲縣 訓導

弘治年

蕭起

張綱 壽州學正

張汝椿 齊之子 德府教授

李能

張理 存智之祖

崔朴

楊紳 清河教諭

董駿

張璉 交城教諭

正德年

鄭瓚

許振 鳳翔府訓導

崔顯 武弘訓導

金珮

李宗 臨漳訓導

闞紀 在邦父桃源主簿府席

李博

劉勗 鄭州學正

林訥 徽府審理

錢公溥

世資父中牟訓導府席

嘉靖年

張瀉

王寵 華昌推官府席

徐旻

王廷偉

昌齡子濟州衛教授府席

白瑞

趙仲篬

義寧王府教授

朱鼎

周尙忠

居岐居魯之父 葉縣訓導

盧政

張鏜

泗水教諭府席

盧昌 鳳陽訓導

杜孟芳 臨晉縣丞

薛梅

松樟之兄

董策 駿之子天澤父元學祖府席

周居魯

尙忠子居岐弟中順天亞魁

張爵 茂名知縣

來鳳

余社教諭

董天澤 策之子元學父瀋府教授府席

卷八

科目

友聲堂



劉欽 魏氏訓導 張大化 山海衛教授府庠

崔岱 行陽訓導 陶相 棟之兄原武知縣 姚存仁 遷安訓導

李應和 淑身淑性父拓城知縣 曹濟文 雞澤訓導

張皖 齊之孫教授 趙應奎 袁霑 慶庚父秦府教授飲于鄉

艾濟 賈濟世 張伯醇 中鵠父

隆慶年

丁舜卿 廣平訓導府庠 李元亨 高文蘭 府庠

王堦 廷偉子元復父兗州教授 徐來朝 曹縣訓導

萬曆年

許復 邦才子雞澤知縣府庠 曾國泰 金州衛訓導

李駒 攀龍子府庠 李慶元 張間行 泗水訓導府庠

范廷彥 孫鵬程 文縣知縣府庠 馬班 應奎子府庠

潘子震 子兩弟子覓兄莘縣訓導有詩刻 劉晉 莘之兄府庠

楊承恩 平陽府通判見人物志 李華春 府庠

趙元懿 馬邑教諭府庠 張幼學 子子高唐訓導 劉遂 鐵嶺衛教授府庠

王瑤 汾州府訓導 劉尙德 潞城縣丞 董光 天澤子聊城訓導能詩

岳邦鎮 城武教諭 馬一乾 青州府教授能詩

王元復 堦之子啓亨父平山教諭見人物志 陳大本 寧之父

歷城縣志 卷八 選舉科目 友聲堂

張念 嵐之子志之兄 黃縣教諭府庠 李應麟 府庠

党正 磁州判官 柳汝棟 蓬萊訓導府庠 畢用 卽墨訓導

張程 善之子益陽王 府訓導府庠 朱邦才

王道成 萊州府教授府庠 王道平 青州府教授

趙克塾 繼本孫肄塾兄 府庠能詩文 陳陞 寧從兄 鄒城教諭府庠

孟開東 周宗孔 臨清州訓導府庠

曹學禮 東平州學正 趙宗孟 趙登 臨清州訓導

時遂 張康時 劉萃 晉弟壽章 導飲于鄉

劉檄 救之弟邳州知州府庠飲于鄉見人物志 張維 滕縣訓導

張夢兆 昌樂教諭博學能詩精天文以居廬歸竟不仕 王弘化

張鳳羽 武城訓導府庠 馮東暉 青州府訓導 孫翹 曹縣訓導

傅自新 曹縣教諭

天啓年

孫承業 東阿教諭 張允文 東昌府教授見人物志

陳彥 輞之孫東平學正府庠能詩 趙惟琴 盧龍衛經歷府庠

劉遜 保定教授能詩 劉三樂 昌樂教諭 趙議 舞陽訓導

徐有爲 周府教授府庠 李和 府庠縣丞

崇禎年

陳棟 九疇孫武城訓導 楊衍嗣 承恩之子能詩 黃邦屏

馬駿 府庠 吳從周 萊州訓導 謝孔傳 臨胸訓導

林民表 張廷彬 嵐孫志子 席宴儒 府庠

選貢

張琳 女棟子邦基父隆慶恩選 張丕烈 萬曆末年拔貢府庠

孫馮翔 秦昌恩選府庠福州府通判

賈嗣炤 希夷孫泰昌恩選有和陳方伯落花吟三十首見人物志

史臣贊 天啓恩選忻州知州府庠見人物志

王德璋 見賓孫天啓恩選臨城知縣能詩文

張經 程之孫崇禎恩選著論語中庸亦說仁義辨等書已卯守北城死

江源長 乙亥拔貢已卯死

高鳳翔 崇禎已卯以副榜克拔貢邑廩生

時鳳儀 崇禎已卯以副榜克拔貢邑增生

任子

尹繼祖 以祖旻廕授中書舍人

邊翼 以父貢廕潘子霓華泉詩序曰胄子翼長為光祿丞

殷盤 以父士儋廕貴州思州府知府有南北遊稿 周之冕 以父繼廕

趙鉉 以父世卿廕官至廣東高州府知府

殷啓賢 以祖士儋廕見在潞安府同知有清操重於時

趙鑛 以父世卿廕

趙滋初 以祖世卿廕

監生

李煥 永樂時見保舉

張汝桂 齊之子

王振宗 見賓子

賈梧 以邑庠入監任廣東潯州府經歷

董道南 元學子廩監

李化魯 光祿署丞能詩

劉謙光 伯縉子廩監以註誤改武仕至羅文峪守備加銜遊擊博學能詩

陳樞 載春子庠生入監樸厚温醇善承親意人樂與交已卯守西南城死難

保舉

張紳 濟南衛人洪武中以勇畧薦仕至浙江左布政

秦琰 洪武癸酉舉人仕至刑部侍郎 郭英 洪武癸酉舉人仕至陝西道御史

竇信 永樂癸未舉人仕至四川道御史 趙紳 永樂辛卯舉人仕至江西叅政


李煥 永樂中國子生仕至紹興知府

武秩

寧為百夫長不作一書生似武處其優挽萬石方

不如識一丁字似武又當其誦夫衛青奮於廝隸

岳侯起於步伍豪傑顧自奮耳誰謂將真有種哉



第邇來純袴之子哀焉建旄負販之夫突然橫帶
豈惟儒生是耻卽韎韐跼注諸君子寧不羞與爲
伍乎先武科次將材亦以見赳赳桓桓不愧生我
秦羅之里也

武進士

鄭惟清

指揮會試第二
名官至都司

谷中和

指揮官
至守備

王政

百戶官
至守備

劉定邦

千戶官
至遊擊

王敬賢

政之子百戶官至武
定守備見人物志

李揚

民生官
至守備

許振威

民生官
至守備

扈陞

民生崇禎辛未是
科傳臚涿州守備

吳安民

安邦弟甲戌
曹州守備

穆光胤

深之子丁丑本省巡道中軍
守備已卯守西城死難

汪三奇

三益之弟丁丑
大安口守備

武舉

費惠

指揮官至
文登守備

費克謙

惠子指揮京營
副將見人物志

魏明邦

指揮官至遊
擊見人物志

傅承恩

百戶三科天津
遊擊見人物志

尹湯相

百戶

韓宣旂

指揮天
啓丁卯

馬壯

鎮撫

李騰蛟

百戶

杜明卿

千戶

周文煥

王世英 千戶

陶重器

張遇吉

王仕賢

李守仁

于安民

殷悅賢

秦邦賢

朱廉 見人物志

見人物志

侯來朝

鄭明雋 癸酉

岳惟岱

張元弼

陳所志

官至守備

耿呈獻

程起鵬

縣探馬

張啓元

馬從聘

馬鳴家

鳴甫弟

張元甲

李慶庚

崇禎癸酉

觀國光

癸酉

陳元勳

癸酉

趙騰龍

封三位

天啓丁卯

支天柱

崇禎丙子

趙普

丙子

鄭國柱

丙子

陳典

中丙子 變死西城

張章

丙子

王丕振

巳卯

呂興邦

巳卯

陳元運

巳卯 第二名 鄒平練總

武將



衛青 指揮官至總兵見人物志

衛穎 青子

朱官 千戶官至總兵

吳安邦 指揮官至登州總兵見人物志

韓國禎 指揮官至參將

王國光 指揮官至都司

李啓東 指揮官至參將

彭翼 指揮官至都司

于慶 指揮官守備

毛爾成 指揮官至守備

法國勳 指揮官至都司

觀應武 千戶官至遊擊

李績 啓東子指揮官至本省參將

陳光耀 指揮官至

掾吏

漢世范孟博諸賢皆奮跡功曹卽我

朝况都憲鍾亦以文仁害起家安在刀筆吏不可爲

公卿耶但近日吏職日下律學失傳給事上官則

虎而翼出佐郡邑則鼠而伏求其嫻習法令表表

建明者無人焉往牒無聞故老弗識耳目覩記聊

志數人以爲掾式豈真謂讀書不讀律致君終無

術哉

趙應奎 字子徵以長史功曹掾除霸上倉大使單車之壩會計惟謹束橐較於輿薪執槩不爽釜鼓吹小真村巡簡有劇賊檄捕之俘十數

輦賊悉衆拒之遂爲所獲直兵在胸旬兵在頸公不爲動賊亦尋解事聞不次陞焉二

何棄官歸則長君世卿舉於鄉之歲也

殷汝楫

任河南唐縣主簿居官不阿堂官寃逮一

孫象賢以鄉

薦為霍山令

李寶

號儒溪任河南柘城縣主簿征施五有功

殷哲

字子濬通吏河南趙府審理居官清慎處眾謙和一貧如洗眾皆賢之

秦邦彥

仕大興縣丞精律令性剛直縣令欲殺一人彥輒出之至相駁到京兆前京兆謂令

曰秦丞強項爾須讓之竟出其人後陞經歷彥以仕途難容謝政歸學律者多師之晚歲得子

夢臯為諸生有文名

孫自成

通吏遺腹子武功中衛經歷習律令明術數善奕棋克例貢又從征

范名臣

京衛經歷性恬雅有文人之度

胡士傑

少好讀書四十無成去而學吏勤慎謙和雖案牘紛紜猶不釋書史子顯宗舉庚午

已卯父子皆死於

天下積重之勢在科目矯之者輒欲佐以徵辟豈

真謂鎖棘餽名風簷日陞之外果有肥遯高舉如

所謂嚴陵之瀨者哉夫一代之典羣材所聚漢重

射策則有賈董晉矜門第則有王謝唐宋重詞賦

則有姚宋韓范豈有專崇經術顧不得真儒之用

者竊怪今之君子外務日來閱牆彌甚致令縱橫

之流刀筆純袴之子皆能咄咄擲揄薄儒術為罔



效噫吏道多端雜流並進今之徵辟者能已見於天下矣

歷城縣志卷八止

歷城縣志卷九

邑人葉承宗撰

武備志

軍制 兵防

禦侮之策一曰軍一曰兵而鄉兵不與焉軍主守兵主戰顧言軍則必覈屯言兵則必籌餉而嗟仰屋悲空炊者輒耽耽於鄉兵夫亦謂土著無慮逃亡家食無需饋餉耳遂自詡爲得寓兵於農之意噫譚何容易古所謂寓兵於農者謂計畝賦車而不重稅也今履畝且至再至三矣謂家給人足而人勇公闔也今細民且啼饑號寒矣謂老疾者聽

孤弱者畱不悉族而役也今壯夫荷戈老稚給餉朝不謀夕矣如之何其爲寓兵於農也

國家軍政故在兵法故在覈實行之自可建威銷萌畱此疲瘵小民生息保聚以爲辦租供餉之資可耳禦侮長策誠不恃乎此也作武備志

軍制

軍以衛城屯以養軍養兵數百萬而不費一錢誠良法也自正統以來始而分班京操繼而調撥邊戍精壯往役所遺老羸軍餘真如駢拇軍威不足勢不得不勒召募客兵日盛勢不得不議增餉則屯制不清之故也清屯以恤軍恤軍以簡兵簡兵以省餉省餉以息民可無務乎

衛官

濟南衛指揮使七員

指揮同知六員

指揮僉事十員

署指揮僉事五員

經歷一員

鎮撫一員

濟南守禦左右中前後五千戶所正千戶十員

副千戶十三員

百戶十六員

試百戶七員

鎮撫七員

總旗二十二員

小旗五員

軍額

春班京操軍一千五十八名

崇禎已卯變殺擄見軍八百四十六名

邊軍原額一千六百五十五名

見軍一千二百七十七名右領春秋兩操各以

都司一員指揮二員崇禎已卯復用道臣押解

城操軍六百名

按觀風便覽濟南衛團操軍餘一千名內本衛六百名青州衛四百

名今分二部左部操軍六百名營官一員領之右部操軍四百名營官一員領之都指揮同知

一員濟南衛指揮一員統之今本衛軍缺額未補見軍四百一十六名

老幼軍餘二百八十名

舖軍原額七十五名

見軍一百三十七名

門軍原額一百四十名

見軍七十名

馬匹

城操營原額馬七十二匹

見馬二匹

軍器

造軍器局軍二十八名

玉簪盔一千六百五十三頂

明鐵甲一千六百五十三身

腰刀一千一百四十把

城樓貯器

大中滅砲三百八十位

魚鼓砲五位

虎蹲砲十七位

湧珠砲十二位

百子砲三十二位

摧鋒砲二位

佛狼機三十六位

鐵拐銳六十一杆

謹按國初製造軍器貯於城樓凡甲冑刀鎗弓矢鳥機灰罐油

瓶制勝摧鋒之具無不精巧該備卽長年軍弁猶有不知其名者天啓間楊都閩國棟恐城頭失於防備因於本司建房數楹以貯之尋復移置樓上呂中丞純如徧加驗試多毀古器而新

之浸尋至己卯之變城樓半燬器多殘失西南角樓又經砲震今所存止砲銳若干盛甲弓矢盡屬烏有季都閩國祚多方繕備月有增益雖漸次充足然古器不可復覩矣

營中器械

大鳴金二先登鼓二得勝鼓二小鼓十六響器全

坐纛旗金鼓旗五方旗清道旗四門八角旗中軍

旗左右認真旗高招旗掃蕩旗小藍旗各如製

營中長技

弓箭手三百火器手三百長鎗手二百大刀手二

百

屯額

京邊軍無糧贍軍地一千一百四十頃一十畝三釐一毫

屯地有糧地畝大小四十屯其地九百五十七頃十五畝三分六釐九毫九絲徵銀二千六百兩五錢二分

兵制

軍制隳而召募起土著寡而客兵繁戊寅之役主兵調以遠防客兵召而內守始而疑既而恃忽議募忽議撤千夫脫巾縣官捐數十緡乃得解去築舍之害至此哉今幸羣策保障計戍城則議留計增額則議募桑土綢繆可謂密已但衆多烏合不嫻節制餉非匱乏而肆行劫掠莫敢誰何無事而驕有事焉能用命師于之試是在今日矣

營官

軍門標下鋒營中軍參將一員 隨任守備二員
鋒營中軍一員 步前營千總一員 把總二員
步中營千總一員 把總二員 步後營千總一員

把總二員

馬左營千總一員

馬右營千總一員

內司把總一員

火營中軍一員

軍門標下旗鼓守備一員

天啓元年趙中丞彥題准設立

南兵營千總一員

把總二員

哨官五員

兵巡道家丁營中軍官一員

兵額

步前營兵丁四百四十九名

步中營兵丁四百九十八名

步後營兵丁四百九十七名

以上神樞營步兵一千四百四十一名

馬左營兵丁四百八十八名

馬右營兵丁四百九十八名

以上鋒營馬兵九百八十六名

南兵營兵丁四百九十一名

道丁營家丁一百四名

旗鼓營家丁五百九名

以上五營共兵三千二百三十一名

馬額

步營馬十五匹

馬左營二百六十五匹

馬右營二百五十五匹

戊寅

馬營六百六十七匹今缺未補

南兵營馬十一匹

旗鼓營戰馬八十一匹

係各州縣錢糧有缺卽補

道丁營官馬十五匹

戊寅間九十二匹

以上五營馬六百三十七匹

戊寅八百一十八匹

通計馬步南兵道丁官兵廩月糧銀馬料共該支銀四千四百四十兩四錢八分三釐

官丁雜流廩月糧銀馬料共該支銀六百七十九兩二錢六分五釐

練營把總一員

崇禎己卯初設

鄉兵三百二十名

月給工食九錢五分

神通營千總一員

萬曆末年設營在柳埠有公署有武場有營房今皆圯廢

民壯五百名

舊例歷城泰安長清肥城萊蕪共足其額將官俸祿民壯工食俱五州縣

支給自崇禎庚辰復設然兵額過誦焉能防大寇耶

膏沃入於豪彊而屯制壞頂替及於雇募而軍額

虛選練及於遊食而兵勢渙調遣志在劫掠而兵

律隳無事則餽餉以疲民有事則驛騷以戕民寇

梳兵櫛之謠所繇起也詩曰有嚴有翼共武之服
誠得其人以馭之則十二城之技擊何必不甲於
天下哉



歷城縣志卷九止

歷城縣志卷十

邑人葉承宗撰



人物志

鄉賢 隱逸

忠義 僑寓

孝子 儒釋

烈女

詩人

齊得檀盼則炤乘失珍楚有倚相則白珩削色鄉
 產英彥郡邑託以不朽何羨乎連城哉歷下山川
 靈秀鬱爲人傑終林崔員華其前徽尹邊殷李振
 其後範節更邑號孝錫泉名青蓮少陵飛嵒華之
 翰墨丹陽法朗留觀彌之奇蹤備記於冊俾後之
 有志者知所感而興焉作人物志

賢

卷十

賢



鄉賢在古為野史之公評在今為縉紳之通譽夫
德立而名不立觀風者之責也文身而實不予操
簡者之任也故曰羣心之尸視榮於俎豆一時之
竊冒甚於穿窬詢父老叢遺文合古今民望得如
于人以為人物稱首

周公哲哀

字季次齊人孔子弟子鄙天下多仕於大夫家者故未嘗屈節其亦汶上之流與

汝叔乘

齊人孔子弟子封博昌侯

秦茅焦

齊人嫪毐之亂王遷太后於雍下令敢諫者死諫而死者二十七人齊客茅焦請諫王怒欲烹之焦曰陛下車裂假父囊括二弟遷於雍殺戮諫士令天下聞之盡瓦解無嚮秦者

漢終軍

解衣伏鑊王下殿手接之爵以上卿自駕車迎太后歸母子如初祀鄉賢字子雲濟南人辯博能文武帝時年十八選為博士初軍步入關關吏與繻軍曰大丈夫西遊終不復傳還棄繻而去上嘗言事拜謁者給事中從幸雍祠五時獲白麟奇木上異問軍對奏甚中上意博士徐偃矯制使膠東魯國鼓鑄鹽鐵張湯劾偃詰問不能屈詔下軍問狀乃服及軍出關關吏曰此前棄繻生也累擢諫議大夫願請長纓繫南越王闕下卒年二十世號終童祀於鄉

王訢

濟南人武帝時以郡縣吏稍遷被陽令以繡衣御史暴勝之薦徵為右輔都尉守右扶風武帝數出幸過扶風供張辦帝嘉之拜為真昭帝時代田千秋為丞相封宜春侯薨謚曰敬祀

鄉賢

公玉帶

濟南人武帝封泰山欲作明堂未曉其制帶進黃帝明堂圖上乃命作明堂奉于汶

上如其圖制

林尊

字長賓濟南人事歐陽高治尚書為博士論石渠官至少府太子太傅授平陵平當梁陳翁生當至丞相翁生為信都太傅家世傳業繇是歐陽有平陳之學祀於鄉

王賀

平陵人武帝時東方盜起上使范昆張德等衣繡衣持節虎符發兵擊斬賀亦以繡衣御史逐捕魏郡羣盜多所縱舍以奉職不稱免賀嘆曰吾問活于人者子孫有封吾活萬人後世其興乎

唐賈閏甫

歷城人李密據東都既殺翟讓頗自驕於道開雜口倉任民取給至負取不勝委於道羣盜就食者近百萬密喜自謂足食閏甫曰國以民為本民以食為天今民襁負如流而

秦瓊

字叔寶歷城人始從通守張須陁陁死以兵屬裴仁基仁基降李密密得叔寶大喜復

歸三世克與程穀金計曰世克非撥亂主也因約俱西走策馬謝世克曰自顧不能奉事請辭於是降高祖戰美良川破尉遲敬德帝賜以黃金瓶勞曰使朕肉可食當割以啖爾授秦王統

軍走宋金剛於介休從討世克建德黑闥皆身先陷陣進封與國公每敵有驍將銳士震躍出入以誇衆者秦王輒命叔寶往取之以平隱巢功拜左武衛大將軍封七百戶卒贈徐州都督陪葬昭陵太宗命有司琢石為人馬支墓前以旌戰功貞觀十三年改封胡國公圖凌烟閣

員半千

字榮期齊州全節人其先本彭城劉氏十世祖凝之以忠烈自比伍員因自姓員半

千始名餘慶羈弗通書史客晉州州舉童子歲玄齡異之對詔高第長事王義方義方嘗曰五

百年一賢者生子宜當之因改今名凡舉八科
皆中咸亨中上書自陳不報調武陟尉歲旱勸
令殷子良發粟賑民不從及子良謁州半千悉
發之刺史囚半千會薛元超持節渡河讓大守
曰君有民不能恤使惠出一尉尚可罪耶釋之
俄舉岳牧高宗問兵家三陣半千奏對帝善之
使吐蕃將行武后曰久聞爾名謂為古人乃在
朝耶即詔入閣供奉弘文館直學士武三思用
事出豪斷二州刺史半千不欲任更嘗以文雅
粉澤故所至禮化大行肅宗初召為太子右諭
德累封平原郡公半千事五君有清白節樂山
水自放開元九年遊堯山沮水間愛其地遂定
居卒年九十四
吏民哭野中

何彥先

齊州全節人武后時位天官侍郎初與員
半千同事王義方既死行喪蔣松栢冢側

三年
乃去

崔融

字安成齊州全節人擢八科高第累補崇文
館學士武后幸高高見融銘啓母獨羨之

即命銘朝覲碑授著作佐郎遷右史鳳閣舍人
時有司議關市行人盡征之融疏諫止授國子
司業封清河縣子卒謚曰文膳部員外郎杜審
言為融所薦為服總麻生六子其聞者為錫勣
馬錫開元中書舍人翹禮部
尚書孫巨右補闕曾孫從

郭虔瓘

齊州歷城人開元初錄軍閥累遷右驍騎
將軍兼北廷都護明年突厥默啜于同俄

特勒圍北廷虔瓘設壘自守因俄單騎馳城下
勇士阻道左突斬之此降以功授冠軍軍大將
軍封潞
國公

員俶

半千孫開元間召能言佛道孔子者答問禁
中俶九歲升坐詞辯注射帝異之曰半千孫

爾
固應

崔從

字子又韋臯引為西山運務使臯卒劉闢反欲并東川以書諭止闢怒從乃募兵嬰城守盧坦表宣州刺史裴度為御史中丞奏以為右司郎中度已相代為中丞所彈治不屈權幸俄授陝虢觀察使王承宗請割德棣而遣子入侍憲宗選堪使者命從往從惟童騎十數疾趨宣詔為陳順逆大節禍福之效音辭暢厲承宗感泣還為山南西道節度使帝欲遂相監軍使揣知為同事者求金從不肯答用是不得相累官左僕射節度淮南卒年七十二下有割股以祭者贈司空謚曰貞

崔能

字子才朱泚之亂渾瑊以朔方軍戰武功引佐幕府鄭儋表為判官累官黔中觀察使從為中丞奏以自代繇將作監授嶺南節度使與從皆秉節居鎮世傳為榮卒年六十八贈禮部尚書從子慎繇安潛能子彥曾徐州觀察使

崔慎繇

字敬止聰警疆記繇進士第擢賢良方正異等累遷戶部侍郎與蕭鄴有隙鄴劾政引劉琢而出慎繇為東川節度使宣宗館長年藥病渴且中燥國嗣未立帝對宰相欲拜赦患無其端慎繇曰太子天下本若立之赦為有名帝不答鄴等乘是譖去之咸通初改河東節度使以吏部尚書請老卒贈司空謚曰貞子胤

崔安潛

字進之進士擢第咸通中歷忠武節度使械號令精明賊畏之不敢犯陳許境俄代高駢領西川節度使倚駢為姦利者安潛皆誅之蜀民以安宰相盧攜素厚駢乃誣以罪罷為太子賓客僖宗避賊劍南召為太子少師王鐸任都統表以自副鐸解兵安潛復為少師東都留守後遷太子太傅卒謚貞孝

宋馮瓚

字禮臣歷城人父知兆瓚以廕補秘書郎歷漢周累遷集賢館學士宋為兵部郎中善談

論有吏材太祖甚寵之擢左諫議大夫出知野
州有水利請蠲於民從之乾德中為樞密直學
士知梓州時蜀亡命者為盜贊擒斬其首餘黨
千餘人並釋之趙普忌其才密奏其短流沙門
島太宗復用
官至大理卿

王杲 齊州人宋初從征澤潞平揚州皆有功累官
都虞侯嘗命杲護送趙保忠以方物贐杲不

納太宗知之賜白金百兩以戰功累遷
靈州副部署歷知并夏二州祀鄉賢

范正辭

字直道齊州人治公羊穀梁春秋第進士
調安陽主簿開寶中通判棣深二州會有

言饒州多滯獄選正辭知州事至則宿繫皆決
遣饒州人被盜捕繫十四人獄具當死察其冤
捕得真盜釋前繫者後為河東
轉運使子識諷并進士及第

范諷

舉進士真宗時知平陰縣會河決王陵滸水
去而田失阡陌累訟不決諷分別疆畔著為

券民不復爭尋通判鄆州詔塞河決州募民入
芻捷而城邑與農戶等諷使蜀人諭三之二因
請下諸州以鄆為率朝廷從之徙知廣信軍民
避水堤居凡給徑於官者悉縱使護其家奏除
其租賦後
知青州

王沔

字楚望齊州人聰察敏辨有適時之用太平
興國初舉進士為大理評事累官叅知政事

上欲黜陟官吏沔上言應京朝官有犯乞令刑
部條報以賊及公私罪分三等以聞沔上前
事能委曲敷釋弟准
亦舉進士任殿中丞

李冠

歷城人以文學稱同三禮出身
與王樵賈同齊名調乾寧主簿

李昭玘

字成季歷城人少與晁補之齊名擢進士
通判潞州潞民死不葬昭玘斥官地畫兆

龔具棺衾作文風曉之累官提點京東刑獄坐
元豐黨奪官居閑十五年貯圖畫十襲命曰燕

遊十友紹興初復官使陝西有車吉被
誣盜釋之後遇於道獻名馬笑却之

魏花 歷城人短小精悍輕捷如猫善騎射工間諜
為狄武襄所知隨征西夏廣南多建奇功官

至都
指揮

張揆 字貫之其先范陽人後徙歷城擢進士歷官
大理寺丞以疾辭官閉戶讀易十年通太玄

經陳執中薦為國子直講上所著太玄集解數
萬言仁宗時累薦龍圖閣直學士一日進讀漢
馬后傳因言今妃族太盛宜裁損使保其家帝
嘉納之加翰林侍讀學士出知齊州祀鄉賢

張揆 揆之弟幼篤學舉進士仁宗時知萊州掖縣
訴旱於州拒之揆自為奏聞詔除登萊稅以

戶部侍
郎致仕

劉庭式 字得之歷城人舉進士蘇軾守密川庭式
為通判未第時議娶鄉人女既約未納

庭式乃及第女病喪明女家貧甚不敢復言或
勸納其幼女庭式笑曰吾心已許之矣
生數子後死庭式喪之逾年不肯復娶軾問之
曰哀生於愛愛生於色今君愛從何生哀從何
出乎庭式曰吾知喪吾妻而已若使綠色而生
愛緣愛而生哀色衰愛弛吾哀已忘則凡揚袂
倚市目挑而心招者皆可以為妻耶軾深感其
言老於廬山絕粒不食目奕奕有紫光步上下
峻阪如飛以高
壽終祀鄉賢

李格非 字文叔歷城人登進士第調興州司戶參
軍試學官為鄆州教授入補太學錄再轉

博士紹聖立局編元祐章奏以為簡計不就
執政意通判廣信軍有道士說人禍福或中出
必乘車轂非遇之塗叱左右取車中道士來窮
治其姦杖而出諸境召為較書郎以黨籍罷卒
年六十一祀於鄉妻王氏
拱辰女亦能文女清炤

呂願浩

歷城人舉進士高宗時歷知江寧府進戶部尚書苗劉之亂願浩倡義勤王語張浚

曰事不成不過赤族為社稷死豈不快乎高宗復位陞中書門下平章事時願浩獨秉政屢請

與師復中原趙鼎以為不可輕舉因劾其專恣遂罷相卒贈太師秦國公謚忠穆祀鄉賢

王衣

字子裳歷城人以廕補官又中明法科歷大理

理評事林靈素幸有僧毀體燃香衣閱律自傷者杖靈素求內批寬僧停衣官建炎初大理

少卿韓世忠執苗傅劉彥正獻俘檻車幾百兩將盡尸之衣奏自二人妻子外皆釋之又剛

辛棄疾

字幼安歷城人少與黨懷英同事蔡伯堅筮仕懷英遇坎因留事金華疾遇離決意

南歸紹興末耿京據濟南幼安勸京南歸會張安國殺京幼安縛安國截之於靈巖寺遂南奔

夜行晝伏孝宗召對決意恢復因作九議美芹十論上之以講和方定議不行遂著杜鵑詩

以勸動人心極其哀至尋知潭州盜連起湖襄

棄疾悉討平之朱文公嘗曰稼軒節制百戰濟

榜文只用八字曰劫禾者斬閉羅者配雖只麤

法便見他有方况忠英之氣見於詞翰者不一

嘗言讎六十年後必滅滅而宋之憂方大

其識如此累進樞密承旨臨卒以手拊大呼

殺賊殺賊數聲而止謚忠敏棄疾為人豪爽尚

氣節識拔英俊所交皆名士謝疊山謂慷慨大

節不在岳武穆之下祀鄉賢

金范拱

字清叔歷城人九歲能屬文深於易學在宋

舉進士入金定顏宗弼領行臺省事以為官

屬陳百姓利病除淄州刺史致仕大

定中除太常卿議郊祀禮尋復致仕

董積躬

字師道濟南人大德中舉進士歷縣尹知

海州羣盜出沒積躬峻城郭嚴斥埃盜不入境尋規措京兆府三白渠事至日以便民為已任凡所灌溉均得其利累官山東東路轉運

都勾判官兼
提舉學校事

元張榮

字世輝歷城人壯貌奇偉金季帥鄉兵據濟南尋歸元授山東行尚書省知濟南府事民

發墓下令禁絕取汴獲俘萬餘大將欲盡殺之力爭而止攻睢陽欲殺俘虜烹其油以灌城又力止之已而城下榮單騎入撫之時河南民北徙至濟南榮下令民間分產與地居之俾得樹畜是歲中書考績為天下第一李璫據益都餽以馬蹄金榮曰身既許國何可擅交鄰境却之年六十一致仕世祖即位封濟南公卒年八十二謚忠襄祀鄉賢子七人長邦傑襲爵先卒邦邦直行軍萬戶邦彥權濟南府行省邦允知淄州邦孚大都督府郎中邦昌與魯總管邦憲淮安路總管孫四十人宏襲邦傑爵改真定路總管

劉伯林

歷城人奸任俠善騎射金末為威靈軍千戶歸元以功累遷西京留守兼兵馬副

元帥在威寧十餘年務農積穀與民休息隣周察威寧獨為樂土卒封太師秦國公

孟德

濟南人繇鄒平令淄州節度使累官同知濟南路事數從太宗征伐有功授只台以為萬戶中統中從征李璫璫平以老告歸子

智襲授明威將軍以病去職子安世襲

張均

濟南人父山從軍伐宋以功為百戶戰死均襲父職從征李璫有功以總帥命陞千戶又

從北征權明威將軍成宗即位命屯田和林規畫備悉陞都元帥加鎮國上將軍子世忠襲前

衛親軍副都指揮使

武秀

歷城人仁宗時以清譽擢蒙陰令經制有方與學較勸農桑數年民愛戴如父母遷山東

東路運使去後民為立石

韓鏞

字伯高濟南人延祐中進士累官翰林學士遷侍御史以剛直為時所忌罷歸朝廷慎選

守令察知政事魏中立言于帝曰當今必欲得賢守令無加備者乃授饒州路總管饒俗尚鬼乃撒妖廟崇儒學饒俗化之遷甘肅行省參知政事終西行臺中丞祀鄉賢

潘昂霄

濟南人號蒼崖雄文博學為時推重官至翰林侍讀子翊為江西提刑理問

劉斌

歷城人從張榮起軍為管軍千戶移屯襄陽軍乏食知青陵多積穀前阻大澤水深不可涉陳可取狀衆難之斌叱曰彼恃險不我虞取可必也乃率百騎夜發獲敵人使導其前行澤中五十里遇敵兵捨馬揮槊敗之得糧數千斛送官歷陞濟南新舊軍萬戶移鎮邳州及病謂

其子曰居官當廉正自守毋黷貨以喪身敗家語畢而逝贈彭城郡公謚武莊祀鄉賢斌之子襲父職為征行千戶從董文炳攻

劉思敬

從計李壇累遷懷遠大將軍終江西行臺政事卒贈柱國濱國公謚忠肅子思恭

將軍左衛親軍都指揮使思義宣武將軍昌國州軍民達魯花赤

劉嶷

字孟方伯林子小字黑馬驍勇有志畧襲父職為萬戶兼都元帥斌金伐宋累遷都總管

萬戶尋命殲無天下察民利病應州郭志金反脅從誑誤者五百餘人有可欲盡戮之黑馬止誅其首數人世祖時命兼成都路軍民經畧使卒封秦國公謚忠惠子十人元振元禮顯

劉元振

字仲舉世祖即位廉希憲奏以為成都經畧使劉整以瀘州降衆疑之元振釋戎服

從數騎與整連轡而入整心服焉宋瀘州主帥俞與圍瀘州城幾陷食將盡元振殺所乘馬犒士未幾援兵至元振與整出城合擊興兵大敗之終潼川路副招討使卒子緯襲職

劉元禮

黑馬第五子也沉厚有謀從父軍中累官潼川路漢軍都元帥宋制置使夏貴率軍

五萬犯潼川元禮所領纔數千諸將咸有懼色元禮曰料敵制勝在智不在力乃出戰屢破之

後大戰蓬溪元禮激厲將士大呼突入陣所向
披靡大敗貴兵又奏修眉州城以扼嘉定往來
之路從之興役七日而畢鎮守
眉州五年乞解官養母從之

張起巖

字夢臣其先章丘人五季避地禹城高祖
建以元帥在軍中權濟南府事徙家濟南

金季張榮據有章丘諸地後歸於元避與子福
實羽翼之福仕為濟南驍軍民鎮撫兵鈴轄權
府事生東昌判官鐸鐸生提舉範範生起巖中
延祐進士累官集賢修撰禮部尚書克郊祚大
禮使轉參議中書省事去遷翰林侍講學士轉燕
士丞相不悅即攝衣去遷翰林侍講學士轉燕
南廉訪使拜翰林學士承旨詔修遼金宋三史
卒謚文穆起巖面如紫瓊美髯方頤而美目清
揚望而知為雅量君子及論政決議意所背回
屹如泰山安南修貢陪臣致其世子之詞必候
起巖與居性孝友俸賜必
與故人共之于二人琳琮

張炤

字彥明歷城人幼穎悟力學始補吏濟南上
計有濟南勾考未輸銀一十萬五二

陳利害獲免累官揚州鎮江路總管謝病歸購
書八萬卷以萬卷送濟南府學卒贈清江郡侯
謚敬惠祀鄉
賢子曰用中

李綱

濟南人泰定中知濟寧州以禮諭民嚴於捕
盜旱蝗引咎祝天卒獲大稔嘗罷塞河之役

奏免餉馬治刁陽湖為田闢舊祭田供
祭費公私便之嘗有麥穗三岐之瑞

劉吉義

歷城人成宗時為禹城尹興學較均賦役
撫流亡民有訟者以義諭之卒皆感服時

有嘉禾一莖九
穗人刻石頌之

陳埜儒

歷城人至元間為鄒平尹勤心撫字後均
事集境內大治以憂去民請闕留之上允

其請特授
奉訓大夫

國朝張紳

濟南衛人少從事戎馬間洪武中以勇畧薦授浙江布政博學工詩所作清新典則

有古風

秦琰

字居敬洪武中領鄉薦累官刑部侍郎以才行譽重一時

趙紳

永樂辛卯舉人初授監察御史激揚有聲劾尚書金連出為揚州府同知後陞山西參議

至江西參政皆卓然有聲以老致仕朝廷念其廉介賜半俸養老

薛理

永樂甲辰進士授行在戶科給事中宣德初中官驕橫理論劾剴切尋授衡州府知府有

惠政嘗捐俸資給士之窮乏者在郡數年以疾乞歸

王允

字執中少孤勵志讀書正統間登進士官至左布政使事母曲盡孝愛所至以清潔稱母

卒廬墓哀毀景泰三年有司上其母貞節允孝行旌表

尹旻

字同仁正統間鄉貢第一登戊辰進士授翰林庶吉士改刑科給事中陝西參議奉賊退

河開軍馬衆大人民供億困極請乞罷兵遷通政參議累陞吏部尚書有知人之鑑所選吏皆

稱職掌銓二十四年京師謠曰公道不如王恕選法不如尹旻卒贈太保謚恭簡祀鄉賢

李森

字時茂景泰丁丑進士授給事中有直聲每秦先昇棺於外成化間萬妃家人驕橫上疏

指斥言甚剴切請定州同知士論榮之

鄒襲

字繼芳濟南衛人成化丙戌進士拜南京兵部武選司郎中居官清苦及歸杜門三十餘

年不出以詩文自娛士大夫往謁之未嘗干以私鄉人推重之

劉獻

字廷珍濟南衛人成化己丑進士歷官刑部郎中才識明決折獄稱平陞都御史自為墓

誌著生平勤苦之節

張彙

字用和成化乙未進士拜監察御史抗疏劾李孜省出為郴州判官尋起河南僉事治河

有功汴民立祠祀之累陞都御史巡撫遼東

趙璧

字潤夫成化戊辰進士授刑科給事中時萬妃家人驕橫璧奏劾請榮經主簿天水六番高陽二招討讐殺不止璧奉命往諭至則帖服

酬以金帛不顧弘治改元調無為州判官尋陞知州陝西僉事行部至永昌金川遇

王勅

字嘉諭成化甲辰進士及第授翰林編修謫判夷陵陞四川僉事河南提學副使終南京國子祭酒博極羣書尤善風角習堪輿推驗悉中張令鶴鳴有雲芝先生傳

邊貢

字疋實弘治丙辰進士授太嘗博士擢兵科給事中正德初逆瑾用事出知衛輝府菲改

徐暹

字進甫弘治壬戌進士任給事中正德初疏劾劉瑾竊柄械繫下獄榜笞幾死落職家居凡七載不入城市瑾敗起山西僉事尋陞副使時有巨寇號混天王劫掠郡縣暹不煩兵以計平之民為之謠曰不發一矢賊乃盡死不荷厥戈賊死實多卒於官

陳軻

號近山正德壬戌進士為諸生時遇呂仙後推稅維揚復遇比守臨洮有殲虎除妖之政及解組布衣角巾徒步懷刺大有古人風有遇仙傳殲虎賦

江濬

字子泉已卯舉人乙未授真定知縣縣有黠少年衷石橐中詐誣館人獄成君至輒鞠其金所從來少年遂伏罪陞四川道御史從幸承天除道滹沱河檄有司造舟為梁覆土其上列

檻為之而駕以渡巡按隆慶劾奏大同總兵江桓下吏再入寇遂以捷聞終官至陝西副使

范瑟 字孔和生十餘歲讀書芙蓉山嘗有二龍窺頭於牖諸生辟易去公不動亡何復聞天樂

作雲中聲殿于庭二十二舉于鄉壬辰登進士選庶吉士修宋史戊辰分較天下十擢南戶部

郎終陝西按察副使

趙繼本 字成德中韓應龍榜讀書中秘改御史出按江南勦賊有功

上欲南狩抗疏止之下獄三日督學北畿選集古文名曰舉業式程

李攀龍 字于麟穎異倜儻鄉試第二人登第與王鳳洲諸公號海內五才子為比部時築白

雪樓鮑山下讀書其中名益顯守順德日使僕僕迎奉則不能若問民疾苦為興除若承蜩矣

尋督學關中比提刑中州人莫敢撻以法以母憂歸卒學者稱為滄溟先生祀鄉賢宗臣曰古

心淵識王元美稱其獄時有文集數十卷世爭寶之子駒亦名士

殷士儋 字正甫其先武定州人祖衡為德府審理遂家焉公天資穎異弱冠以禮經魁於

鄉丁未登第讀書中秘世廟御經筵問漢霍去病穿域蹋鞠衆莫能對獨公剖解甚悉

上稱之曰真翰林隆慶戊辰知貢舉稱為得人新鄭專政屢加排擠遜避以歸築廬溧水之濱號川

上靜舍發明經史學者從之如雲卒謚文通改曰文莊士林稱曰棠川先生仰之如泰山北斗

云祀於鄉

薛樟 字子喬事親孝嘉靖甲辰進士授山陽令擢廣東道御史疏劾柳嵩遂掛冠歸嵩敗臺省

屢徵不起所著有蘭臺奏議諸書

張嵐 字華巖甲辰進士官至山西參議事嫡母曲盡其孝居喪三年不見女色蒞官清廉居鄉

醇謹鄉評以為人物稱首以孫廷彬羞出例金遂屢舉鄉賢不果

韓應元 字雲卿乙丑進士令無錫識孫繼臯於童子試分藩上黨以貢市功蒙賞祀于鄉

吳聞詩 號養齋壬辰進士性磊落不羈今天長飲酒賦詩能辦吏事祀于鄉

劉伯縉 字薦卿中戊辰羅萬化榜初任蠡邑遷民部主政權北新關稅溢解二萬四十餘金

守杭州蠲看堂舊例入庫公用兩定軍民大變陞山西潞州兵備公嘗白銘曰居則為端人正

士出則為循吏良臣雖矯俗太激遇物寡諧然自筮仕至宦歸無異布素歷人咸仰其清標云

趙世卿 字象賢性深沉登第任司理擢主政時江陵專政世卿條陳時務觸其怒遷楚藩左

史旋罷歸江陵物故起儀部郎開府中州歲饑設法救荒兩河之民多所全活晉司徒留心度

支盡釐夙弊攝冢宰篆大計羣吏黜陟惟明上以羊酒勞之京師有云清時一聖主昭代兩直臣

蓋指丘橋與世卿也後告歸小村莊而卒所著有司農奏議八冊祀鄉賢

于見賓 字懋欽濟南衛人少負英資博覽羣書登第任南陽司李疏寬摧狎多所平反守開

封理煩治劇士民懷德治兵漁陽飭戎馬明賞罰中外倚重開府延人畏之歸卒祀鄉賢

周繼 號志齋乙丑進士授任丘知縣歷任太僕卿燕州巡撫荆條疏奏報可天下便之時

劉汝國叛旋經勦上欽賜銀幣勞之陞戶部侍郎所著書若干卷

穆深 號桂陽七歲能文督學周鶴臯呼為神童中戊子亞魁壬辰進士時

神廟靜攝不親臨軒公丹墀獨對冢宰器之擢銓部郎萊守持三千金為公壽公卻之秉公持正為

權璫所忌竟削籍歸囊篋如洗亡何長逝祀鄉賢

陳九疇 號東華丁丑進士歷官憲副絕請託禁僕從却女色獲通券言動不苟有古君子之

屋成系志 卷十 人物 鄉賢 友聲堂

風卒祀鄉賢子載春繼登庚辰榜
大有父風鄉人仰其世德無間言

劉伯綬

號吾山丙子鄉薦歷任浮山順義上元三

抗禮璫重其名冠江冠理關務有廉放聲陞雲
南楚雄知府加意撫境內肅靖公生平好學

老而彌篤事兄尤恪謹云

楊承恩

字君崇博學長厚以歲薦官平陽別駕三
視邑篆不染纖塵致政歸家徒四壁藜藿

不克人皆嗟嘆公處之晏如也邑令張公鶴鳴
署其第曰端僚郡守文公球造廬躬請飲於鄉

王元復

字見心以歲薦官直隸平山教諭隱居龍
山莊飲於鄉嘗云人當在高處立以聖賢

為地步當在寬處坐以天地為襟度當在平處
行以中庸為踐履所著有蘧蘧適言家訓要語

諸書門人稱
為靜一先生

忠義

唐貞觀中以平陵人不從叛逆改名全節勅曰齊

州平陵百姓自隋末至今嘗懷忠誠不從寇亂宜

加優獎以旌義烈繇是忠義之名甲於天下禍亂

相尋代有烈士曾不如已卯為禍之烈也印綬血

殷於雉堞紳衿骨暴於殘碑下至瞋目之壯夫捐

軀之烈士魂叢焦壁屍積河湟是亦無愧全節之

名乎今即聞見甚確聲望素著槩紀數人以例其

餘嗚呼萇弘之血化碧忠烈徒存田橫之客殺身

姓名不錄攬筆至此殆不知涕之何從矣

漢吳子蘭

歷城人獻帝時為將軍隨帝許敗射獵惡曹操無君董承受密詔討操蘭與承合謀

謀洩為操所殺

唐李君求

房繼伯

俱平陵人都督齊王祐反君求與繼伯等據縣不從抗表以聞

太宗嘉之賜勅曰縣依舊置改名全節

羅石頭

齊州人齊王祐反募城中男子兵賞入惡之皆夜縋亡去石頭數祐罪以刀直

前刺祐不克殺之詔贈亳州刺史

高君狀

齊州人齊王祐引騎狗邑聚高曰上親平寇難土地甲兵不勝計今王以數千人為

亂如一手搯泰山其如君父何祐擊會之愧其言不能殺詔擢榆社令齊州給復一年

羅士信

歷城人隋大業時長白山賊王薄等攻齊郡通守張須陁率兵擊賊士信以執衣卒

十四短而悍請自効須陁疑其不勝甲士信怒被重甲左右韃上馬顧盼須陁許之擊賊維水

上執長矛馳入賊營刺殺數人取一級擲之承以矛載而行賊皆貽懼士信每殺一賊輒割鼻

納諸懷暨還驗以代級須陁為李密所殺遂與裴仁基歸密為王世克所獲厚遇之耻與邵元

真伍遂降唐拜陸州道行軍總管士信行則先鋒反則殿有所獲悉與麾下賊平封郊國公從

秦王擊劉黑闥洛水上得一城士信守之城陷不屈死之

宋崔縱

歷城人高宗南渡縱為行人使金金人喜其才辯迫之使仕不從與洪皓同放冷山及病

革謂皓曰死題我宋行人某之墓毋雜於皓灑酪操文以祭情詞激烈聞者髮指

醉民

劉豫僭立有醉民罵豫曰汝是何人要作官家大宋何負於汝豫怒殺之

邢希載 邢希載等勸豫 歸宋豫殺之

金周馳 濟南人在太學以策論魁天下貞祐濟南破不肯降携二孫赴井死

元魏中立 字伯時歷城人累官陝西行臺御史中丞遷守饒州賊陷湖廣分攻州郡官軍不能拒亡賴子弟竊發衆輒數萬中立聞警即率丁壯分塞險要戒守備俄而賊至擊却之已而賊復合遂爲賊所執以紅衣護其身中立叱之鬚髯盡張大罵不已遂遇害

國朝鄧瑜 濟南衛指揮洪武初從征徭蠻臨岐囑其妻曰我爲人臣義當死節汝爲人婦可能守節乎妻許可瑜竟歿於陣妻果守節奉詔雙旌

辛鎮都 指揮 馬斯才 百戶

馬虞禎 百戶 樂賢忠 百戶

李季子 所鎮 秦邦賢 武舉

朱原 武舉 建妖之變 諸弁往 勳尚山之敗 死者數人

樊應科 歷城人 之變科以千總從征 死於陣事 聞贈恤配享張元戎可大廟

寧海王 諱常 泲性謙和 能馭下 葬母步送至墓哀 動路人咸稱其孝 已卯 變守南城城陷

聞侯贈 死之事

泰安奉國大將軍 諱崧 泲 死 難

泰安奉國四將軍 諱崧 泲 死 難

臨朐奉國將軍 諱常 泲 死 難

友聲堂 卷十 忠義

陳載春

號澄渠九疇子庚辰進士歷官憲副天性醇謹所蒞皆有實政家居杜門謝客不通

關節書屢薦不起嚴禁家僕完糧每居第一年八十餘猶徒步羽衣徧觀鬼餽已卯城陷為

樟楠孫文煥皆守城事聞侯贈

孫止孝

字敬止壬戌會魁令盧龍晉民部郎尋備兵密雲兩薄城皆晝夜宿陴輒遁去

又密計擒謀韓僧以件權貴歸已卯命工建宗幸族人守東城捐貲犒師城陷自縊死宗姓

死者兄茂才則孝孝廉純孝弟諸生永孝猶子惠宗延宗等數人事聞侯恤

劉勅

字君授弱冠授賢書十二上不第授富平令八月賦歸母卒居廬雅好著書年八十猶手

不釋卷兩臺藩臬皆親詣其門雖沾沾自詡不無好名之過然雅飭邊幅亦晚近砥礪名節者

已卯城陷不屈而死子弟皆被殺

劉檄

勅之弟以明經令樂亭終郟州知州飲於鄉已卯死

穆遠

號南陽深之弟中甲午榜進諫元城令以諫誤歸博學善談論遠守西門

獻策當事不納城陷見殺及其子光嗣

史臣贊

其先浙人以天啓恩貢歷任忻州知州以罪歸已卯城陷見殺子起鳳亦死

劉化光

字汝化伯綬子丁卯舉人候選推官戊寅

不能攻率衆拒頗著已卯城陷遂死

聞侯恤

賈槐

字世蔭希夷子乙卯舉人城糾衆協守捐貲餉卒城陷死

張元英

字孟育情之子甲子舉人戊寅守南城倡施布被以恤寒軍日捐酒食以餉戍卒城

陷死

嵇嵐

字珊楓丙子舉人戊寅守觀風樓城陷死南城下

胡顯宗

字昭來庚午舉人戊寅守西城家貧銷管瑀易曠百炬以濟軍需城陷死

米嘉珠

號玉函乙卯舉人壬戌甲戌兩中乙榜戊寅守西城城陷投井中死

徐暉吉

號義上甲子舉人戊寅守南城城陷死

劉汝通

號復陽乙卯舉人戊寅守南城城陷死

丁振

字又從癸酉舉人戊寅守北城城陷死

王啓亨

元復子丙午舉人已卯死

張允文

歲貢東昌教授素具文名兩中乙榜戊寅守城死

吳安邦

字磐石歷任登州總兵戊寅守北城城陷死所成舖中

王敬賢

號震陽武進士武定州守備致仕家居年七十餘戊寅守北城與吳元戎同死

費克謙

京營副將戊寅守南城城陷被殺

陳光先

指揮戊寅署巡道中軍率道丁守城城陷戰於布政司街力竭而死

四城巡守義社生員死者三百五十二人

回兵

西關有回營警糾千餘人保護西關陳金二教長頗有戰績死傷者二百餘人

揚家寨

城東北有揚家莊環水立寨獨留一徑設立木砲謀知為木砲不之懼已而

乃點真砲傷

數十人恨曰揚家寨不能攻

焉能破城已卯

城陷寨猶固守人寨殺無噍

類死者揚卓等百餘人稍西為邊家寨亦稱能守云

孝子

事親無孝名孝非子所敢居而宗黨稱之無間言則必書自歷山號泣後而元人劉琮遂至感及湧泉聞而興者若而人紀其實以為後來勸

元劉琮

琮父久病盡賣妻與幼女飼父費竭無措乃焚香請代父死書牒坎地埋之遂得錢一窰出錢水湧父飲輒愈琮遂捨宅為寺以得金名孝感泉寺曰孝感寺

宋懷忠

濟南人居喪以孝聞旌表

牟克孝

濟南人居喪廬墓嘗表其賢

國朝劉興祖

歷城人自父母世六喪不舉與祖不避寒暄備力以葬負土築墓洪武間有司

請於

上特賜錢幣後知縣楊成復請

旌表

王允

歷城人少孤勵志讀書登景泰中進士官至布政事母曲盡孝愛母卒廬墓二年有司上

其孝行

旌表

李萃

歷城人葬母於黃臺山家甚貧親築其廬高如山地方莫以聞宋桐崗太守出飲於華見

而詢之遂奏於

朝旌表

谷珍

濟南衛人旌表

羅縉

歷邑廩生其舅氏貧啞縉瞻養之以慰母心遂得旌表

王繼芳

歷邑庠生

趙光榮趙光華

王胤前

字丕承年十二值父病祝神借壽髫年入泮為周廉憲延光所知中丙子榜戊寅守

北門滅陷負母至歷山頂
母子俱不屈同遇害

烈女

女順為正一而終嘗則舉鴻案困則泣牛衣要非
難也志在邑乘者皆所謂極難者耳稱未亡人撫
五尺孤難已不幸而朱顏膏刃素練盟心抑又難
已甚至從容就義出於孱柔之女慷慨復讐見於
童穉之娥難乎難乎彼雖儼然粉黛也有鬚眉之
不如者矣

元劉氏 濟南人李名妻
泰定間旌表

蕭氏 濟南人劉公翼妻有姿色頗通書史至正十
八年聞毛貴兵將壓境豫與夫謀曰妾詩書
家女誓以冰雪自持倘城陷被執悔將何追妾
以二子一女累君去作清白鬼於泉下耳夫曰
事未至何急於此居無
何城陷蕭解縲自縊死

國朝胡氏 濟南衛人指揮鄧瑜妻洪武間從征程巖
臨岐囑妻守節胡許諾瑜竟死於陣胡守

節終身
詔旌表其門

丁氏 歷城人盧海僧妻
正統二年旌表

王氏 漢庶人高煦至標山下見汲水王婦有
美姿執留寨中王婦夜刺煦不中見殺

劉氏 歷城人王雲妻夫卒守節撫孤
子允仕至布政景泰三年旌表

丁氏 濟南衛人吳環
妻夫歿自縊
馮氏 歷城人杜梅
妻夫卒自縊

石氏 歷城人張祿妻夫卒自縊同殞 旌表

張氏 歷城人孟訓妻 旌表

韓氏 歷城人范貴妻二子俱殞守節不渝 旌表

呂氏 及笄選為泰安王妃未婚王薨妃毀容絕食有司上其事 旌曰女德孤貞

鄭氏女 鄭海女也生有殊姿正德年流寇大肆母與氏避兵禾稼中為寇所得寇欲殺其母

而掠其女攀號無計不得已扶之馬上驅迫以行時天大雨溝澮盈溢前至一灣氏自馬投入

寇急挽無及惟延岸環視良久遂咨嗟而去

郭氏女 正德二年遇流賊擄去義不受辱給賊飲水投河死

林氏 歷城人康鉞妻正德六年遇賊死節

馮氏 歷城人劉法妻 旌表 孟氏 庠生洪綬妻 旌表

盧氏女 名桂香十歲為邑諸生吳愛眾養女變粟為表弟化殺妻室盡避獨女大呼牛持賊

襦賊刃女腦淋漓而死張令公鶴鳴葬之郊關名曰義娥墓

蔡氏 歷城人孫慶麒妻 旌表其門 宓氏 周官妻 旌表

孟氏 歷城人方復初妻其孫守地中癸丑進士乞恩旌表建石坊於衢曰 皇恩環節

劉氏 歷城人趙應時妻 旌表 米氏 史王宗儒妻夫歿撫子成立吳學使予扁

程氏 百戶馬斯才妻從征蓮賊死於陣氏即投繯柩所 旌表

汪氏 指揮辛鎮都妻隨夫死節 旌表 王代巡一中題准

胡氏 靖疆妻王代巡 旌表 張氏 黨習書妻 旌表



彭氏 生員趙天祐妻十九歲無子 守節五十四歲有司旌表

項氏 孝廉賈槐妻已 投井死

費氏 指揮惠女孝廉張元英 妻已 自縊死

石氏 趙化鯉妻守節十 年 投河死 吳氏 王綱妻 與子 徧前死 雁山頂

彭氏 趙清胤妻已 卯城陷自縊

鍾氏 葉汝蕃妻已 卯城陷自縊 范氏 王啓前妻 投井死

許氏 生員尹湯輔妻城陷 氏閉戶不出携一子一女自焚死 縱火焚房

周氏 朱邦基妻 逼隨營 氏抱幼女投城河死

壬氏 監生周之爵妾守節 怒殺死

王氏女 王綱室女已 卯 張氏 趙之鈿妻 同弟 婦李氏于氏投水死

張氏 庠生李茂華妻 率諸女投歷山頂井中 以鈎拽出張執不從以鎗刺心死四女皆

遇害稱一 門五烈云

陳氏 生員韓濟美妻 弱死百花橋比

李氏 生員孫普孝 妻難死 史氏 生員韓敬侯妻 自縊死


孫氏 生員葉承基妻基守西門 死 氏亦投井而死

滿氏 張斗光妻 携女投大明湖 張氏 壽張諭陳陞妻 同媳劉氏投河死

王氏 傳以中妻 變投井死

李氏 生員胥啓明妻啓明死 氏同一子二女投井死

李氏女 李成南女張靈圻人 刀擊之 怒縛於樹射目斷時 逼不從憤以斷菜 死



李氏

生員朱溶妻 一女一孫女俱投河死 并兒婦

陳氏

孝廉胡顯宗妻 投西湖

葉氏

秦煥妻 赴火死

傅氏

生員陳明德妻 明德守城 死 傅氏 投火焚死

趙氏

韓之琦妻 琦同子天機 并婦俱投峭華橋下

劉氏

指揮陶羽大妻 羽大死 難氏亦被 碎其屍

喬氏女

喬三省女 有姿 百計 誘之 執死不從 遂遇害

殷氏

生員周來鶴妻 殺其夫氏亦被殺

篋巷婦

婦不知何許人 同難者見其 言良家兒女誓死不屈 逆刃出腸而死 自

謹按已卯之難婦女溺明湖者數萬人投井自縊者半之不能悉載姑紀數人以旌貞槩云

詩人

國朝稱四家必推歷下稱七子必先濟南詩名大錫

邑哉吾邑詩派翔於廷實而盛於于鱗二公學宗

西漢詩法盛唐文字之宗以此為正後來人結辭

盟家藏詩帙雖復淺近亦各名家今人乃近舍邊

李遠慕鍾譚恐遺盡虎之誚進古覈今得若干輩

若夫縹箝未富即楓落吳江槩不敢附大雅之列

蓋詩人若此之難也

唐崔融 安成爲文華婉朝廷大筆多手教委之
其雒出寶圖頌尤工詩集若干卷行世

宋李冠 以文學稱與王樵賈
同齊名著東臯集

李格非 文叔幼俊警有司方以詩賦取士格非獨
用意經學註禮記數十萬言以文章受知
蘇軾嘗著雒陽名園記以爲雒陽之盛衰天下
治亂之候也其後雒陽陷於金人以爲知言文

集四十
五卷

李芝 濟南人與王樵相善嘗爲
樵作贊世先生傳見齊乘

李清炤 格非女晚號易安居士嫁趙挺之子明誠
明誠著金石錄三十卷易安爲後序明誠
守淄清炤積書數萬卷金人南下清炤
倉皇渡江書漸散失有漱玉集行世

辛棄疾 幼安南渡主恢復不果行晚年解綬歸鉛
山縣南二里許有稼軒書院而分水嶺下

厥墓存焉所著有稼
軒集長短句十二卷

呂頤浩 文集十
五卷

元潘昂霄 蒼崖所著有蒼崖類藁蒼
崖漫錄金石例諸書行世

張起巖 夢臣母丘見長蛇數丈入榻下驚而乃誕
起巖善草隸有華峯漫稿華峯類稿金陵

集若
于卷

國朝邊貢 華泉貢與北地李夢陽信陽何景明相友
善肆力古文尤長於詩所著詩文二十卷

行於
世

劉天民 函山有函
山集十卷

王詔 仲宣開封同知致政歸日絃誦吟嘯工五詩
詩與劉選部天民名相及同郡邊公稱兩生

歷代縣志 卷十 人物詩人 友聲堂

俱俊傑其在京師而信陽何景明亦善之即
雨雪逢人日江湖問客星縉紳至今傳誦焉

陳朝近山有詩集

張弓月梧有月梧集四卷

谷繼宗少岱有詩稿藏于家已卯火

范瑟孔和有柏峯集二卷

金城有詩集

李攀龍滄溟與王鳳洲等稱五才子所著有滄溟集白雪樓集各數十卷盛行於世

許邦才殿卿解元與于鱗齊名所著瞻泰樓集海右倡和集梁園集行世

光廬顧吾有東山存稿

任登瀛有詩稿

潘子雨有家藏稿

潘子震有詩稿

劉遷有歷下八景詩

張邦基有歷下八景詩

薛炤擅臨池之業亦能詩

劉亮采公嚴侏儒滑稽長於詞善繪畫能作大書調笑怒罵皆成文章嘗作歷城縣志未就

亦多家藏詩稿

劉勅君授十九登賢書八十猶操觚所著有白鷗閣集海岱吟岱史歷乘諸刻

隱逸

龍之潛也不於潢汙鴻之冥也不於枳棘歷山南

接岱麓深山大澤幽人所棲簡菟廢乘遺跡昭然

舊志所存強半客藉還仲子於於陵辭弘景於茅

山即對吾黔婁諸君子有餘適矣

黔婁先生

齊人抱道深隱不事王侯不交人世于齊之東南山最峯上疊石為巖寢處其

中終年不下人亦不知其何所飲食齊威王每至敵國危急則屏輿從徒步詣之先生授以一秘語遂得解危國人莫測及卒覆以布被覆頭則足見覆足則頭見曾西曰斜其被則欽矣妻曰斜之有餘不若正之不足先生正而不斜死而斜之非其志也嘗著書四篇言道家之務號黔婁子其妻私謚曰康

北郭騷

奉母隱濟之南山谷中嘗至數日不得食騷採附苗根以進晏子聞其賢躬徵不就

使人以金粟周之辭金受粟母死晏子以讒出亡騷詣公庭曰賢相去國必侵騷見國之侵也不如死遂自剄齊反晏子而禮騷焉

陳湏無

陳文子避崔行之亂隱于南山石室中今廢跡猶存

白子友

漢時隱居東平陵南棠山石室躬耕養母時或絕糧飲水食糠粟讀易至精神為夜

降朱雲與陳咸自魯來從之學易五年而去陳筮得先甲二語朱得先庚二語

張忠

字巨和中山人永嘉之亂隱于湖公谷中卒謚安道先生

徐洪客

隱于城東山陽有洞深廣莫測史稱太山道士豈其故居耶李密在雒口洪客上書

勸密因士氣趨江都挾帝以令天下密異其言具弊邀之已亡矣

張仲蔚

平陵人與同郡魏景卿俱修道德隱身不仕明天官博物善屬文好辭賦閉門養性

不治榮名時人莫識

洪隱君

歷下人戢居東山習治圃邊廷實嘗作圃田詩以美之

僑寓

古君子之僑寓者三避難而居遼東乃有管寧筮
仕而安觀城乃有仁叟選勝而遊泰山乃有明復
今茲所紀皆四方名士愛山水之勝而宅焉者也
習而安焉實維土著彼纍若而來信宿而去烏能
有我山水哉

春秋扁鵲

姓秦名越人渤海鄭人家于盧受長桑君
秘術明醫道嘗煉丹嵒山上丹竈尚存

漢朱雲

字游魯人徙平陵從白子友受易又事蕭望
之受論語元帝時中書令石顯用事百僚畏

之御史中丞陳咸抗節不附顯與雲相結繇是
咸雲廢錮丞相張禹以帝師位特進雲上書願
請上方斬馬劍斷佞臣一人頭以厲其餘上問
雲曰安陵侯張禹上大怒御史將雲下雲攀

殿檻檻折呼曰臣得從龍逢比干遊于地下足
矣于是左將軍辛慶忌死爭叩頭流血上意解
後當治檻上曰勿易以旌
直臣雲自是不復仕矣

南北朝温子昇

字鵬舉太原人家于濟南始為廣陽
王深賤客在馬坊教諸奴子書熙平

初射策高第補御史及深為東北道行臺請為
郎中軍國舉翰皆出其手孝莊即位徵拜南主
客郎中齊文襄引為咨議參軍及荀濟等作亂
文襄疑子昇知謀乃餓諸晉陽獄咽禰而死濟
陽王暉嘗稱江左人文有顏延之謝靈運梁有
沈約任昉我子昇足凌顏轢謝舍任吐沈庾信
至北方愛子昇寒山寺碑
云惟寒山一片石可與語

唐蕭子美

少貧不自振客齊李
邕奇其材先往見之

李白

家世蜀人白生于任城嘗讀書
城西匡山上又遊華不注有詩

杜甫 家世襄陽生于杜陵李邕守北海時甫嘗來依與邕遊宴北渚亭各有詩

宋歐陽修 廬陵人有詠舜井歌

朱熹 新安人大佛山有詩

元王磐 廣平人喜歷下山水隨寓此

張養浩 字希孟章丘人以省薦為東平學正改堂邑令毀淫祠息盜賊拜監察御史累官禮

部尚書以父老乞歸養徙家歷下雲莊七聘不就及關中大旱民饑特拜陝西行臺中丞泣禱

華山大雨如注到官四月未嘗家居遂卒民哀之贈柱國濱國公謚文忠著三事忠告歸田類

稿御史箴諸書子引官至南臺御史

李涿 字漑之滕州人姚燧一見其文力薦于朝累官翰林待制朝廷有大議必使與焉詔修經

世大典力疾與之復除翰林學士洌神情開朗秀眉踈髯目瑩如電顏如冰玉唇如渥丹每以

李太白自擬僑居濟南有湖山花竹之勝作亭曰天心水面文宗嘗勅虞集為文以紀之涿尤

善書自篆隸草真皆精請為世所珍

國朝邢侗 臨邑人太僕卿愛歷下山水卜居北門之外時遊息於此有詩集瑞露亭帖

王象春 字季木于鱗城中書樓亦名白雪在碧霞宮西百花洲上叢然一茅季木倍值市之

仍其額而居之亦名問山亭作齊音百首

孫之獬 淄川人翰林卜居歷下有詩名

馮天祿 字學也滋陽人丁卯鄉薦庚辰來居歷下

仙釋



青牛白馬儒者不談祇舍丹丘盛世弗慕取而志之何居三教鼎峙無勞過抑緇黃吾道大明奚容

高標日月特蒐耳目昭著者列于篇以備志之一

則云

竺僧朗

京兆人少而遊方問道長安僞秦皇始元年移居泰山與隱士張忠為林下契忠後

為符堅所徵行至華陰而卒朗乃於金輿谷崑

崙山中別立精舍猶是泰山西北之一巖也創

築房室數十餘區聞風而造者百有餘人符堅

欽其德業遣使餽遺堅後沙汰僧眾獨詔崑崙

一山不在此例及秦姚興亦加歎重燕王慕容

德給以二縣租稅谷中舊多虎災及朗居之猛

獸歸伏無極高人猶呼金輿谷為朗公谷也凡

來謁者必預知之後卒于山中春秋八十有五

元陽子

晉長白山人得金碧潛通一書於伏生藪中細為注解携之修真于華陽宮又術為

還冊訣十九年而僊去在山人不見其飲

食而晝夜燃香不用火味隨達于城市

法和

榮陽人少與釋道安同學善標明論總解悟疑滯襄陽陷没自蜀入關後于金輿谷設會

與安公共登山嶺極目周睇既而悲曰此山高

聳遊望者多一從此化竟何測之有安曰法師

持心有在何懼後生若慧心不萌斯可悲後與

安公參正文義頃之偽晉王姚縱請往蒲坂講

說其後少時勅語弟子俗網煩惱苦累非一乃

正服繞佛禮拜還坐本處以衣裳頭卒年八十

法安

姓彭氏安定鶡鴒人少出家太白山九隴精舍開皇中至江都晉王召見性慧日寺及駕

幸泰山遇渴安以刀刺石引水給帝後往神通

寺初與王入谷安見一僧着敝衣乘白驢來王

問何人安曰斯朗公也即創造神通故來迎耳

諸奇不可廣錄十一年春無疾而終年九十八

慧藏

姓郝氏趙國平棘人十一歲出家年四十乃潛于嵒山木食山漿澄心玄奧研窮雖廣而

以華嚴為本宗齊主武成降書邀請於太極殿開闡華嚴法侶雲從大業元年卒年八十四

法瓚

齊州人隱于泰岳之阜開皇十四年文帝省方招訪名德下勅延之與帝同歸達于京邑

住勝光寺仁壽置塔勅令送舍利于齊州泰山神通寺即南燕主慕容德為僧朗禪師之所立

也燕主以三縣民調用給于朗並散營寺上下諸院十有餘所三度廢教人無敢撤欲有犯者

朗輒見形以錫杖撻之并深五尺繇來不減女人臨之即為枯竭燒香懺求還復如故寺立四

百餘載佛像如新眾禽不踐古號為朗公寺開皇三年文帝以通徵屢感故改曰神通也初至

寺即放圓光乍赤乍白時沉時舉井水湧溢酌而用之下役還復瓚遂終于所住

淨辯

姓韋齊州人少涉儒門備聞丘索忽厭浮假屏迹出家開皇隆法入住京師依止遠公住

禪影寺曾與故友因事相乖彼加言謗辯終不雪及委曲問答曰吾思其初結交也清欣若絃

豈以後難復陳其失時以此高之後勅召送舍利於衡州岳寺舍利放大光明因集感應傳十

卷大業末終于此世

釋僧意

不知何許人貞確有思力每登座講說輒天花下散于法座元魏中住朗公谷山寺

寺有高麗相國胡國女國吳國崑崙岱京七像並是金銅俱陳寺堂堂門嘗開而鳥獸無敢入

者將終有一沙彌現形云天帝請師講經意乃洗浴端坐及期果有神來意遂逝

釋大行

齊州人後入泰山結草為衣采木而食行法華三昧感普賢現身遂入蕪內信手探

經乃獲西方聖教遂專心念佛三七日間于夜半時忽睹琉璃地心眼洞明見十方佛猶如明

鑑中像後詔入內宮寢于御殿勅賜號嘗精進菩薩受開國乃示徵疾右脇而終

義楚

姓裴氏相州安陽人七歲來省歷下後談覽大藏乃慨儒家為佛教之文而多謬解解既

謬與事多誤用擬白樂天六帖纂釋氏義理庶事羣品以類相從建其門目計五十部隨事別

列四百四十門始從法王利見部師于獸類部其間物類簡括周旋趙晉開運二年于顯德元

年進呈世宗勅付史館賜紫衣仍加號明教大師以開寶中終俗壽七十四法臘五十四

天倪子

泰山人本名張志純入道門數歲遂得真訣號崇真大師居于城西之長春觀升化

之日乃自頌曰脫下娘生布袋此際果然輕快百尺竿頭漸進蓬玄洞裏去來前世宿得醫僧

今作道門小才

馬丹陽

初名從義後改名鉅字玄贊陝西扶風人漢馬援之後先世因五代兵亂從居寧海

弱冠能詩文奇特不凡舉進士大定間遇重陽子教以仙術專務清淨因遊萊陽遊仙宮召化

其內加號丹陽顯化真人今丹陽觀在城東大水坑墓在觀後有元碑可據

李笈

濟南人寓臨安嘗請淨慈寺見青衣道人林下斷荷揖之道人曰子來同食燒荀食之甚

美道人怒不見笈頓覺身輕神逸行步如飛不復飲食入蜀隱青城山乘雲而起

丘處機

棲霞人自號長春子年十九為全真學元太祖召見每言欲一天下必在不嗜殺又

言為治在敬天勤民長生在清心寡欲嘗禱雨及退熒惑皆有應嘗修真于歷城西之大庵後

有一洞號醜數十里為長春洞

禧果

青州壽光人八歲被元兵掠至沙漠遂投金山寺師僧勝迪甚器重之勝迪死南還洪武

十九年至遼東官司異之送至京師備言明哈赤將士萬餘人皆有降心朝廷命宋

國公往沙漠招安果如前言上賜資甚厚後與禧海遊至濟南住正覺寺永樂元

年遷至樓霞法勝庵
九年八月無疾而化

海上老人

不知姓字髮如銀絲顏如渥赭雙目澄
徹左手嘗握而不開日進生果三枚水

一勺而已洪武壬午過濟永樂間復至成化
乙巳濟南衛指揮朱顯奏聞賜名王士能

無住禪師

成化時措錫華林寺像貌魁峴聲音宏
亮儒書釋典無不精曉士紳雅重之以

居近市廛遷四禪寺因寂逾年九十當盛夏顏
色如生觀者如堵至今塑像與三藏並祀焉

楊生

邑諸生喜談神仙居龍山鎮兒夜啼生紙剪
一月口吹上昇使二月相闕百里內皆見之

兒觀月以止啼哭撫院知為仙術秘訪之問作
此何為生答偶與小兒戲耳又問尚有別術否

生舉所擊茶潑之皆前水暴長若降雨然公驚
駭設酒餼款洽呼以仙師送之歸後數日再召

之已携妻子
法不知所之

王勅

號雲芝嘗讀書卧牛山見火光得異書
屢著仙迹見張令公鶴鳴雲芝先生傳

王綱舉

號蘭谷邑諸生素好修養臨終預知時日
預戒家人治道裝正襟坐化先是瘡疾及

歿瘡痂盡落宛如童子
危坐數日異香不散

以予論列諸君子輝谷媚淵映汗青而光彤管彬

彬乎皆歷產也顧山水有主庚甲乃辨朱陳鄉國

無憑坎離遂分辛黨風景不殊伊人安在亦惟天

之生才不盡後之君子其亦有比肩接踵而興者

矣

矣

文亦不重...

...

...


...

...

...

...

歷城縣志卷十正



歷城縣志卷十一

邑人葉承宗撰



古蹟志

城邑

宅苑

陵墓

石刻

元于欽齊乘其志古蹟類例有四一曰城郭記古井邑一曰亭館該乎棟宇一曰丘隴丘陵墳衍系焉一曰志聞碑銘詩說終焉今志一倣欽例噫後之視今猶今之視昔欽固曰曠千載而相感者其在斯與作古蹟志

城邑

城成也衆心所成也玄德萃舜成邑成都洪水蹙



歷城縣志卷十一

古蹟志

友聲堂

殷遷囂遷耿蓋可知也歷下城爲最古秦漢以還城社變徙郡邑省廢遺墟故址昭然可考備而志之以昭幅幘之盛焉

歷下城 史記晉平公伐齊戰于歷下又韓信襲

破齊歷下軍皆此地

晏謨三齊記云古歷下城對歷山之下山在縣南五

里

譚城 東平陵城 城東七十五里春秋譚國齊

桓滅之古城在西南龍山鎮相對漢爲東平陵

縣 右扶風有平陵故此加東

文帝封齊悼惠王子辟光爲濟

南王都此

東晉時此城北石虎移于城南有狼狐十餘隨之迹皆成蹊趙王石虎隨

起南寇之計歷代皆爲縣宇文周始廢隋土豪李蒲據城歸唐武德二年置譚州平陵縣以蒲

爲總管貞觀中州縣相繼俱廢都督齊王祐反土人不從太宗勅嘉之縣依舊置改名全節其

後廢入歷城此城漢爲王都唐爲州治故周二十餘里雉堞高峻三齊記以爲殷帝乙之都云

奉先縣城 齊乘曰平陵西北十五里有廢奉先

縣

建置省廢世代年月無考

鮑城 城東三十里鮑山下禹裔有鮑叔仕齊食

采于鮑因以爲氏鮑叔生叔牙世爲齊卿

一齊記口

山因城名元遺山濟南行作鮑山誤也

臺城 城東北十三里漢高初封戴野為臺侯

孝建

二年立東魏郡理臺

營平城 城東三十里漢縣宣帝封趙充國為營

平侯隋唐皆置營城縣屬譚州唐初省入平陵

按述征記歷城到營城三十里自城以東水瀕漫數十里間南則迫山實為險固逮金亂土人因阻水立邑號曰水寨歸附後始移置今縣

巨合城 城東七十里水經注云巨合水南出雞

山北經巨合城耿弇討張步進兵先脅巨里即

此自宋為龍山鎮

長城 括地志曰長城西北起濟州平陰縣緣河

歷泰山北岡上經濟州淄川即西南兗州博城

縣北東至密州琅琊臺入海 蘇代曰齊有長城鉅防齊記曰齊宣

王乘山嶺之上築長城東至海西至濟州以備楚竹書紀年云梁惠王二十年齊閔王築防以為長城今按歷山為齊魯分地而長城綿亘郡邑共之今歷所隸所云泰山北岡是也遺址向存

齊城 柳埠南 考通志濟南郡城在鄒平縣北十八里漢置郡後廢濟南縣城在鄒

平北十五里隋開皇置大業中廢入長山謹按二城雖非歷下之地而冒濟南之名附記于此

宅苑

謝公厚德莫庇柳絮之庭李相癡情乃眷平泉之石此鄴侯有鑒於勢家而不置宅溫公恣遊於戚交而不爲園也歷下甲第名園載在逸乘按圖索址父老猶能道之某張相之所營也某曾公之所葺也某杜陵之所憇而于鱗之所築也過墟濡毫臨風酌酒其費我峴山之淚多矣

宅第 現存者不錄

秦叔寶宅 西關沙苑 子孫世以鐵冶爲業世稱鑄鐵秦家云

羅士信宅 齊乘曰濟南府城中有羅姑井相傳

士信故宅

張養浩宅 布政司街七聘堂故處今改祠堂

平安宅 內有濯纓泉白雲樓

尹旻宅 邑治東今名尹家巷

邊貢宅 德府前內有萬卷樓

王勅宅 西關柴市

金城宅 都司前

江濬宅 西門外曲巷而水而居今數易主猶稱

江家池

張嵐宅 布政司前路東小巷

范瑟宅 布政司前路西

李攀龍宅 西關柴市路南

許邦才宅 布政司街路東

王見賓宅 東門內路南

周繼宅 都司西

穆深宅 土人名其地 爲穆家樓

別墅 莊載知名田舍膏腴概置不錄

終軍村 齊乘云歷城南九十里有終軍村

魏花莊 宋指揮魏花置城西南二十里

雲莊 城西北十里元中書祭議張養浩致政時

所居 中有雲錦池雪香林掛月峯待鳳石遂間 堂處十菴綽然拙逸樂全九臯半仙五亭

有記至今子孫 猶能世其業

王舍人店 城東三十里鮑山下

邊貢莊 張馬泊

劉天民莊 城南六十里弔枝菴

小村莊 趙司農世卿置原名祝店

許邦才莊 北門外



劉勅莊 華不注山下

亭館

歷下亭 齊乘曰府城驛邸內歷山臺上面山背

湖實為勝絕少陵有陪李北海宴歷下亭詩昔

人標景為歷下秋風 今按驛臺俱廢父老相傳亭址在今貢院後

峭山亭 齊乘曰城北峭山湖上少陵詩序登歷

下員外新亭亭對峭山湖者是也

環碧亭 歷下亭傍曾鞏有詩

北渚亭 水經注灤水北為大明湖西有大明寺

水成淨池池上有亭即北渚也

水西亭 在湖上見曾鞏諸賢詩

環波亭 在湖上見蘇轍詩

水香亭 大明湖內曾鞏有詩

雲波亭 在湖西

翠陰亭 城北十里雲莊

台石亭 府治內 嘉靖十年楊太守撫掘地得石故建此亭今廢

環碧亭 府學明倫堂後原名環波 洪武間僉事趙綸重建更

名環碧尋廢今改為敬一亭

瀛州亭 環碧亭西

采香亭 舊府治內見蘇曾諸公詩

會僊亭 在劉園許空石有詩

綽然亭 拙逸亭 樂全亭 九臯亭 半僊亭

俱在雲莊張養浩有記

尹公亭 北門內尹旻建邊華泉劉函山皆有詩

飛躍亭 府庠 天啓丙寅焚太守時英建葺廢

臺

百花臺 在城南曾子固有詩人因呼為南豐臺

今廢或云在百花橋下

黃臺 在城北有金任詢詩

堂

歷山堂

灤源堂 二堂俱在趵突泉上北堂曰歷山南堂

曰灤源曾南豐知齊州日建此以館客有齊州二堂記

閱武堂 在府城內見曾子固詩

七聘堂 布政司前元張養浩致政歸至元間遣

使七聘不起後人因名其堂

遂閒堂 雲莊內

靜化堂 舊府治內 曾鞏知齊州時建
今為左布政廳

禹功堂 芙蓉堂 俱舊
府治

廳

仁風廳 齊乘曰舊府治即今憲司前衙也

芍藥廳 齊乘曰亦在府治曾子固有詩今即後

堂有宋元祐名士軒碑廳西古竹猶存芍藥尚

餘數本 今為布
政司衙

館

青藤館 在北渚李于潛有詩

齋

竹齋

凝香齋 俱府治內

軒

名士軒 舊府治內有宋元祐碑

閣

漣漪閣 湖上劉函山有詩

樓

白雲樓 濯纓湖上高數十尺元張養浩有賦

望湖樓 齊乘曰李師中建

勝槩樓 齊乘曰灼矣泉西金人建亦壯麗近亦為水

所壞趙松雪有詩

超然樓 水面亭後元學士李洞建已毀今謀脩復

白雪樓 李于鱗在比部時建別墅鮑山下製白

雪樓諸名卿往來登觴歌詠最盛末年又築樓

于城中湖上碧霞宮劍許殿卿所謂湖上樓是

也于鱗即世子孫淪亡其人與樓俱隳南葉公遊宦歷下捐俸錢起樓臺于湖濱隙

地如其題焉要之非其舊也

迎僊樓 西關迎僊橋上關頭突起崇臺樓翼其上屹然大觀崇禎己卯

燬此樓關濟南風氣當急謀脩

摘星樓

橋

芙蓉橋 水西橋 湖西橋 北池橋 俱大明

湖南齊乘曰大明湖南岸百花洲洲上百花臺臺傍百花橋環湖有七橋曰芙蓉曰水西

曰湖西曰北池之類是也南豐詩云從此七橋風與月夢魂長到水蘭舟今皆廢矣惟百花橋

與樂源石橋尚存

驛

聞韶驛 在大明湖南

院

嵒山院 嵒山下陳無已有詩

菴

湧泉菴 錦陽川上李于鱗有詩

處士菴 雲莊

廟

舜廟 按圖經古舜祠在廟山城外古舜坊即廟

山故道

娥英廟 酌突泉側祀娥皇女英

神農廟 見祐德觀下

天齊山廟 府城內按漢志濟南國治東平陵有


天山郡南山以其在齊因曰天齊

酈食其廟 府城內

寺

開元寺 府城內

鐘樓寺 大明湖南後改湖南書院已又改爲提



學公署

天王寺 沙苑西

觀

祐德觀 府城內唐碑云瑞氣觀宋曰天慶金改

祐德觀內古有扁鵲祠今人因創神農廟碑記

存焉

脩真觀 石固寨 紫極觀 柳埠

洞真觀 展村

祠

閔子祠 城東五里宋熙寧七年濟南太守李肅

之即墓前置祠立碑蘇轍記蘇軾書

扁鵲祠 見祐德觀下

忠襄王祠 府治東南隅祀元尚書忠襄王張榮

園

賈園 劉函山有詩

萬竹園 內有登州望水二泉

通樂園 趵突泉西又名川上精舍殷文莊建

街巷



塌行街 縣東 憲司街 亦名同知巷

李承務巷 銀作街 卽今西營

鐵佛巷

林

使君林 大明湖內 鄭公崇三伏 飲碧筒處

雪香林 雲莊

陵墓

齊王禁樵於柳下漢高致祀於信陵桓可王敦唐評魏武英雄埋骨地每足供人憑弔焉故知曹餘

李志數畝宮不如廉頗相如一抔土也

太甲陵 中宮東南漢書載皇覽云太甲有冢在

歷山上

高唐王墓 鴈翅山 歷城王墓 紫荆山

寧海王墓 門牙莊 濟寧王墓 標山下

堂邑王墓 標山下 利津王墓 紫荆山下

安陵王墓 路家莊 清平王墓 紫荆山下

紀城王墓 泉瀘莊 永年王墓 紫荆山傍

鮑叔牙墓 鮑山下 酈食其墓 天懸寨左

閔千騫墓 城東五里 朱雲墓 古平陵南

班超墓 城西南三里 王伯墓 平陵城

吳子蘭墓 城南完備山

夏侯勝墓 城東七十里古平陵東門外

魏花墓 城西魏花莊 段直墓 城東何二莊

郭太師墓 城東老僧口 有元太師郭公墓碑

馬丹陽墓 城東六十里大水坑

張榮墓 城東張陵壇 學士張起巖碑銘

張養浩墓 城北五柳閘南雲莊

秦津墓 龍山西北 津元東平防禦使

秦琰墓 四里山下 王允墓 城西五里

衛青墓 藥山西麓 青正統十四年護衛兵以功封宣城伯子穎

尹旻墓 八里山陽 史蘭墓 四里山西

張鶴墓 城西五星 王勅墓 龍窩山南

邊貢墓 萊家莊後 劉瓛墓 城西十里

劉天民墓 五里溝 陳明墓 城東南六里

江濬墓 杏園 范瑟墓 紫青山南

殷衡墓 城東小莊 李攀龍墓 柳溝

許邦才墓 火關 趙世卿墓 荆山前

周繼墓 茂陵山 劉伯縉墓 兔兒嶺

王見賓墓 武場東 陳九疇墓 六里山

義娥墓 城西五里舖官廳側 張令鶴鳴 記見烈女

石刻 石附

歐陽公有集古錄趙明誠有金石錄蓋以古人手

澤惟憑翰墨雖苔痕蘚翳斑駁難識鬼而較之致

自足樂然右軍既往誰為真本蘭亭耶紫色盡聲

溯日久矣願得寒山片石相與語耳

像刻

孔子魯司寇像石刻 聞韶館

孔子佩劍像石刻 府學殿內俱吳道子筆

呂僊像石刻 趵突泉閣下 肥令玉惟精寫 郡守樊時英贊

白衣大士像石刻 下院一在趵突泉 如蘇邵 堅寫

大書刻

忠孝廉節石刻 許忠節祠

龜龍麟鳳石刻 府學明倫堂旁

讀書堂石刻 在王舍店舖內 萬曆初掘地得之 乃宋龍圖侍郎張

揆舊隱處也蘇東坡書後移于縣庠橋門外

神在字刻

舜祠唐郭恕先書

本書城南南碧霞宮壁臨而刻之于此

福壽字刻

按察司土地祠宋陳搏書

大方約四尺許

觀瀾字刻

釣突泉

方伯通州張欽書

釣突泉字刻

天水胡纘宗書

大明湖字刻

一在學道東一在鵲華橋下皆天水胡纘宗書

三槐清廡石刻

學道廨內

江漢秋陽刻

府學

李復初書

周太功勳孔孟心傳字刻

府學

侍郎鄭芸通中丞曾鉞書

畫刻

五嶽真形石刻

華陽宮大門內

野鵲睡犬石刻

元李宗寶周焯所畫鵲犬曹希

谷題其端寓諷刺謂之三絕今壞

楊給諫竹石刻

按察司後堂

摩崖刻

勅龍洞壽聖院刻

龍洞北崖

宋熙寧間蘇軾書

自有靈岩石刻

開元寺南壁

宋朱晦菴書

天生自來泉刻

佛峪

天台另境

龍洞口

錦屏春曉刻 龍洞東岩

臨流字刻 龍洞谷口

大乘師演老巖 龍洞獨秀峯下

宋題名記 佛慧寺東 記曰崇寧十年六月知州事吳拱同僚屬會食佛慧

山飲茶泉上大觀二年三月知州事梁彥同遊者六人政和四年三月知州事蔡居後七人勸耕于此飯寺中五年七月季德脩五人就甘露泉試北苑茶七年二月張勸深九人登覽今崖壁崩墜題刻不復可辨

小書刻

八行石刻 府學大殿後今壞

岳武穆王碑 府堂後 樊太守時英掘地得此立祠祀之有銀屏夫人記

墓碑

漢趙相劉衡碑 平陵城傍

樂安任照先碑 平陵城

元張養浩碑 雲莊

字帖

鵠遊亭刻 黃中丞克纘集在布政司

不自棄文刻 杜大綬書

祠碑

張文忠公祠碑 黃潛撰

閔子祠碑 蘇轍記

朱司馬平東叙功碑 董其昌撰並書

石

石友 元張養浩置十石友每飲必同之呼為石

友在雲莊

鳳翥石 布政司 豸冠石 按察司

碧虛僊人石 尹恭簡家藏今在趙司農家

殷園石 失名

殷園雖廢遺址猶存樹木菁蔥湖石屹立頗輔趵泉之勝崇禎壬申

有人伐木脩橋石失其勢遂僵臥蔬畦中矣方在盛時此石價重千金過之輒為于邑

蛟龍石 府庠泮池內

平太守康裕移置于此

四靈石

王季木口郡中有靈石四玲瓏清古極天工之巧一在府學一在布政司一在

孟宅一在劉家亭蓋傳自勝國者余曰此何足奇吾以人為靈于宋取辛稼軒李易安于昭代取邊華泉李于鱗四君子者一

生山輝川映其為靈昭昭也

余志歷下古蹟得城邑九許宅苑百有二許陵墓

四十七許石刻暨石四十四許善乎于欽氏言曰

濟南東藩要郡自唐李北海杜子美曾子固東坡

兄弟相與登臨遊詠于湖山之上當時政治風流

歷城縣志卷十一止
猶可想見而亭館隳廢自無一二今人亦那復知
之方且戚戚于矯飾汲汲於資級以此馳騫一世
友有竊笑古人者矣



歷城縣志卷十一止

歷城縣志卷十二

邑人葉承宗撰

藝文志一 序記 詩賦 詩餘 藏書

滕閣已湮猶重王勃之序鶴樓趾舊仍傳崔灝之
詩天台之賦擲地金聲邯鄲之碑色絲幼婦翰墨
所存珍於拱璧矣歷下名帙克棟未暇槩收封邑
之肇建存乎紀述山川之遊咏想其流風謹而志
之庶足當摩詰之畫少文之遊乎作藝文志

序記 上

文非徒記姓名識翰墨已也都邑封域以文而辨

歷城縣志卷十二 藝文志 序記 友聲堂

山川風物以文而彰丰采節槩以文而傳世變流
風以文而著被薛以蒐斷碑撥煨而簡廢乘輯古
裁今得如干首歷山文獻其在斯與

古文

鞏之戰

左氏

成公二年六月癸酉季孫行父臧孫許叔孫僑如
公孫嬰齊帥師會晉郤克衛孫良夫曹公子手及
齊侯戰於鞏齊師敗績秋七月齊侯使國佐如師
已酉及國佐盟於袁婁傳曰宣十七年春晉侯使

郤克徵會於齊齊頃公帷婦人使觀之郤子登婦
人笑於房獻子怒出而誓曰所不此報無能涉河
獻子先歸使欒京廬待命於齊曰不得齊事無復
命矣成二年孫桓子如晉乞師臧宣叔亦如晉乞
師皆主郤獻子晉侯許之七百乘郤子曰此城濮
之賦也有先君之明與先大夫之肅故捷克於先
大夫無能爲役請八百乘許之郤克將中軍士燮
將上軍欒書將下軍韓厥爲司馬以救魯衛臧宣
叔逆晉師且道之季文子帥師會之及衛地韓獻

子將斬人郤獻子救之至則既斬之矣郤子使速以殉告其僕曰吾以分謗也師從齊師於鞏六月壬申師至於靡笄之下齊侯使請戰曰子以君師辱於敝邑不腆敝賦詰朝請見對曰吾與魯衛兄弟也來告曰大國朝夕釋憾於敝邑之地寡君不忍使羣臣請於大國無令輿師淹於君地能進不能退君無所辱命齊侯曰大夫之許寡人之願也若其不許亦將見也齊高固入晉師桀石以投人禽之而乘其車繫桑本焉以徇齊壘曰欲勇者賈吾餘勇癸酉師陳於鞏邴夏御齊侯逢丑父爲右晉解張御郤克鄭丘緩爲右齊侯曰余姑翦滅此而後朝食不介馬而馳之郤克傷於矢流血及屨未絕鼓音曰余病矣張侯曰自始合而矢貫余手及肘余折以御左輪朱股豈敢言病吾子忍之緩曰自始合苟有險余必下推車子豈識之然子病矣張侯曰師之耳目在吾旗鼓進退從之此車一人殿之可以集事若之何其以病敗君之大事也擐甲執弓固卽死也病未及死吾子勉之左并轡

右援枹而鼓馬逸不能止師從之齊師敗績逐之
三周華不注韓厥夢子輿謂已曰且辟左右故中
御而從齊侯邴夏曰射其御者君子也公曰謂之
君子而射之非禮也射其左越於車下射其右斃
於車中綦母張喪車從韓厥曰請寓乘從左右皆
肘之使立於後韓厥俛定其右逢丑父與公易位
將及華泉駮絙於木而止丑父寢於輶中蛇出於
其下以肱擊之傷而匿之故不能推車而及韓厥
執繫馬前再拜稽首奉觴加璧以進曰寡君使羣

臣爲魯衛請曰無令輿師陷於君地下臣不幸屬
當我行無所逃隱且懼奔避而忝兩君臣辱戎士
敢告不敏攝官承乏丑父使公下如華泉取飲鄭
周父御佐車宛後爲右載齊侯以免韓厥獻丑父
卻獻子將截之呼曰自今無有代其君任患者有
一於此將爲截乎卻子曰人不難以死免其君我
截之不祥赦之以勸事君者乃免之齊侯免求丑
父三入三出每出齊師以帥退入於卒卒皆
抽戈楯冒之以入於衛師衛師免之遂自齊關入

齊侯見保者曰勉之齊師敗矣辟女子女子曰君
免乎曰免矣曰銳司徒免乎曰免矣曰苟君與吾
父免矣可若何乃奔齊侯以爲有禮既而問之辟
司徒之妻也予之石窳晉侯從齊師入自丘與擊
馬脛齊侯使賓媚人賂以紀甌玉磬與地不可則
聽客之所爲賓媚人致賂晉人不可曰必以蕭同
叔子爲質而使齊之封內盡東其畝對曰蕭同叔
子非他寡君之母也若以匹敵則亦晉君之母也
吾子布大命於諸侯而曰必質其母以爲信其若
王命何且是以不孝令也詩曰孝子不匱永錫爾
類若以不孝令於諸侯其無乃非德類也乎先王
疆理天下物土之宜而布其利詩曰我疆我理南
東其畝今子吾疆理諸侯而曰盡東其畝而已唯
吾子戎車是利無顧土宜其無乃非先王之命也
乎反先王則不義何以爲盟主其晉實有闕四王
之王也樹德而濟同欲焉五伯之霸也勤而撫之
以役王命今吾子求合諸侯以逞無疆之欲詩曰
布政優優百祿是適子實不優而棄百祿諸侯何

害焉不然寡君之命使臣則有辭矣曰子以君師辱於敝邑不腆敝賦以犒從者畏君之震師徒撓敗吾子惠徼齊國之福不泯其社稷使繼舊好唯是先君之敝器土地不敢愛子又不許請收合餘燼背城借一敝邑之幸亦云從也不幸敢不唯命是聽魯衛諫曰齊疾我矣其死亡者皆親暱也子若不許讐我必甚唯子則又何求子得其國寶我亦得地而紓於難其榮多矣齊晉亦唯天所授豈必晉晉人許之對曰羣臣帥賦輿以爲魯衛請若苟有以藉於口而復於寡君君之惠也敢不唯命是聽禽鄭自私逆公狄七月晉師及齊國佐盟於袁婁使齊人歸我汶陽之田公會晉師於上鄭賜三帥先路三命之服司馬司空與師侯正亞旅皆受一命之服

歷下軍

司馬遷

田儋者人也儋從弟田榮榮弟田橫皆豪宗疆能得人陳涉之初起王楚也使周市畧定魏地北至城守田儋詳爲縛其奴從少年之廷欲謁

殺奴見 令因擊殺令而召豪吏子弟曰諸侯皆
 反秦自立齊古之建國儋田氏當王遂自立為齊
 王發兵以擊周市軍還去田儋因率兵東畧定齊
 地秦將章邯圍魏王咎於臨濟急魏王請救於齊
 齊王田儋將兵救魏章邯夜衝救急大破齊魏軍
 殺田儋於臨濟下儋弟田榮收儋餘兵走東阿齊
 人聞田儋死乃立故齊王建之弟田假為齊王田
 角為相田間為將以距諸侯田榮之走東阿章邯
 追圍之項梁聞田榮之急乃引兵擊破章邯軍東

阿下章邯走而西項梁因追之而田榮怒齊之立
 假乃引兵歸擊逐齊王假假亡走楚齊相角亡走
 趙角弟田間前求救趙因留不敢歸田榮乃立田
 儋子市為齊王榮相之田橫為將平齊地項梁既
 追章邯章邯兵益盛項梁使使告趙齊發兵共擊
 章邯田榮曰使楚殺田假趙殺田角田間乃肯出
 兵楚懷王曰田假與國之王窮而歸我殺之不義
 趙亦不殺田角田間以市於齊齊曰腹螫手則斬
 手螫足則斬足何者為害於身也今田假田角田

間於楚趙非直手足戚也何故不殺且秦復得志
於天下則齟齬同事者墳墓矣楚趙不聽齊亦怒
不肯出兵章邯果敗殺項梁破楚兵楚兵東走而
章邯渡河圍趙於鉅鹿項羽往救趙繇此怨田榮
項羽既存趙降章邯等西屠咸陽滅秦而立侯王
也乃徙齊王田市更王膠東治卽墨齊將田都從
共救趙因入關故立都爲齊王治臨淄故齊王建
孫安項羽方渡河救趙田安下濟北數城引兵降
項羽項羽立田安爲濟北王治博陽田榮以負項
梁不肯出兵助楚趙攻秦故不得王趙將陳餘亦
失職不得王二人俱怨項王項王既歸諸侯各就
國田榮使人將兵助陳餘令反趙地而榮亦發兵
以距擊田都田都亡走楚田榮留齊王市無令之
膠東市之左右曰項王疆暴而王當之膠東不就
國必危市懼乃亡就國田榮怒追擊殺齊王市於
卽墨還攻殺濟北王安于是田榮乃自立爲齊王
盡併三齊之地項王聞之大怒乃北伐齊齊王田
榮兵敗走平原平原人殺榮項王遂燒齊城郭

所過者盡屠之齊人相聚畔之榮弟橫收齊散兵
得數萬人反擊項羽於城陽而漢王率諸侯敗楚
入彭城項羽聞之乃釋齊而歸擊漢於彭城因連
與漢戰相距滎陽以故田橫復得收齊城邑立田
榮子廣爲齊王而橫相之專國政橫定齊三年漢
王使酈生往說下齊王廣及其相國橫橫以爲然
解其歷下軍漢將韓信引兵且東擊齊齊初使華
無傷田解軍於歷下以距漢漢使至乃罷守戰備
縱酒且遣使與漢平漢將韓信已平燕趙用蒯通

計度平原襲破齊歷下軍因入臨淄齊王廣相橫
怒以酈生賣已而烹酈生王廣東走高密相橫走
博陽守相田光走城陽將軍田旣軍於膠東楚使
龍且救齊齊王與合軍高密漢將韓信與曹參破
殺龍且虜齊王廣漢將灌嬰追得齊守相田光至
博陽而橫聞齊王死自立爲齊王還擊嬰嬰敗橫
之軍於贏下田橫亡走梁歸彭越韓信已殺龍且
因令曹參進兵破殺田旣於膠東使灌嬰破殺齊
將田吸於千乘韓信遂平齊乞自立爲齊假王漢

因而立之

灤水

漢桑欽作水經
後魏酈道元注

濟水又東北灤水出焉注曰灤水出歷縣故城西

南泉源上舊水湧若輪

謝云舊
疑作奮

春秋桓公十八年

公會齊侯於灤是也俗謂之娥姜

一作英

水也以泉

源有舜妃娥英廟故也城南對山山上有舜祠山

下有穴謂之舜井抑亦茅山禹井之比矣書舜

耕歷山亦云在此所未詳也其水北為大明湖西

即大明寺寺東北兩面側湖此水便成淨池也池

上有客亭左右楸桐負日俯仰目對魚鳥極

極下
脫一

字或是
極望

水木明瑟可謂濠梁之性物我無違矣湖

水引瀆東入西郭東至歷城西而側城北注湖水

上承東城歷祀

李云疑
作祠

下泉源競發其水北流逕

歷城東又北引水為流杯池州僚賓燕公私多萃

其上分為二水右水北出左水西逕歷城北西北

為陂謂之歷水與灤水會自水枝津合水首受歷

水於歷城東東北逕東城西而北出郭又北注灤

水又北聽水出焉又北流注於濟謂之灤口也

濟水又東北

脫一逕字

華不注山注曰單椒秀澤不連

丘陵以自高虎牙桀立孤峯特拔以刺天青崖翠

發望同點黛山下有華泉故京相璠曰春秋土地

名也華泉華不注山下泉水也春秋左傳成公二

年齊頃公與晉卻克戰於鞏齊師敗績逐之三周

華不注逢丑父與公易位將及華泉驂絙於木而

止丑父使公下如華泉取飲齊侯以免韓厥獻丑

父卻子將戮之呼曰自今無有代其君任患者有

一於此將為戮矣卻子曰人不難以死免其君我

戮之不祥赦之以勸事君者乃免之即華水也北

絕聽瀆二十里注於齊

伏琛三齊記不音跗讀如詩萇不韡韡之不謂花蒂

也言此山孤秀如花跗之注于水也

又東北過臺縣北注曰巨合水南出雞山西北北

逕巨合故城耿弇之討張步也守巨里即此城也

三面有城西有深坑坑西即弇所營也與費邑戰

斬邑於此巨合水又北合關盧水關盧水導源馬

耳山北逕博亭城西西北流至平陸城與武原水

合水出譚城南平澤中世謂之武原水北逕譚城

東俗謂之有城也又北逕東平陵縣故城西故陵城也後乃加平譚國也齊侯之出過譚譚不禮焉魯莊公九年卽位又不朝十年滅之城東門外有樂安任炤先碑濟南治也漢文帝十六年置爲王國景帝二年又郡王莽更名樂安郡其水又北逕巨合城東漢武帝以封城陽頃王子劉發于爲侯國其水合關盧水而出注巨合水西北逕臺縣故城南漢高帝封東郡尉戴野爲侯國王莽之臺治也其水西北流白野泉水注之水出臺城西南白野泉北逕留山西北流而右注巨合水又北聽水注之水上承灤水東流北屈又東北流注於巨合水亂流又北入於濟濟水又東北合芹溝水注曰水出臺縣故城東南西北流逕臺城東又西北入於濟水

序

雜詩石刻序

昔賢標其世代
國朝名公不贅

宋曾

鞏

子固
南豐

齊故爲文學之國然亦以朋比誇詐見於昔俗今其地富饒而介於河岱之間故又多獄訟而豪猾

羣黨亦徃徃喜相攻剽賊殺於時號難治余之疲
驚來爲是州除其姦強而振其弛壞去其疾苦而
撫其善良未期囹圄多空而枹鼓幾熄歲又連熟
州以無事故得與其士大夫及四方之賓客以其
暇日時遊後園或長軒遶樹登覽之觀屬思千里
或芙蕖芰荷湖波渺然從舟上下雖病不飲酒而
間爲小詩以娛情寫物亦拙者之適也通儒大人
或與余有舊欲取而視之亦不能隱而青鄆二學
士又從而和之士之喜文辭者亦繼爲此作總之

凡若干篇豈得以余文之陋而使夫宗工秀人雄
放瑰絕可喜之辭不大傳於此邦也故刻之石而
美序之使覽者得詳焉熙寧六年二月己丑序

山東鄉試錄序

王守仁

子安
餘姚

山東古齊魯宋衛之地而吾夫子之鄉也嘗讀夫
子家語其門人高弟大抵皆出於齊魯宋衛之間
固願一至其地以觀其山川之靈秀奇特將必有
如古人者生其間而吾無從得之也今年爲弘治
甲子予下當復大比山東巡按監察御史陸偁及

其左布政使曹元按察使戈瑄輩以禮與幣來請
守仁爲考試官故事司考較者惟務得人初不限
以職任其後歷四十年來始皆盡用學職遂至應
名取具事歸外簾而糊名易書之意微自頓言者
頗以爲不便大臣上其議

天子曰然其如故事於是聘禮考較盡如

國初之舊而守仁得以部屬來典試事於茲土雖非
其人寧不自慶其遭際又况夫子之鄉固其平日
所願一至焉者而乃得以盡觀其所謂賢士者之

文而考較之豈非生平之大幸與雖然亦竊有大
懼焉夫委重於考較將以求才也求才而心有
不盡是不忠也心之盡矣而真材之弗得是弗明也
不忠之責吾知盡吾心爾矣不明之罪吾終且柰
何哉蓋昔者夫子之時及門之士嘗三千矣身通
六藝者七十餘人其尤卓然而顯者德行言語則
有顏閔子賜之徒政事文學則有繇求游夏之屬
今所取士其始拔自提學副使陳鎬者蓋三千有
奇而得千有四百旣而試之得七十有五人焉烏

乎是三千有奇者其皆夫子鄉人之後進而獲遊
於門牆者乎是七十有五入者其皆身通六藝者
乎其亦有卓然而顯如顏閔游夏之徒者乎夫今
之山東猶古之山東也雖今之不逮於古顧亦寧
無一二人如昔賢者而今之所取苟不與焉豈非
司考較者不明之罪與雖然守仁於諸士亦願有
言焉夫有其人而弗取是誠司考較者不明之罪
矣司考較者以是求之以是取之而諸士之中苟
無其人焉以應其求以不負其所取是亦諸士者
之耻也雖然予豈敢謂果無其人哉夫子嘗曰魯
無君子者斯焉取斯顏淵曰舜何人也予何人也
有爲者亦若是夫爲夫子之鄉人苟未能如昔人
焉而不耻不若又不知所以自勉是自暴自棄也
其名曰不肖夫不肖之於不明其相去何遠乎然
則有司考較者之與諸士亦均有責焉耳矣嗟夫
司考較者之責自今不能以無懼而不可以有爲
矣若夫諸士之責其不能者猶可以自勉而又懼
其或可以自畫也諸士無亦曰吾其勗哉無使司

考較者終不免於不明也斯無愧於是舉無愧於夫子之鄉人也已

濟南七十二泉詩序

憲僉晏

璧

彦文廬陵

有此天地卽有此山川山爲地之形勢水爲地之脉絡皆扶輿清淑之氣所鍾和順積中英華發外子在川上口逝者如斯孟子曰源泉混混喻道體也文人才子適興而咏歌之者宜哉且濟南爲譚子國附庸於齊南距泰山百餘里郡南三十里爲龍洞巖穴外阻而中豁徑路斗折而蛇行多怪石

幽泉能出雲氣作雷雨泉脉環城內外凡七十有二曰趵突曰玉環曰珍珠曰漱玉曰醴泉曰甘露曰金線曰蜜脂曰白龍曰黑虎曰芙蓉曰柳絮曰金沙曰白公曰孝感曰無憂曰洗鉢曰濯纓虞舜耕於歷山故濟南以歷城名邑有虞舜祠東坡先生書歐陽文忠公舜泉詩刻於石永樂二年持憲節來濟南休沐之暇與大夫君子升高眺遠凝眸而挹山色洗耳以聽泉流綺綰繡錯黛蓄膏渟誠中州之奇觀也抑天造而地設豈人力所能爲哉

昔柳子厚嘗記柳永二州山水怪造物者不爲之於中州而列於便千萬年不得一售其技是固勞而無用於神者今濟南環城不一舍許而七十二泉獻秀呈奇是造物者爲之於中州使千百年不得一售其技亦勞而無用於神者予故取而詠之惜無柳子之才足以發揚山水之勝詩成濟南太守太原楊有溶請鈇梓以傳且賀曰斯泉也閱古今而不能售詩而詠之是泉之遭也余遂書之以附郡志云

邊華泉遺稿後序

潘子霓

邑人

嘗聞詩稱盛者莫唐若謂其專且精也後雖有作如唐何謂古今人不相及也豈知刪後無詩漢魏且無足論况唐乎况今之詩乎二說皆非也詩原性情何代無詩安敢以非唐之時而謂無唐之詩乎唐可泯而吾詩之唐猶在也詩以李杜爲大家邈哉不可尙已而繼其盛者有韓柳二人焉淵源固不容已如是哉

明興人文宣朗彬彬然盛矣我鄉華泉邊先生別歷

中外當道者表爲海內文宗比之於陳子昂輩今
誦其詩如冠冕珮瑀雍然廊廟有恢廓之度而無
沉鬱之氣獨倡斯文齊名何李若先生者非韓柳
其人與何謂古今人不相及也歷城舊侯巽川李
公博雅君子也得稿久矣欲梓而傳焉未遑乃托
桃溪方伯王公以竟其志王公慨然捐俸爲之闡
幽光作士類端在此矣詩云乎哉顧今之詩不如
韓柳俾作者繇韓柳而進之李杜大家未必不自
此得之也惠何溥耶予忝方伯公之年誼華泉公
之鄉人安得不嘉其傳而樂道之乎昔左太冲三
都賦就必假皇甫謐爲之先而人始讚述於無窮
信乎有賴於傳矣邊公之遇王公太冲之遇皇甫
何其幸哉若謂詩必唐而後爲盛且傳是李杜之
下當不復有韓柳也安知後之視韓柳不猶韓柳
之視李杜也

函山先生遺藁序

章令董復亨

見心陽平

蓋先士有言代不數人人不數首此言作者之難
而獨歷下界在海岱作者代興無論異代若終軍

履城縣志 卷十二 藝文 序記 友聲堂
彌衡員半千李格非輩已也卽如

明興北地信陽主盟中原則廷實並驅太倉興化縱
橫江淮則于鱗先鳴當北海晚年峨嵋天雪大海
迴風鬱而未吐時則有薛君采氏以獨立撐支斯
文睚中原無北地輩時時形之歌詠曰粗豪不解
李空同曰可憐詞客李空同而獨函山先生與之
名齊力敵其舉進士同其晉銓部同其上疏言事
同其罷歸林下時方盛年得以耑力千古同獨君
采爲詩文嶢然自好晚遂落於鷄園祇垣先生流

洋自恣間出馬東籬貫酸齋余嘗譬君采爲漆園
摩詰而先生則東方朔李青蓮幾於陵厲卿相嘲
哂君王者矣然前之若獻吉仲默後之若元美于
鱗其集序皆藉手如椽揭日以行而獨君采與先
生集僅手自裁定竟無有爲玄晏李漢者徃歲壬
辰余與先生冢孫公嚴同對公車公嚴手一編示
余曰此先大父遺集先大父集成幾一甲子先大
父而不得與於斯文斯已先大父而得與於斯文
是在後死者敢徵吾子一言之辱余嘗覽古若元

微之之序杜拾遺杜牧之之序李王孫彼其臭味
才力畧相等埒故得以覃竭其菁華而發揮其炳
蔚余臭味微同而才力去先生不啻萬里何能爲
先生役然客歲冬曾卒業先生遺集大率古選出
入陳拾遺李青蓮近體本劉長卿間雜王孟宮詞
逼真王建鹹酸勾肆驚謂馬東籬貫酸齋後身無
論近日王敬夫李伯華也獨其雜著不無唐宋風
調然亦異乎近日之牛鬼蛇神白日行市者乎先
生于廷實稱高座弟子而于鱗之名又先生所命
余嘗推轂先生與廷實于鱗後先代興可目歷下
三絕噫詎謂代不數人人不數首而得之

明明而得之三先生而又得之歷下也斯已
奇矣余旣令湯丘時時過歷下見濟水自王屋伏
流入城西南忽從地湧若噴雪若漱玉會大明湖
湖汪汪若干頃波又東北經華不注山山又蒼黛
若綠秀夫蓉固意其多道文麗藻之士家食時讀
廷實于鱗兩集仍疑未盡旣讀先生集而後知歷
下之山川不愛其靈也廷實若灤上之泉于鱗若

華不注而先生則大明湖槐柳婆娑蒲荷蒼蔚何
所不有也先生名天民正德甲戌進士其直聲古
行別有志傳茲不具論論其遺集大都爾爾

李滄溟集序

張佳胤 西蜀

蓋余嘉靖間爲滑令云而濟南李先生守順德故
事令嚴重他守如其守而先生顧余各以其業進
驩然爾汝相得也會余入郎司農則又進余二三
子久之李先生以關中學使者拂依去再起按察
河南而余亦浮湛中外時時詩相聞凡余所稱述

必李先生先生有所志亦必及余津津乎不啻其
口也蓋李先生歿而余撫吳將以其間梓先生之
詩若文存者而屬元美憂居業先之矣於是元美
屬余序序曰文章關乎氣運信然哉說者謂結繩
而後其盛者代不數代而盛者人又不數乃至岐
詩與文兩對稱之則未有兼出媿美者何也詩文
之用異而氣不備完也詩依情情發而葩約之以
韻文依事事迹而核衍之以篇葩不易約而核不
易衍也於其體固難之葩與核左而不相爲用也

則又工言者之所不易兼也孟氏云詩亡然後春秋作得春秋之緒者爲戰國先秦而其間左氏短長莊列韓非呂覽諸君子汪洋乎其言之也燦然而章蓋至西京而文則已極也然而三百篇之旨微矣東京建安而後稍稍能取其材而小變其格以至陶謝澹澹焉彬彬焉蓋至唐而詩則已極也然而西京之旨微矣彼夫千餘年而人自賢其時者何限然時汚而人受其束識亦俱受汚而不自覺以噉殫而塗鴉爲得造化之巧而實無當於述

作之林又何限也北地生乃稍稍知兼出之而敢遽以媲美云乎哉今夫李先生之集行而操觚者可按觀也古樂府五言選不以爲白頭陌桑曹枚之優孟哉七言歌行不以爲高岑之奇麗哉五七言律體不以爲少陵右丞之峻潔哉絕句不以爲青蓮江陵之遺響哉排律不以爲沈宋之具體哉誌傳不以爲左氏司馬之屬行哉序記書牘不以爲先秦西京之耳孫哉代不數而得之明人不數而得之李先生詩與文不兼出而先生儗得之亦

已難矣

高皇帝起元季六合之

地若闢而朗者此其盛不直際三代而况重以

諸廟之右文文明以止至於今而始有李先生其兼

出媿美幾希乎超先秦西京而上哉二三子知足

以知李先生汙不至阿其所好相與推明而傳之

風雅訓誓之精微雅已有端是在來者矣是在來

者矣先生諱攀龍字于鱗學者稱爲滄溟先生其

事行具殷少保所爲誌銘及元美傳中

題李滄溟集序

劉勅

君我邑人

近世七子碎隱有聲遭之者人馬辟數十里而吾

黨于鱗先生遂橫行中原稱景勝焉東海屠長卿

則方之揚沙走石方之危峰峭壁又方之濁浪崩

雲大都謂于鱗過奇耳于鱗信奇藉令不奇則世

將奴跡之曰此拾人脚汗者耳胡盧不暇奚以立

不朽之林哉故商彝周鼎秦甕漢尊人人共寶之

非以奇乎姑無論先民鴻製如盤庚檀弓莊騷諸

篇子雲好奇言少陵務警語曷嘗不嘔心自見也

于鱗生而役僕百家睚眦千古書非先秦兩漢不
讀言非古昔先王不稱故片語出而人人自廢元
美謂其爲天際峨眉固奇之耳余嘗按集讀之其
爲文則包羅左國出入揚馬鞭筆褒雄其爲詩則
鍊格漢魏藉材六朝登壇李杜雖語語不落人口
吻而非艱棘不可以讀爲揚沙走石乎而不乏和
風惠日也爲危峰峭壁乎而不乏平原曠野也爲
濁浪崩雲乎而不乏平波展鏡也長卿好奇而復
奇于鱗奇于鱗正其不能爲于鱗者耳語有之乍
見者駭習見者厭使于鱗不奇世亦不奇于鱗矣
晉卿大夫爲于鱗梓是集團奇于鱗也亦以爲于
鱗存奇也

海右倡和集序

許邦才

癸亥春鄙人以謁銓復如

京師凡所至莫不以于鱗詩發詢而亟索者稍稱無
則疑雖應而稍濡已拂形於色矣蓋于鱗居嘗以
病謝客二三載間鄙人以居艱得嘗與侍又近日
題著因涉鄙人者居十之七八不容以無爲辭也

然于鱗爲詩及人知于鱗詩旣多歷年所則篇什
與日增積往有請梓者于鱗以詮次未定又自挹
抑久不發予及鄙人瀕行以請亦復辭謝不遑特
屬近體二章絕句十二章爲別云乃遂以應客而
請者磨至且銜前什爲未足因簡篋中得近日相
與倡和者若干篇但邸次抄錄供求不給乃以梓
謀之棠川殷子乃曰詩以倡和爲名則不得獨出
于鱗矣鄙人則曰如形穢效顰何殷子曰善歌者
使人繼其聲善聽者俾工合其奏故聲不同則應
必調不諧則聽不入吾見于鱗倡必屬和于子
或子先而于鱗亦無言不酬焉彼工能霄壤者何
以有是也使觀者見于鱗而不及子之見其無缺
然之思不備之歎者幾希矣况取舍在人則媿與
穢雖不敢自必其能免然珠玉而羨妍美豈無有
諒其心於是梓者哉

梁園集序

殷士儋

正甫
邑人

蓋余與殿卿于鱗兩人者遊也時余且穉歲旣于
鱗與余先後登仕籍而殿卿首計借乃數不利晚

一再爲諸王相耳然殿卿不以其故減豪舉而愈益自奮爲詩諸與于鱗唱酬者洋洋矣最後相大梁則稱梁園集云於戲平臺修竹榛莽狐兔而梁園名迄千秋在者以鄒枚諸君故勝也鄒枚諸君貴不當漢一尉然方其湛思極境引商刻羽造烟景於筆端攬形類於指掌梁王觴上客而授簡長卿去貲郎而願從斯亦足快其蘊矣寧獨千載之下貴於漢庭吏哉然則殿卿自託於梁園未可謂不遇也

金輿山房稿序

汪道昆

伯玉
新都

濟南大學士殷公故與鄉大夫李于鱗許殿卿並起余首得滄溟集則于鱗先鳴殿卿善稱詩海右集具矣及殷公卽世金輿山房稿始傳蓋公門人大宗伯于公所編中執法邵公所授梓者也公起家三禮則與大學士張公大司成胡公太宰陸公同出中丞吳先生之門時同門者十人不佞亦其一也三大史鼎立東觀中道隕大司成隆慶改元濟南江陵竝相卽江陵高視一世退就鴈行公白

縫掖以至衮衣日以講習論思爲事是惟無詠詠則必諧是惟無言言則必法固宜縣書寓內不啻五車乃今卒業而縷數之僅得詩二卷文十一卷詰其故夫豈挂一漏五乎哉任子盤能讀父書及門之士不容屨何漏也公旣以資逢世高跼著作之庭始而羽翼郎中卒之羽儀天下經國大業卒代天工先學後臣其所黼黻者在此不在彼矣于鱗陸沉中外無預天祿石渠騰驥自如滅沒超忽此天下馬也公則服箱萬乘不生八馳驅聲中鸞籟步中繩引其斯天子之路馬也與哉齊州之外三神山在焉是謂仙靈所都去人羣遠矣五岳疇自神而覲萬國咸在域中有趾者皆可躋有目者皆可仰周巡歷祀得視三公公是也且先民之托不朽參以立言仲尼之道不行斯文未喪孳孳刪述志在春秋自惟託諸空言不若見諸行事春秋爲王者事固非空言得時而行則爲賡歌爲矢音爲臯陶謨爲伊訓爲兌命爲周召誥爲箕疇修者不越數十百言餘者殆不能以半辭是用輯聲是用

希三代之英皆是物也齊魯嫻于文學天性則然
公結袵三良左提右挈出而潤色

帝業炳然三代同風清廟遺音洋洋盈耳今所就業
足矣求多何爲吳季子稼端儼然見客是爲中丞
先生丈夫子習知公謂公不俟功成不斬名遂奉
身而退去金馬而就金輿繇此成一家言綽有餘
力公何不用也殆將以無用爲用耶竊聞公及季
年杜德機滌玄覽苞混沌襲鴻濛浸假務多言爲
名言弗屑已直將以言爲贅以名爲賓胡然而季

咸胡然而狂屈胡然而儵忽胡然而雲將脫欲掇
其緒餘不可致詰且也江陵執政郡使者推轂濟
南從中銜之殿部使者及其墨經歸葬郊逆者至
自齊問少保何爲避席而對公方屏文事抵驛書
第與二三子俱有味乎先聖之糟粕油油然樂矣
江陵正襟而長太息少保樂乎哉第不遑憂人之
憂一何憇也齊使歸報公聞而笑曰夫夫不自憂
其憂余亦安能憂人之憂也江陵子舍鼎盛析珪
連璽悉出其門顧疇昔之奏對無聞其遺草安在

卽尅核太至誰其召之公獨外其身而身存則默
存也亡如存者也要之言足術也故足多也作者
多乎哉

明農軒樂府序

唐府宗正
二菴山人
宙楨
紹齋

明農軒樂府濟南少保殷公所作也公旣罷相歸
濟上絕口不談聲利而於詩文亦謝不復爲日與
其友人許殿卿輩策欵段命扁舟延眺峭華之峯
寄傲明湖之渚酒酣興逸則肆口而占樂府數闋
間自爲曼聲引而歌之相樂也積久成帙二三同

好者梓之濟上余從南陽司李王所得一帙受而
讀之音節鏘鏗若白金石出而情與景會語語天
成超詣辭場三昧之境卽勝國所傳諸大家之製
不是過也乃若鴻冥擘腕次超然觸事賞心直
以筆其爽樂自非有道詎易臻茲以是稱於薦紳
間豈獨辭調之工已耶公以台鼎舊臣道不合而
引退盛年茂德遇不究施天下談士孰不爲公搢
腕而徜徉林壑曾無幾微效憤世者所爲可槩見
矣公家深源慎而書空何鄙也余刻其樂府而引

數語於帙端俾天下想公之爲人者覽是可以得其槩云

刻月梧先生詩集序

周藩中尉勤美

伯榮

王公之守開封也時時過余稱月梧先生云其曰先生不佞師也少負雋質爲諸生聲最著丙子以春秋魁東省顧久困公車不利授淮南別駕諸上官推轂特甚先生故多才尤欲役才而任事事立辦諸上官益才公他曹事皆委之則又皆辦名益起同宦者恚其掩已也爲落石罷去宅縉紳先生

歸者或不能絕跡公府以自依附而先生弗屑也手一編杜門陶然自娛郡邑長吏慕其高致欲有所造請三過廬而兩稱病一則踰垣而避之卽不佞從遊見亦有時它可知也先生旣迫於窮日益刻意於詩詩雖其所自喜然而無當於志弗作也卽作而當於志然非其人弗與睹也卽人得而睹之矣然尤不欲以是爲名焉曰身旣隱矣焉用文之若先生者所謂古之高尙非耶已而王公出先生詩以示余余受而讀之歎曰嗟乎古稱言爲心

聲而詩尤其精者余于先生竊不能無概焉夫誦
彭澤之辭者不曰淡雅而超詣諷左司之咏者不
曰幽冲而偏造玩香山之什者不曰淺淡而尙達
令千載之下若起其骨而對語之致行情態無少
爽者夫是以因其詩想見其人高其人益重其詩
耳藉令三子浮湛宦途千澤難退剽寫蠅襲苟獵
一時之好而無真得其言與骨俱朽矣何可以聲
施至今余觀先生之詩非先生之詩而陶白左司
之詩也內足于志外足于適假不以世間之得操

觚擗管與三子上下其結撰寧多讓哉王公曰善
子可謂知先生者先生雅不欲傳其言茅春秋高
矣生平所劇意者惟此不忍使之終無傳也今掇
其散逸得若干首將梓之願爲我敘其槩余甲甲
何能爲先生重嘗念三子以詩名當世此面者夫
豈乏人顧左司之業至宋而始傳從遊陶白者亦
僅僅於廬山虎溪之側龍門雒水之間奉籃輿傳
觴詠而已卒未有能表章而恢大之者公獨汲汲
焉爲先生圖不朽可謂知所重矣嗟乎江公雖賢

得韋長孺而名益彰庸生雖積學賴張安昌而行
益顯公以才名爲良二千石行將步夔龍主盟風
雅何有於韋張所謂彰且顯者固未量而先生之
見重於世者當又不止於此也辱公命始爲之記
歲月云爾先生弓字希仲月梧其號濟南人

白鷗閣集序

公 彙

東蒙

我朝東方之業至庭實而始顯至于鱗而大著二
公皆歷下產也庭實之詩以和易勻適爲主其長
也以度于鱗之詩以高華精麗爲主其長也以氣

二公之矩矱不甚相遠而于鱗天授特異故庭實
之得者十三于鱗之得者十七自嘉隆以來家操
觚翰人握珠璣能詩者日益盛大抵多于鱗氏言
也而卒無卓然自立稱名于天下如于鱗氏者余
庚寅遊歷下淹留歲月縉紳學士乃始藉藉爲余
言君授名已而君授攜策訪余風格朗秀琬琰其
姿與余談語一夕大快于心若鶴鳴谷應氣之相
感有不知其所以然者因讀其所爲詩則非于鱗
氏言也久而玩之其景真其意遠其調逸而圓瀟

灑宛至其長也以風詩教所爲溫柔敦厚與所以
道性情者此其有焉庭實于鱗之所少君授之所
兼也余歎曰若其卓然自立稱名于天下者耳時
君授方在公車雖詩已表見而要之非其已事垂
今三十餘載益沉酣於辭賦之場其於此道倍精
且土苴一官卜築明湖之上日與鷗鷺相狎故其
發調清遠修辭秀雅嘗出物情之外余故謂君授
之長以風也是集出卽方之前載亦多在廊廡間
寧獨邊李兩先生哉君授遊道已廣諸公敘述之
者但曰高才能詩足以平揖千古而未及其爲詩
之意余故論次之如此

齊音序

王象春

季木
新城

歲乙卯屆丙辰東方大稷亂作余生坐苦乃易產
出走沂走沛又走兗稍稍遷就濟上而居焉趨米
價也余邑邑濟故居濟非客濟也卜一茅於湖央
買小艇艤離下又或跨馬郊坰登高而望尋耆而
語濟之槩八九於目中矣晉酈道元謂濟南名泉
七十二宇內所無此入目可見者耳懸青澄碧實

不盡此又若太公桓公之所經營南燕僞齊之所
竊據與夫山靈川淑之厚忠臣節士之魂斷碣磨
唯之字冶子女紅之感九首獨足之誕歲時遊賞
之節千古日暮一往而銷沉於此中何必牛山涕
哉此邦信美又吾土也往來問繹有感輒書大抵
皆悽惋蕭騷之致而其聲發則一歸於廉直無肉
好也以齊咏齊易舌不易性易性不易舌因各之
曰齊音記曰夫齊五帝之遺音也此不過與山樵
野嫗老僧穉牧相與嚶啞而成者齊東野人之遺
耳采風者當附于遭徂俟著之末

許母張太孺人序

李攀龍

字子鱗
邑人

余弱冠時吾黨士蓋多從殿卿遊矣則殿卿乃三
顧于廬中信宿與言天下事握手不置也吾黨至
相謂曰久不見殿卿何至與李生友哉李生狂生
也人皆以余爲狂生蓋殿卿謂余非狂生云余與
殿卿讀書負郭窮巷不能視家人生產落落羈身
鄉較內佔畢業爲之俊傑相命以好古多所博外
家之語慕左氏司馬子長文辭與世枘鑿不相入

日月省試有司不能稱旣稟室家嗷嗷視一弟子
員如匏瓜矣余復每過殿卿卽縱酒譚笑上嘉版
築屠釣之遇下及射鈎贖駮之役苟富貴無相忘
也仰屋竊歎重悲昔人盛年功名扼腕之間無不
志在千里誰未使吾黨士知也太孺人從傍觀之
乃亟爲殿卿言向從兒遊者無豪易高也此人亦
孤貧泥淖中意若颺去才乃大嘗兒惡之勿失此
人哉彼不知李生奚爲知若也殿卿亦言陸沉於
俗使無矚矚之行邁會屈起澤大流施而人莫知
我所爲生不及兒明精淵識矯矯逸氣巍如泰山
不可動浩如百川不可禦兒不及生也太孺人中
歲寡居日夜埃一子有建立時儼無愉色卽從遊
士數來殿卿又徃徃輟牘迎之終日不得下帷誦
太孺人始猶對客詳爲呵責殿卿者久之從遊士
復不謝絕太孺人則扃鑰持門戶盛氣厲辭鞅鞅
去諸子矣以故殿卿無擇交向令窮困時有所失
私昵乃今何能不憊精神降體貌以事未嘗知己
者對坐以日無可與語彼我扞蔽動及賄食田舍

瑣尾鄙倍盈耳黽勉答問一言不相應卽慙怩作
塵狀以恫衷疑我稍厭復謂無故人情引衣起走
惡聲載路是不以憂太孺人乎余徃過殿卿則鞅
鞅去者暇余又相謂太孺人顧柰何內狂生也余
尙記憶殿卿自肥子來持進不滿千錢太孺人命
給余夜讀值膏數升遺之余至今耿耿東壁餘光
念哀王孫而進食意無已時又殿卿於我無論沫
濕相啣濡卽上書張中丞府中相推第身自賤士
乃手援我殿卿豈自知後時乃至今也太孺人雖
年八十乎然殿卿已著國士名大錫母矣卽有憂
生之嗟懼不先鼎食爾太孺人於余有知興之感
在殿卿固天下人哉時又何可爲也余猶記復兒
孩提時薛家婦抱子矣襁褓相藉太孺人撫育三
世而處其慈又皆秀發孺慕悅人志意斯稱吉祥
善事乎

歷城縣志卷十三



邑人葉承宗撰

藝文志二

記

齊州二堂記

宋曾

鞏

子國南豐

齊濱灤水而初無使客之館使客至則嘗發民調材木爲舍以寓去則撤之旣費且陋乃爲之徙官之廢屋爲二堂於灤水之上以舍客因考其山川而名之蓋史記五帝紀謂舜耕歷山漁雷澤陶河濱作什器於壽丘就時於負夏鄭康成釋歷山在



河東雷澤在濟陰負夏衛地皇甫謐釋壽丘在魯東門之北河濱濟陰定陶西南陶丘亭是也以予考之耕稼陶漁皆舜之初宜同時則其地不宜相遠二家所釋雷澤河濱壽丘負夏皆在魯衛之間地相望則歷山不宜獨在河東也孟子又謂舜東夷之人則陶漁在濟陰作什器在魯東門就時在衛耕歷山在齊皆東方之地合于孟子按圖記皆謂禹貢所稱雷首山在河東媯水出焉而此山有九號歷山其一號也予觀虞書及五帝紀蓋舜娶

堯之二女乃居瀋汭則耕歷山蓋不同時而地亦當異世之好事者乃因媯水出於雷首遷就附益謂歷山爲雷首之別號不考其實矣繇是言之則圖記皆謂齊之南山爲歷山舜所耕處故其城名歷城爲信然也今樂上之北堂其南則歷山也故名之曰歷山之堂按圖泰山之北與齊之東南諸谷之水西北滙于黑水之灣又西北滙于栢崖之灣而至于渴馬之崖蓋水之來也衆其北折而西也悍疾尤甚及至于崖下則泊然而止而自崖以

北至于歷城之西蓋五十里而有泉湧出高或至數尺其傍之人名之曰趵突之泉齊人皆謂嘗有棄糠於黑水之灣者而見之於此蓋泉自渴馬之崖潛流地中而至此復出也趵突之泉冬溫泉傍之蔬甲經冬嘗榮故又謂之溫泉其注而北則謂之灤水達于清河以入于海舟之通於濟者皆於是乎出也齊多甘泉冠于天下其顯名者以十數而色味皆同以予驗之蓋皆灤水之傍出者也灤水嘗見于春秋魯桓公十有八年公及齊侯會于

灤杜預釋在歷城西北入濟水自王莽時不能被河南而灤水之所入者清河也預蓋失之今灤上之南堂其西南則灤水之所出也故名之曰灤源之堂夫理使客之館而辨其山川者皆太守之事也故爲之識使此邦之人尚有考也熙寧六年二月巳丑記

齊州北水門記

宋曾鞏

南多甘泉名聞者以十數其醜而爲渠布道路民廬官舍無所不至滴滴分流如深山長谷之間

其滙而爲渠環城之西北故北城之下疏爲門以
洩之若歲水溢城之外流潦瀑集則嘗取荆葦爲
蔽納土于門以防外水之入旣弗堅完又勞且費
至是始以庫錢買石僦民爲工因其故累石爲兩
崖其深八尺廣三十尺中捷析爲二門肩皆用木
視水之高下而閉縱之於是外內之水禁障宣通
皆得其節又無後虞勞費以熄其用工始於二月
庚午而成於三月丙戌董役者供備庫副使駐泊
鄒監張如綸右侍禁兵馬監押伸懷德二人者欲
後之人知作之是吾三人者始也來請書石故爲
之書時熙寧五年壬子也

重脩舜田門城樓記

艾俊

大梁

濟南舜耕地也秦岱踞其前濟水抱其右風淳俗
美尚學務農故歷代文人顯宦以道德政事稱者
多出其間春秋而降爲郡爲州沿革不一惟

皇明混一之初革元之治置布按三司而附以府運
衛縣邇來分封於此遂改都司爲藩府舊有土城
年代無考洪武四年始設磚石甃砌周圍一十二

里四十八丈高三丈二尺闕四門東曰齊川西曰
灤源南曰舜田北曰會波俱有子門城角及門建
有一十三樓或新或脩歲分久近獨舜田之樓柱
腐瓦解日就頽圯非一日矣成化戊子錢塘張公
珩以侍御出僉東臬總六郡軍政公有守有爲郡
人皆仰如神明政暇顧瞻樓敞而嘆曰此吾分內
事也不新之曷克稱保障黎元之地哉乃謀於同
寅脩之未幾樓成真一郡之壯觀也是役也都憲
主之張公倡之諸公開誠勸諭有司隨求備輸故

勞雖大而從寬費雖巨而易完矣張公以保障吾
民之盛心爲興廢舉墜之大務其德宏其慮遠斯
不可忘迺命工礱石爲記竊惟春秋凡用民力必
書以譏之今作南門樓惠孚於人故民樂獻其力
智周於物故工喜薦其技矧復積之有素使之以
時是宜易舉而亟成也彼何辭以致其揄揚之美
第觀是役無春秋之譏益重金湯之勢地利人和
兩得之矣國之保障永永是賴後來爲政者又所
當知也故書以記之

濟南府治記

危素臨川

天子卽位之二年勅海內郡縣皆建公署以駭衆觀仍

命中書以圖式示四方事竣俾刻石以紀歲月并載什用之物於是濟南府治所成郡中耆儒安禮楊諒等以言曰吳元年天兵下濟南居民安堵如故明年建元洪武正月侍儀使崔公亮實知府事三月率僚佐視事於舊治撫綏得宜吏民咸服時總兵官信國徐公空青萊二府粟帛至郡庾藏未備

題建三倉曰廣盈曰廣運曰廣積總爲三百餘間整齊有法因脩城堞其東南之山皆山石不可溝洫遂大鳩工力不日而就方綜理有緒而是歲九月以奔母喪而去又明年正月以尚書兵部郎中廣信陳公脩來守郡

上山內帑金幣以賜二月至官議遵令式置公署時舊治已爲按察司欲采木石更作必大勞民力莫若因今驛舍之在浮屠開元寺者從而葺之則事易集而民不擾士民皆歡忻鼓舞經始于三月壬

寅至六月正廳成扁曰敬事堂後曰琴鶴堂兩廡
大門俱成推官廳經歷司架閣庫列于兩傍知府
同知通判區宅築于後幕官府吏廬舍依于兩翼
爲屋千餘楹屋瓦鱗集器用畢具驛舍則徙于東
爲屋又百餘楹祠城隍神歷山之上築風雲雷雨
神壇于城南社稷壇于城西各及五十楹仍脩築
西城千五百丈以繼崔公未畢之役距城二十餘
里大小清河之衝置堰頭鎮置通遠倉以通漕運
素惟濟南之爲郡岱宗當其前峭華經其後泉流
奔湧灌溉阡陌民庶繁夥舟車輻輳實乃要會之
地故置行中書省以尊藩服且山東自兵燹之後
獨濟南賴天戈所揮休養生息年穀稍稔流離漸
歸而兩公當造邦之初事役輻輳法制始行剖繁
劇而刑不施均工役而民無怨可謂知爲治之本
與况是邦孔子廟旣脩生徒就列庖膳有次而民
社興舉學業者日多時崔公方起復爲禮部尚書
聞之亦必爲之助喜也顧不遠千里屬筆於余故
覈書之相其役者通判姑蘇陸景祥推官錫山于

英經歷廬山陳汝言知雪川莘景尹凡本府督工
胥吏及什用之數咸列于碑陰洪武三年正月記

歷城縣題名記

邑令高大經

嘉靖辛卯高子自蒲臺改令歷下越明年壬辰會
脩東省通志爲考昔之官歷者匪惟其政與名絕
莫存紀僉爲惜之高子乃博搆諸廢牘斷案土彥
鄉髦得何令而下二十有四人遂謀于僚衆勸諸
石以永勸戒仍虛其次以俟來者旣就業僚衆曰
章往於幽歆來於顯斯役也其不畔於義乎吾子

盍申言之乃作而言曰君子脩其職以自成也其
自成惟民生其不自成惟民病且死厥惟重哉足
故令有四善而守已不與焉視民如子者善愛處
事如家者善理用財如已出者善節事長上以正
者善忠斯四者民之所繇生也令有四惡而衰悞
不與焉黷貨者食民肉惡貪倚刑者殘民膚惡酷
喜工者奪民業惡虐惠姦罰民者喪民心惡昏又
有四似而矯激不與焉縱弛者似寬厚苛察者似
嚴明急末務以悅長上者似勤勞違道以干百姓

之譽者似惠利斯八者民之所繇病且死也嗚呼
四善余罔不畔違日力以求之而未能也四惡四
似余罔不出入日力以去之而亦未能也敢不懼
哉敢不懼哉乃若先我諸令其善其惡其似予莫
能稽惟民所思繼我諸令或善或惡或似予莫能
量惟善是望僚衆曰嗟乎諒哉脩職以自成取舍
於此足也請書之以告

重建縣治大堂記

王象晉

康寧
新城

汝南宋公治歷之明年則今

皇帝之十有三年也政化旣行民用安息秋八月其
聽治之堂始成落焉先是巳卯之變濟南列署悉
經燬而縣治爲甚自廳事以暨吏舍正門以及
賓館內而錢穀所儲下至罪人所棲鞠爲焦土令
君朝莫坐堂皇聽庶事則設芟以居胥入白事出
輒內籍袖中長者至門閹吏不敢延請何較之夫
相與枕藉風露非不銳意更新無如時詘何矣夏
六月公來治歷招移綏忙息紛戢暴披瓦礫掩齒
骼履阡陌闢艸萊昕夕鞅掌歸則坐堂皇聽庶事

依然菱中而已左右間以爲請公曰遺骸在地流
移在道婦子采菑蔽樗在野未遑也弗許逮民旣
小愒矣左右又以請公曰城郭未葺臺署未建先
正名祠未復未遑也弗許逮百廢漸興矣左右終
以請公曰飛蝗蔽天野無青草民多疫癘道殣相
枕未遑也又弗許已而公見胥入白事出輒內籍
袖中也秋九月乃作吏舍數十楹如昔制見長者
至門閹吏不敢延請也冬十月乃作大門四楹虛
受堂四楹如昔制又見何較之夫相與枕藉風露
也十一月乃作廣生室數十楹悉如昔制浸尋至
今年之夏亢陽疾風聽治之芟日捲數重茅宵見
星月月值禱雨屢應民望有秋公曰可矣乃出先
後俸錢庀材鳩工再閱月而告成匠石至于徒役
凡若干人棟斲至于傭糈凡若干緡經始至落
成凡若干日于是左右奔奏于茲堂胥慶曰公堂
成矣而不知費之何以出羣黎環覩于茲堂胥慶
曰公堂成矣而不知力之何以勞薦紳學士晉謁
于茲堂胥慶曰公堂成矣而不知時之何以誦功

之何以集中秋上日值公初度余自桓臺走歷下
躋堂稱觥公因以記屬余余退而歎曰若公可謂
家視其官矣章綬君子造造視公舍如遠廬雖極
圯敝亦冀倖超遷以勸貽後人卽稍加塗茨稱故
事已爾而公之草昧經營咄嗟立辦也如此不則
窮極壯麗動擾民間輪奐雖美怨愁偕築而公之
竹頭木屑咸資俸餘也如此又或因陋苟簡狹小
制度取具目前弗克經久而公之規畫久遠矩摹
宏敞也又如此匪直此也築城濬池建列署脩廢
祠其蠱飭而鬲新者不獨此堂爲歷下急呼以請
民命募人捕蝗以恤民災嚴汰冗役以清胥弊設
鐘於獄以察寃囚其興利而起敝也不獨此堂而
此堂其大者也若公可謂家視其官矣公名祖法
字允繩別號澍水河南汝寧之新蔡人甲戌進士
初令齊河己卯夏自祁門遷歷下遷歷之明年秋
八月始成此堂而新城王象晉爲之記因作頌曰
瞻彼岱陰巖城斯臨維齊歷下嘉名至今懿厥治
所面巖背渚跂翼聳飛爰居爰處匪茹笑來回祿

肆災次鱗錯繡蕩爲煨埃棟橈已脫焦壁四達不見
見宓堂乃見召芟公來齊州民用見休百廢俱興
公堂廼脩卜云其吉作堂秩秩經之營之成以不
日殖殖其庭有覺其楹君子蒞止旣和且平華峯
奕奕灤水恒碧于萬斯年令德無射

濟南路廟學新垣記

元張起巖

慶臣
邑人

濟南府學在大明湖南規制如魯泮宮夏秋雨集
垣易圯至元六年庚辰秋八月山東憲漕總府告
朔於廟憲副珊竹忽里哈赤知事李彥敬顧瞻郁

文堂北牖坯堆積問其故學官對以儲之待補缺
垣於是僉議垣旋圯旋補壤疏而善摧紆回而弗
整暫完而缺役煩而擾何若撤其舊垣審其夷巘
引繩取正憲司總府議旣允協府監尹倅屬謀之
郡人之尚義者度垣之高下廣袤則垣廣千二百
五十二尺高可一丈六尺廣四尺以石築地其垣
墉以汙白堊覆之以瓦崇整完固過者爲之收觀
他廟學所未有也府學教授戴思恭宜有記來請
於余余謂學校之設所以明倫造士繫於風俗治

道屬功成治定承平之時爲先務者莫急於此自古在昔建國居民建學爲先蓋教學立則人倫明成德達財者衆而親親尊尊忠孝禮義信讓之在人者莫不興起風俗之元治道之隆於是乎在謂爲承平之先務者非泛論也或者慮不及此視學較之教若無與於已以師生廩膳爲徒費以講授問難爲可緩以廟學脩完爲非急期望丁祭不失期會取具而已以爲繫於風俗治道者幾何人哉濟南山東上路齊魯都會憲漕二千石三大府治所在焉民物集聚則其表率視效實風俗治道之權輿也矧學廟隆替又表率視效之所先今憲司總府於廟學垣墉其整飾猶若此則其明倫崇化興學育材繫於風俗治道之大者可見也余故不辭卽其實而爲之書

歷城縣新建儒學記

學憲畢 瑜

歷城縣學舊在府治之北縣治之東隘巷頽然數楹不蔽風雨成化戊戌春有司旣煥新郡學知縣事賈宣暨教諭婁偉訓導古鼎謀更新之與郡學

等一日率諸生來言縣治東北有空閑公館寬廣
爽塏宜易之余時偕按察使李公益等躬往視焉
僉曰宜請於

朝而遷焉適巡撫許公進下車之初憲度一新尤倦
倦以興學爲務乃命縣丞游寬董其役復市學傍
民居闢而廣之前爲學門儀門中爲明倫堂後爲
講堂皆因其舊而易以扁東西弘建兩學堂之東
構宣聖殿及鄉賢祠祠後徧列號舍以居諸生講
堂北併列學官之居而凡倉庫庖湏之所靡不具
備以卑陋爲高明化腐朽爲鮮麗觀者嘖嘖嘆賞
以爲盛舉肇工于是歲之吉至于仲冬始成于是
甲午冬奉

命督學是邦嘆斯學凋敝已久今一旦獲徙而新之
益知凡物廢置有時斯文興作在人豈偶然哉爾
諸士朝斯夕斯尚當因而徙其善新其業養其性
而約於禮收其心而進於道剛者矯而異邪者正
而中鈍者攻而銳昏者發而明戇者變而通舍咀
乎道德之英華沐浴乎詩書之膏澤日新又新徙

之又徒使人不干學改觀而于諸士子拭目以無負

朝家作養之恩賢侍御創建之美意諸藩臬及良有司作興之盛心是乃所望余職學政故特記之且俾凡助力者並列姓字于碑後以告夫來者

縣學重建尊經閣記 略

楊衍嗣 元 邑人

歷城學宮舊有尊經閣在明倫堂後所以貯縹囊崇聖教也奈鈴風礎雨移之歲月輒而傾圮前署諭胡公謀所以興之邑侯吳公慨然捐俸以助而

鄉大夫以籩金來助者復雲集焉不期月而厥工告成牆則易土而磚臺則易磚而石五間四楹二層兩室悉如舊制其雲窻月牖之玲瓏闌棟虹簷之壯麗則視昔有加焉是舉誠可謂知先務者矣是役也經始于癸亥之春落成于是歲之秋方將勒石以垂不朽適吳公遭風木之悲而胡公隨亦遷去南山片石且僵臥綠蘚中矣幸今邑侯呂公署諭楊公乃謀所以立屬余記之蓋將以紀盛美垂獎勸也

舜祠重修記

侍郎薛瑄

有大聖人之道而功被於天下萬世者固以爲天下萬世之所崇奉若濟南府之有舜祠是已舜耕歷山史記以山在河東今濟南亦有歷山故後人因以立祠焉夫歷山之地不足深辯獨舜以大聖人之道功被天下萬世人得而知之則濟南立祠以致崇奉者夫豈過哉正統初瑄以菲材濫官山東憲司嘗進謁祠下因追仰聖道數千載之上今去濟南二十餘年矣方以老病退居河汾山西憲使王允郡人也乃以書來曰吾濟南故有舜祠歷年滋久木瓦腐漏不可以妥神謁虔天順二年都察院左副都御史年公富巡撫山東因謁是祠見其圯剝之甚退謂藩臬官僚曰舜大聖人也是郡之人旣立祠以崇奉而屋宇弗治如此幾於慢矣曷圖所以新葺之于時歲值少豐未可興事又二年爲天順四年歲旣連稔民生亦舒于是都憲洎藩臬以濟南守陳銓才可集事俾董祠役銓量材計工皆取之帑餘在官而民不知擾自殿寢廊廡

以及外門次第俱新宏廣壯固皆有加於前時又
擴其隙地繚以周垣幽邃清峭允稱神棲始事於
是年之正月逾月而工訖繇是官民大小咸愜瞻
依夫斯役也實乃崇奉聖神而有關於世教不可
無辭以紀其事敢丐文俾刻之石以垂永久瑄念
數十年前既嘗謁祠下而追仰聖道今茲之舉固
宜有言夫舜之所以爲大聖者以其爲人倫之至
而精一執中乃萬世道統之源禹湯文武之君臯
陶伊傅周召之臣孔曾思孟以及周程張朱之聖
賢雖行道明道之行不同而其相傳之心法實皆
邇其統是其功被於天下萬世者曷以窮極哉今
聖朝方以有虞之道治天下薄海內外咸底休風然
則是祠之新匪徒崇聖道於往古實有以仰若
聖朝爲治之意是誠有關於世教也遂書其事俾刻
之石

齊州閔子祠記

宋蘇

轍

子繇
魯山

歷城之東五里有丘焉曰閔子之墓墳而不廟秩
祀不至邦人不寧守土之吏有將舉焉而不克者

熙寧七年天章閣待制右諫議大夫濮陽李公來
守濟南越明年政脩事治邦之耆老相與來告曰
此邦之舊有如閔子而不廟食豈不大闕公惟不
知苟知之其有不飭公曰噫信其不可以緩於是
庀工爲祠堂且使春秋脩其嘗事堂成具三獻焉
籩豆有列儼相有位百年之廢一日而舉學士大
夫觀禮祠下咨嗟涕洟有言者曰惟夫子生於亂
世周流齊魯宋衛之間無所不仕其弟子亦仕
於諸國宰我仕齊子貢冉有子游仕魯子路仕魯
子夏仕魏弟子之仕者亦衆矣然其稱德行者四
人獨仲弓嘗爲季氏宰其上三人皆未仕季氏嘗
欲以閔子爲費宰閔子辭曰如有復我者則吾必
在汶上矣且以夫子之賢猶不以仕爲汙也而三
子之不仕獨何與言未卒有應者曰子獨不見夫
適東海者乎望之茫洋不知其邊卽之汗漫不測
其深其舟如蔽天之山其帆如浮空之雲然復履
風濤而不僨觸蛟龍而不驚若夫以江河之舟楫
而跨東海之難測亦十里而返百里而溺不足以

經萬里之害矣方周之衰禮樂崩弛天下大壞而有欲救之譬如涉海有甚焉者今夫夫子之不顧而仕者則其舟楫之足恃也諸子之汲汲而忘返蓋亦有隨舟而將試焉則亦隨其力之所及而已矣若夫三子願爲夫子而未能下顧諸子而以爲不足爲也是以止而有待夫子嘗曰世之學柳下惠者未有若魯獨居之男子吾於三子亦云衆曰然退而書之遂刻於石

脩南府城隍廟記

殷士儋

正南邑人

粵稽載籍城隍之祀前古有之其秩在禮官爲天下通祀實自聖朝始我

太祖高皇帝統一六合詔定京都及天下城隍封爵其在各府曰鑒察威靈公秩正二品衮冕九旒九章命翰林撰制詔頒之尋令儒臣考正諸神位號止稱某府城隍之神詔曰使神聽命于天諸鬼神聽命于神庶權綱不紊也京都城隍廟成山東諸省城隍之神序列廟門內然在諸省第以府稱無以省冠者州縣各有專祀惟附郭不更設濟南山

東省會首郡也廟建自洪武初凡省臬貴臣郡縣長貳諸執事始至一如令甲矢神曰所不恪其神其殃之春秋有事山川社稷載其主合食于壇水旱疫厲寇青則省臬大夫或撫巡命使輒督所部叩禱惟謹蓋視他府禮式崇異矣按碑記廟經有司脩葺者四自正德辛未逮今又五十年久漸圯敞公帑告訕謙畏因循靡任厥事者規制大壞弗稱百戶王永智鄉民孟詳輩二十有八人爰始倡義協葺住持王明倫白於諸司咸聽之且各瀆爲助宗藩特出帑金鄉大夫士民罔不樂輸翕贊乃庀僦材工自正殿寢殿配殿兩廡大門二門鐘樓鼓樓香亭甬道龕壁軒楹繪塑儀像齋宿庖厨諸所悉撤而新之始嘉靖辛酉四月至明年某月告竣壯麗完美煥然改觀過者懷惕儼乎若臨祝釐祈歲公私咸賴鄉進士崔君元吉爲狀其事屬余記之余嘗觀我

國家所頒郡縣條章蓋祀典惟首事夫歲時走謁疇不躬覩敝陋乃爲曰廟額府祀也胡敢與府曰工

役縣責也非可侵出內虞其叢毀動眾思其賈怨
 胥誘胥戒苟倖遷代以俟來者噫天下事坐是而
 廢滋多矣彼其飭供具儲待求稱臨部使者意
 率遣中人數千產不靳甚乃剝下自封戕虐顯殺
 未聞少自嫌畏此獨曰不敢何也閭巷之民一倡
 眾應非藉威令督迫之資庫不煩一錢官不徵一
 夫數十年之墜缺一舉振起無難者廢興存乎人
 哉海岱鉅邦百執事具列而政務首事自二三章
 布底其成余嘉其志竊因有深慨焉乃為次其歲
 月俾刻石識之庶後之觀者有所倣也

崇正祠碑記

學憲陸

鈇

舉之四明

濟南城東北十餘里孤峯磔立峨然而蒼翠者為
 華不注山山陽峻宇繚垣鬱然而盤亘者為華陽
 宮宮據山為勝泉深而谷幽幡幢鐘鼓震響林壑
 過者相顧嘆息曰秀靈融結之地明神弗接而淫
 瀆其祀曷表勝觀以式邦人嘉靖壬辰

詔天下毀淫祠於是有司議毀華陽值撫臺袁公釐
 革庶政爰秩祀典迺進藩臬諸君謀曰祀淫匪爨

毀成匪儉匪葵與將廢匪儉民將戕盍存舊而新
之以正易淫傳曰先成其民後致力於神郊之何
維時按臺方公稽古禮文則復進諸大夫謂曰祀
欲正報欲隆舉欲不廢慎之哉鉞不敏從諸大夫
後乃退而言曰余嘗登華不注有遺慨焉逢丑父
之忠備焉烈矣閔子騫之孝純焉至矣華泉取飲
脫君虎喙茲非此地乎而費之廟食幾爲華陽之
墟矣余安得已於慨耶余聞古之君子生於其鄉
則社祀勞於其地則邦祀死於其土則墓祀是故
社祀以昭靈也邦祀以徵勞也墓祀以寧魄也思
不忘故也故祠之言思也過畫邑者必思蠲入孝
里者必思巨登華不注而不弔逢閔二公如忠臣
孝子之思何諸大夫曰祀以崇報報以立功忠孝
臣子之大防也勸斯至矣乃復起而言曰

明興百五十餘年士大夫以宦業鳴東土與鄉先生
歿而祀于社者何可勝紀然不曰有功德蓋六郡
譽望超一鄉者乎是故名宦自鐵公鉉而下吾得
二十一人焉鄉賢自黃公福而下吾得十有九人

焉雖專祀一方奚其愧諸大夫曰禮以義起義協則禮稱數君子逢閔之徒也可合以祀余乃具請於兩臺咸報議可遂易華陽宮爲崇正祠類者起之腐者新之有堂有門有廡有亭有庖有漏有龕有座其外固以周垣表以石檻通以津梁引以川源其制敞煥觀瞻惟肅其祀則逢閔二公居於中國朝諸君子並列左右春秋歲祀著爲令云君子曰闡靈據勝得其地抑邪扶正合乎經存舊爲新節乎費舉逸脩曠飾乎典具賢勵俗寓乎教一事備庶美備焉弗述將泯焉已乎鉞無能爲役姑志其始末而系之辭

華山巖巖華水湯湯雲氣磅礴明神是藏翼翼新祠誰其作之顯顯中丞允維慶之曰昔華陽龍宮赫奕彼淫弗翦正氣斯餒正氣維何爲忠爲孝岳峙川流日星同耀忠不避難孝亦底豫挺挺哲人爲砥爲礪坎其擊鼓俎豆肅維神之降止居歆旣同百爾君子有君有父式瞻永懷彝倫罔斁

玄帝廟碑記

尹

是

同仁
邑人

恭觀

睿製增脩北極廟記措詞高潔叙事精詳勒諸貞珉
永垂不朽仰惟天神之尊者莫尊于玄天上帝昔
太宗文皇帝奉天靖難之時而上帝默相之功居多
以故大建武當山宮殿以答神庥無非爲生民計
也今我 德藩賢王之國以來上下奠安乃於宮
北土山之陽亦建北極一廟所以率循

太宗舊典亦無非爲一國計也夫何歲久頽圯弗爰
神棲於是毅然增脩不日告成規制廣大視昔有
加竊觀啓聖錄有曰其帝而神之者曰玄武玄武
者在天爲虛危之宿在地爲龜蛇之靈於五行爲
水於五色爲玄而其數則一也天得一以清地得
一以寧人得一以誠神得一以靈乃神之靈乃人
之誠也傳曰有其誠則有其神書曰鬼神無嘗享
享于克誠今 王竭誠尊事上帝治國其如視諸
掌乎况建廟之地乃白雲樓舊基遠有佛山之巍
巍近有源泉之混混背有明湖之浩浩對越之餘
凝神靜慮生意滿前無非至理見山之厚重不遷

足以克吾仁見水之周流無滯足以廣吾智孔子
曰智者樂水仁者樂山山體靜也靜而有甞故壽
水體動也動而不括故樂非樂不能延其壽非壽
不能享其樂仁智兼全樂壽無疆吾 王真所謂
超凡出類飄飄然一仙侶矣自今而後繼繼承承
福祚詎有涯哉旻老矣不能文謹拜手稽首時跋
數語於碑陰同伸臣子頌禱之意

真武廟啓聖殿記

劉天民 希尹邑人

粵若高山大澤靈物所居興雲致雨神化斯溥自
孔子歎鬼神爲德之盛世之人莫可容言矣故周
禮救荒之政十有二聚萬民十有一索鬼神其蓋
恤患者之當務耶濟南城北會波門舊有真武祠
枕其上據城而言適當玄武之方又水宅幽隱龜
蛇爰妥望之鬱然有靈氣成化初年我

德莊王卦藩于濟王城之建亦惟是役取諸坎離
之象宜隆茲祀世多求福亦罔不吉是用歲加葺
理旣崇且煥濟中人士足瞻仰焉語曰有其誠則
有其神是故神之顯靈昭格屢見祥異災沴不作

雨暘不愆成歲功而固邦本者惟神是荷繼今

王嗣位靖恭有服祝釐飲福之暇勤恤民隱聞道

家者流謂神有父母宜更崇一字以棲神止

王遂從之別爲殿四楹繪像以祀是固未可輕誣

有神而一念愛民憂國之雅良可欽也雲漢之章

曰靡神不舉靡愛斯牲其諸王之用心也與

王遣其戚臣下徵愚言愚不敏因序其事爰作迎

神二曲云

望望兮丹霄冥冥兮玄圃神之格兮無射靈之萃

兮惟祐庭奏兮九韶階陳兮萬舞滌蔬藟兮冰漿

羞鳳麟兮醢脯篆寶幄兮流氛湛金壺兮椒醕騁

極目兮招攝想容與兮羈羽

神來兮無繇紛藻蓋兮璿旂儼帝降兮黃收駐仙

馭兮紫丘森庶府兮水衛明御仗兮天矛受王國

兮祈福撫庶士兮總繇時燠寒兮歲熟銷兵火兮

民懷願眷命兮用懋冀申命兮用休

順應侯碑陰記

宋李元膺

事有不相及而相資者天人之勢遠矣人所播種

而天爲之灌溉此豈理之可恃又其遲速多寡必
如人意而後可今引機以灌園猶未必皆能以時
而况驅風馭雷神龍之所變化而必欲如我節度
此民之所以多怨而不合也古人於其力之所無
如之何而爲之祭祀禮文以寓其精誠之至以爲
誠之至雖遠而無不及而荀子曰雲而雨何也猶
不雲而雨也夫荀卿氏好爲異論以其一夫之所
見而廢歷古聖人之事其亦不思而已耳今所在
山川之神能出雲雨以利賴一方荅民之求如響
者蓋不可一二數是又可盡誣也哉濟南自春不
雨夏五月旱氣彌甚通守何公攝郡事不忍斯民
告病爲之廢食求可以致雨者百術並用最後禱
於龍洞乃旋日而應郡人皆以公至誠所致公曰
民則無罪而神所憐也我何有焉乃卜日率屬吏
冒大暑往來馳八十里以民意告謝先是歷城令
歐陽大春夢旌旗戈甲與衛甚盛云是順應侯見
大春正色曰吾受天子封爵而制書吾不得見何
也大春深駭之不得對覺而語其夢同僚莫有知

者久之得于州軍資庫中塵埃敝壞乃元豐中守
臣韓鐸以侯之事請于神皇帝而賜者蓋於今二
十餘年矣公旣以禱雨而應又得茲事異之卽歸
制書於廟且購大石刻之臺廡下而謂法曹椽李
元膺曰神之事彰彰如此不有所述恐久而遂以
泯滅欲子之文以傳於後吾將併刻之元膺敬惟
順應侯功德在人秉筆之士固願有所述也而龍
洞爲東方勝處亦欲見於文字而踰年於此願遊
而不得旣以祀事從公始獲一覽其勝巖石竒峭
殊不類他山山行六七里崗嶺重複初若無路而
境轉輒復恍然所見益竒自三秀之後四山回合
皆壁立萬仞如削金鐵而巨石危峯橫出倒掛虎
脫其顛龜瞰其首崢嶸輒碗如欲飛墮此天下之
竒詭也世言昔大禹嘗登茲山起蟄龍以理百川
至今民間猶謂之禹登山洞在山之脅其大如屋
其深十有八楹視之窈然嘗有風氣觸人此固神
物之所宅也天子旣加侯以龍光而守土之吏又
爲之崇飾侈大以播侯之美於天下侯之美亦大

矣侯其無替靈德時其雨暘以大庇斯民於無窮
民亦得以簫鼓牲餼奉侯之祀益遠不懈其不亦
休哉元符三年六月記

重脩龍洞聖壽院記

邑令黎國器

明弼
睢水

龍洞距歷三十里許四山迴合若無路然繇山口
而入巉巖危峰四壁若削且丹碧點綴絢若錦繡
故一名曰錦屏山山脇一洞捫蘿上之其大如屋
其深十八楹可明火而遊洞下爲靈虛官旱禱輒
應宮北雙壁若劈水瀉瀉中出曲行數里爲黑龍
潭雲氣簸揚渺焉際空蓋神物所宅也在勝國時
尤崇異之珠宮寶刹金碧相輝清梵鉢聲響振空
谷勿論持瓣香者錯趾跨酒瓢而遊者輪蹄不絕
蓋達人之大觀也卽至我

朝肅穆之世殿宇依然山不改色青衿且多卒業於

斯迨 神宗卯辰之祲盜賊沸起僧不能居而

一切盡屬烏有已未秋余同唐郡丞禱雨立應竊
有志焉而東於吏法未敢首事庚申春中丞王公
侍御陳公觀風過此見其山勢奇絕相顧而嘆曰

田海陵谷代而變遷時和物阜桑井亦太平之觀
財盡民窮山川皆黯淡之色景自天開物繇人勝
我輩寧無責耶遂捐俸三十金大爲脩葺其有未
敷余以俸錢佐之自大士殿以及山門皆煥然一
新復建圓亭者一俾酒遊者有所依繇是山若增
而奇焉不越月而事竣矣昔李格非以園圃之興
廢卜雜陽之盛衰名山從此吐氣則歷下其興乎
是役也兩公豈獨留心景物已哉

重建八蜡廟記

邑令張鶴鳴

元平
潁川

古之吏權在我今之吏權在人制古吏法簡而吏
淳制今吏法密而吏澆漢吏至長子孫一切便宜
闕其報政三異五袴之盛非獨吏最蕩佚簡易風
效然也今繩吏惟三尺耳一有營建卽民脉理經
簿文充架消歲月而功不程上疑侵漁之藪下避
侵漁之嫌誰具冠履而來盜之疑故寧墜典荒民
袖手坐嘆卽賢者且效尤矧庸吏乎古者明王重
蜡臘日聚萬物而索饗之曰土反其宅水歸其壑
昆蟲無作草木歸澤明王非喜事而逐香冥之鄉

蓋千日之勞一日之澤順成蜡事以移民也予至
歷卽尋蜡廟父老曰廢不記年舊址在城東景陽
湖西今爲墟墓場矣予謀欲建而有不甘來盜之
疑者新祭零積延及五年甫辦材集工卽其故址
創爲蜡祠損益盈縮皆已意爲之毫不勞當事慮
嗟嗟予留意于蜡者也尚經營五年而方告成倘
予視事一二年去則此意竟爲畫餅矣蓋上以法
東下以法應卽予不得不以澆應之矣予幸在境
五年備與茲典歷民始熙然知有根本反始息戚
送終之義因記歲月于石見蜡之廢興有時而深
感於古今吏不相及也

藥王廟記

劉勅

夫穀以養生藥以療疾所從來矣昔孔子每飯必
祭今世藉刀圭扶衰病而不祀及先代治藥之人
報本之謂何方伯孫公善病每病藥卽起于是蠲
俸錢爲一字予跽哭泉之干肖神農于上以岐伯
韋藥王配之而雷公秦越人長桑君淳于意張仲
景華陀王叔和皇甫士安葛洪孫思邈列于兩廊

採山合冶毫不煩民間甫閱月而告成焉且冶地
一區以供黍粢乃屬記于余余因爲之記曰嗚呼
藥難言矣天有六氣過則爲災陰淫寒疾陽淫熱
疾風淫末疾雨淫腹疾晦淫感疾明淫心疾莫不
待起于湯熨鍼石之間故古醫師掌醫之政聚毒
藥以供醫事歲終十全爲上十失一二次之十失
三四爲下至鄭重也今之醫皆傭保負販之流明
不辨寒熱平毒之性知不諳君臣佐使之法不鍼
人血脉投人毒藥惟以情度病多其物以幸有功
譬猶不知兔廣絡原野以糞一人之獲寧不爲古
名醫之罪人哉于是知今日之役又匪第報本已
也實念醫政不明因爲是祠使世知經方本草之
所自出神聖工巧之所繇名則所以躋斯世于壽
域者端在此與雖然余又嘗聞之孔子曰春居葛
籠夏居密陽秋不風冬不煬飯食不脯飲酒不醉
是良藥也不然口嗜滋味耳務淫哇目眩五色思
慮消其精神哀樂殃其和平香芳傷其骨骼喜怒
悖其正氣一旦二豎居膏肓之間徒使醫人望而

却耳故語云上藥養命中藥養性然參朮芝桂湯液鍼砭不過溲洗腸胃驅除痰疾而已至于辟穀食芝拂旌霄嶠又自有吐故納新之術在也豈可爲世俗道哉世之尊生者不求藥于醫而求藥于神不求藥于神而求真藥于心斯得方伯公祀藥神之意云

貢院記

大學士劉

珮

壽光

山東重脩貢士院經始於成化癸卯春正月十九日以是歲夏五月十八日畢工其爲日凡百有二

十至公堂明遠樓則因其舊而稍新之受卷彌封
謄錄對讀四所分列堂之左右其視舊廣三之一
監臨提調監試凡三所咸有序次而供給所則置
於堂之東南隅此簾外也簾內考試官較藝有房
而增置者又六間東厨五間至於舉子場屋舊嘗
以蓆舍爲之乃易以板凡千二百有餘間嗚呼至
矣先是巡按監察御史古蔚宋公經以歲將大比
詣院視之顧其地隘不易於容衆卽更欲開廣以
事弗獲旣而左方伯得澠池戴君珙到不旬日卽

與謀之戴嘗以老成練事有聲稱聞甚喜焉而按
察使當塗端君宏輩又和之乃召其居隣者平其
地值價予再倍得民人馬良等十四家廣八丈五
尺廣四十餘丈遂成茲舉闢隘而廣易舊而新煥
然爲一方人才之壯觀作人之功不亦偉哉督其
事者濟南同知徐君宣而工匠力役之衆不書旣
閱月經乃走書京師乞東齊壽光劉珣爲之記嘗
聞人才之產蓋鍾於山川之秀而其成也則又恒
繇乎君子風聲氣習之所養通天下古今而言也
竊以山東爲古齊魯地山則泰嶽川則東海而孔
曾思孟之遺風餘習千萬載爲不泯是以才士產
於其間則夫善觀人才者宜以山東爲何如燕之
角荆之幹妘胡之筓吳越之金錫惟產得其地而
爲木之美人何爲獨不然今

朝廷設科目以網天下士而士之抱奇負異以人才
自命者固不繇科目進矣况山東雄藩密邇

京畿非他方比者乎余以重脩貢士院爲諸君作人
之盛事旣記其實而因以及齊魯人才之所以盛

蓋不爲無本非誇也

湖南書院士田記

廉憲陳講

自王教弛而後書院作所以萃雋專業倡道化而風學較也然猶取必於置田者何哉蓋匪財無以聚人匪養無以成教田者財之所出土之所聚教之所繇成耳在宋白鹿石鼓岳麓睢陽四大書院維時置田養士在地乘可考矣天下通省大郡必設書院未能久其教者無田故也山東本齊魯之國孔孟之鄉濟南又諸郡首善之地書院不重繫

乎中丞大夫蔡公經胡公績宗侍御張公鵬李公松先後撫按茲邦茂弘化理申勵人文迺下濟南守司馬泰相於大明湖濱改創佛宮作湖南書院遂開田於歷城得景陽廣平白雲三湖官田割附百二十頃以贍諸生名曰書院士田又屬副使姚君文炤劑量裁酌準田之入約士之費日給有等又推其餘以逮兩學之士凡少不克娶死不克葬者亦覃厥施焉繇是齊魯之士彬彬萃止橫經執業如泥在鈞如金在鎔嗣以歲月駸駸有造矣司

馬守列其田數勒諸鉅石以昭久遠諸公臨其堂
 指石以誨諸生曰二三子獲卒業於書院者非以
 有是田與請以農喻學可乎爾試視歷山之田莫
 如三湖百夫所授播之皆同而不能保其皆穫者
 何哉無亦以天時人事之弗齊與然老農不以水
 旱輟耕是惟脩而已而弗徼利於天也故君子之
 學以仁義為田以誠敬為耜以克己為耘耨以樂
 業為澆培全心之種而然而生養善之苗稟然而
 達充之裕一身廓之保四海不亦力穡具有秋哉
 苟或暴殄以伐性淫僻以蕩心掇文辭以撤本擷
 聲華以先實是不殖則落矣故不秀不實尼父所
 以示戒勿忘勿助軻氏所以致警二三子勉之學
 較之士將相觀於爾矣慎勿饕餮為老農所咻哉
 諸生再拜曰命之矣予從傍喜聞其說遂退而作
 記時嘉靖丁酉春望日也

歷山書院記

侍御畢懋康

新安

國朝設山東為省會縮帶宋魏齊魯之區而濟南固
 憑負山海則專屬古齊地華不注虎牙築立孤峯

刺天濯纓嵒山兩湖環繞汙渚聚秀鬱奇稱雄寰
 寓自昔衿裾禮樂之風彬彬蔚起炙轂雕龍及宣
 德好文之士必推歷下蓋以詩書化廣英詰通與
 聖天子械樸作人久而彌洽昭融曠朗盛已極矣而
 省中未有講習絃誦之所識者懽焉若有所待余
 不佞奉

命視鹺長歲已西行部濟上相土審勢選勝拓基捐
 贖緩五百金剏歷山書院逸陌脩衢高衡藻井次
 第稽功顏其堂曰精一右有廊有廡有軒有室四角

周複約可百間宏敞巨麗華闡若闕每每司鐸者
 登堂伊教建鼓初發而戴緹垂纓肩摩揮汗微言
 妙義聞所未聞于以剖决列聖傳心之奧既復遴
 六郡譽髦肄業其中以廣文二人督之日有課月
 有試摘葩播采氣欲冲霄燦燦如列宿落落如連
 珠地遂成文藪云年來掇巍科黃詞苑者咸繇此
 發聲指可數矣院之西畔卽李于鱗白雪樓臨鈞
 突泉爲七十二泉之冠因引泉東注滢漾清映更
 增勝覽地軸通靈多士螽息紛披蒼鬱顯烝鏘鉉

洵曰都哉頃丙辰夏五月余再被

聖書按部齊魯重啓此堂則千櫨百拱崇哉絢耀不
殊易昨之於旦也亟斥鍰百緡置贖田若干晦歲
計所入以供書院諸費自今以後倪寬無擔運之
勞車胤有宵膏之助上襄晞驥之彥筆載春濤繩
樞隱豹之資囊盈秋果用以佐揚

神聖昌熙之祚永錫無疆諸人士當踴躍于邁矣歷
城令礪石乞言而余直叙剗始之繇亦欲俟後之
司茲土者室瓊增美益廣厲作新勿躡入乾沒者
僅存歷額以負始願可也因系以銘用申精一之
旨以勗多士銘曰

平原彙靈接武洙泗慎身脩莫先辨志人心道
心不隔鍼芒未發已發寧設中央精故不雜一故
不貳至誠無息本體如是蒙以養正屯以經綸植
基鞏固萬緯馮生古人貴始菜羹必祭堦筮珪璋
牖民孔易矧在多士稟藻宣揚施于有政以勤四
方崇堂廣除冠裳駢集文昌蒞茲千秋無斁

重脩演武廳記

侍御熊相

濟城之離衛里許有演武廳高若干丈深廣倍之
所以爲蒐閱之所也廳之後有堂堂之側有廂其
制以次而設所以爲退適庖湏之所也廳之前爲
露臺臺之前爲將臺所以居旗鼓申警戒也廳臺
之周遭爲教場縱橫若干步所以訓行伍簡技習
也場之外取榆柳樹之所以捍風於冬蔽日於夏
休士馬也基與地所從來遠矣若輪奐完美壯可
觀玩可久望之而士卒生氣旌旂變色者則始于
今之巡撫王公翊焉方公之至也六師南征工役
浩繁頻年饑饉人民凋瘵公度支撫綏之餘曾未
數月而忽成是功工計殆萬金計以千帑無所費
民不知勞若墜之天而湧之地者公之經濟可知
矣或者之意乃謂時方多事公顧於此汲汲焉若
有所未喻者聞於公公曰治亂相倚伏文武必並
用使江南素弗爲備何以致鄱湖之捷而促逆藩
之誅耶眇予不穀推轂時叨附家威敵乃其職耳
武之不振敵或生焉如之何其威之敵之不威民
靡定居如之何其附之不威不附在官爲曠在

命爲負如之何其可乎今付耒耜於書生委筆墨於農夫其不敗乃事者幾希矣以習之無素也而况軍旅之倉卒尤足恐懼者哉故詩試師于易貞師律皆以此也矧山東濱海接燕氣剛俗悍睚眦必報枹鼓時驚子不見淄沂滄霸之虔劉而橫行者乎曾未一年而戎車四駕矣突然而生忽然而滅者蓋亦或本於是也予之所以汲汲者豈無謂哉予固嘗汲汲於學校矣學校以教文也茲以教武孰謂文武可偏廢乎哉於是藩臬諸公進曰禮樂慈惠戰所蓄也教成而試之以閱其斯之謂與都閩公進曰揚威振遠勝於無形於是乎有賴矣居頃之又進而請曰是功也不可以不紀也乃書之以詔來者

大小清河記

劉翊 壽光

惟青濟之區有河曰大清曰小清小清之源出於歷城之趵突泉中滙洧洧潔孝婦諸水東北抵樂安高家港達于海大清則濟水渠也自東阿之張秋東北抵利津富國鹽塲達于海往來舟楫浮于二

河鹽商遍于齊魯諸道水利鮮與爲儷自永樂初
以來堙塞不通水失其經一值天雨茫茫巨浸壞
民田廬弗以數計乃成化癸巳冬叅政唐源潔分
巡海右言于巡撫左僉都御史牟公曰今二河爲
患守土諸君子以頻年饑饉民不任勞爲辭彼不
知救荒之中有可以興利者役民之中有可以濟
民者惠而不知爲政惡在其爲民父母也疏河之
責某請當之敢告都憲公曰事當豫圖斯無患卽
率屬理之無食之民食之而役之庶上下兩得君

知若必能辦此其行之無惑源潔遂躬任其責焦
勞靡寧擁節宵征相視地形令水工準高下自歷
城濬堰頭入至樂安小清旣通矣自漲秋濬至平陰
之滑口大清通矣大小清旣通水循故道退出鄒
平等邑膏腴可耕之田數萬頃民用大悅其河內
備淺又置瀦水閘防溢置減水閘閘傍各鑿月河
總二十有八濬通水路五百二里所役卽無食之
民當賑者每人日給米三升錢五十文民凡五萬
七千五百四十名米一萬六千百五十石錢一百

九十八萬四百文復慮倉廩空竭措置戶口鹽五萬引俾鬻諸商得銀一萬八千餘兩易米以補前米易錢以補前錢仍以鹽之羨利爲一切傭工造閘之費是役也財不出于官不取于民而濟青之善利以完青船入于濟濟船入于張秋東西轉輸之人大稱曰便以甲午二月始至十月功成厥功旣成都憲公爲疏源潔脩河之勞于

朝公卿大夫罔不稱善珣東人也尤善之曰夫洪流之世天地人並位未嘗理水事理之自唐虞始以人而任天地之責所謂經理山川古聖賢第一功也移天時變地利取不窮用不竭旱不災饑不困萬世之計也缺焉補之乏焉繼之一方之人纔足一方之出天下之產僅供天下之用國可靜也可逸也不可動也不可勞也靜以逸固不至虐斂動而勞則難免厚賦一時之計也夫二河之利本天地自然之利所司一則窘於堙塞一則迫於歲饑若終不能爲者賴都憲公獨知遠覽得于形器之上源潔踐履沮洳出乎拘俗之表預定事機多方

設法既息小清之患并通大清之波二河如一水
 之周流斯民歷年荼毒盤剝之苦一旦告除譬之
 陰霾積月人方憂鬱豁然青天白日而其歡欣鼓
 舞之情自不能已况于救荒之中克除百年之患
 以經畫之餘開無窮之利非所謂萬世之利而何
 哉史曰未事先圖未試先知都憲公有焉語曰可
 勞而勞可利而利源潔以之於乎彼規規于一時
 者固不足言也爰是濟青父老走書于珣曰子職
 史事茲都憲大叅二公深恩偉績有利于吾藩如

此子曷辭爲文珣乃記其凡俾歸刻于石非徒永
 二公之感亦將以啓夫後之官于斯者匪曰佞也

小清河記

侍讀許成名

濟城之陰曰大小清河皆水支流也濟水伏見不
 嘗名隨地異按書發于沈溢于滎至于河浮于汝
 東達于濟入于海濟今之大清河也小清出趵突
 泉流大明湖經華不注山會龍山河經章丘會洧
 漯二河經鄒平長山新城會孝婦河又東經高苑
 博興樂安會烏河北繇馬車瀆入于海此兩河之

故道也成化癸巳間道塞水溢大叅侯官唐公瀆
議召饑民數萬濬數百里通舟楫之交廣魚鹽之
利得湖田數百頃歷城之有稻實自茲始迄嘉靖
癸巳蓋六十年大清如故而小清之道自博興而
西及涓潔孝婦諸河皆決塞爲害歷下之西北百
里水盤迴山阜道多梗塞每秋雨暴漲溪濱川奔
漂居廬災禾稼濟人之憂莫甚焉惟時 菴袁公
來撫茲土乃奮然曰水以養人顧以害人治之無
道耳吾聞之善者順其性莫與之爭爲之委以殺

其勢斯轉害爲功矣害之弗祛惟撫之愆遂自博
興達歷下開小清故道幾三百里疏鄭黃溝分新
城之流疏新河殺烏河之勢其涓潔孝婦諸河則
濬其塞導其支而樹之防於是諸水悉平成注之
小清河矣又歷下之西南大清河之北黃崗之西
舊石橋四出迴折八十餘里河傍達曲貫於是諸
路之水咸注之大清河矣夫濟水經緯濟交之墟
千餘里派析條分驅而之道俾生民無水之虞而
反滋其利然非抱康濟之蘊篤極惠之誠闡蒸黎

之利審山川之紀未有能濟者也於乎唐啓其端
而公益大其役上下百餘年鴻猷駿功炳炳齊魯
遡其時亦癸巳若造物相之而然者其數數哉苟
嗣是有爲之紹殆萬世之利也竊謂九河失道神
禹績微而江北交冀之區每秋水橫發任其泛溢
而莫之理畏動寡謀者則諉諸海桑陵谷之變而
貪功喜事者又鑿以自用而昧水之宜乃若樹不
可已之功惟仁且智者能之故清河之役三載而
民不困時巡按礪菴方公實與有議而藩臬群公
若先大叅今布政張子欽憲副張子鯉則往蒞厥
事布政秦子鉞叅政李子顯楊子維聰憲副祁子
鶴趙子錦僉憲史子臣周子相謝子蘭咸樂觀厥
成惟公務大體略煩細民有陰被其福而莫之知
者去之日咸遮道慟哭三十里濟守應子楨乃疏
其事以請余覽而異之曰是東人之利罔窮而愛
弗竭者爲志其略俾後有考焉

廣濟閘記

教授彭

徵

吉水

濟南城北去二里許舊有關名曰分水其源出自

王屋山隱見延口泰山之北與濟南東南諸谷之水西北匯於黑水灣又歷栢崖灣至于渴馬崖漕流地中五十里至歷城西復湧出爲趵突諸泉襟帶城郭滌漑畦苑立閘瀦蓄歲灌漑歷田數千頃杭稻豐稔民獲倍利永樂庚寅圯于瀑澇歷久弗治水耕耨於陸種賦額包於稱貸

朝廷憫二東歲歉民困天順二年夏勅命副都御史年富巡撫是邦惠養黎元特循阡陌闢道於關顧謂方伯李顥憲使劉孜曰水之行在地利之興在人豈利於昔而不利於今乎乃命都守陳銓暨推官齊魯脩復其舊翼日輦石于山市木於叢食給助工之雜糧工役備操之壯民以畚以簣以摭以砌中繫石爲兩岸限置石礎局用大木板視水之高下而閉縱之堰之北植柳樹以根據之堤之畔甃磚石以堅固之經營規畫深廣壯固視昔有加

歲己卯正月八日始事二月終畢工府庫不知其費域民不知其勞田不病乾舟不病涸民食

國賦不病其餒乏逋負吁仁人之厚于民也如是哉

雖然斯閘之興固斯民之利也後之吏於斯土者
幸勿廢前人之功隨時補葺則其利無窮千載如
一日矣閘旣成更名曰廣濟命徵紀其顛末勒石
傳之後世俾知有所考焉天順三年三月三日

崇正閘記

邑令賀一孝

魯山

濟城西南隅有三泉竝湧若躍珠噴雪者曰突泉
也其城北門內一望漣漪荷香冉冉者大明湖也
一水合流折而東直趣小清河合歸于海蓋郡之
佳勝係焉成化癸巳巡撫牟公始教民引水灌田



遂建利田平水諸閘以時瀦洩民利賴之迄正德
癸巳巡撫袁公又濬其淤塞增脩堤岸而利賴者
爲益博然則崇閘之創立也我大中丞趙公之德
澤與二公相流行無窮者也是奚可無記哉公以
帷幄重臣奉

聖天子簡任撫茲東土每疏滯剔蠹以清吏治而于
閭閻之疾苦尤切惓惓嘗周覽鄉邑諏詢民瘼至
華不注山前見一閘摧頽水聲潺潺傾注乃近時
所建呼雷閘也公曰惜哉水之失其防矣夫閘以



防水猶之禮以防淫義以防僻干戈以防盜而失其防焉可乎于是與太府宋公議改脩之而屬少府許公董其事出緡錢以雇匠役僦牛車以挽山石工以時舉不妨民務闢傍舊有華陽宮規制頗弘敞中塑四像莫有辨之者少府公因正其名號以祀四帝并風雲雷雨等神示民知所祈報且以脩闢餘材及鄉大夫所施增構齋厨等處擇有道行者以主香火擇鄉老之勤恪者以司闢之啓閉凡此皆少府公綜理之善也闢既成請名於中丞

公而公謂可名以崇正竊聞之春秋譏新延廐祀爰居而楚茨大田諸作獨見美于詩人者重民事也惟茲脩闢以興水利脩祀以祈歲豐無非重民之事者誠可謂崇正矣然此特公惠政之一端耳他如繫貪糾暴以儆官邪斥侈費抑奔競以救時弊賞沈廷惠李萃之孝行葺許忠節張文忠之祠宇以振綱常扶世教則公之長策遠猷槩可見也卽繇是而爲巖廊柱石蒼生霖雨其足以慰朝野之望豈獨海岱之邦感德興頌爾耶孝不文敢以

是告夫郡人之享有闢利者

新開張河廣濟橋記

陳宁

子觀邑人

泰山北麓泉源競發吾邑得七十二焉流旣夥勢不得不滙而爲湖水旣滙勢不得不趨而爲川行而爲陂湖泊川陂旣廣不時蓄洩疏濬則民病厥病何若湖不失爲湖則菱芡荷葵魚鱉蚌羸之利去原隰而七陂不失爲陂則溝塍啓閉火耕水耨之繞去原隰而五乃今十不得一也茲窪故峭湖北足也水旣涸不得爲湖而又不與原隰等水

潦至人爲魚室織鮫亢陽至則地龜裂澤若焦而民病兼之祝阿鬲津之境薄孫耿而東注者且帶吾邑闔邑帖然此窪告勞則司牧者不遽信卽信矣難遽置之膝股上而諦視之而吾民愈病客歲吾父母張君明府授符而莅茲邑茲邑者海岱之間一大都會也有監司之車塵馬跡焉吾父母來茲一稔刑清再稔事簡鹿車搖搖徧于原野戾止茲塗耳而目之慨然屬九鄉父老告語之曰來爾有衆此終爲瀉鹵也乎九鄉父老泣拜而請曰此

之爲田十萬餘云舊有湫屬之大清而累世不一見焉用是胥膏腴而汙萊之吾父母爲小民司命再奠之樂土吾父母曰可請之監司不煩公帑不費閭閻取之贖粟募彼饑民蓋畚鍤如雲三月而工畢何曩者遷延多歲而今易易也治有人事有時當癸甲之歲而枵然遑遑易聚也出我陳朽粒我萊民易趨也是故不三月而大工告成民奠厥居水歸其藏終古斥鹵生之黍稷是役也起鵲山東北十里許迤邐而東之長三十里濶三十尺深五尺又一起徐家店迤北延袤十五里許深濶如前二水合流俱入大清河爲田十萬餘畝爲鄉九而西訖齊河北屆濟南盡爲神臯河名張志姓也橋名廣濟愚邑民也譚水利有日矣今茲見之故樂觀其成而記之記曰太史公曰甚矣水之利害也利害起於甲乙相參也是故利于甲者害于乙詢之乙者迷于甲矧之乎所濬非所害所害非所濬害在甲必待乙而濬之濬在乙必援甲而非之是非橫起而當局者莫措愚嘗讀河渠及翟子威

杜元凱劉貢父諸說未嘗不搯擊于吾邑也吾邑以泉源爲血脉二清爲腸胃濇之南宜蓄清之北宜洩蓄者宜時其洩爲蓄洩者宜審其害爲利吾邑之士民大抵無慮皆時已之蓄而不恤人之洩審已之利而不虞人之害故舉一而利百爾爾其他政種種茲不贅及矣明府張君諱鶴鳴號鳳臯潁川衛人

遊龍洞記

方伯亢思謙

晉安

嘉靖壬戌夏六月予以右史蒞東藩適左轄位虛諸務紛亂故聞山東通志紀載典實頗詳取而讀焉字漫漶莫可解乃購善本較讎而新之三閱月告成事見張文忠公紀遊龍洞瀕殆甚心駭焉然以文忠善信士必不妄開一語臬司省吾雷公體道不惑頗疑文忠語不謂然季秋十三日乃偕約司徒郎南海黃公可大憲副上黨李公敏德安成劉公旬戎帥仁和周君醵淮陰劉君煥往探焉是日晨曦杲杲出城雲陰漸合途中微雨霑衣未至洞五里而漸大近洞雨止乃握衣魚貫而上鳥道

縈紆殆數十仞屢憇始能至洞口殊峻拔入卽寬
廣可容數十人四壁皆諸佛像蓋皆天成者布席
飲數巡召山僧問之則云東南有穴不甚遠惟西
洞深窈卽文忠所記也雷公拉黃公秉炬行余力
挽之不能止未食頃達洞口遣吏來報余乃行其
高者可仰卑者僅偃僂而已殊無苦較記所稱大
異旣見羣公相與嘆曰不如魯晉古之人殆謂是
耶將文忠危言之爲好遊者戒耶抑陵谷移易時
異而境殊耶將後人以文忠之記而闢治之耶下
至禪堂天宇開霽高峯四合若無境可通而幽谷
層巒窮之莫旣時霜初下楓葉如丹不見人跡古
所謂桃源天台未知較此何如也歸途雨又至登
白雲洞復晴返炤射空景色萬狀豈山祗川若亦
顯示神奇爲諸壑增勝耶因復自念曰躬造其域
則萬境皆融理得其真則衆言莫眩茲遊吾有所
悟焉歸而秉燭記之

遊龍洞記

楊衍嗣

去歷下而東三十里有山曰錦屏層巖矗漢環列

如屏非繡非繪五色交輝每遇二三月間桃花迷
徑旭日朝升而設色尤奇故濟南八景以此爲錦
屏春曉云巖之列於東者高數百尺巖半爲竇竇
之中有石甕二非奮飛而上者不能窺鑿而置之
者其何人焉或曰僊人爲之然亦不解其何謂也
巖之列于西南者中空爲洞洞雖在巖下然去地
已數丈餘卽俗所謂龍洞也洞中如旋螺或大或
小或高或低或濶或狹炬行半里許漸宏敞有光
壁間石理自成調御之形面貌服飾妙奪人工疑
有神工鬼斧雕鏤于其間也循仄徑而下有亭翼
然在北巖下巖之列于北者有石梁如虹飛度兩
峯之間西北一峯亭亭獨秀加以輕霞殘炤翠烟
乍留儼然寶髻之映錦屏間也三峯而北山益峻
境愈幽轉折而西青壁斗絕其下平廣如簞可坐
臥數十人洞之西北有潭幽幽者曰黑龍有潭渾
渾者曰黃龍有潭淵淵者曰五龍臨其上者無不
肌粟髮豎有戲以石子擲潭中者水輒壁立昔有
兩臺使禱雨其上矢石以激龍之怒也返未中道

雨雹驟至避匿一民舍中始免山之寺曰聖壽院
歷晉魏唐宋來爲名利其鐫詠于石上者尚斑斑
徧巖谷開自禩歲來始失其舊無復昔日之盛矣
天啓五年三月己未余與同志之友十二人而往
遊焉是日也四際無雲暖風初布桃花半落野花
正芳白袷而蹇紅粧而駿者錯于途於是穿雲谷
度林樾者久之然後抵錦屏乃復離朋散伍競探
幽勝或奕于洞或飲于亭或盤桓于迴谿惟石之
間或吟眺于絕嶠平巒之上無不各盡其興而返
頃之陰雲半合微雨漸零天且暮而無復之也方
飲而醉醉而相枕以臥遲及次曉則烟雨蒼茫峯
巒縹緲但知彼爲景中之畫頓忘我爲畫中人也
其一種山容水意又烏足爲俗士道哉嗟乎人生
上壽所見春光止七十耳其中之嬰童衰憊疾痛
煩惱旣奪其半其餘非憂非病之時又復目眊塵
沙神疲計筭求此一日之樂不可得也是以右軍
之於蘭亭子敬之於會稽東坡之於金山不過因
其一日之遊遂爾名動四夷韻高千古二三同志

負清曠之致而結此一日山水緣其亦無愧于古人矣因爲龍洞記

重遊龍洞記

楊衍嗣

憶昔乙丑之歲三月十一日遊龍洞者凡十七人迄今戊辰三月十二日復續舊遊得十人焉計其與於前日之數者止四人耳曾日月之幾何人非大半寧不感慨係之哉幸其杯酒之際逸興遄飛若不可以須臾留也於是已而行午而至未而飢申而遊衆共計曰錦屏佳處大段在飛巖迤翠絕

壁流丹及夫林杳花合映帶岑岫已耳夫旣見之矣亦旣賞之矣然則其何之獨念此中之潭者五向止見其三尚未識其二今日之遊盍先於此乎於是去錦屏而西之漸入兩山之間異境天成若另闢一世界者忽如展屏忽如張幔忽如樓閣之飛懸忽如牛鬼之森立青巒綺抱碧嶂雲連紅鬚紫葭夾映兩峯去三四里遙而未有極也再欲馳進時則層霞冒峯殘曦隱岫萬松怒號幽潭浪起爽氣西來暝色四合急馳而歸不覺步之駛也遺

麗人在後共憇石上竚俟空谷者久之遙聞笑語
聲從雲壑中出則麗人至矣既至或至潭邊而遺
履跡或坐巖中而躡紅袖見之者疑爲玉女雒神
麻姑僊子隱現于山水間否則山川草木之妖也
庸詎知倫一日之餘閒而爲謝氏東山遊乎及歸
錦屏月已東昇四山環映清光襲人於是飲酒樂
甚樂且未央忽而暴風大作巖谷震吼始罷酌而
寢時夜將闌風聲漸息陳君文煥促余起曰大有
異焉者何奇絕乃爾而獨不欲見之乎余急起凝
目注視不覺狂叫欲絕蓋時月色將沉西山半掩
月色之在空中者盡射東巖恍若異錦千丈從絳
霄而下垂者况當山寂人靜天風四起茗火無烟
惟吾兩人者散步空庭仰天長嘯所得真趣不爲
不奢且奇也惜乎同遊四人未及見之四人者誰
則陳載坤暨猶子棟趙君元功余弟衍祚也

遊華不注記

亢思謙

華不注之奇聞宇內舊矣嘉靖壬戌季秋旣望余
履齊之三月也值政務稍清乃約司農南海黃公

可大憲長豐城雷公達憲副上黨李公敏德安成
劉公佃闡帥仁和周公熬淮陽劉公煥往遊焉道
故自大明湖出水關時關門樞腐不可關乃出齊
川門繇陸行穿澮畝間秋雨新霽野無纖埃稻刈
方登三農樂歲豐執手相慰勞觸之令人盼然有
遐思抵華陽官會食廣庭中頃則逶迤造山麓仰
視孤峯四無延附峭拔特起如碧凝黛染直侵雲
表奇石雜列若虬龍虎豹盤踞奮揚攀延而登窮
峯之奇止焉俯視齊城若在几席下羣山環峙泉
流交注湖光樹色映帶左右斜陽暮靄焜耀飛揚
誠天下奇觀也夫宇宙旣開茲峰卽莫近連城邑
非荒絕僻遠之區顧樵夫賈客過之而不知官轍
來遊或值時多故困于簡書而不及今

聖明久道環海又康封域政脩民安田里自公多暇
偕我良朋悠悠然境物興俱而中無所係洋洋然
造物與遊而外無所營心暢神怡得以適吾真焉
孰非君上之賜遭值之隆耶于是雷公倡近律一
章各應而和之晉安亢思謙爲之記

標山記

元張養浩

希孟
邑人

五十七

綽然亭西三里有雙山曰標各廣四十畝童無樹
林東西並峙皆青石壘矗勢陂陀可步而上按輿
圖經無其名蓋昔人以傍無他山惟此若標可望
故以名之其居東者上有洞如屋可避風雨泰定
甲子三月命童携酒餽借賓客清江論仁本登焉
始小有勞旣戾其上神超氣逸身欲羽飛環視衆
山半若可卽其聯巖屬巘盛于東南而微殺于西
北諸支流之水縈絡交碧練橫繩引析而復合蓋
郊外可登眺者莫此勝焉嘗欲構亭其上時杖履
徃來以豁心目因仍未暇旣而坐洞屋中出觴更
酌咏古人閒適之詩如陶謝韋柳者數篇其清歡
雅思悠然而集若世若形兩忘其所恃加以烟嵐
空湧相與宜合冒乎不知余之爲山而山之爲余
也於是仁本舉酒相屬曰樂矣哉公之遊乎殆不
可以無紀遂書而貽之

天心水面亭記

元虞

集

伯生

天曆三年春臣集臣洞臣九思得侍清閒之燕論

山川形勝臣九思曰濟南山水似江南殆或過之
臣洞之居在大明湖上壅土水中而爲亭可以周
覽其勝名之曰天心水面可想見其處矣於是
有勅臣集書其勝而記之臣集再拜稽首而言曰昔
宋儒邵雍氏之書曰月到天心處風來水面時臣
洞蓋取諸此臣聞雍之爲道上達庖犧至於帝堯
周文孔子之盛其制作在皇極經世其性情寓於
詩程灝氏之言曰就其所至而論之可謂安且成
矣斯二言者非陰陽動靜之交乎按先天圖陽盡
子中而始生焉擬之爲月窟陰盡午中而復生焉
擬之爲天根以月窟臨天根非陰陽之互交者乎
巽之爲卦陰爲主於物爲風坎之爲卦陽爲主於
物爲水以風之初而行乎水之上非動靜之始交
者乎所謂一動一靜之間天地人之至妙至妙者
庶於此可見月到天心清之至也風來水面和之
至也人心有絲毫物欲之蔽則無以爲清拂嬰於
物則不能和流而忘返又和之過皆非其至也是
以君子有感於清和之至而詠歌之

白雲亭記

德藩莊主

夫山爲國之鎮天宣化而聚石合澤布氣以調神
川爲國之息乃地潤濕而通脉源流灌溉以滋養
則人賴其生禽獸鱗介各得其所亘古及今一體
爾仰惟我

聖祖聖宗受天明命掃蕩 元渾一寰宇六合八紘
陬隴之極千邦萬國兆民億土靡不歸統恭覩
英廟先帝勅令儒臣纂集大明一統志天下之山川
列諸方土一覽備載成化三年欽承

憲宗聖旨分封之國山東濟南建府於茲宮之西北
有亭池焉問於左右曰何名左右詢其土人答曰
此處有七十二泉曰皇華朱公賢清孝感濯纓無
憂玉環龍門白龍黑龍黑虎臥牛龍居馬跑趵突
鹿跑魚池知魚雙女羅姑劉氏王氏白雲雙桃芙
蓉金線白花柳絮胡桃苦苣白公道士杜康獨孤
東臯石灣湛露懸珠滿井淺井登州望水清水漿
水散水染池混沙金沙灰池洗鉢熨斗南北二珍
珠二漱玉二煮糠東西二蜜脂二甘露復有舜溫

酒醴香明柳都灰懸車白七十二處各有源出惟
白雲珍珠濯纓灰泉在府內舊有白雲樓歲久頽
頽尚有基址高丈許一亭崢然竚立池南有濯纓
一亭因脩展府第有礙屋宇亭廢而泉存藩事匆
匆未得重脩偶於今歲脩治餘暇與承奉鄧芳因
閱大明一統濟南郡志白雲樓泉濯纓泉亭具在
予曰名在而樓亭皆廢惜哉而語賢輔曰樓必料
力不能他則稍易乃於泉畔構一小亭復扁曰白
雲池北建一軒曰濯纓少效三閭獨濤且醒之
意遂領命而行漸置漸增自春至秋日親督理雖
溽暑勿少憚息擇材量度分處工役無不中乎宜
人皆樂於趨事今已樂成泉亭皆如昔亦爲盛事
匪徒遊逸予忝在宗親不負

聖明一統博覽載籍之意聊記顛末云爾弘治歲舍
壬戌季秋菊節存樂書於凝和軒

後樂亭記

參藩陳

沂

魯南

嘉靖癸巳春三月左轄南澗楊公燕三司於經濟
堂衆賓飲畢至堂後見奇石佳木曰可以亭乎公

曰可未遑也賓曰聞日接劄牘充案不逾時而空
公殆未遑乎公曰冬無霰雪孟子出地上將以殺
稼春旦三月不雨土膏不潤終風揚埃雉麥偃仆
方疾首拊心之未遑而遑於是乎衆賓憮然明日
致齋禱雨於南郊不雨復禱於北壇乃雨越十日
雨乃霑足公喜曰可以亭矣闢垣築基斲材芟茅
不旬日而亭成夏四月復宴於亭衆賓劇飲而懼
曰樂哉斯亭也余曰春不雨生氣不達來牟不熟
川邑請發倉廩告罄夏不雨生氣闕絕泉竭川枯

諸路閉糴流殍載路神不舉祀市不屑殺庶政百
司惟疾諸公能斯燕樂乎賓愕然公笑曰所賴於
諸公者先憂也今獨無樂乎余復解之曰昔孟氏
所謂憂以天下樂以天下斯亭之樂殆非公等之
私樂也賓繇是復劇飲而懼請以後樂名斯亭

濱國公張文忠祠堂碑記

元黃 潛

故濱國文忠張公家濟南別墅在歷城縣北十里
峭山之陽歷山之陰曰雲莊公自叅議中書省事
退休其中者垂十年至治泰定之間詔使沓至皆

堅臥不起文皇御極以翰林侍讀學士召未至改
陝西諸道行御史臺御史中丞公乃幡然就道時
公年甫六十到官僅三閱月而薨於位天曆二年
七月壬午也始公嘗謂吾居雲莊而樂且密邇吾
先世大墓吾死必以昭穆序葬而於是乎祠焉九
月丙辰公嗣子今秘書郎引邁治命奉柩以葬而
以清河郡夫人郭氏祔至順二年三月戊子乃作
祠堂凡屋之爲間者四堂居其三而室居其一妥
神有位物器備完歲時藏事饋奠唯謹以潛忝綴
公門生之末俾有述以告來者潛竊惟公初尹棠
邑撫人有恩用獄不失有罪能使豪強讐服而盜
賊化爲良民爲御史則抗言尚書省不可立其變
更法度易置官府獎勵天下且擅除御史大夫中
丞非祖宗故事疏時政之弊萬餘言力排權奸幾
蹈禍而不悔在中書則諫止內庭燈山之戲卒以
忠直受上賞暨執法西臺屬闕右薦饑一以荒政
爲已任有禱於神其應如響乃傾私橐斥公帑奏
請大發錢粟下輸米授爵之令用便宜通鈔法以

來商旅繇是人始得食至於疾病死亡皆爲區處
慮有司怠於奉行則分遣察官臨視之委曲纖悉
竭盡其力賴以少甦者雖甚衆而公竟以憂勞悲
感及於大故捐館之日奉元鼓樓梁木自壞濟南
里第有光若隕星者公之無祿庸非天乎事聞制
贈公摠誠宣惠功臣榮祿大夫陝西等處行中書
省平章政事杜國追封濱國公謚曰文忠卹典之
優異先帝憫悼深矣公所務學致於實用而一語
一默之細亦無所苟仁宗時公居禮部爲侍郎尚

書兩持文柄克廣賢路深契上衷新進士銜刺來
謁輒拒不與爲禮書方寸之紙令闈人論之曰但
思報國無以私謝爲也所撰著施於朝廷行於四
方人莫不傳誦之蓋公之蒞民政多卓異宜如循
吏之立祠直道以匡君而勤事以死宜如功臣之
祭於大烝文學議論存乎淑艾之私宜如先賢之
祀於學固非其家所得而專也然以公居此爲最
久從容去就之際聞者至今爲之咨嗟歎息過而
見其生平釣遊處池深木寒猶將徘徊不忍去况

登斯堂而仰公之遺風餘烈可使貪夫廉懦夫立
 其於名教殆非小補尸而祝之豈獨仁人孝子用
 以厚其親哉潛遂不敢辭而序其槩復為銘以系
 焉公諱養浩字希孟世次官闕行事之詳有傳在
 史氏今又申勅詞臣勒諸石章昭揭墓隧矣非有
 關於祀事者此不著銘曰

瞻彼樂郊齊山兩間山之幽幽水清且漣孰適公
 歸而止於此使者在門公不為起止非無所行也
 以時大君有命賁然來思曰予赤子汝饑予哺庶
 幾當宁寬是西顧盡瘁以仕不有其躬神遊故墟
 有寧一宮公像在斯皇皇眷服生氣凜焉過者必
 肅

新建許忠節祠記

殷士儋

正德己卯宸濠反于江西許公以按察副使不屈
 死之令

天子即位首詔褒錄贈公左副都御史謚忠節官其
 子錫世錦衣衛正千戶尋用廷臣議謂公死事尤
 烈再贈禮部尚書後兵部覈奏公為樂陵令時薊

盜劉六齊彥明等起所至破城邑殺長吏勢熾甚
諸省戒嚴辛未六月賊黨犯樂陵楊家店復從海
豐寇縣境八月賊僞劉七擁衆二千騎突至縣南
關餘黨以二千騎掠縣西黃家店當其時皆樂陵
令身率所練壯勇出奇設伏大破之部諸弩士襲
擊追射無不應弦踣斬首六十五級生縛其酋黨
二十四人僉事兵備武定時賊劉六楊寡婦大舉
攻利津急僉事親督郡兵往剿追及高苑斬首四
十八級賊劫德平引兵趨救德平至楊二店遇賊
與戰一鼓殲焉山東賊悉平計先後俘斬首虜二
百三十有奇奪獲被鹵口數器仗無筭中功賞格
宜叙奏

上特命加廕其子世錦衣衛指揮僉事

聖朝表忠勸功恩渥備矣休哉初公舉戊辰進士授
知樂陵有功超拜山東僉事奉 璽書兵備武定
賊平省兵備乃還分臬濟南復往巡遼陽及遷江
西遂自遼陽過濟南携家還留固陵而身獨往蒞
事蓋自筮仕宦山東且十載戊寅抵江西逾年難

作余蚤歲聞諸父老談許公率其親所覩記不獨
禦寇一事在樂陵與學造士平賦役息刁訟鉏悍
翼懦敝俗丕變先賊未至繕城濬隍教民戰守具
甚備推誠待下與衆同甘苦故人樂效死開府武
定郡縣貪吏望風遁去諸典革裁創軍民咸便率
經久可施行簡卒乘募勇畧選引強士訓習遠射
製連挺鬪械授攻擊止齊法卒用是勝土人至今
習之稱長技焉治濟南政先仁恕務盡下情數平
反冤獄絕口不言戰功或問之遜謝不對謙厚不
伐如此其平居治行敦大體不愧古循吏至用兵
料敵決勝神妙不測能以寡覆衆雖史籍所稱元
戎宿將知兵法者不能過噫當濠未反也設公得
專行其志如山東時必能先幾制變當使勝筭在
我濠中有憚不及江西可幸無事矣謀格幾失令
束手俟變徒誓一死報國與倉皇無策窮蹙而死
者等公之初志豈遽止此已邪樂陵先有生祠武
定有破賊安民碑公旣歿樂陵武定遼陽思公不
已又各相繼于其地立遺愛祠咸若曰公有大造

吾土祀典所列法施民勞定國禦菑捍患公皆備
之不以其死事江西云蓋語死事江西最著江西
之人目擊其變故嘆憤駭異惟死之重而才猷之
蓄事功之素多置弗論語功烈山東最深山東之
人身被其澤故哀思慕戀惟惠之懷而過化殊區
歷世滋久益篤不忘夫各有所感也濟南山東會
城舊有崇正祠祀

國朝名宦鄉賢遍乎一省者公預矣嘉靖辛酉巡撫
鎮山朱公巡按漢樓劉公始從士民之請立祠湖

南書院西俾祀公巡撫高泉謝公石洲張公巡按
容堂吳公谷南高公繼至咸樂成之藩臬郡縣諸
君子罔不胥贊祠有堂有廡有垣有坊几筵器具
咸備且飭遺像凜然瞻謁悚惕伏臘饗獻耆庶悅
懌祠旣成濟南守魏公裳書幣請記其事惟公精
忠大節人人能知之人人能言之儉也東人也特
表其宦績勛勞著于山東者俾刻于石以告來世
觀者跡公所能爲考其所不及爲蓋深有足悲焉
嗟嗟一死豈公所難一節何足以盡公爰系之辭

曰

蓀壁兮葯房繚蘅若兮庶瓊芳神宇臨兮中洲凜
英風兮滿堂緝瑟兮交鼓陳瑤羞兮酌清醑紛進
拜兮延佇靈昭昭兮欲下乘風霆兮驟鸞螭撫劍
佩兮光陸離瞻風游兮顧懷慰我人兮永思繫大
造兮東土粵多歷今年所歛去我兮安適嗟權分
兮志沮惟慷慨兮成仁勵臣節兮終古泰山巖巖
兮東海湯湯公名與高兮公澤與長神遊八極兮
耀景光來不可知兮去何方東人哀思兮曷能忘
千秋享祀兮垂無疆

資政大夫尚書邊公神道碑

李廷相

濮陽

皇明有文學政事之君子曰邊公公諱貢字庭實別
號華泉其先淮陰人也六世祖朝用元至正兵亂
避地歷城華不注峯之陽因冒王姓故今為歷城
人朝用生一誠

高皇帝定天下始復邊姓一誠生文質以公大父貴
贈奉政大夫應天府治中文質生寧即治中公寧
生節山西代州知州皆以公貴累贈資政大夫南

京戶部尚書公生有異質卽襁褓時祖母王夫人時置膝上口授章句一過輒成誦旣乃從大父治中公於官所于是公角尚州卽蔚有文名弘治乙卯年方二十舉山東鄉試第四人明年丙辰遂登進士第授太常博士時

敬皇帝重祠事公駿奔惟謹嘗以告不與上私語左右曰何不見年少官人耶其爲

上簡注如此乙丑六月擢兵科給事中公性峻直又練習國章通曉時務抵掌談天下事率鑿鑿副名實雖重忤時貴弗畏避

敬皇帝登遐公劾太監張諭與太醫劉泰高廷和用藥之悞又劾太監苗遠與保國公朱暉都御史史琳用兵之失詞義剴切聞者凜然是年九月仍擢公太常寺丞旣而逆瑾擅權凌轢衣冠亡所不至公又不能善事顯貴人于是顯貴人伺瑾顏色出公爲衛輝知府庚午改荊州時藍鄙寇亟飛輓之務公以身任之民不擾而事集克獲之功公與有勞若夫革吏奸察民隱脩廢隆宣恩惠爲天下治

歷城縣志 卷之十三 序記 友聲堂
七十
行最辛未擢山西提學副使尋丁代州公憂甲戌
服除起公河南公正已以格物先行而後文申條
教以定其趨勤考較以程其業復文體以示其標
嚴勸懲以鼓其氣繇是士經公訓迪者莫不克然
各有所得丙子鄉試號稱得人丁丑丁母董夫人
憂初公體豐顏渥風神藻雅兩更三年喪哀毀踰
禮自是積衰成疾而公亦倦於遊矣辛巳

今上入繼大統詔求遺逸撫按諸公交章論薦乃卽
家起公爲南京太常少卿嘉靖癸未晉南京太僕
卿承平日久騎政漸廢公至末期釐弊課功公私
稱善甲申改南京太常卿丁亥再改太常卿提督
夷館時四夷文字體各地殊八館諸生學無師授
公徵求故譯是正諸文以成一家之學以通遠人
之情戊子以年勞轉南京刑部右侍郎己丑擢南
京戶部尚書東南財賦半輸留都百官六軍咸仰
給焉 制以都御史總之轉相疑忌事多格閔公
曰會計者部之事也覺察者院之事也何妨焉公
之識大體事多類此幸卯忽以疾懇疏乞歸初公

癖於求書所蓄不啻數萬卷壬辰偶遭回祿焚之
幾盡公仰天大哭曰嗟乎甚於喪我也疾遂篤胡
夫人謂公曰卽不諱麗牲之石誰當銘公者旣而
曰宜莫如廷相公然之已而卒惟公與先太保公
同省又同舉進士甚相愛也廷相叨官詞林兩佐
南銓又辱公忘年之雅日夕以文事相劇切有師
資之益焉則茲役也其奚敢辭追憶

國朝文章無慮三變

高皇帝初正大統青田金華義烏諸君子力以斯文
爲已任剗削舊習橫制頽波幅尺騷雅興起學士
永樂以後騷卿藻士布滿天下然辭頗纖弱稍異
曩昔識者病焉

敬皇帝時明興百三十餘年于茲矣四海梁肉百官
委蛇得以肆力弘學留心藝苑于是公起歷下與
北地李夢陽河南何景明互相師友力追古作妙
悟真機鼓吹盛美可不謂振世雄豪也耶况公孝
友天至又喜賓客樂道人善援引後進嘗若不及
至于當官莅法必盡其力所在人皆嚮之愛之語

曰文質彬彬然後君子其在斯乎其在斯乎公生于成化丙申八月卒于嘉靖壬辰二月年纔五十有七配柴氏累贈夫人先公卒繼配胡氏累封夫人子男二八長翼以廕為太學生次習皆幼所著詩文四十餘卷藏于家門人輩相與謀梓之蓋世所必傳者也墓以卒之年某月某日其墓在邑城東原祖塋之側銘曰

皇皇大明文治誕興言言歷城積高氣靈郁郁先生應運而升達治之本立士之經摛采玄黃流聲宇宙人謂公才公不自有以器以年容臺是授周旋祀事受知我

后乃擢黃門侃侃正言縉紳相賀風采凜然再晉容丞厥城是專督學梁豫教化攸宣惟

帝女嘉首下徵詔馭歷兩都薦掌邦教方期柄用允升于道胡遄其歸克遂高蹈我讀我書天胡災之斯文之喪不其在茲公命近止吁其可悲門人達者愛慕厥遺華峯之麓佳城鬱鬱奎壁之間文光上燭我銘諸碑用昭世族公乎有知庶幾瞑目

朱中丞平東紀功碑記

宗伯董其昌

玄宰雲間

國家自有 患遼人航海而東聚廬而處倚東爲命
無何而用海之議起置撫設鎮遼將居然爪牙矣
久之

廷議不便檄調遼將于關門

至吳橋變作掠六城殘兩郡據登圍萊七閱月不
解時援兵節制不一類觀望不進張贊畫國臣屈
司理宜揚聽熒請撫軍心益懈朱公大典以壬申
五月自津門拜

新命星馳而前毅然昌言曰無故而乞撫者僞也且
遼人父兄沒於 國家憫其流離居之內地授
以官爵皆廩豈繫 國耻是爲亦猶洗遼人父兄
之恨也而矯焉踵 射天之習竟忘而不共天之
仇乎大逆不道法無赦未幾撫議敗防撫謝公璉
萊守朱公萬年內臣徐得時翟昇死之公言悉驗
事聞

天子震怒心倚公有

詔聽公居中調度將吏便宜從事不中制矣公乃力

持勦議是時有四難露齒蔽野軍無見糧將驕無
主麾下止落落數百潰兵不堪再鼓一難也鎮與
監左監與督左鎮監督各自爲左一難也曹濮之
間有土寇鄒滕之間有蓮妖沂莒之間有礦賊青
濟之間有鹽徒蠢蠢思應一難也當其議用
海視遼人大重及其議撤視遼人太輕豈惟輕之
且攜之矣雜處郡中其爲遼人也多矣何以令友
側子自安一難也公旣精白心不辭難而揮霍沉
敏曉暢盡變矢無虛發亦必中窾

天子旣心倚公凡公所請朝上夕下以八月十七日
誓師集關寧密薊昌保客兵東省主兵騎步數萬
旌鼓嚴明呼聲動天一以當百殲之沙河蹙之高
梁山賊衆披靡死以澤量而我兵唱凱入萊矣賊
猶收合餘燼力保黃縣公乘勝分兵爲三一繇新
城攻其右一繇招遠攻其左一繇棲霞搗其背斬
首捕生過當屍橫數十里帶殘騎
沿海奔登數日之間解萊圍復招遠復黃縣真奇
捷也公不自言功疏曰

聖天子之靈諸臣之力臣聞行百里者半九十賊雖困獸勢比負嵎臣度之必走海矣爲今之計宜速撥長廟二島調江淮水兵合津師島師截其後戶可一鼓擒也且臣言非漫也臣請檄關寧騎兵拘諸原請檄江淮舟師扼諸海各用所長耳

朝論建之適部議持兩端江淮兵至膠州不前津兵島兵自爲枝梧以風爲解春深泮備艦走公大聲疾呼不應眼穿唇焦僅僅募集數十漁舟搖曳下颶風礁石間而已雖游魂尚稽天討然

羣兇授首亦已畧盡卽恢登之日大有俘馘全活島衆數千東牟廓然頓還舊觀公之再造也

天子嘉公勞苦晉公少司馬廕一子錦衣衛戶侯世襲仍鎮撫山東如故方伯勞公永嘉久侍行間瞻公大業甚悉屬不佞昌記之夫公昔在省坡名高補衮今當闡寄勛崇授鉞三不朽事至公而全天子方開明堂錫秬鬯鑄鼎鐘告

九廟社稷之光豈才盡史臣所能描繪其萬一乎頃者廷薦中樞

天子難公之代卽是而

主上之倚重可知已不佞乃叙其事而作頌曰

有皇締造奠鼎于燕鞭箠使之羣醜帖然文恬武
熙舞干而嬉挹婁通討醫閭傷痍

帝憫哀鴻爰宅中野狼子猴冠鷹颺不下脫巾一呼
弄兵載塗巖城忽摧好音相徂撫爲撫悞虎來嵎
負遂分勁兵窺萊之固重圍六月睢陽力竭援師
頓首要盟咄咄天賚師貞劍氣秋橫均少棄甘如
赴父兄三方布陣師和以信雷霆所臨莫敢不震

萊之士女迎門笑語於粲於樵實獲我處
保勝兵疾掃問諸水濱亡命戒獠額額東牟有濯
其丘 懼退

天子好生倡亂是求猘猢旣翦終禦魑魅天網安迤
明威不昧東征之烈皇有人傑豐碑永垂金甌無
缺

郡守樊公德政碑記

王象乾

霽宇
新城

郡國之密邇神京者首推濟上

聖天子倦念左輔每選良二千石出守茲土甲子春

大瀛樊公奉 特簡來守濟且三年所予接鄉之
人一語樊公無不手加額也因謀以一片石鐫公
惠德于郡庠相率而問言于余余曰余何以紀公
不過借輿人之口以爲野史之筆耳公兩浙名家
早成進士筮仕白雲司得情弗喜多所平反比守
濟幸得藉雙旌拊視凋疲悽然惋然急以濟人利
物之心堅起衰振弊之政合三十州邑相率而歌
曰誰其予煦惟公之劬誰其予式惟公之績總之
家視郡子視民赤我胞我而與我以更生郡固稱
文明而以季試月試浮視故事致士氣萎薈不振
公法眼相天下士龍門大闢給餼興社一一品次
於是士皆矜奮聯翩得售不可勝數比見宮牆傾
頽慨然葺治聚庀工經始不日一切門殿堂廡聿
成翬飛鳥革之規其於尊經閣尤創制改觀焉更
復曲引巽水滌洄繞匝抱若玉帶滙于飛躍亭之
前繞歸湖上山川之奇愈有以甲天下公餘命題
課士盤桓亭中不能去德澤與清流俱長矣不寧
惟是尋武穆之遺碑更隆俎豆崇呂師之香火特

馬虹橋又如官舍翻亭城隍倉廩與夫名賢故蹟無不加意增葺則所稱氣象更新者不特郡庠爲然公嘗梓文呂訓詞感應篇諸書令賢愚得以共証又梓會心錄令諸士奉爲法程夫其訓勉爲善似黃次公興賢育才似文翁爲民請命似曾子固脩碑濬池似顏平原諸君子各擅其長而公兼之矣公之濺澤不可勝紀恐其去而繫之以思今而後濟南之政其將與召伯叔子並駕哉公名時英字瑞明號大瀛杭之錢塘人萬曆己未進士

歷城尹張公德政碑記

李攀龍

濟南郡隸省歷城以一縣附其地所供億轉置送迎舉以取集郡大夫以上暨有事境土者令咸賓下之歷多山磽瘠水則陂圩一值荒歲不有恒產公至比災厲且邊圉嚴師旅在外急催科如捕亡淄青持戟之士日肩摩就募道路使者相望疲命於簡書凡期月公循循各如績一若不欲有爲以是民亦安之雖小利不見也邑舊以律名租役必先以簿正嘗與他沃壤地借田瘠稅腴屢不較邑

墟亡不比屋焉公始第丘畝履原隰視土之媿惡以登下其賦勿一以收責俾參稽各無失職請額著地沃壤不得欺謾避課邑百姓不惡磽瘠陂圩而汙萊爲子孫憂郡大夫以上蒞我待需有事境土之臣絡繹於邸宇晨趨出謁暮而不能更適庭供億轉置送迎異求同費舊一以委諸徧戶歲數人家以分聽其給終則以貨賄之人出會之官契嘗不掩籍十登六七邑百姓無不若相與赴截得代則若解懸顧以就衽席爲幸而不知其產蕩然矣戶戶轉趨傾覆以積倉爲累不饑爲譁踏臘儲所糜幾無斯役弘治間加緡八百金民專且百二十乘正德以還加緡至二千三百金濼清之塗罕轂擊矣先南陽朱公首平等事列諸兄弟之邑得裁五伯金而邑稍受賜節猶稱貸出納也公實始定吏會之議使度支在官工賈無以乘緩急侵傷農坐屈其利有司治之不遽上計則什器儲待得轉相爲用冗壞卽移置勿有廢棄焉法甚便以約不復舉長物責邑人值而橋索所羨餘五六十年

敝政一朝嘉與百姓日新邑不重困共正易輯市
 野喁喁庶見弘治之舊郡大夫以上令夙以分禮
 下之而公不以卑百姓晝日晉接不遑暇食而儀
 愈安未嘗飾厨傳稱過使客疲民以取譽嘗夜折
 訟得情皆片言及壘壘問疾苦必竟辭掌語余曰
 居四載於縣署有未蹈之跡未嘗一日於窮閭忘
 兼炤之心月旦與諸弟子設俎豆言詩書士再適
 薦者七人其在生齒繁殖流移寃宅嚮附者衍負
 版焉丙午秋入上最天官會徵書留擢西臺邑長
 老屬余觀之公惟君子之從政無樂乎悅人於始
 而終無以厭其意也民甘惟無思公屬災厲邊圉
 之餘輕徭薄賦與民休息知時務之要安以本裕
 使百姓培氣歸德特以不佞則君子之政哉公名
 淑勵太原之孟人辛丑進士其詳具恤民錄云

南泉寺記

許邦才

南泉寺在省會南四十五里中官之東山陰之半
 寺迤南出泉三四泓冬夏不涸故名其昉蓋久而
 不可詳但南崖巔有石刻字至元重脩乃知不始

自元矣至我朝正德時重脩已磨石未刻而其人亦不可考及萬曆戊寅予以老病火馳求就陰之息乃市寺僧房地一分相度經營之完則殿宇頽敝象設汗殘長太息者久之因語寺僧曰是任將安設哉於是命工鳩材埏埴既稟於次第脩葺起至己卯春至正月告成而寺視前改觀矣寺僧湛徹等募緣遠近善信多所施助具有名氏恐久而歿先於兩崖得石請紀歲月及歲之三月來山村齋居因為敘述而綴數語於左方詞曰

東岱良趾列刹相望寺以泉名其源益長始自玉萃漚為清濟經河伏地紆迴千里乃于是中瀉為泉泌自南暨北七十有二曰都曰醴曰勞曰糠在彼南山實為濫觴寺有廢起泉無絕續因泉名寺實有攸旨爰惟此役有其舉之我來匪暮殆俟厥時玄度前身安知無自似于今日了未了事

九塔寺記

許邦才

泰山北下麓野之間有地曰齊城有山曰靈鷲有川口錦陽峯巒複合林蒼蒼鬱匝郡邑皆百里稱

異境云寺建於此莫知其始歷考寺碑惟得唐天寶大曆之文爲古然曰重脩則猶非其始也意必建于隋梁之間而無稽逮我

皇明弘治十三年重脩九塔寺之碑而寺名有定徵矣今六十餘禩風雨銷鑠于是梓或就朽甃或就蝕飾之金碧畫之丹黝類就凋落寺僧了謙惻然而嘆曰物無嘗新功貴有繼不有名勝寺曷繇興不有繕緝興曷可久乃肩其役費視其積以置爲期勞視其力以畢爲期施聽於人無必募成聽於

天無刻索經始于嘉靖癸未春告成於戊子冬功倍于剏製加于昔則朽者挺如蝕者瑟如凋落者煥如燦如于是視瞻儼儼禪梵恬恬鐘磬訇訇旃檀芬芬祈竭而集遊者繩繩闐闐客歲克登詣境斗絕色相岑寂曇靄毫光恍惚時出宜其僻而不廢也其塔一莖上而頂九各出構締詭巧他寺所未經有故寺名九塔因述其始末云

傳

王雲芝先生傳

邑令張鶴鳴

公諱勅字嘉訐登第後

御筆更字懋倫別號雲芝後易爲竹泉歷下人也成
化甲辰賜進士一甲三人公少有仙骨穎邁絕人
讀書華不注山東臥牛山寺嘗與友人趙璧晚眺
見山坡火光疑爲夜燐公不言但夜分持石誌火
積石成纍一夜潛發之二尺許得石櫃函書二冊
脫衣裹回每中夜沐浴焚香虔祝展誦一年後能
知未來休咎御風出神語人曰地如篩子眼地下
珍異幽奇皆可見人半疑信之弗測也時與一僧

侶相携山頭採杞葉持菜先公下比扣門公爲開
肩僧訝之公笑曰我從裏間到來和尚自不知耳
公蜀梁兩司學憲一日集諸生講學衆俱見白雲
一片起公卽遣騎戒疾驅數里雲落處卽掘之果
得白石如雪命煮之細切如腐徧食諸生甘美非
人世味公曰此雲母也此事未知在蜀與梁今亦
不可據云大梁試士鎖院窻廡皆滿每處輒有一
公危坐終口諸士出相語各以爲近公危坐處惴
惴弗寧也已知其爲異相語神怪之在輝縣山坡

忽下輿拜曰老先生在此掘之得大石玲瓏蒼翠
 不類人間石置之百泉上今浸入豪家又在道傍
 古垣開紫石硯二池各有鴛鴦一隻雄雌相向余
 聞公孫國子生畿云少猶見此硯後不知所在公
 以南國子祭酒家居前採杞僧疾將逝矣公問曰
 富貴何願僧曰兼之公曰惜也功行未滿且著蜀
 府為二字王因批其背是日蜀王產第二子背字
 隱隱王摩之應于歿尹太宰旻寢疾詢其大期公
 曰有大鶴入幕飛旋已颺去公之神也至太宰逝
 果然公預知死期安簣易道
 公會與王

陽明夜登佛山見帝星輝耀陽明日此在江右公
 曰勿悞自在江漢陽明深服之蓋東方曼倩李鄴
 侯之流也公事業不可考其傳流於故老者既如
 此余嘗見潘雪松著公行略比來歷下縉紳里巷
 時時談公雖微有異同要皆異跡也一日公會孫
 捧公畫像來謁於庭余既慕公生平又喜披覩其
 像因據雪松成言損益于父老之口掇拾為傳書
 公像後付其孫俾無佚遺云

李于鱗先生傳

王世貞

元美 吳郡

八十五

李于鱗者諱攀龍其家近東海因自號滄溟云當其業成時海內學士大夫無不知有滄溟先生者而自六七友人居恒相字之故其爲于鱗獨著于鱗之先世濟南歷城人父寶以貲事 德莊王爲

郎善酒任俠不問家人生產繼娶於張夢日入懷而生于鱗于鱗生九歲而孤其母張影相弔也且緝繡不足以資脩脯而自其挾冊請益塾師爲之遜席者數矣補博士弟子與今左長史許君邦才

少保殷公士儋結髻毳交晉江王慎中來督山東學奇于鱗文擢諸首然于鱗益厭時師訓詁學問儻弁而哦若古文辭者諸弟子不曉何語相指于鱗狂生狂生于鱗夷然不屑也曰吾而不狂誰當狂者亡何舉其省試第二人三年始成進士試政吏部文選司其明年移疾歸久之疾良已同考順天試獲奇雋居多又明年授刑部廣東司主事于鱗旣以古文辭創起齊魯間意不可一世學而屬居曹無事悉取諸名家言之以爲紀述之文厄於

東京班氏姑其狡狡者耳不以規矩不能方圓擬議成變日新富有今夫尚書莊左氏檀弓考工司馬其成言班如也法則森如也吾據其華而裁其象琢字成辭屬辭成篇以求當於古之作者而已操觚之士不盡見古作者語謂于鱗師心而務求高以陰操其勝於人耳目之外而駭之其駭與尊賞者相半而至於有韻之文則心服靡間言蓋于鱗以詩歌自西京逮于唐大曆代有降而體不沿格有變而才各至故于法不必有所增損而能縱其夙授神解于法之表句得而爲篇篇得而爲句卽所稱古作者其已至之語出入于筆端而不見跡未發之語爲天地所秘者創出於胸臆而不爲異亡論建安而後諸公有不徧之調于鱗以全收之卽其徧至而相角者不啻敵也當于鱗之爲主事遷員外郎以至山西司郎中曹事寢以劇守文法無害而其業日益進大司寇有著作輒以屬于鱗藉藉公卿間然于鱗竟無所造請于贊不爲名計出曹一羸馬蹙蹙歸杜門手一編矣其同舍郎

徐中行梁有譽不佞世貞及吳舍人國倫宗考功
 臣相與切劘千古之事于鱗咸弟畜之為社會時
 有所賦咏人人意自得最後于鱗出片語則人人
 自失也于鱗雅不欲以刀筆見長然其聽讞最號
 公平柄臣子銜邊帥不通賄中以法欲置之死于
 鱗持不可後其人卒自奮功名致大將俄出守順
 德問所以守順德者于鱗曰使吾僕僕途道事嚴
 客舂鞞鞠騰睨上官之色而進之則俱有所不能
 晨興坐堂皇揖屬吏考計延見鄉老問疾苦為興

除脫若承蜩矣于鱗之守順德可一載所不載最
 則曰君子之至于斯也吾或未之見也奏詔臺使
 者手曰削牘牘多古文辭語為其名高也者而已
 之然于鱗高自濯洗勤於大要居久之政聲流
 通三
 府以前後尉薦亡慮數十隣郡嚴事于鱗若太
 府以故得請白媮志嘗蠲馬牧地墾三千金留永
 濟倉粟毋灌輸京師以餉戍卒裁將作供比真定
 十之二益永年傳於沙河邯鄲界中寬二邑力移
 郡尉置鉅鹿官亭扼盜衝又移巡司黃榆嶺為晉

趙關前後爭得臺使者毋以難也于鱗又謂京師仰東南餉不時至而燕齊汴趙遷河百里而近者毋出賦錢皆賦菽粟浮于河達于京師緩急一策也時頗躓之滿三載贈郎寶如于鱗官毋張爲太恭人尋擢陝西按察副使視其學政于鱗謂陝西古西京也先朝士大夫北地外多陽浮慕古文詞而實離之思以實反其始有機矣亡無其鄉人殷中丞來督撫以檄致于鱗使屬文于鱗不懌曰副使而屬視學政非而屬也且文可檄致耶會其地多震動念太恭人老家居遂上疏乞骸骨拂衣東歸吏部才于鱗而欲留之度已發無可奈何爲特請予告故事外臣無予告者僅于鱗與何仲默二人耳于鱗歸則構一樓田居東眺華不注西揖鮑山曰它無所溷吾目也繡衣直指郡國二千石于旄屏息巷左納履錯於戶奈于鱗高枕何去亦毋所報謝以是得簡貴聲而二三友人獨殷許過從靡間時徐中行亦罷官家居坐客恒滿二人聞之交相快也于鱗乃差次古樂府擬之又爲錄別諸

篇及它文益工不脛而走四裔然居恒邑邑思一
當世貞兄弟曰大兒孔文舉小兒楊德祖吾其季
孟間哉而世貞則挹損不敢以雁行進也大司空
朱公衡時巡撫伺于鱗間迫起之爲置酒懽甚自
是諸公推轂于鱗者相踵會

今上初大徵召耆碩于鱗復用薦起浙江按察副使
嘗視海道篆按覈軍實一切治辦俄遷布政司左
叅政奉

萬壽表入賀道拜河南按察使中州士大夫聞于鱗
來鼓舞相慶而于鱗亦能摧亢爲和圓方互見其
容稍稍進無何而太恭人捐館扶服還里不勝毀
病困久之小間尋暴心痛一日卒年五十七所著
有白雪樓集三十卷行于世子駒博學能文章有
父風

王子曰世能名于鱗莫能名于鱗所以其傍睨千
古欲凌而上之乃至不得盡廢其遺要之則獲之
語煨煨象表者不虛負也或謂其聲不暢實位不
配望壽不竟志以爲恨夫漆園玄亭杜門著書而

生寥寥者豈一于鱗也藉令台鼎足重李生彼夫
屈宋兩司馬幾先得之矣無涯之知結爲大年日
月經天光彩甞鮮嗚呼何恨哉

義娥傳

張鶴鳴

義娥名桂香義者觀風者奇其死以意謚之也蓋
郡諸生吳愛衆養女云娥生流傭比歲凶其父始
鬻子錢家亦坐不登因轉售愛衆再鬻而甫十齡
婉靜不嬉愛衆直婢畜之弗奇也先是愛衆母盧
有姪三才曠蕩子家替無依依姑餬口姑昵血屬

而愛衆乃直僕御之無中表情願指略忤輒展足
噴詈曰奴奴侵牟我餽奴胡爲亦嘗加榜掠友有
戒之者曰若蠶目者君不遇若德若不投垢簞恐
子密雨桂間愛衆剛愎弗省也一日愛衆與妻李
對案哺食三才負米入愛衆嫌之曰損好銀錢爲
擇白粳米如此爲尅真矣三才遽掣腰間匕首數
之曰併死可在今日刺之不中愛衆繞磨旋娥大
叫以挺以挺縈磨索中以左右肩翼愛衆素病
瘵不能支娥一髮女三才以積憤橫氣如出柙之

虎竟砉然中飲刀飛血妻李累息奔踰西墻垣賊
舍愛眾逐李愛眾尚強起護李撞壁僵掌血印壁
痕殷數日李扁隣媪門隣媪祈賊曰我無讐君願
君舍我賊舍之復向壁間僵愛眾數斫之死娥持
賊裾大呼邏者曰奴殺人奴殺人賊斫其頭骨併
腦血交淋淋下娥持裾如故賊惶急維機至嚮娥
呼擒賊不休賊愈狠斷其指乃去娥竟死嚮中大
驚一市人邏者糾眾兵尾之至灤源里東將入門
守城者擊以爰七首墜遂擒之愛眾有襁女男女
奴抱之亦甫八歲難促不能避履出戶下賊瞥未
之見命也而李氏妻者已別嫌爲他人新婦矣
張鶴鳴曰語曰父母之愛愛之又曰怨毒之於人
甚矣哉三才雖貧依於眾彼固以爲油然兄弟也
姑姪之情路人知之眾之凌厲奴辱不祥也矣明
者猶憤况恣血氣者乎弁髦女子瞠目一叱驚啼
辟易娥翼主持賊腦淋不舍予深取其不懾天性
勇也緹縈之智出之緩娥之勇出之急獨妻李者
忍忘壁掌血跡如新且親見娥之慷慨忽而覲顏

他室彼摩笄青陵夫非人女子哉

文

答濟南父老報殷太史文

李攀龍

正夫既授簡討者八年矣歲丁巳乃疏以郭太孺人歸濟南濟南父老相與以弟子請曰簡討家自曾大父衡爲永平郡文學徵授德莊王經誼永平後進皆從文學德邸中及王之國蓋

天子賜璽書勞焉大父峻既省試則河南許襄毅公以莊敏文簡二公從其在太學又如劉太司馬龍

大中丞夔兄弟徒衆尤盛知名者也至今諸齊言禮者無不自出殷氏矣簡討家世傳業稱山東大師今幸諸家願以相累豈無意乎吾黨小子哉正夫嘗稱學廢推讓未遑乃不得已於父老而許之爲受徒數人屬太孺人捐館舍積至數十人攝衰臨藝是歲省試得中鵠繼宗禹者三人次年傑一謨者二人顧濟南諸生則業謂禮經多不受受宅經正夫各爲持論如其家家不能難然亦咸得以舉大誼如是者五年余晚以駟事正夫問詩數篇

所愛經卽嘗聞之張先所者蓋正夫結髮與余事
同郡張先數年以家世故卽更宅受禮云明年正
夫起家以其官入說經學

裕王府中矣父老則相與請余曰二三弟子安從卒
業乎卽中廢何以報簡討也余曰父老安從知簡
討之相爲二三弟子者不愈益亡已時

國家設科射策二三弟子視以爲祿利之路則然矣
莫不以朝受學弟子員卽夕効高第取右試官耳
吾業旣與恬然爲此而又勸使勿亟其孰信焉故

使二三弟子受學身自致當當世吾猶人也効高
第取右試官予安能知之曾因以長躁進之心傷
揖遜之美有寧中廢報我而已一以躁進使自致
當世何不至也哻帥孰甚焉吾所願其大者受經
學如漢諸大師家次者卽若許氏劉氏諸兄弟以
不忝家世吾豈願此於二三弟子哉簡討且八年
亦旦夕遷耳又方今文章之臣歛然在與窳之間
簞席之上不次當御以儒宗居宰相位一何醞藉
此豈不夙夜在公之義而五年于家猶曰今朝廷

大儒骨骸白首耆艾魁壘之士論議通古今喟然
動衆憂國如饑渴者何限吾幸得請歸與二三弟
子相訓故說經誼以增益不能游息卒業庶有用
我往以是矣此自父老所見二三弟子雖亟自致
以効父老然有不可知則以簡討身爲揖遜循未
失爲是也身爲揖遜而後乃今嚴然五經之眇論
鄉唐虞之閔道以陳于王前以爲

聖天子主器者重以感動二三弟子若難而懸之而
實使自得之其相爲豈有已時用意至深父老安
從知之也在昔有漢旣以玄成爲淮陽中尉而孔
次孺尋以詹事遷霸世大儒忌爵太過懼德不堪
又何推讓君子猶之可以受而致安之無得不得
繇是矣

聖天子方日隆敬承之緒以有事燕貽天下自主器
所有宰相自儒臣所爲正夫奚敢見焉而可無用
推讓耶 朝廷用簡討意初不出此然正夫幸已
備侍從守師傅猶且推讓不敢自見二三弟子身
將愈益勸豈爲中廢無報乎父老幸歸報二三子

也

書雒陽名園記後

宋李格非 文叔 邑人

雒陽處天下之中挾穀崑之阻當秦隴之襟喉而
 趙魏之走集蓋四方必爭之地也天下當無事則
 已有事則雒陽必先受兵余故嘗曰雒陽之盛衰
 者天下治亂之候也方唐貞觀開元之間公卿貴
 戚開館列第於東都者號千有餘邸及其亂離繼
 以五季之酷其池塘竹樹兵車蹂躪廢而為丘墟
 高亭大榭烟火焚燎廢而為烟燼與唐共滅而俱
 亡無餘處矣余故嘗曰苑囿之興廢雒陽盛衰之
 候也且天下之治亂候于雒陽之盛衰而知雒陽
 之盛衰候于苑囿之興廢而得則名園記之作余
 豈徒然哉嗚呼公卿大夫方進於朝放乎以一已
 之私自為而忘天下之治忽欲退享此得乎唐之
 末路是已

誥命碑陰記

殷士儋

穆宗皇帝初登寶位以臣士儋夙侍 裕邸講讀自
 翰林院學士晉貳秩宗 賜誥命於是祖考鄉進

士府君得贈通議大夫禮部右侍郎兼翰林院學士祖妣武氏贈淑人明年戊辰士儋擢陟禮卿掌詹事府事會 冊立東宮禮成 詔京官未滿考並給應得 誥勅祖考再贈資政大夫禮部尚書兼翰林院學士祖妣贈夫人庚午士儋叨官內閣時 納款

上歸功輔臣賜隆廕有差既屢疏辭免不允因上章力辭廕子中書舍人之恩請給先世 詔命

上許給誥命恩廕仍不允辭乃加贈祖考光祿大夫

少保兼太子太保禮部尚書武英殿大學士祖妣

一品夫人辛未冬士儋引疾乞休疏四上蒙恩許

致仕馳驛以還仍命有司給歲夫月米稱優禮輔

臣至意既歸焚黃告謁祖墓爰立豐碑刻 誥詞

昭 聖恩示來裔臣士儋謹拜手稽首恭題其後

惟我殷氏在武定世有隱德我曾祖考為蠡菴公

始用禮經魁鄉薦歷官 德府審理正我祖考為

蠡菴公季子成化庚子舉鄉試禮經第二人靈寶

許襄毅公官山東按察司副使遣二子執經受業

館下蓋大司徒莊敏公誥大學士文簡公讚也在
太學四方從游者彌衆襄垣劉公鳳儀以禮經約
爲文會亦遺二子來就學則太司馬文安公龍都
御史夔也今濟南士凡治禮經問所從授受咸出
先祖門人無它師先祖顧五試禮闈不第弘治丁
巳謁選卒于京師先少保甫八齡無何祖妣亦
棄養以故祖考生平著述遺文手澤散逸無存者
士儻猶及見宗戚高年及鄉先達耆舊稱述先祖
考天性孝友內外無間言抱經濟之猷不屑小試
竟不獲一命而殂輿論惜之嗚呼詎意歿後七十
年重沐贈典至再至三天語褒嘉闡揚潛德又
皆出自特畀不俟積歷考課之嘗

聖朝眷遇儒臣恩禮隆渥可謂極至九原有知亦足
少慰哉士儻謏陋未能自效涓埃仰荅萬一愧懼
之私莫可云喻始我祖考之歿蓋貧不及請銘旣
荷殊錫例有神道碑將乞諸當世名公而士儻
蒙恩休退夙期未果茲列

綸音僭述行履梗槩與恩數次第如右庶俾後世知

慶澤有自焉

書葉母還金傳後

殷士儋

語云利令知昏言哲人猶難之也予觀葉母何其識之遠乎世所稱丈夫名能辨道義卒遇貨利不耻沒於非分此其賢不肖不可同日論矣夫葉子以才顯直禁密獲表揚其親不失名亦可謂善承其志也方葉母得遺不居有所謂弗內豈甘有意天之報施哉積仁潔行其子卒享之合以義也夫

書邊華泉詩集後

劉天民

華泉子歿三年矣予收其逸詩得若干首才三之一云憲使歷田張以寬氏將被諸梓天水胡公來撫東土見而嘆之曰此吾詞林亡友也夫夫在

敬皇時與北地李獻吉氏汝陽何仲默氏齊聲藝苑謂我明前無詩人聽者初易其言久而將信且從之者衆矣嘻亦偉哉公因顧予曰吾子亦學夫詩也者詩不有的派耶讀詩不有妙悟耶說詩不有真詮耶執此以求詩三子之詩具矣今何李之詩

滿天下邊子者獨佚焉子索居無以藉吾且圖之
乃郡守白下司馬魯瞻氏遂鋟梓以行華泉之詩
得于是並何李矣嗚呼華泉子于地下能知知已
乃有我天水公耶時嘉靖戊戌夏五月望

歷城縣志卷十三止

歷城縣志卷十四

邑人葉承宗撰

藝文志 三

詩賦

三百篇實惟詩始然恢奇靈幻寓痛哭於調笑莫如大東而平陵東乃繼其響東國文章自昔奇特初唐則有崔安成盛宋則有李文叔

昭代則有邊庭實李于鱗加以李杜晁曾之所標題趙虞王薛之所遊詠嗣後人載奚囊家富縹帙斑如也予志詩賦于古人卽不關山水亦書于今人



非關山水不書其或筆不足發靈秘韻不足邁等
夷卽關山水亦不書楊生日簡而核盡而不汙其
諸歷山之詩史與

雜咏

大東

東國困於役而傷於財
譚大夫作此以告病

有饜簋殮有抹棘七周道如砥其直如矢君子所
履小人所視瞻言顧之潛焉出涕

小東大東杼袖其空糾糾葛屨可以履霜佻佻公
子行彼周行既往既來使我心疚

有冽洸泉無浸穫薪契契寤歎哀我憚人薪是穫
薪尚可載也哀我憚人亦可息也

東人之子職勞不來西人之子粲粲衣服而人之
子熊羆是裘私人之子百僚是試

或以其酒不以其漿鞞鞞佩璲不以其長維天有
漢監亦有光跂彼織女終日七襄

雖則七襄不成報章睨彼牽牛不以服箱東有啓
明西有長庚有抹天畢載施之行

維南有箕不可以簸揚維北有斗不可以挹酒漿

維南有箕載翕其舌維北有斗西柄之揭

平陵東

王莽篡漢丞相翟方進少子義時爲濟
守舉兵不克見劫殺其門人作平陵東

歌哀
之

平陵東松栢桐不知何人劫義公劫義公在高堂
下交錢百萬兩去馬兩去馬亦誠難顧見追吏心
中測心中測血出漉歸告我家賣黃犢

叙寄員半千

唐駱賓王

薄宦三河道自負十餘年不應驚若厲祗爲直如
弦坐歷山川險吁嗟陵谷遷長吟空抱膝短詠詎

冲天魂歸滄海上望斷白鴈前釣名勞拾紫隱迹
自談玄不學多能聖徒思鴻寶仙斯志良難已此
道豈徒然嗟爲刀筆吏耻以繩墨牽岐路交情合
人倫地本偏長揖謝時事獨往訪林泉寄言二三
子生死不來旋

贈崔融二十韻

唐杜審言

十年俱薄宦萬里各他方雲天斷書札風之異炎
涼太息幽燕紫勞歌奇樹黃日疑懷叔度夜似憶
真長北使從江左東歸在洛陽相逢慰疇昔相對

叙存亡草深窮巷毀竹盡故園荒雅節君彌固衰
顏余自傷人事盈虛改交遊寵辱妨雀羅爭去翟
鶴篋競尋王思極驩虞至朋情詎可忘琴樽橫視
席巖谷臥詞場連騎追嘉賞城中及路傍三川宿
雨霽四月曉花芳後此開懸榻寧唯入後堂興酣
鳴鶴舞言洽鳳凰翔高選俄遷職嚴程已飭裝撫
躬銜道義攜手戀輝光玉振先推美金銘舊所防
勿嗟離別易行復共時康

隴頭水

唐員半千

榮期全節

路出金河道山連玉塞門旌旗雲裏度楊柳曲中
喧蹀血多壯膽裹革無精魂嚴霜斂樹色大明辭
朝曦塵銷營卒壘沙靜都尉垣霧捲白山出風吹
黃葉翻將軍獻凱入萬里絕河源

關山月

唐崔

融

安成全節

月生西城上氣逐邊風壯萬里度關山蒼茫非一
狀漢兵開郡國胡馬窺亭障夜夜聞悲笳征人起
南望

曉發齊州道中

宋歐陽脩

永叔廬陵

東州幾日倦征軒，千騎驟驪白草原。
鴈入寒雲驚曉角，鷄鳴滄海浴朝暉。
國恩未報身先老，客思無聊歲已昏。
誰得平時爲郡樂，自憐消渴馬文園。

離齊州後

宋曾

鞏

子固南豐

雲帆十幅順風行，臥聽隨船白浪聲。
好在西湖波上月，酒醒還對紙窗明。

畫船終日扒沙行，已去齊州一月程。
千里相隨是明月，水西亭上一般明。

文犀剌剌穿林筍，翠玉田田出水荷。
正是西亭銷暑日，却將離恨寄烟波。

將家須向習池遊，難放西湖十頃秋。
從此七橋風與月，夢魂嘗到木蘭舟。

荷氣夜涼生枕席，水聲秋醉入簾幃。
一帆千里空回首，寂寞船窗祇自知。

惜華橋

宋曾

鞏

鴈翅橫連杜若洲，碧欄干影在中流。
蓬萊日月遊人到，誰道仙風解引舟。

寄齊州同官

宋曾

鞏

西湖一曲舞霓裳勸客花前白玉觴誰對七橋今夜月有情千里不相忘

詠史

宋李清照

易安
邑人

西漢本繼紹新室如贅旒所以嵇中散至死薄殷

周

送山東廉訪炤磨于思容

元趙孟頫

子昂
吳興

林稍春動紫烟生匹馬東風十日程若到濟南行樂處城南泉上最關情

初到濟南

元趙孟頫

自笑平生少宦情龍鐘四十二山城青山歷歷空懷古流水泠泠盡著名官府簿書何日了田園歸計幾時成道途黃髮驚相問只恐斯人是伏生

東城

元趙孟頫

野店桃花紅粉姿陌頭楊柳綠烟絲不因送客東城去過去春光總不知

偶成

元趙孟頫

竹林深處小亭開白鶴徐行啄紫苔羽扇不搖紗帽側晚涼青鳥忽飛來

至李漑之宅得鎮紙玉蟾

元虞集

伯生

聖恩深念魯東家
林木蕭條散暮鴉
丹詔先令脩古廟
彤庭卽日遣皇華
閣中學士馳山驛
天上文星絢
綵霞偶爲傳宣到
書閣就牀奪得玉
蝦蟆

過濟南

黃福

往年載酒藕花湖
醉筆曾將翠袖塗
今日驂停楊柳陌
名泉雖有故人無

柳陌名泉雖有故人無

題得池荷送別李獻吉

邊貢

庭實 邑人

送別晚池前池花媚
碧漣根從華峰徙名
自越溪

傅細雨香生佩濃烟
錦照箋留連綠筒飲
相約在

明年

登濟南城樓

王廷相

浚川

齊山水葉下海氣已
驚秋故國三年別
王孫萬古愁青雲心
自邈白壁道難酌
鼓角風塵際懷鄉獨

上樓

立春夜同謝茂秦李于鱗宅賦

殷士儋

正甫 邑人

寒夜同樽酒驚逢客
裏春殘燈話鄉曲浮
世嘆風塵宦旅空華
髮山人自葛巾年來
成底事翻媿滯

朝紳

送楊子政還濟南

李攀龍

于鱗
邑人

我家白雲潛落日掩孤城讀書草堂上濯纓湖水
清古來失意事不獨名未成北風敝裘雪誰見棄
襦情

和峇殿卿冬日招飲田間

李攀龍

白雲湖上北風寒茅屋蕭條兩鶻冠我自能憐華
不注推窻君試雪中看

許殿卿郭子坤見枉林園

李攀龍

佳客卽良夜此會安可期結髮爲兄弟晤言今在
茲層臺挺浮雲河漢宛其垂積陰躍列宿三五正
參差前山殿影亂雨勢坐已移皎月出平陵徘徊
當照誰清光澄暑氣颯若撤長帷潦水明樹間流
颺淡華棗零露響空林聽聒鳴以悲世路良獨難
斗酒多所宜達人忌榮名千載同一時

春日周都闔招飲其宅蓋亡友梁國史第也愴

然有感

劉天民

希尹
邑人

樂事曾於客歲違賓筵嘆息主人非平章宅裏花

仍發王謝簾間燕自飛寒火尚供酤到酒春娥爭
化舞殘衣黃金莫惜沉酣盡白髮何如故友稀

得于鱗湖邊舊舍居之

王象春

季木
新城

草堂略似浣花居况是先生手澤餘不比謝墩爭
姓字但須更貯滿樓書

西門道

王象春

古道朝京踏作河寒泉無奈熱腸何東門一樣垂
官柳只是西門送客多

雨望

晴日北門登眺趣勝於他處至雨朝則不
及西南二樓可以北望烟渚南眺隱岫乍

有乍無氤氳萬狀夏日冒雨
一臨始悔坐簷底聽霖鈴也

王象春

齊城宜向雨中看萬室炊烟晚意寒須是米顛親
潑墨他人皴法便枯乾

晴望

馬耳鹿角青童玉符白雲諸峯嵌空補缺
遠在天末惟晴後轟轟盡出點青抹翠不
移時便隱沒矣非
閒人不能挹此妙

王象春

初聞水面燕呢喃雪盡西風龍入潭睡氣推窻延
爽氣天邊添出幾峯巒

紀勝

禱雨龍洞山

元趙孟頫

蒼山如犬牙細路入深谷絕壁千餘仞上有凌雲
木陰崖不受日洞穴自成屋蕭森人跡少蒼蔚獸
攸伏雲林忽隱映澗道相迴復翔禽薄穹霄鳴鳥
響巖曲臨橋濯清颺汲井漱寒玉神物此淵潛愆
陽有祈祝風漓慙善教吏俗耻厚祿暫懷塵外想
獨往疑有牯過幽難久居濟勝乏高躅策馬尋故
蹊歸樵相追逐

遊龍洞

邊貢

鳥路縈迴洞壑深出塵風景愜招尋山圍下界青
天迴日照中巖翠栢森浮世何須論去住病身元
不厭登臨釣磯無恙綸竿整悵望仙潭玉鯉沉
洞門黃葉鎖秋深野客來遊悵古今恍惚漫傳龍
迹在虛明真似佛光臨蒼天日月流元化白晝雲
雷起太陰昏黑下山蘿逕遠殿鐘龕磬裊餘音

遊龍洞山

邊貢

愛山無奈野情何路入西巖輿轉多千一碧潭通
窈窕四圍青壁抱嵯峨時清不射將軍虎地迴難
求道士鵝却對嶺牛歌白石醉翻朱袖拂雲和

遊龍洞寺

范 瑟

孔和
邑人

荒寺丹青古寒泉野店深龍游天表去洞向石巖
陰座外明珠木林間聽梵音何時起支遁相對法
華琴

宿龍洞與魏使君同賦

李攀龍

迴壑深林繞梵宮春來吟眺使君同空潭忽散三
峰雨暗穴嘗吹半夜風人擬二龍精自合詩看五
馬步逾工諸天坐失懸鐙色明月先投入掌中
使君春興滿綈袍綵筆青山對濁醪望去天迴雙

闕迴坐來雲盡一峰高蛟龍出入嘗風雨鴻鵠拚
飛自羽毛愧我淹留逢楚客攀援桂樹咏離騷
削成東壁五雲屏下有龍宮夜不扃斗柄故臨雙
鏡轉月明嘗對一珠亭春回竹葉盃光白天逼蓮
花劍氣青坐久空山仙籟寂新詩獨爲故人聽
香色中峯獨不羣藤蘿二月已紛紛諸天近海金
銀氣雙峽長春錦繡文塔影半空懸落照溪流一
曲灑浮雲從令洞口龍吟發郢調還須讓使君
酬張轉運龍洞山之作

李攀龍

春山遙上翠微連忽出藤蘿一徑懸削壁雲霞開
五色中峯日月隱諸天浮漚竝結金龕麗飛竇雙
銜石甕圓莫怪驪珠君已得寒湫元自有龍瞻

遊龍洞寺

李攀龍

壁削芙蓉萬仞丹禪林隱隱畫圖看人間勝地僧
多占洞裏諸天客到難雲傍龍來晴作雨風從澗
底暑生寒年來勝有烟霞癖石畔長松好掛冠

錦屏春曉

張弓

希仲邑人

萬仞芙蓉翠作攢矐矐春倚玉欄杆丹崖面面生
如削碧陣團團畫亦難石甕嵐光千古秀龍湫曙
色四圍寒間花野草尋嘗願貰酒鳴琴幾度看

邀嚴侍御遊錦屏山洞

中丞黃克纘

溫陵

錦屏春色近如何滿澗寒雲蔭淺莎晴日蔽虧山
宛轉亂藤高下石嵯峨聲傳谷底人相應路入巖
中客暗過不是政閒邀一醉齊川歲月竟蹉跎

龍洞

王在晉

康侯黎陽

鍊壁嵯峨劔戟森穹岩倒插擁雲岑天邊黃鷺時
迎氣洞口龍涎欲作霖珠瀑紛翻晴亦雨石梁飛

駕午嘗陰憑虛共發孫登嘯流水高山一敞襟

龍洞

何之望

古越

鑿開混沌是何年徑轉谿迴別有天千丈碧屏雲
漠漠三泓清鑑水濺濺岩深法相衣如繡絕壁仙
葩山欲燃龍臥此中人不識却將霖雨叩重玄

同張元平遊龍洞

劉

勅

君授邑人

金刹香飄翡翠烟桃花千樹隱諸天層巒倒曳山
雲直削壁中懸石甕圓寺廢猶能留衲住洞深嘗
意有龍睛一樽喜對張平子徒倚松門細論禪

酌突泉

宋曾鞏

一派遙從玉水分晴川都灑歷山塵滋榮冬茹溫
嘗早潤澤春茶味更真已覺路傍行似鑑最憐沙
際湧如輪層城齊魯封疆會况託娥英詫世人

酌突泉

元趙孟頫

灤水發源天下無平地湧出白玉壺谷虛久恐元
氣泄歲旱不愁東海枯雲霧潤蒸華不注波濤聲
震大明湖時來泉上濯塵土冰雪滿懷清興孤

酌突泉

元張養浩

希孟邑人

繞欄驚視重徘徊流水緣何自作堆三尺不消平
地雪四時嘗吼半天雷深通滄海愁波盡怒撼秋
濤恐岸摧每過塵懷為瀟灑斜陽欲沒未能回

酌突泉

元張養浩

物平莫若水堙阻乃有聲云胡在坦夷起立若紛
爭無乃滄海穴泄瀾元氣精不然定鬼物搏激風
濤驚

酌突泉和趙松雪韻

王守仁 陽明餘姚

灤源特起根虛無下有鰲窟連蓬壺絕喜坤靈能
爾幻却愁地脉還時枯驚湍怒湧噴石竇流沫下
瀉翻雲湖月色照衣歸獨晚溪邊瘦影伴人孤

咏酌突泉

中丞胡纘宗

王屋流來山下泉清波聊酌思冷然雲含雪浪頻
翻地河湧三星倒映天滾滾波濤生海底芄芄蓋
萼散城邊秋光一片凌霄漢最好乘槎泛斗前

飲酌突泉

王廷相

濟水東來伏泉開湧玉林愧疑焦釜沸翻訝石堂
沉作澤隨雲遠成波助海深春回潛躍遂鬱有美

魚心

飲酌突泉

王越

一泓清氣湧波瀾幾度曾於醉裏看
玉杵亂春珠
顆碎冰壺倒浸雪花寒龍吹海沫潮聲急鬼剗山
根石眼寬誰為蒼生作霖雨天瓢攜得上雲端

飲酌突泉

葉冕

嶺南

一脉原從天上來翻濤如怒震如雷
千年玉樹波
心立萬疊冰花浪裏開神液暗分天地髓靈光嘗
護水晶臺飛龍有日還收去散作甘霖徧九垓

丁丑春日再過泉亭酒家

許邦才

殿鄉
邑人

酌突泉頭賣酒家板橋迤邐跨河斜
東風解出丹
青意畫出垂楊間杏花

吼雷噴雪更流霞味比中冷特地嘉
醉後詩脾渾
作渴旋烹雀舌摘藤花

酌突騰空

張弓

奪目驚人萬馬蹄一泓流出綠楊堤
靜深遠透崑
崙窟窟芳潤羞同河水泥噴薄源源誰是本波濤蕩
蕩竟何棲人間那得嘗如此應有蛟龍地下啼

灤源飲邊一丈

光廬

觀吾邑人

十五

尋幽到灤源相對倒金樽嵐氣連城白泉聲入夜
喧綈袍知己在華髮故交存醉矣霜天曉依投月
下門

咏泉

馬三才

仁和

碧水通靈穴芳亭俯淺涯源驚騰地出勢欲上欄
斜散影飄暗雪迴光落鏡花仙爐終日沸何處覓
丹砂

題酌突泉

邑令張鶴鳴

元平汝陰

灤底遙捧海月湧江湖驚看乳竇投珠珮響應水
壺冷玉簫我欲掛冠從卜築抱琴直傍水西橋

酌突泉

王在晉

大地山河氣鬱蒸瓊漿珠瀑亂飛凌暗噓靈谷嘗
分雨冷冽西風不見冰石鉢龍涎聲似沸海天鼉
鼓急如鑿源頭何處通幽漠夜月寒潭水自澄

城市飛塵混莽蒼生來池館挹清涼噴珠滴瀝穿
瑤島霏玉依稀度石梁太液波澄分振鷺昆明露

冷墜蓮房淨將濁眼嘗看世一曲滄浪引興長
銀海龍潛氣欲驕翻飛玉浪帶水綃雷門日擊馮
夷鼓帝女時鳴洞岳簫地闢靈泉疑帶雨風迴石
溜忽驚潮酌將清茗甘于露俗眼塵襟亦可消
古樹干霄散早暉灤源門外有漁磯鳳城曉色千
巖翠龍窟靈泉百道飛清沁玉壺分沆瀣涼生其
露浥霏微混元晝夜長流逝莫向仙源問息機

酌突泉觀麥畦

中丞呂純如占吳

一隙靈源鬼斧開飛濤噴沫亦奇哉全將鮫室珠
璣出並挾龍宮風雨來四面青山連埤坵千年白
雪倚樓臺郊遊處處成欣賞况有甘霖發麥垓

酌突泉

沈道全

疑之
四明

靈源拓跡是何年突湧疑穿松底天濺石迷空晴
亦雨飛濤噴雪夏猶寒明珠亂落天花墜玉乳長
浮地肺聯我欲乘流窺海藏恐驚龍女駕瑤軒

酌突泉

潘一桂

京口

靈源幻不測潛液流無停山根厄泉腦隨地爭沸
騰石竇來怒雪沙隙淆繁星隱雷曉壑霽急雨空

堂清壯音薄霄影跳沫洽風櫺鮫人舞晴淚龍女
搏春冰曲沼括神瀑球欄戟幽亭玲瓏納霞月浩
渺涵空青元氣生不窮靜見天地英靈奇醒遊目
未敢投塵纓

遊華不注登後追咏

唐李太白

昔我遊齊都登華不注峯茲山何峻拔綠秀如芙
蓉瀟灑古仙人了知是赤松借余一白鹿自挾雙
青龍含笑凌倒影欣然願相從

登華不注山

唐杜甫

岱宗夫何如齊魯青未了造化鍾神秀陰陽割昏
曉盪胸生層雲決眦入歸鳥會當凌絕巔一覽衆
山小

登華感賦

宋曾鞏

虎牙千仞立巉巖峻拔遙臨濟水南翠嶺漱峯晴
可掇金輿陳跡久誰探高標特起青雲近壯士三
周戰氣酣丑父遺忠無處問空餘一掬野泉甘

遊華不注

元張養浩

蒼烟萬頃插孤岑未許華山冠古今翠刃刺雲天

倚劍白頭歸第日揮金攀援直欲窮危頂歌舞休
教阻壯心星月滿湖歸路晚不妨吟棹碎清陰

與轉運諸公登華不注山絕頂

李攀龍

中天紫氣抱香爐複道金輿落帝都二水遙分青
嶂合一峯深注白雲孤岱宗風雨通來往海色樓
臺入有無不是登高能賦客誰堪灑酒向平蕪

華不注晴望

李攀龍

颺紫芙蓉第一枝層雲吞吐弄奇姿斜陽倒影照
湖裏還似當年三匝時

西岳蓮峯誰擘開浮嵐滴翠遠飛來還如畫出明
湖上螺髻朝朝對鏡臺

濟南道中望華不注

王世貞

元美
吳郡

華不注何崎嶇青天削立峯岑寄語三周鐵騎何
如一杖登臨

冠蓋人人白雪生涯處處青山莫怪攀龍任酒王
生猶在人間

欲雪千山自暝將風萬樹生寒償債半生車馬悞
人一世衣冠

脩脩檜栝風緊藹藹桑榆日斜莫怪牛羊未下中
峯自有人家

同近山年丈登山

范瑟孔和邑人

福地標雲迥不羣春山邀客醉晴雲烟開華頂芙蓉
出風送霞觴蘭蕙薰湖水似隨孤嶼轉洞簫如
向九天聞蓬萊清勝稱難到何得相携挹翠芬

同范栢峰登山

陳軻近山邑人

萬丈孤峯翠欲流懸崖側磴使人愁間雲去住樓
臺礙近日融和草木稠俯視河湟清曲曲仰瞻秦
岱遠悠悠興來不覺諸天迥未是斜陽到上頭

華不注

憲長雷達省吾曹城

怪石崢嶸薄碧空巨靈何此卓龍從三齊城郭湖
光裏一代風塵眼界中移坐頻斟消野興振衣欲
上倚穹窿徘徊忽憶垂堂戒惆悵雲梯月色東

同嚴侍御登山

中丞黃克纘

一徑迢迢上翠微洞門深處憇斜暉孤高欲競南
山聳窈窕如含細雨飛載酒峯頭酣野色行春郭
外霽霜威珠宮不瞰明湖水醉泛蘭舟待月歸

同遊次中丞黃公韻

侍御嚴一鵬

姑蘇

寂寂山陰花事微
攜樽選勝倚斜暉
危峰翠嶺形如墜
怪石參差勢欲飛
已慶桑麻霑雨露
還教狐鼠避霜威
登臨不盡探奇興
日暮蘭橈醉月歸

登山

劉執中

邑人

當日三周事若何
那如一醉白雲阿
須知世上浮名客
不似山中得趣多

詠山

邑令陳

陞

晉鄉 亭都

嶙峋高峙小清前
直達山根泊畫船
半日遙浮紅日動
一峯半與白雲連
捫蘿倏可凌霄外
載酒還看到斗邊
南望羣峯無數處
何如孤嶂插青天

華不注

劉勅

亂石堆雲立孤峯
入碧天杯浮銀漢水
袖挽海門烟帆影
清流外湖光落照邊
好乘白鹿去蓬島
覓羣仙

華不注

王象春

單椒桀立虎牙懸
鎖盡狂奔七十泉
怪得仙人赤松子
獨將鹿借李青蓮

同諸友登華不注

王大儒

汝爲邑人

看山如讀書熟則刪所戀層折取其新卽此窺候
變不注近桃蹊登臨良我便茲則獨淹留衆前我
則殿獨酌眺歸鴻諸峯開面面風日發寒香秋老
霜林綺

登華不注山歌

王廷相

岌嶪登齊城瞰華不注峯蒼壁峭孤雲怪石蟠虬
龍驚風噴盪萬里來靈氣直與秋爭雄岱麓羣峯
秀嫵娜蓮葢芙蓉萬千朶白日雲霞相蔽虧梁父

徂徠明一火崒崒華不注別出三山支仙人移家
過西海墜落拳石成崔巍平地突兀青刺天不一
倚附資維持我昔東遊走其下泉上磐石一停馬
翠磴查牙不得上胸次巉天詎能瀉濟水奔流東
入海綠波遶山年年在紫鳳不來烏鳶翔石上琅
玕日沉彩嗚呼風塵頽洞兮逢時之危龍蛇遁藏
兮豺狼恣睢孤臣獨立兮不愧茲石浩蕩沈寥兮
極于兩儀

望嶠山

宋曾鞏

一峯孤起勢崔巍秀色拖藍入酒杯靈葉已隨霜
露得平湖嘗泛雪雲迴翰林明月舟中過司馬虛
亭竹外開我亦退公思蠟屐會看歸路送人來

峭山院

宋陳師道

後山
彭城

小試登山脚今年不用扶微微交濟樂歷歷數青
徐樸俗猶虞力安流尚禹謨終年聊一快吾病失
醫盧

峭山亭

宋曾鞏

大亭孤起壓城巔屋角峨峨插紫烟灤水飛綃來
野岸峭山浮黛入晴天少陵騷雅今誰在東海風
流事漫傳太守自吟還自笑歸時乘月尚留連

登山

張珣

長安

峭山清絕倦躋攀烟雨溟濛白晝間燕子來時花
片片鷓鴣啼處竹斑斑碧蘿洞口穿丹井玉筍峯
尖聳翠鬢我欲追隨謝公屐儵然乘興訪東山

咏山

王象春

萬岫千巖濟水蟠如屏孤逗出河千秋高鳥鵲翔
何事霄漢空疑牛女寒

咏山

劉勅

一片孤峯俯大清，凭高遙聽水流聲。
翠屏倒逐水濤白，丹竈長懸夜月明。
帆挂斜陽波影動，舟橫野渡棹歌鳴。
山中靈藥應還在，卜築巖頭度此生。

鵲華烟雨

張弓

城外雙峯亦自奇，最奇人說窈冥時。
初驚暗淡形將隱，倏似飄蕭勢欲移。
西子粧成羞獨照，巫娥行處恐人知。
卽當命酒湖橋上，指點東西說九疑。

大明湖

宋曾鞏

湖面平隨水面長，碧天垂影入清光。
一川雨露荷花曉，六月蓬瀛几簟涼。
滄海桴浮成曠蕩，明湖槎上更微茫。
何須辛苦求人外，自有仙鄉在水鄉。

湖上早春

元趙孟頫

谿上春無賴，清晨坐水亭。
草芽隨意綠，柳眼向人青。
初日收濃霧，微波亂小星。
誰歌采蘋曲，愁絕不堪聽。

湖上暮歸

元趙孟頫

春陰柳絮不能飛，雨足蒲芽綠更肥。
政恐前呵驚

白鷺獨騎欵段繞湖歸

遊湖有感

元趙孟頫

肇余復鄉土樹石皆華滋
汚彼湖波綠頓覺香可
卮攜朋訪蓮葉浩浩從何之
俯視亂山影與樹相
參差商飈一披拂夾岸蛟龍嬉
舉手欲攬玩復恐
陽侯悲平生暮遊不意今有茲
赤壁坡仙笛漢
陂少陵詩二子孰可繼沙鷗弄晴曦

大明湖

元張養浩

浮空帆影泝流光箕踞船頭倒羽觴
喚出湘靈歌

一曲水雲搖蕩暮山蒼

水開東北泛舟晚造希尹別業

邊貢

隱隱輕雷動水西水東殘日抱晴霓
女橋倒颭紅旗影農屋斜連綠稻畦
張相池臺烟漠漠閔公祠墓草萋萋
迴舟不盡登臨興却棹涼風過別溪

泛湖北抵華不注夜從陸歸

邊貢

浮舟出近郭落日半溪陰
水濶蒹葭淨山寒烟霧深
壺觴不盡興絲竹有餘音
獨恨黃花少猶煩隔浦尋

湖水雜詠

邊貢

雲水池臨三憲節江湖天放一漁舟
虛煩徒倚看黃帽可耐乘槎泛碧流

漾漾蓮舟繫古槎沉沉波影照烏紗
多情最喜雲中客乘興來看水際花

水岸風迴晚更涼菰蒲零亂拂衣裳
扁舟莫到花深處恐礙波心日月光

萬竹陰陰暑氣微主人迎客敞山扉
翻然使節傳呼近驚起舟前白鳥飛

新正九日徑行湖上命酒小酌 劉天民

春初聞理棹來泛雪餘湖亂指青螺
出長看白練鋪魚遊依密藻雉雉下
平蕪坐聽分漁石雲烟抱酒壺

湖上候陳盧趙三按察 劉天民

采舟久繫湖邊柳綺席遙張草際亭
避暑欲謀河朔醉感時豈效屈原醒
爲憐菡萏媚蒼水不分鳧鷖點絲萍
栢府更攜香醞至漁歌獨向月中聽

秋日湖上燕集卽事 許邦才

詞客清秋興勃然城湖霽景晚澄鮮歸雲讓出搖
波月密柳邀來結暝烟撲盞荷風香澹澹薄空雲
吹夜綿綿更遭歌舞催人醉猶恨羈遲送酒船

春初邀殷少保劉國風湖泛
許邦才

春風佳興動亭臺况是濃芳水木侵帶雪山從城
外見負水魚逐網中來湖平自信方舟入家近何
妨倒載廻公等不緣逢聖至尊前得其濟川才

明湖泛舟
張弓

乘輿挈舟結伴來藕花香處鑑光開青娥佐酒停
歌觴白鳥嘶魚上釣臺波影仙才欣得句夜涼鯨
吸數傳杯浮生過眼俱塵夢得似閒情亦快哉

泛湖
谷繼宗
少岱
邑人

北門行指出東月坐觀生筆硯風騷意簫鏡水調
聲酒帘翻樹暗漁灶倚灘明醉語舟師致無妨臥
入城

遊湖望華不注
潘子震
邑人

西霽湖光湛碧天正堪沽酒上漁船波間倚棹看
山影樹底行厨接水烟遙想少陵遊歷下猶聞太

友馨堂

白賦華巔秋來偏愛林塘好况對清風明月前

遊湖十絕

邑令張鶴鳴元平汝陰

荷葉包魚綠竹港磁餅酌酒藕花洲棹歌不斷菱

風急吹入白蘋灣盡頭

點點青螺華不注團團飛鏡大明湖相傳玉女梳

粧處濟上于今有畫圖

北極仙祠白玉關燒香女伴鬪雲鬟憑高笑撚荷

花蒂指點湖東看峭山

鴛鴦沙暖蒲芽長翡翠巢空蘭葉齊階華橋畔東

風急綠柳千條盡向西

佛山影落鏡湖秋湖上看山翠欲流花外小舟吹

笛過月明香動水雲舟

白雲寂寞下空陂綠藻芳舟繫槿籬海內名亭都

不見令人却憶少陵詩

獨抱瑤琴近水樓登樓一奏廣寒遊花裏絃歌聲

細細月明堪上采蓮舟

酒傾荷葉臨風吸網得鱖魚帶藻烹偶從玉女祠

東過繫看蘭橈吹玉笙

我是湖山吏隱身年來最與白鷗親
會波泉上夕陽裏紫翠玲瓏透鴨茵

港口分舟夾岸迷青青菱草拂衣低
水波雲起湖光白十里清香綠稻畦

大明湖

劉勅

一川清禁水滙作百花洲倒影搖青嶂
澄波映畫樓舟橫竹港外人坐釣磯
頭高客嘗來此開樽對白鷗

明湖泛舟

王儼

城裏看山山愈幽依微城畔雨初收
樓臺影浸花千畝烟水晴歸鷺一洲
人在木蘭俱是客月來香國更宜秋
輕橈去去寒烟外醉拍紅橋又放舟

大明湖

王象春

萬派千波競一門崗巒廻合紫雲屯
蓮花水底危城出略似鏤金翡翠盆

同劉五雲泛舟

沙門照肩

雪公雲間

一逕清涼蔭綠多水邊茅屋狎鷗過
一生事業堪彭澤五字禪餘媿鳥窠
柳下維舟曾泛雪風前傳

筆慙拈荷肯教勝事虛林壑爲向磯頭訪釣簑

暮春泛大明湖

王大儒

春暮明湖烟樹賒扁舟如葉盪輕沙斜陽浸水分
流影遠岫拂晴帶晚霞興欲豪時聞楚調路逢岐
處問漁家幾星燈火催暝色明月橫橋映岸花

嵒山湖

唐李白

初謂嵒山近寧知湖水遙此行殊訪戴自可緩歸
僥

水入北湖去舟從南浦迴遙看嵒山轉却似送人
來

湖闊數十里湖光搖碧山湖西正有月獨送李膺
還

嵒山湖

唐杜甫

野亭逼湖水歇馬高林間鼉吼風披浪魚跳日晚
山蹙遊徂詞伯却望嶺青關謫謫生雲壑惟應促
駕還

嵒山湖送維正李憲副

邊貢

齊門東沙運平雲漠漠湖冥冥使君來麥秋晚柳

卷十四 詩賦 友聲堂

陰陰畫舫遠瘦蒲疎荇逗遛香南浦烟卷接西堰
堰北山靈鳥相聚對面潺湲華不注山前綠稼隱
茅茨舊是齊儂釣遊處橫撓越水滸飛踏青芙蓉
華陽洞口跨白鹿醉吹玉笛呼眠龍長鍾野老逐
李邕錦袍仙人隨赤松石壁土花秋靡靡古巖悠
悠鎮如此要留灑翰洗蛙蟬滿林夜黑啼山鬼

嵒山湖

王廷相

漫漫嵒湖水中夏如巨壑一舸沉中潭蕩漾香艸
泊鼓角奮以揚蛟螭靜不惡簌弄紅錦湍搖裔翠
華薄陰霞倏明滅游禽靄紛錯發棹梵音浦把酒
北城閣悵茲人代速湖山宛如昨不聞北海還空
覽少陵作高標耀白日浮踪等飛藿湖水清且漣
玉纓不復濯吾生諒有涯昔賢徒龍夔俛首忽悲
嘯且盡手中爵

嵒湖

王象春

江都爲主少陵賓一代風流問水濱魚鳥陸沉魂
怨恫幾時重啓外湖堙

嵒山湖

李應聘

邑人

太液渾如鏡裏看漁人垂釣
峭湖干曉涵萬頃玻
黎淨夜浸中天星斗寒
細雨濛濛添鴨綠微風拂
拂動鷗瀾燒丹此日今何在
山色蒼蒼夕照殘

遊大佛山

應大猷 杏庵

山中廊榭倚山斜
風日逢秋靜且嘉
樹色坐憐楓
下葉野香行愛菊
垂花崖穿石溜含清露
磴絕巖扉隱赤霞
客久與僧蹤跡合
來遊此地便忘家

集開元寺

李攀龍

流陰拂層岑
返照翳深谷
古寺入蕭條
迴巖抱幽獨
梵影靜香臺
鐘磬敲石屋
絕壁棲禪頌
懸崖下樵牧
秋花雨還瘦
老樹霜逾禿
寒泉可瑩心
白雲况極目
登臨客自佳
搖落時何速
蔬色蕩腥羶
苔光清簡牘
新詩發神秀
舊遊耿初服
歸來杖屨便老去
烟霞伏高城
出埤堦
燈火通林麓
言旋轉多興後期此同宿

大佛寺

李攀龍

西湖斜日淨風烟
北嶺岩巖出半天
磴道乍從空
外轉樓臺已入鏡
中懸塔分西域
銅餅勢石紀秦

官錦纜年白社但須彭澤酒青山不用華家錢波
搖玉樹堪雙映月上珠林好獨眠我輩自狂君莫
訝平生未敢謬周旋

大佛寺

藩叅張孟

携尊扣竹寺放浪醉中仙覓句行松嶺濯纓傍石
泉潭深蒼霧合碑古碧苔鮮坐聽三車演鐘聲入
夜眠

佛山賞菊

張弓

木落天空凋萬卉幽巖老菊始芬芳壺觴遠就秋
光冷嶠嶼深藏晚節香高會祇今傳盛事浮生何
日不窮忙西風破帽難收拾遮莫黃花笑客狂

大佛山

王象春

登高須上大佛頭紅樹黃花急暮秋佛慧寺傍看
石壁試茶幾代有題留

大佛山

劉勅

去廓十餘里山迴石徑幽白雲嘗覆寺黃菊最宜
秋塔影樽前轉湖光望裏收甘泉幾滴水能解世
人愁

白雲亭

德藩莊主

印月池頭月正明主人曾此濯冠纓肯誇風景殊
人世却愛源流合聖清素魄西沉還有影微波東
逝去無聲詩成孺子歌堪擬未許滄浪獨得名

白雲亭泛舟

王翊 灤江

禁城春曉泛晴湖萬象光涵一鑑鋪合浦月寒珠
錯落靈臺風起玉模糊白魚黃鳥隨歌扇碧石青
莎入畫圖七十二泉遊覽遍獨疑今日在蓬壺

白雲亭次灤江韻

邊貢

曲池泉上遠通湖百丈珠簾水面鋪雲影入波天
上下蘚痕經兩岸糝糊間來夢想心如見醉把丹
青手自圖二十六年回首地碧蘭朱樹隔芳壺

觀珍珠泉遊湖

中丞陳鳳梧 廬陵

仙舟縹緲度銀河倒瀉芙蓉萬頃波亭在水心浮
日近柳絲堤畔受風多中流鼓吹魚龍躍四面峯
巒紫翠羅疑向蓬萊遊弱水陽春白雪聽高歌

白雲亭

陳鳳梧

墻外宮花照眼明珠泉透送棹歌聲山亭雲渡凝

昨碧水殿風來透骨清杏薦春盤香沁齒蒲分雪
酒醉含情飄然興在滄浪外便覺軒裳一念輕

和殿卿白雲亭醉歌

李攀龍

狂殺王門客空亭自嘯歌那知珠履散自愛白雲
多短髮明秋水長裾曳芰荷獨憐枚叟在不復厭
娑娑

珍珠泉宴賞

王世貞

嘉泉靈沼向齊稱百道清涼地裏騰炯炯驪珠迴
夜色盈盈鮫淚奪秋澄初疑碧漢翻金屑忽訝
河瀉玉繩最是霑恩歌湛露賜來尊酒又如澠

白雲雪霽

張弓

望雲帝子構雄圖雪後登臨幾自呼霽色浮金連
岱嶽寒光射目失明湖浪傳海上開蓬島不道人
間控玉壺安得梁園同授簡倚闌白戰看模糊

登會波樓

元張養浩

何處登臨思不窮城樓高倚半天風鳥飛雲錦千
層外人在丹青萬幅中景物相誇春亘野古今皆
夢水連空濃粧淡抹坡仙句獨許西湖恐未公

會波晚照

張弓

閒雲漠漠淡晴空柳堰漁舫晚色同
幾處名泉歸宿大一湖清影夕陽通
殘霞映水明天外孤鶩衝人點鏡中
何日持竿隨落照烟波影裏釣長虹

歷下亭

唐李邕

吾宗固神秀體物寫謀方泰山雄地理
巨浸渺雲莊高興泊煩促永懷清典嘗
含弘知四大出入見三光負郭喜粳稻
安得歌吉祥

歷下亭陪李北海

唐杜甫

東藩駐皂蓋北渚凌清河海右此亭古
濟南名士多白雲已發興玉佩仍當歌
脩竹不受暑交流空湧波蘊真愜所適
落日將如何貴賤俱物役從公難重過

新亭結構罷隱見清湖陰跡藉臺觀舊
氣冥海岳深圓荷想自昔遺堞感至今
芳宴此時具應思千里心主稱壽尊容
筵秩宴北林不阻蓬華興得兼梁父吟

登歷下亭

元張養浩

童年會記此遊遨邂逅重來感二毛翠繞軒窻山
陸續碧縈城郭水周遭風流誰道江南好人物都
傳海右高怪得登臨詩興淺鵲華曾見謫仙豪

歷下秋風

張弓

誰結空亭當歷下大明湖上獨生幽西風潑地菰
蒲老鴻鴈連天絡緯秋四壁蕭條聞落葉滿城波
浪見虛舟疎櫺浙瀝遊人少恐憶蓴鱸動客愁

北渚亭

宋曾鞏

四楹虛徹地無隣斷送孤高與使君午夜坐臨滄

海日半天吟看泰山雲青徐氣接川原秀嘗碣風
連草木薰莫笑一樽留戀久下階塵土便紛紛
振衣已出塵埃外卷箔更當風雨間泉聲漸落石
溝澗雲氣迴歷金輿山寒河漠漠鳥飛去野路悠
悠人自還耕桑千里正無事况有尊酒聊開顏

北渚亭

李攀龍

窻中采蓮舟落日菱歌起坐見浣紗人紅顏照秋
水

五日與殿卿遊北渚

李攀龍

青樽盡舫峭湖濱風俗遙傳楚逐臣潦倒只今君
自見那能嘗作獨醒人

五月五日榴花杯故國故人北渚來君今不飲紅
顏去那有長絲繫得回

北渚亭

光廬

去矣風塵惡湖亭敞素秋拂衣金馬巷卷幔水蘭
舟蟬峴同蒼岫滄浪下白鷗自憐心皎潔可以比
寒流

水香亭

宋曾鞏

臨池飛構鬱岩巒櫺檻無風影自搖羣玉過林抽
竹翠雙虹垂岸下平橋煩依美藻魚爭餌清見寒
沙水滿橈莫問荷花開幾曲但知行處異香飄

環碧亭

宋曾鞏

水心還有拂雲堆日月應須把酒杯楊柳巧合烟
景合芙蓉爭帶露華開城頭山色相圍出眼底波
聲四面來誰信瀛洲未歸去兩川俱得小蓬萊

水面亭

中丞黃克纘

溫陵

湖上東風退舊寒故交攜手有新歡笙歌半爲深

談廢燈燭偏宜遠
听看敢向中流論
擊楫還從大雅識
登壇因思北海當年
宴歷下高亭此會難

水面亭

陳應元

白下

論心話舊一尊前
風送荷香媚遠天
酒遇劉伶醒亦醉
月逢庾亮過還圓
雄談欲醉珊瑚樹
小酌堪凌玳瑁筵
聞說聖朝新右武
好投文筆去籌邊

水面亭

劉勅

水面何年結此亭
憑欄一望遠山青
荷香十里湖光濶
日日開筵遲客星

九日登千佛山寺

邊貢

南山空翠嶽野老
倦登臨城郭千年
迹雲霄萬里心
夕陰涵積水風
葉下長林短髮
新來白黃花不
可簪

遊千佛山寺

邊貢

亭午登山寺淹留
夕未歸涼風起
高樹落葉滿僧
衣城郭寒烟聚
樓臺暮景微
京華十載客
愁絕賞心遠

遊千佛寺

邊貢

夕陽衰草路登登雨過秋山爽氣層松殿可因叅
佛理蘚牆聊爲覓詩凭且拚酩酊陪仙侶莫把輪
迴叩老僧北望古城蒼翠裏萬家樓館炊烟凝

杪秋同右史南山眺望

李攀龍

南山有幽意駕言此徘徊湖波蕩寒城四座清光
開金天澄素影秋氣何悲哉繁陰逝白日浮雲閒
往來落葉颯中林流颺激巖隈朝昏上烟火原隰
被樓臺故鄉無滯滯世路多塵埃念我平生歡離
思壯難裁

青樽何處不蹉跎白髮相看一醉歌坐久鏡中懸
片華望來城上出雙河松杉滿壁浮雲滿砧杵千
家落照多縱使平臺秋更好故山猶恐未能過
回首飛鴻碣石標清霜處處錦林凋層巒倒映平
湖淨積翠斜連粉堞遙四海交遊空老大一時賓
客更蕭條病來苦愛觀濤賦不分梁園此見招

同張侍御登歷山對華亭

蔡經

閩中

歷下名山秋復登丹崖青嶂鬱層層徑緣采菊行
將徧檻爲看雲悵獨凭遠岫斜陽迷去鳥疎林涼

月送歸僧凌高小結依龍洞坐對華峯翠欲凝
秋日南山氣轉嘉縈迴石磴帶晴沙琳宮上接三
千界雲樹遙連幾萬家千頃蒼茫凌菡萏諸峯羅
列鎖烟霞同遊並是觀風客極目應憐草樹斜

登千佛山寺

潘子震

野寺秋光載酒看詩懷猶爲惜秋殘山空雨濯雲
逾白樹老霜侵葉更丹斜日半窻松影亂懸崖數
滴水聲寒閑來直作藤蘿客誰信刀圭生羽翰

登千佛山

蔡汝楠 白石

出郭偕雙彥登巖扣梵筵松雲龍洞口花雨佛樓
前濟水南流合華峯北斗連照臨齊地小共覽一
燈燃

千佛山

陸 鉞 華亭

岱陰烟霧鎖龍宮香閣岩堯翠巘重狂客偶携青
玉杖高僧長住白雲峯瑤燈萬象懸虛照松磬千
巖起暮春蓮社風流吾所羨宦途禪榻未從容

登千佛山寺

鄭 芝 虛亭

千佛何年鑿躋攀此日緣乾坤浮華峭雲樹入幽

燕龍去洞無主鶴來寺有仙山靈知客至細雨故
濛然

毛直指邀登一覽亭步韻

中丞李戴

對泉廩延

聯轡登高興不孤上方風景居然殊暮烟深鎖千
家市月色平分一鏡湖岱岳東連識聖脈燕山北
拱壯鴻圖天邊雨露隨驄馬到處霑濡萬卉蘇

登千佛山

中丞王在晉

春郊積翠錦雲連嫩綠新黃色色鮮千佛蓮花香
帶雨孤城雉堞翠生烟高峯東鎖華泉水飛瀑平
分歷下田憶昔旻天呼不應牛羊畝畝苦厖胼

千佛山

劉勅

數里城南寺松深曲徑幽片湖明落日孤嶂挿清
流雲繞山僧室苔侵石佛頭洞中多法水爲客洗
煩愁

歷山

周鳳瑞

邑人

城頭清曉日曠曠環聳羣峯氣象雄春雨滿犁千
古淚南薰高唱萬年風懸崖水瀉波紋綠絕頂花
開樹色紅入暮環山松籟發依稀猶似理絲桐

登華不注望鮑山

宋曾鞏

雲中一點鮑山青東望能令兩眼明若道人心似
矛戟山中那得叔牙城

白雪樓秋夜同許右史分韻 李攀龍

林烟既曳綃湖霞亦被絳鷄犬靜荒村蓬蒿翳深
巷燒微見月出鐘聲識霜降各稱浮白樂未覺呼
盧慙更賦梁園雪如流華渚虹豫愁還城邑車馬
紛相撞

返照入平陵白雲出西壠天清鴈影澹山空嵐氣
重三徑何蕭條高人乃接踵諸生稷下秀詞客梁
園寵松菊有佳色琴樽亦慙憊但解不須眠寒燈
坐相擁

耐李東昌寫寄白雪樓圖

樓在濟南郡東三十里許鮑城前望秦麓

山北眺華不注諸山大小清河交絡其下左
長白平陵之野海氣所際每一登臨鬱爲
勝觀東昌李使君子制以讀白雪樓集於廣
川馬中丞家咄然壯之歸爲圖以紀而攀龍
贈焉
如此

詩名東郡沈隱侯那復擅奇顧虎頭江湖菜薄有
能事盡我山中白雪樓推毫已驚海水至無乃兼

驅蛟蝨遊須臾百里岱雲合咫尺疑聞清河流華
不注山得非雨平陵以西胡獨秋松風似欲卷綃
起良久看雲失去留丹青快意癡如此丘壑過人
老卽休使君實解郢中調爲爾深知宋玉愁

魏使君過宿鮑山山樓分賦

李攀龍

層樓風雨一登臨把酒重論十載心楚客豈須題
白壁鮑山猶自見黃金褰帷上國風雲滿伏枕中
原日月深忽憶明光會共被那知萍梗到于今

白雪樓

李攀龍

伏枕空林積雨開旋因起色一登臺大清河抱孤
城轉長白山邀返照迴無那嵇生成懶慢可知陶
令賦歸來何人定解浮雲意片影飄搖落酒杯

夏日襲生過鮑山樓

李攀龍

長白山人本種田談經半住嵒湖邊攜來滿甕春
城酒乞得諸生月俸錢倚檻四高滄海色銜盃一
望縉雲天尋嘗雞黍休嫌薄不淺交情二十年

秋日許郭殷見枉鮑山山莊

李攀龍

玉壺春酒石榴殷此日中秋見往還惟是樽前幾

知已那能不愛叔牙山

白雪樓夜賦

許邦才

坐我白雲樓翩然解朱紱仙去龍懶從微官是何
物問我平生歡有如此夜不忍將世上名與易杯
中醪

白雪樓

許邦才

秋風百尺樓百壺酒初漉那將千里別騁此千里
目瞻我青雲士興文滿瑤牘故園翳蒿萊蕭然雜
松菊霜空鴻雁賓寥原草木熟白髮保窮交俠氣
遜弟畜去後屬何人足音復空谷

酌突泉白雪樓

光廬

人去樓空濟水頭欄杆倚遍憶風流白雲黃鶴杳
何處山色溪聲共一樓長夜漫漫千古恨知音落
落古今愁嶺南大雅關同調春鳥嚶嚶自可求

舜井歌

宋歐陽脩

永叔廬陵

岸有時而爲谷海有時而爲田虞舜已歿三千年
耕田浚井雖鄙事至今遺跡還依然歷山之下有
寒泉向此悲號于旻天無情草木亦改色山川慘

澹生雲烟一朝垂衣正南面臯夔稷契來聯翩功
名德大被萬世今人過此猶留連齊川太守政之
暇鑿渠開沼流清漣遊車擊轂惟恐後衆卉亂發
如爭先豈徒邦人知樂此行人亦爲留征軒

舜泉

宋曾鞏

山麓舊耕迷故壠井乾餘汲見飛泉清涵廣陌能
成雨冷淩冰湖別有天南狩一時成往事重華千
古似當年更應此水無休歇餘澤人間處處傳

秋日遊清河

任登瀛
邑人

澄江拖練蕩扁舟乘興重來此地遊滿目青山千
古畫半林紅葉一天秋杜陵牢落餘詩卷阮籍漂
零只酒甌醉後凭虛思清爽更于何處覓丹丘

百花臺

宋曾鞏

烟波與客同尊酒風月全家上采舟莫問臺前花
遠近試看何似武陵遊

黃臺

金任詢

綠樹橋邊簇錦鞍紅紗影裏照烟鬟歸來書几高
燒燭渾似江鄉一夢間

北極廟

劉勅

廟貌鬱崔嵬
溪雲護法臺
凭軒雙目豁
倚檻萬峯來
樹影孤帆動
香烟古殿開
喜看載酒者
一棹任徘徊

閔子祠

陸欽

季氏今無邑
費公還有堂
松楸汶水意
俎豆華山陽
春草寒猶重
蘼花絮不揚
采蘋聊駐節
彷彿見宮墻

五龍潭

邑令陳陞

數畝龍潭百尺深
環堤垂柳碧森森
一鞭驅得蒼龍起
沛作商家六月霖

五龍潭

李應聘

潭水通樂水
靈宮柳岸邊
畫橋浮碧渚
玉鏡度飛泉
雷動千林雨
雲來萬壑烟
于今枯旱久
不許五龍眠

金線泉

宋曾鞏

石甃嘗浮灝氣鮮
金絲不定路南泉
無風到底塵埃淨
界破水綃一片天

金線泉

谷繼宗

少岱邑人

新春復至舊池亭忽見花開淚欲零
金線斜垂天上月玉繩低度水中星
丁香香鳥喙穠華紫丙穴魚吹細浪青
已被羊曇輕賭去何時爛醉倒銀瓶

過黑虎泉留題

中丞胡纘宗

天水

濟水城南黑虎泉一泓瀉出玉藍田
雪濤飛雨隨河轉雲液流波到海邊
楊柳溪橋青繞石鷺鷥烟水碧涵天
金湯浹野還千古春滿齊州花滿川

灰泉

王象春

灰包泉水出王宮日射金沙魚眼紅
別有芙蓉泉噴玉韓池北與泮池通

馬跑泉

王象春

將軍戰馬就懸崖石底空聞吼怒雷
四鐵一敲冰雪湧始知赤兔本龍媒

天鏡泉

劉勅

何年開此沼浮岸水盈盈地湧千珠亂
天垂一鏡明靜觀詩思冷閒對酒脾清
為語紅塵客臨流好濯纓

滴木泉

楊衍祚

甌慶邑人

石上寒流滴月明
草堂孤客夢難成
山家漫說無更鼓
自有泉聲代漏聲

丁香灣

李攀龍

平灣澹不流
寒影千峰入
斜陽一以照
彩翠忽堪拾

和許史秋日玉函山觀伎

李攀龍

樓臺十二玉欄杆
月出名花映掌寒
自是仙人君不信
只今誰得醉中看

青鳥翩翩錦字通
玉簫秋冷玉函宮
情知洞裏如花女
共指風流許侍中

玉函觀飲中卽事

許邦才

白石松陰翡翠涼
百花醵酒芰荷香
鷓鴣唱出佳人口
况在冰壺道士房

挾瑟佳人蘇小妍
操觚才子雒陽年
風流絕代還誰似
一派明湖七十泉

過吳子玉函山草堂

李攀龍

玉函山色草堂偏
恰有幽人擁膝眠
樹杪徑迴千

澗合窻中天盡四峰連綠陰欲滿桑蠶月白首重
論竹馬年就此一樽無不可因君已辦阮家錢

九日于鱗招登四里山

許邦才

新詩忽自故人來令節黃花初發醅城外青山城
裏見籬邊那忍獨徘徊

山頭對酌夕陽斜下見湖城十萬家賸有登高酬
令節何人真不負黃花

訪弔枝山來往得四首

錄一

劉天民

城市鳳繁誼川原得遐想魏焉愜素遊倏爾脫塵
網白日理旣瑩崇宮靜須養遙見雲中菴何人獨
偃仰

天藥山

王象春

陽起石同膾膈臍登山涉海苦蒸黎何如筐阜無
穿鑿猶得花開鳥漫啼

西關赴約回自筐山深恨乏酒

許邦才

豈是邀賓出聊因覽勝來筇聲驚鳥鼠疑齒噬莓
苔野衲清持硯山花笑索杯明朝尋此路慙掃亂
雲開

桃花嶺

李攀龍

一渡桃花嶺烟霞處處新
縱迷源上路猶似武陵人

暮過琵琶山望城市

殷盤

洗心邑人

暮過琵琶嶺高頭秋更涼
樹晴歸鳥鵲山晚下牛羊
雲繞衣裳濕花隨杖屨香
湖城初出月水遠見天長

望霹靂峯

劉亮采

公嚴邑人

誰結茅茨野水濱望中山色迥
傳神天垂霹靂名何壯盟結林泉事
已陳日落欲枯青淚眼雲開如見白頭人
清標峻骨還同否幽壑丹崖不可親

鐵牛山

王象春

鐵牛鎮水深埋處還似石鯨嘯
晚風月下依稀頭角出時將黑犢飲池中

靜化堂

宋曾鞏

脩巖巘巘背城陰行盡松篁一徑深
好鳥自飛還自下白雲無事亦無心
客來但飲平陽酒衙退嘗携靖節琴
世路人情方擾擾一遊須抵萬黃金

閱武堂

宋曾鞏

五朝環治歸皇極萬里車書共太平胡馬不窺光
祿塞漢家嘗隸羽林兵柳間自詫投壺樂案下方
安佩犢行高枕四封無一事腐儒何幸得專城

魚樂樓

元趙孟頫

樓下南來水清冷百尺深菰蒲終夜響楊柳半谿
陰日月驅人世江湖動客心向來歌舞宴達曉看
橫參

勝槩樓

元趙孟頫

樓下寒泉雪浪驚樓前山色翠屏橫登臨何必須
吾土嘯傲聊因得此生簷外白雲來託宿梁間紫
燕語關情濟南勝槩天下少試倚欄杆眼自明

超然樓

楊衍嗣 元毓邑人

近水亭臺草木欣朱樓百尺會波瀆窻含東海蓬
瀛雨檻俯南山岱岳雲柳色荷香尊外度菱歌漁
唱座中聞七橋烟月誰收却散入明湖已十分

山挽暉閣

劉亮采

蒼莽何終極吾生索有涯虛簷凌灝景落日絢丹

霞朋好音書濶郊關道路賒疎燈明滅處樵牧識
山家

青蘿館

李攀龍

十畝青蘿別館開使君延眺意悠哉風搖北渚瀟
沙合烟雜南山岱色來臺敞高秋深染翰庭虛斜
日淨啣杯西隣榮叟嘗還往帶索應同薜荔裁

聞韶館

王象春

太師抱器度關山六代遺音竟不還西樂入來天
樂散九歌零落到人間

尹亭夜集

邊貢

憶共尚書飲蘭舟漾渚風芙蓉開月下簫管入雲
中鶴唳烟沙遠螢流水閣通重來值搖落無復往
時同

晃晃波上月稜稜沙際風寒星動木杪遠火露烟
中城郭千峯對園林一水通興移還野酌留賞夜
深同

尹亭宴集

王廷相

戒艤泛澄湖窈窕靚湖涘古柳蔽廻岸雕楹耀丹

水尚書已邈逝亭館麗未已我來夏候變清覽紛
可紀羣水闢菁蒨列岫獻蒼紫篠風旣洒冠花露
亦泫几拳爾小蓬丘宛在水中沚淝淝太雅吟朋
僚况文史伊人昔當路衡準世所恃勳伐茲烟燼
世華一何駛朗鑒無留形空羨山公啓形神意乘
化今曩豈殊理舞雩協聖符濠梁稱達士悠哉湖
上磯吾欲酌清泚

九日集殿卿池亭

李攀龍

卜幽命詞客冠蓋至如糜白雲淡蕭晨黃花媚新
醞灑翰湖上清開樽魚鳥近零落偃池荷淒風隔
籬槿徑回片橋出林暝寒城隱臨流濯長纓飄然
祛塵坌

寒空峭嶺秀霽野湖水濶墟落散城隅池亭入幽
豁雲陰出水鮮石色含霜活白鳥下烟際歸鴻起
天末返照欵長林羣流亂相聒紫鱗壯可持濁醪
美堪掇秋高吹臺興老劇文園渴集節有獨醒吾
生豈云達

遍除過右史水村江山人同賦 李攀龍

夜來北渚北風急打頭雪花大如笠片紙東飛右
史書詰朝小作湖中集到門白鳥出高巢繫馬南
山迸人人使君亭中未解醒肅客登筵一長揖地
僻兼無俗子妨樽空况有隣家給意氣還須我輩
看功名但任兒曹立瞥眼旋驚青歲徂沾唇莫放
金盃澀世上悠悠已自諳卽今不飲嗟何及醉聽
楚調起寒雲絲筆憑陵朱絲濕平生多少伯牙心
此日因之寄篇釋

五口和許傳湖亭讌集

李攀龍

城頭片雨懸客醉峭湖邊酒奈榴花妬人堪桂樹
憐五絲還令節雙鬢抵流年莫蹋王孫草淮南賦
已傳

青樽臨北渚一爲故人開此事成今昔浮雲自往
來花間移枕簟鏡裏出樓臺忽就投湘賦深知賈
誼才

甲戌中秋入北村別業

許邦才

長思卜築傍烟霞百里幽尋不憚賒譚子城東川
窈窕峭山湖北路迴斜水深蘆荻迷秋鴈雨霽樓

臺見暮鴉禪客欲因開梵宇異人相許卽仙家秦
時浪說桃源隱漢使虛傳蓬海槎空碧看雲消白
日露清釀酒待黃花有時贏得傾心處咫尺還論
天一涯

東村卽事

李攀龍

不謂幽棲處還堪抱膝吟大雲千里駐片雨二湖
陰暑逼藤蘿淺涼生栢栢深鮑山終日在知己愧
黃金

夜半忽風雨層樓四望孤雷盤華不注電劃大明
湖雲霧連屏疊蛟龍抱劍呼飛揚天地意垂老見
吾徒

城北水村有懷于鱗時居東村 許邦才

湖城烟景曉來新老見年光何太頻門巷異時嘗
對酒村墟此日各逢春

灤水城邊柳色新峭山村裏白頭人正堪共解金
華醉負却風流賀季真

正甫泉亭留別

張 弓

孤忠身退早背郭結幽亭灤水澄當檻函山翠作

屏秋雲看世態塞馬失功名時日知清座塵心分
外惺

劉觀察魚樂園

光廬

魚磯卜何處山水愛鮮新霞落山成綺風來水結
鱗願扶東漢鼎不染後車塵放浪人間世東山一
隱淪

陳氏水閣

邊貢

吟倚高樓傍檻西碧窻迴覺夕陽低雪消芳渚鷗
爭泛春到垂楊鳥自知商舸過橋帆影亂女牆如
帶草痕齊停杯不盡興亡感六代豪華水一溪

明湖蓮

王象春

五月荷花半壓塘北風直送滿城香當罇瓶酒魚
鰕菜南客遊來不憶鄉

小淇園

中丞黃克纘

園林葱蒨水縈迴楊柳橋邊載酒來棲鳳琅玕寒
更綠躍魚萍藻涼初開燈光照夜花燃樹香氣迎
風玉吐梅王孟詩名君不忝和歌誰是謫仙才

小淇園

阮以鼎晉熙

華不注山插霄起芙蓉影落芳湖裏滄溟倒瀉天
河水下有泉源應星紀分沙漏石長映空披蓮繚
苳紛搖風遠勢浩漾滌日月遙光噴薄含烟虹漚
茲萬頃壯歷下何必千里誇江東湖干窈窕結亭
屋陰森蔭以萬竿竹續取渭川與管谷湖波竹浪
影交逐一幅瀟湘展穠綠漁船葉葉點輕鳧歌聲
欸乃遙相續主人一彈水雲曲焚香手把南華讀
方瞳綠髮神脩脩竹外松風來謾謾獨乘扶輿堅
白性此中更飽江湖興百折東之澗不回千尋直
上存餘勁塵事紛紜宵輩橫大帟窮簷似懸磬苦
心蒿日支九陲撐柱屣梳權利病水竹空憐幽意
便藉公一柱長扶天爲霖作揖看今日良弼誰居
稷契先

賈園

邊 貢

樂水橋西一畝宮小窻香度碧荷風老夫野性無
拘束便欲移家向此中

門巷沉沉草邈紆綠槐深護野人居馬聲不斷日
亭午時有小童來捕魚

史園再集

邊貢

東道招邀切西園杖履來雲深封古樹沙建老蒼
 苔禮數忘磯畔寒溫入酒杯垂垂連日雨應為促
 花開

一竿亭

劉勅

一亭獨立水中央萬荷風來滿座香每欲泊船人
 不見一溪楊柳帶斜陽

郭丈園亭次潘丈韻

許邦才

峭突泉頭水竹居茅亭松菊更扶疎霜天談讌流
 連久月夜題詩眺望餘塵世本來皆逆旅乾坤何
 處不吾廬君家元自遊仙詠况有河陽重起予

劉使君湖上亭十有二韻

許邦才

公幹美才情亭臺不日成柳陰涵竹翠荷氣襲簾
 清凭檻看魚集從橋指月生山光城外過鳥影鏡
 中明沙溜縈琴曲花源出奕聲流紋牽荇帶蝶拍
 接鶯笙醉坐能醒石冥搜不夜城蘭舟無遠近桂
 楫更縱橫北郭誰關水斜陽正覆觥尚書鄰舊墅
 台閣締新盟今有詩誇古還如孟得名屢過殊不

厭愛此濯塵纓

聞劉丈亭改會仙

許邦才

竹樹層層隔世途
蓮花灼灼映丹爐
何人輕授容成術
瞥見明湖即鏡湖

趙氏溪亭

張弓

秋老園林感物華
敗荷殘柳伴枯槎
竹間有徑通茅屋
記得當年賣酒家

蓉泉月榭

劉天民

秋水芙蓉本自奇
月輪可復掛松枝
主人獨坐意何適
費殺長箋水硯詩

月入君家分外明
却緣池水隔花清
客來亦會忘言境
借出冰絃弄幾聲

濯錦亭

王象春

簷牙直飲水中間
風送書聲淑氣還
只有此亭高且敞
雨晴欹枕看華山

溪上

元趙孟頫

溪上東風吹柳花
溪頭春水淨無沙
白鷗自信無機事
玄鳥猶知有歲華
錦纜牙檣非昨昔
鳳笙龍

管是誰家令予苦憶東陵子擬向田園學種瓜

十四夜泛舟北灘

邊貢

鷺渚鷗塘靜夜時水行沙立有幽期
情知曾叟非吳客敢謂菱歌是竹枝
城外漸看平野濶月中翻覺遠山奇
憑誰喚起王摩詰半入丹青半入詩

玉龍瀑

劉亮采

削壁照丹雘中餘素旆懸飛來桃杏雨
界破薜蘿烟承沫魚爭奮驚濤雁不眠
窮源觀物理直欲躡危巔

之孫耿村道經樂口卽事

許邦才

五月誰驅度北川盈盈一水界方田
日中臺笠湖山隩遠道巾車暑雨天
詩酒縱人成白首桑榆收我入青蓮
幻泡世味嘗應熟出見紛華七十年

春日同殷少保登望湖亭

許邦才

笑兀山椒亦壯哉偶隨賓從上看來
居然眼界論千里瞥爾湖波僅一杯
徃徃城頭羅市肆紛紛樹杪出樓臺
長年衰病惟扶枕比老登臨得幾迴

和殿卿神通寺見貽之作

李攀龍

花宮留妙唱絲筆徧高僧說法從初地談詩出上乘
五言爭刻燭一字了傳燈玄度前身是風流益
可憑

神通寺

許邦才

百里泰山陰千年號寶林諸天聞說法初地問安
心古殿松聲合長廊月色深夢醒禪榻寂清磬下
雲岑

寤寐東南勝深秋更一過青山過橋盡黃葉擁川
多丈室因岩穴經臺上蔦蘿同遊仍抱病試與問

維摩

神通寺

李攀龍

相傳精舍朗公開千載金牛去不迴初地花開藏
洞壑諸天樹杪出樓臺月高清梵西峯落霜淨疎
鐘下界來豈謂投簪能避俗將因臥病白雲隈

同許右史遊南泉有天井寺

李攀龍

古寺馬蹄前荒山斷復連階危孤石倒崖響亂泉
懸喬木堪知午迴峯半隱天不因許玄度誰得此

攀緣

同于鱗遊諸山初宿天井寺

許邦才

千峯寒色照驪裘歲暮還堪載酒遊
初宿南巖天井寺便聽一夜石泉流

龍游寺

許邦才

何年此地有禪關日暮探奇入萬山
塵暗古龕僧定久神龍游去鉢空閒

南泉寺

許邦才

鷲值覺城開條然般若臺青山香靄合
白日雨花來

龍集寺

李攀龍

雙林窺壑險一徑入雲愁峯落青蓮色
燈懸白日幽香臺高枕出澗水閉門流
聞道羣龍集明珠自可求

錦陽川九塔寺觀許右史碑

李攀龍

名山諾夙好况復近吾廬嵐影浮斜照
茲川錦不如空林雙樹老寒塔九華疎
一片頭陀石新文六代餘

九塔寺

許邦才

何年湧出九華燈古寺深山嗟變興玄度再來人
已老就中誰是識予僧

華林寺

張弓

十里朝尋古梵宮翠微綠霧濕衣重翻嫌陶令遊
為晚却恐王維畫未工延客僧攤松檜影杜門犬
吠薜蘿風前身疑是緇衣侶一到烟霞宿信通

步入林泉觀

劉浦

仲珠邑人

到此煩華息山圍若法城嶙峋下峯落清冷一津
橫龍去雲無跡經翻籟有聲轉思王子晉何處自

調笙

子房洞

楊衍祚

野棠開處洞門閒俯瞰中原指顧間雲鎖崑崙黃
石去鶴鳴琪樹赤松還冲開碧落崖千尺截斷紅
塵水一灣回首咸陽新月何如濟上舊雲山

湧泉菴

李攀龍

錦陽川上女僧家紅樹蕭蕭白日斜弟子如雲人
不見可憐秋老玉蓮花

同苗珠泉陶心齋遊白雲洞信宿

張弓

出郭閒身一事無招携忽上小蓬壺巖深五月水
猶在龍去千年草不枯朱實落時驚宿鳥碧雲生
處蔭晴湖追遊俱是烟霞侶此度登臨興不孤

八達嶺

劉亮采

多病郎官甘放逐顛顛將身入林麓令尹乞得寢
丘田司空自住王官谷谷口千山更萬山八路之
嶺層霄間游人一望心胆寒塵埃隔絕如重關秦
鼎如冠新時祝旋開一徑通樵牧順風之呼非加
疾衆志所同功自速功成有衆舉欣欣中有一人
懷感吁嗟乎闢者難爲屬鑿者難爲樸混沌于今
尤儵忽君不見桃源好避秦漁人轉盼失其津長
袍大袖頻來往從此商山不重人

七十二泉

晏璧

廬陵

酌突泉 渴馬崖前水滿川江心泉迸盡珠圓濟
南七十泉流乳酌突獨稱第一泉

金線泉 水紋浮綠影搖金倒挽銀河百尺深中
有錦鱗三十六碧波蕩漾任浮沉

杜康泉 甘泉一脈舜祠下此地千年說杜君不

是重華嘗嗜酒幾卮聊藉解南薰

朱公泉 陶公已泛五湖船尚有芳名寄此泉縈

繞栢鄉風日永濟南別有一山川

白公泉 白公當日浚清渠可灌秋田卞頃餘千

載齊民沾地利離離禾黍秀郊墟

舜泉 巍巍舜廟歷城南中有清泉味極甘流出

迎祥仙館去汪汪千頃碧如藍

濯纓泉 石罅流泉可濯纓愛無斧斲自天成

清應挽銀河水應笑滄浪浪得名

甘露泉 盤谷清泉一派長味甘却似飲天漿何

須沈澆分仙掌滴滴斟來透骨涼

孤孤泉 天麻山北水盈渠山水流傳姓獨孤藥

嶺龍葱合紫翠清流豈受俗塵汗

湛露泉 泉如湛露味甘香潤入三焦齒頰涼通

樂古園饒爽氣厭厭夜飲醉無妨

雙女泉 二妃釐降有虞城城下流泉冽且清麥

壠黍田資潤澤田公擊壤樂昇平

羅姑泉 阿姑遺迹渺烟蘿贏得流泉尚姓羅陵

谷變遷無限感至今於越慕曹娥

孝感泉 齊城孝子格天心井湧清泉冽且深躍
鯉臥冰非好異流傳勝事到于今

玉環泉 泉脉盤迴似玉環天留勝地在人間温
泉曾被楊妃辱故引清流到歷山

南漱玉泉 南泉漱玉派匡廬應是雲門瀑布餘
月照波心清可鑑豈無湘女解瓊瑤

北漱玉泉 泉流北澗暴飛瓊靜日如聞漱玉聲
纖手掬來清徹骨高人宜爾濯塵纓

南珍珠泉 禪林南面有流泉流出明珠顆顆圓
一脉清冷猶合浦月明老蚌吐深淵

北珍珠泉 白雲樓下水溶溶滴滴泉珠映日紅
淵客泣來無覓處恐隨流水入龍宮

南甘露泉 佛嶺巍巍青挿天滴來甘露化流泉
南風六月爲霖雨遠借恩波溉井田

龍門泉 西望龍門海藏通香泉一脉透齊東桃
花浪煖春三月鷗化鵬程九萬風

白龍泉 白龍已逐白雲飛鱗甲時時漾綠漪月

白風清天似水一泓元是化龍池

黑虎泉 石磻水府色蒼蒼深處潭如黑虎藏半

夜朔風吹石裂一聲清嘯月無光

黑龍泉 澄潭萬頃碧如油泉水流來石洞幽夜

半龍歸雲霧黑散爲膏雨澤齊州

鹿跑泉 泉聲清似鹿呦呦逝者如斯日夜流靈

困料應非夙昔蘼蕪杜若滿滄洲

芙蓉泉 峭華紫翠削芙蓉山下流泉石澗通朶

朶紅粧照清水秋江寂寞起西風

雙桃泉 前度劉郎不再來泉頭幾見碧桃開昨

宵忽夢三偷客滿泛瑤池阿母杯

柳絮泉 金線池邊楊柳青泉分石竇曉泠泠東

風三月飄香絮一夜隨波化綠萍

柳泉 杏花開遍柳垂絲柳下清泉漾碧漪莫折

柔條留繫馬綠陰深處聽黃鸝

胡桃泉 胡桃結實晝偏長樹下清泉帶露香曾

過武陵溪上路落花流水逐漁郎

萑苳泉 泉名萑苳一何清萬事咸繇清苦成寤

寐不忘木葉操菜根咬得見高情

金沙泉 白龍泉畔有金沙清水紅蓮勝若耶一

脈直通雲漢路豈無仙客泛靈槎

白花泉 石花流出白花浮喜傍禪林似虎丘好

悟西來空色意世間萬事等浮漚

灰池泉 黑風翻海撼蓬萊吹遍昆明幾劫灰欲

遡水源窮不盡流來歷下淨塵埃

登州泉 登州一脉透譚城澄徹全無蟹氣腥安

得雪堂蘇學士朗吟萬竹濯清泠

王氏溪亭泉 魚池西北水涓涓王氏溪亭尚翼

然溪上槐陰清晝永凭欄徙倚聽鳴蟬

賢清泉 中州文物重譚城故以賢清易水名安

得簞瓢顏氏子秋風來此濯塵纓

東臯泉 金線南泉折向東猶如江漢遠朝宗方

池半畝源頭活難覓魚龍變化蹤

清水泉 灑氣浮空秋水清天一色月華明滄

浪孺子高歌處一濯塵纓得此名

醴泉 九成曾刻醴泉名歷下泉如竹葉清山水

之間有真樂何須留戀醉翁亭

酒泉 酒星炯炯映青天地下方知有酒泉一酌
飲來甘若醴相逢誰是酒中仙

東蜜脂泉 西池泉味比東強何必天寒割蜜房
莫道脂甘能悅口試將一飲勝天漿

洗鉢泉 淺井東邊有冽泉山僧洗鉢是何年泉
中流出伊蒲饌叅透三生石上禪

香泉 虞帝祠前春草芳石池漾漾碧水香源頭
活水恩波遠萬頃坡田穰稔黃

散水泉 珠泉東向水縈迴蕩漾漣漪去復來時
有濯纓佳客至方知如鑑濯纓埃

明水泉 清泉一派接銀河寶鑑同明水不波步
繞方池閒顧影鬚眉散作百東坡

皇華泉 金線池東湧碧泉皇華使節耀齊川聖
恩浩蕩寬如海散作甘霖遍八埏

無憂泉 檻泉西畔漱清流酌水能消萬斛愁白
叟黃童爭擊壤春來有事向東疇

滿井泉 川流不息井源盈明秀亭前脉脉清應

是夜來春雨急水高三尺小池平

淺井泉 齊城淺井不盈尺一掬能令塵慮消日

暮兒童餅汲處芭蕉葉上雨瀟瀟

石灣泉 石灣池接檻泉南湧出清流味更甘旋

汲井花烹石鼎皓華秋淨暮烟涵

臥牛泉 昔聞陶墓有牛眠今見齊州溢井泉千

載歷山遺勝跡秋風禾黍滿虞田

龍居泉 東望扶桑海岱連澄潭月冷水涓涓釣

竿一拂珊瑚樹驚起潭心龍夜眠

馬跑泉 馬蹄踏破迸飛泉流出齊城淺水邊八

駿曾聞馳八極百年幾見海成田

魚池泉 江家亭畔水漣漪無數金鱗逐浪吹只

恐桃花春浪暖龍門一躍化天池

知魚池泉 譚城淺水似濠梁有客觀魚慕老莊

無餌無釣閒罷釣倦眠莎草映斜陽

溫泉 太真偏愛浴華清溫潤何如歷下城玉韞

崑山何借潤不勞薪樵與煎烹

懸珠泉 泉脉如懸黍米珠源頭活水世間無洞

中恐有驪龍臥吐出香涎下峭湖

都泉 遙望中宮廿里餘清泉都匯峭山湖齊城
天旱作霖雨一滴能甦萬物枯

漿水泉 泉流乳竇比瓊漿入口渾疑透骨涼若
作醍醐滋味異較他馬湏更其香

白泉 槐庭秋水色泓澄體孕金天玉雪清月夜
看來疑素練纖塵不染勝瑤瓊

南煮糠泉 泉通趵突水琳琅濁世還能掃糝糠
地境清高隔塵土琪花瑤草四時芳

北煮糠泉 趵突西隅作石棚泉名糟粕待煎烹
一掬可令無塵滓何是當年玷濁名

望水泉 萬竹園中景趣幽雙泉一脉望登州碧
梧百尺棲丹鳳雪浪千堆戲白鷗

熨斗泉 泉如熨斗氣溫溫龍洞分來第一源欲
識坎離交媾意請參道德五千言

染池泉 柳子當年記染溪別分一派出東齊憶
從濯錦江邊過風漾晴瀾五色迷

車泉 漢家聞有七香車歷下車泉賈可嘉金井

輓轡聲軋軋夕陽芳草噪寒鴉

懸泉 百尺深泉石上懸龍歸洞口散晴烟曾從

五老觀飛瀑倒挽銀河落九天

灰泉 珍泉西北帶烟埃亂石堆中觸翠苔何日

塵襟淨蠲條源頭尋路覓天台

混沙泉 曾聞宰相築新堤泉石清佳似灤西亦

有元戎乘小隊時時問柳到幽棲

劉氏泉 泉名劉氏果何人千載風流憶伯倫天

產釀泉清可掬松花滿泛甕頭春

道士泉 北渚南山釀石澗寒泉迸湧寺東坡種

桃道士知何處偏愛靈泉種得多

賦

北渚亭賦

宋晁補之 無咎

登爽鳩之故墟今睠岱宗之獨立根磅礴而維坤

今支扶疎而走隰踰琅琊與鉅野兮梁清濟而北

出前澗漫而將屯兮後摧囀其相襲坏者扈者嶧

者垣者畧者礪者障魯屏齊曰惟歷山或肺腑之

箕拱環連勢厓絕而脉泄兮萬源發于其間谷射

沙出浸滂溱澗潏潏汨泌澎濞渤潏忽瀆起而成
川經營一國其利汾滄防爲井沼壅爲碓磴得平
面肆乃滉漾而滂沛經民廬而貫府舍今潏爲池
之千畝惟守之於巖背阻邈闔闔之遺址今肇
嘉名於北瀕悲經始之幾何今牛羊牧而宇顛非
境勝之爲難兮善擇勝之爲難嘗試觀夫淇園千
章之荻合抱之楊立而成阡躋歷下之岩崑望南
山之孱顏脩幹古枝出欄造天藐砧岫之蔽虧乍
髣髴其雲烟思仙人之樓居尚輕舉而高翻盍駕
言其北游登斯渚而盤桓罔巒忽其翔舞荻楊眇
以如箸撫千里於一呻收城郭於環堵其下波瀾
汗漫葭蘆無畔菱荷荇藻蘅荃杜蒹衆物居之浩
若烟海歲秋八月草木始衰乃命罾罟觀魚其臚
鳴榔四合方舟順涯鱗鯉窘乎深塘兮鴻鴈起乎
中泚復有桂舫蘭榭浮游其中榜歌流唱自西徂
東纖餌投隈微鱗挂空客顧而嬉傾盃倒鍾明月
出於缺嶺夕陽眇其微紅天耿耿而益高夜寥寥
其方中駭河漢之衝波披海岱之冷風恐此樂之

難留兮願乘槎乎星渚其韓終與偓佺兮采芝英
於瑤圃庶亡老而逸死兮路漫漫其脩阻于是酒
酣太息中座語客曰自昔太公奄有此丘九征五
侯桓公用之攘 尊周方其勝時山河十二號稱
東秦臨淄遨樂中興五民秋田青丘實圃海濱而
薛又其小邑也區區之賦食三千人其強孰與比
哉觀華不注竭其孤巘虎牙桀立芙蓉菡萏尚想
三周追奔執鞶下車取飲僅以身免困責質於蕭
回尚何私乎紀甌而齊自是不競矣夸奪勢窮雖
強安在事以日遷而山不改則物之可樂固不可
得而留也認而有之來不可持所玩無故去何必
悲此齊侯之所雪涕而晏子之所竊嘆也今我與
客論古人則知述寓有感而獻歛豈不重惑也哉
仕如行賈孰非逆旅託生理於四方固朝秦而暮
楚曾無必於一笑尚何知乎千古於是客躍然喜
再拜舉觴而前曰凡主人言理實易求而我曠然
已忘昔憂使客嘗滿使酒不空請壽主人如漢孔
公主人亦驟然喜受飲反觴執客之手而言曰詩

固
有
之
未
見
君
子
憂
心
冲
冲
既
見
君
子
云
胡
不
樂
再
拜
洗
觴
而
酌
客
嘻
然
大
笑

白雲樓賦

元張養浩

吁其高哉茲樓之有如此兮括萬象於宏敞飛西
阿於鴻冥初疑陽侯海底鞭出一老蜃噴雲噴霧
扶輿五色凝結而成形又疑大鵬九萬失羊角踞
此勝境而不去兮翼截華鵲之烟雨兮背摩霄漢
之日星俄來宣鬱一登眺兮衆山故爲出奇秀恍
然身世遊仙庭憑欄俯視魄四散耳根但聞風鐵

音冷冷上有浮雲客與臥蒼狗下有驚濤澎湃奔
流霆憶昔我公分符握節尹東土聲名遐邇流芳
馨脯鱗膾鳳羣賢方此高宴不意有奸闖境闖城
萬室無一寧公乘疾傳出閣上亂臣必討存諸經
雄兵一夕自天至縱餘渠帥獨典刑九重賜券且
與盟帶礪寵光浮動堂與庭惜余才疎生晚後機
會不及奮筆爲擬燕然銘雄心霸氣龍韜虎畧見
無復空聞燕雀鳴幽扁當時風景今盡易惟有風
光山色無年齡朱簾香歇桂花老金鋪色暗苔痕

青長歌慷慨弔陳跡風動彷彿來英靈忽然暮色
 白遠而至今斷霞斜照互明滅詩成欲掃雲間屏
 貪徵興廢玩餘景須臾不覺一輪明月升東溟
 贊

宋真宗御製孔子贊

立言不朽垂教無疆昭然令德偉哉素王人倫之
 表帝道之綱厥功實茂其用允臧升中既畢盛
 載揚洪名有赫懿範彌章

至聖贊

中丞胡績宗

天水

一以貫之金聲玉振是謂大成賢於堯舜教在六
 經道該羣聖生民以來未有獨盛

聖賢贊

在縣岸有碑亭

中丞陳鳳梧

伏羲贊 於惟神聖繼天立極仰觀俯察卦爻斯

畫始造書契以代結繩開物成務萬古文明

神農贊 聖皇繼作與天合德始嘗百草以濟天

札農有耒耜市有交易澤被生民功垂無極

黃帝贊 帝德通變神化宜民垂裳而治上軋下

坤井野分州迎日推策百庶惟熙萬世作則

帝堯贊 欽明揖遜德協萬邦巍乎成功煥乎文

章大地之文日月之光允執厥中道冠百王

帝舜贊 重華協帝授受於唐惟精惟一濬哲文

明兩階干羽九韶鳳凰恭已南面萬世綱嘗

禹王贊 文命四敷三聖一心有典有則克儉克

勤成功不伐善言則拜九州攸同萬世承賴

湯王贊 勇智天錫聖敬日躋建中於民萬邦惟

懷顧謐明命肇脩人紀垂裕後昆道統斯啓

文王贊 文德之純於穆不已肅肅雖雖緝熙敬

止後天八卦昭如日星大哉易繫式開太平

武王贊 丕顯文謨丕承武烈偃武脩文天下大

悅丹書之受洪範之咨百王遺緒一代丕基

周公贊 天生元聖道隆德備制禮作樂經天緯

地上承文武下啓孔顏功在萬世位繫兩間

孔子贊 道冠古今德配天地刪述六經垂憲萬

世統承義皇源啓沐泗報德報功百王崇祀

顏子贊 天稟純粹一元之春精金玉和風慶

雲博文約禮超入聖門百王治法萬世歸仁

曾子贊 守約而博學恕以忠聖門之傳獨得其
宗一貫之旨三省之功格致誠正萬世所崇

子思贊 精一之傳誠明之學聖門嫡派斯道有
托發育洋洋鳶飛魚躍慎獨之訓示我先覺

孟子贊 哲人既萎亞聖斯作距諛闢邪正論譎
諤堯舜之性仁義之學烈日秋霜泰山喬嶽

七忠贊

學使周應治

鐵鉉 維物堅剛孰有逾鐵公以系姓豈天植耶
見事風生讞獄電決見器

高廟才節昭揭薇垣餉師水陸不忒城守東藩旣破
復飭懸板幾中淮陽逐北中原寒心北平失色詎
知天授大內自焚豈不戴天心戀舊君顧盼難得
妻子奚論雖膏鼎鑊忠稱帝闡舊國有憾故園無
家女亦貞義有識共嗟雄才揮霍勁節孔嘉磨光
日星撐持岱華

陳迥 有歿而光有生而缺蘭蕤芳存玉碎晶裂
猗與少保骭醜不羣起家辟召通籍詞林惠流海
岱威著南溟文昌八座眷亦殊焉受知國士爲殷

頑民一醜靡改九死不臣身同子磔名共日赫氣
壯山河血化萋碧雨水明鏡雙橋落虹有祠峩然
膽肅高風媿彼奸諛覲顏二天晚陵猶生玉潔蘭
荃

胡子昭 靖難入繼自其家事事非瞻烏何謂就
義原本

皇祖精忠豎幟三十年間雷厲颺卒公性耿介希古
同流獻賦蜀都較史天球麾招莫動淮南寢謀豈
有他腸各爲分憂大物旣改有力負舟株連繩引
死又何求上酬國恩下謝從遊蜀有專祠各有遺
休丹心皓月萬古清秋

丁志芳 泉不歸山雨不上天冰霜隨化金石謝
堅丈夫正氣獨往無前栗烈堅剛有折靡遷公起
甲科委質革朝風高烏府聲著吳橋同時黃練共
効賈晁刻核太至烽燧是挑北平日張境土日蹙
一木莫支嚮師而哭豈不能去鼠竄是忍豈不能
臣賜張其腹潛遣妻子獨以身留我頭可截我節
自道節俠惠文氣結蜃樓仁必有後天不謬悠勇

足報主智能全嗣埒彼鳴夷託後齊使龐復爲丁
忠且蒙謚赫赫御史智勇且備

高巍 惟辯襄節推孝移忠遼州旣孝艾母何豐
錄用先朝建白摩空分王諸王冕策賈衷書請罷
兵射燕遺風從戎南潰羈旅于東墨守濟南與鐵
同功寧不如烏胡集于枯臣哉鄰哉艱難是扶豈
如弁髦敝因改圖詬彼管魏自甘溝塗永心一賦
慷慨丈夫高山可仰青簡不污

鄭華 有賊景隆殊寵專征金州失守賣主逢迎
彼狡童俊鎮江專城一矢未遺首豎降旌行人散
地判官下陳東平未蒞癘然經生驅車難就天爲
震驚力疾戰死力獲瓊瑛螳怒胡益太吠見貞彼
李童子人面强行孤忠論定

仁廟有評誰曰傷勇振古之英


王省 秩不必崇祿豈在懸恤緯憂深懷沙心苦
秉鐸雖微風教是主祿焉避難罷士儔伍齊黃之
死難端自紐其他族 皆繇掣肘非公生亂何嫌
何咎升斗君粟抱關君守明倫大呼觸柱碎首烈

峻文山清徹濟瀏祗成個是遑恤死所汨羅首陽
同此遐舉

銘

洗心銘 有碑在黑虎泉

鄒善



有物無朕不可垢斯覓垢從生了不可知酌彼檻
泉江漢濯之退藏于密皜皜莫窺

歷城縣志卷十四止

歷城縣志卷十五

邑人葉承宗撰



藝文志 四

詩餘

西湖志載詩餘數十闕而它志不槩見蓋亦從所
本亡故闕焉弗書耳歷下山川奇秀激為清音李
家一女郎猶能駕秦軼黃凌蕪轡柳而况稼軒老
子哉蒐漁廢簏附于詩文之後亦以見歷人負有
奇情卽樂府小道亦足擅絕寓內云

蘭陵王

賦一丘一壑

宋辛弃疾

幼安邑人



一丘壑老子風流占却茅簷上松月桂雲脉脉石
泉逗山脚尋思前事錯惱殺晨猿夜鶴終須是鄧
禹輩人錦繡麻霞坐黃閣長歌自深酌看天濶
鳶飛淵靜魚躍西風黃菊香噴薄恨日暮雲合佳
人何處納蘭結佩帶杜若入江梅會約遇合事
難託莫擊磬門前荷蕢人過仰天大笑冠簪落待
說與相達不須疑着古來賢者進亦樂退亦樂

賀新郎

賦水仙

雲卧衣裳冷看蕭然風前月下
水邊幽影羅襪生

塵凌波去湯沐烟波萬頃愛一點嬌黃成暈不記
相逢曾解佩甚心情爲我香成陣待和淚收殘粉
靈均千古懷沙恨記當時恁心把此仙題品烟
雨凄迷儂憊橫翠袂搖搖誰整謾寫入瑤琴幽憤
絃斷招魂無人賦但金盃的爍銀臺澗愁殢雨又
獨醒

賀新郎

賦海棠

著厭霓裳素染胭脂苧蘿山下浣沙溪渡誰與流
霞爭千古醞引得東風相悞從史入吳宮深處鬢

亂釵橫渾不醒轉越江剗地迷歸路烟艇小五湖
去 當時倩得春留住就錦屏一曲種種斷腸風
度才是清明三月近要詩人妙句笑援筆慙慙爲
賦十樣蠻牋紋錯綺粲珠璣淵擲驚風雨重喚酒
共花語

念奴嬌

書壁

野棠花落又匆匆過了清明時節剗地東風欺客
夢一枕雲屏寒怯曲岸持觴垂楊繫馬此地曾經
別樓空人去舊遊燕子曾說 聞道綺陌東頭行

人盡見簾底纖纖月舊恨春江流不斷新恨雲山
萬疊料得明朝尊前重見鏡裏花難折也應驚問
近來多少華髮

沁園春

卜築

一水西來千丈晴虹十里翠屏喜草堂經歲重來
杜老斜川好景不負淵明老鶴高飛一枝移宿長
笑蝸牛帶屋行平章了待十分佳處著個茅亭
青山意氣崢嶸似爲我歸來嫵媚生解頰教花鳥
前歌後舞更催雲水暮送朝迎酒聖詩豪可能無

勢我乃而今駕馭卿清溪上被笑白髮歸耕

水調歌頭

盟 鳴

帶湖吾甚愛千丈翠巖開先生杖屨無事一日走
千回凡我同盟鷗鷺今日所盟之後來往莫相猜
白鶴在何處嘗試與偕來 破青萍排綠藻立蒼
苔窺魚笑汝癡計不解舉吾杯廢沼荒丘疇昔明
月清風此夜人世幾歡哀東岸綠陰少垂柳更須
裁

摸魚兒

置酒 山亭

更能消幾番風雨匆匆春又歸去惜春長怕花開
早何況落紅無數春且住見說道天涯芳草無歸
路怨春不語算只有殷勤畫簷蛛網盡日惹飛絮
長門事準擬佳期又悞蛾眉曾有人妬千金曾
買相如賦脉脉此情誰訴君莫舞君不見玉環飛
燕皆塵土閑愁最苦休去倚危欄斜陽正在烟柳
斷腸處

瑞鶴仙

賦 梅

鴈霜寒透幙正護月雲輕嬾雲猶薄溪奩炤梳掠

想含香弄粉艷粧難學玉肌瘦弱更重重龍綃襯
着倚東風一笑嫣然轉盼萬花羞落寂寞家山
何在雪後園林水邊樓閣瑤池舊約鄰翁更仗誰
託粉蝶兒只是尋桃覓柳開徧南枝未覺但傷心
冷落黃昏數聲畫角

最高樓

賦梅

花知否花一似何郎又似沈東陽瘦稜稜地天然
白冷清清地許多香笑東君還又向北枝忙著
一陣霎時間底雪更一個缺些兒底月山下路水
邊精風流怕有人知處影兒守定竹邊廂且饒他
桃李趁少年場

王樓春

戲賦雲山

何人半夜推山去四面浮雲猜是汝當時相對兩
三峯走遍溪頭無覓處西風瞥起雲橫處忽見
東南天一柱老僧拍手笑相夸且喜春山依舊住

鵲橋仙

贈鷺

溪邊白鷺來吾告汝溪裏魚兒堪數主憐汝汝又
憐魚要物我欣然一處白沙遠浦青泥別渚剩

有蝦跳鯁舞聽君飛去飽時來看頭上風吹一縷

菩薩蠻 櫻桃

香浮乳酪玻瓈盞年年醉裏嘗新慣何物比春風
歌唇一點紅 江湖清夢斷翠籠明光殿萬顆瀉
輕勻低頭愧野人

小重山 湖遊

綠漲連雲翠拂空十分風月處著衰翁垂楊影斷
岸西東君恩重教且種芙蓉 十里水晶宮有時
騎馬去笑兒童殷勤却謝打頭風船兒住且醉浪

花中

念奴嬌 春思

宋李清炤 易安邑人

蕭條庭院有斜風細雨重門深閉寵柳嬌花寒食
近種種惱人天氣險韻詩成扶頭酒醒別是問滋
味征鴻過盡萬千心事難寄 樓上幾日春寒簾
垂四面玉欄杆慵倚被冷香銷春夢覺不許愁人
不起清露晨流新桐初引多少遊春意日高烟歛
更見今日晴未

聲聲慢 秋閨

尋尋覓覓冷冷清清悽悽慘慘戚戚乍暖還寒時
候最難將息三杯兩盞淡酒怎敵他晚來風惡鴈
過也正傷心却是舊時相識滿地黃花堆積
憔悴損如今有誰堪摘守着窻兒獨自怎生得黑梧
桐更兼細雨到黃昏點點滴滴這次第怎一個愁
字了得

怨王孫

春暮

寒斷漏悄愁濃酒惱寶枕生寒翠屏向曉門外誰
掃殘紅落花風玉簫聲斷人何處春又去空把
流年負此情此際擬托行雲問東君

醉花陰

重陽

薄霧濃雲愁永晝瑞腦噴金獸佳節又重陽寶枕
紗幮半夜新涼透東籬把酒黃昏後有暗香盈
袖莫道不銷魂簾捲西風人似黃花瘦

武陵春

春晚

風住塵香花已盡日晚倦梳頭物是人非事事休
欲淚先流聞說雙溪春尙好也擬泛輕舟只恐
雙溪舴艋舟載不動許多愁

浣溪沙

閩情

髻子傷春慵更梳晚風庭院落梅初淡雲來往月
疎疎玉暢薰鑪閒瑪瑙朱櫻斗帳掩流蘓遺犀
還解避寒無

樓上晴天碧四垂樓前芳草接天涯勸君莫上最
高梯新筍看成堂下竹落花都作燕巢泥忍聽
林表杜鵑啼

如夢令

春晚

昨夜雨涼風驟濃睡不消殘酒試問捲簾人却道
海棠依舊知否知否應是綠肥紅瘦

蝶戀花

春暮

宋李

冠

邑人

遙夜亭臯閒信步纔過清明漸覺傷春暮數點雨
聲風約住朦朧淡月雲來去桃李依稀香暗度
誰在鞦韆笑裡輕輕語一寸相思千萬縷人間沒
個安排處

江神子

送太初石野亭

元張養浩

希孟邑人

何年仙斧斷雲根玉無痕翠生春磅礴空庭太華
入平分百竅暗通元氣漏無一竅不氤氳想當

丘壑悶元真泣波臣走山君一笑移來造物不吾
嗔目擊烟霞心已了誰再夢上星辰

酬江月

自邊貢庭實邑人

山城雨過望青郊迢遠碧山連屬岸旭林霏縈還
帶回首屢看僮僕白石橋邊蒼松澗底冉冉雲相
逐野猿孤鶴晚來聊伴幽獨 幾度夢到江南盡
船簫鼓夜傍蘆花宿烏帽錦衣呼喝處猶似當年
拘束布衲綸巾芒鞋藜杖無寵還無辱閒觀塵世
幾人能此知足

鷓鴣天 答華生

相見真能慰渴心坐同枯槁得春霖停舟共試橋
中戲步月聊爲河上吟汀草碧渚花沉起揮焦
尾奏商音一從京國分携後囊裏閒來直到今

踏莎行 題畫

露濕春莎草生芳甸漁舟迤邐依山轉斜光明滅
炤村墟綠槐深護幽人院小柵鳴鷄古梁巢燕
柴門不鎖蓬蒿徧問渠莫是武陵源一溪流水桃
花亂

蝶戀花

送別

亭上雨來人欲去，爲怕離聲不近芭蕉。樹芳草碧雲凝望處，願生雙翼誰能訴。萬疊愁情那可賦。風柳如蕩漾，絲千縷。白鴈嗷嗷江館暮。醉中愁見吳山路。

竹枝

劉天民

希尹邑人

竹葉青青竹葉黃，四時景色自江鄉。郎搖商舶風濤遠，妾宿閨房夜漏長。

竹枝裊裊不禁風，夜靜江寒色色生。新月上來籬瘦影，嗷嗷黃犬吠門東。

翠竹黃沙秋可憐，江頭日日有迴船。道郎醉煞臨邛酒，布被單衫誰共眠。

日暮江村竹樹繁，蕭蕭相伴小奴僮。東風吹落醉枝籜，飄去飄來不離根。

藏書

晉人云擁書萬卷富擬南面百城，然亦有幸不幸焉。易安一女子積書數萬卷，竟以難勅遺邊庭。實積書數萬卷，因以名樓，竟燬于火數十年來，列

署之所較刻薦紳學士之所世藏亡慮數千種已
卯之役盡喪于 騎兵之手吁人言寒士莫舉
事客揄鬼笑天破碎謹列其名以告後之積書者

德府書板

漢書

三國志

德藩世訓 德端王著

布政司書板

五經傍訓

鄭中丞
天璧刻

詩經正義

叅政許
天贈刻

天仙道德經

關尹
喜著

宋鑑

王方伯
宗沐刻

文章正宗

谷南高
公著刻

山東通志

方代巡
遠宜刻

丹溪心法

施方伯
薦臣刻

證類本草

傅中丞
希摯刻

扶壽精方

施方伯
薦臣刻

全幼心鑑

嵩陽寇
平衡刻

衛生易簡方

侍郎李公
春芳述

王氏農書

東魯王
禎述

小兒語

呻吟集

俱叅政
呂坤著

滄溟集

白雪樓集

俱邑人李
攀龍著

按察司書板

大明律附例

鄭中丞
汝璧註

法家體要

陳廉憲
慶刻

軍政條例

鄭中丞
汝璧刻

文心八則

鹿洞成規

當官功過格

公門修行錄

俱廉憲蔡公懋德刻

運司書板

四書蒙引

運長甘公一驥刻

四書存疑

岱史

鹽法志

俱運同查志隆刻

濟南府書板

經史直解

殷士儂著

易經註解

徐參政元氣註

四書近語

清平孫應鰲著

朱文公集

荆川唐文獻輯

皇明帝后紀畧

皇明臣謚類鈔

俱知府徐公榜集

泰山志

吳代巡伯朋裁定

詞宗表選

王別駕之綱集

冊溪鈞玄

魏司李允孚刻

藥性賦

中州尹士顯著

泮州稿

泮州蔡公著集

內臺集

浚川王廷相集

靈巖集

臨川王裕編

大明一統賦

吳人莫旦編

華泉集

邑人邊貢著

珍珠囊詩格

痘疹書

俱徐大守榜刻

各家書板

雒陽名園記

李格非著

李文叔集

劉後村曰李文叔集四十

五卷高雅條暢有義味在晁秦之上

漱玉集

宋李易安著

樂靜集

陳氏曰起居舍人李昭玘撰元豐元年甲科所居有樂靜堂因以名集

呂忠穆集

陳氏曰濟南呂願浩著書十五卷後三卷為燕魏雜記古今事卷末言人

華始末
甚詳

稼軒集

宋辛弃疾著

三事忠告

歸田類藁

御史箴

俱元張表法著

華峯類藁

華峯漫藁

金陵集

俱元張起巖著

蒼崖類藁

金石例

俱元潘昂霄著

五經通旨

漫遊稿

雲芝稿

大成樂譜

俱一國朝王勅著

舉業式程

邑人趙繼本著

金輿山房集

懲鑒錄

讀法須知

明農軒樂府

二千文

思賢操譜

俱邑人殷士儋著

瞻泰樓集

海右倡和集

梁園集

俱邑人許邦才著

司農奏議

邑人趙世卿著

月梧集

邑人張弓著

四子主意

陽宅指掌

俱邑人周繼著

函山集

鹹酸勾肆

俱邑人劉天民著

東山存稿

邑人光廬著

水部集

邑人陳明著

紺珠經 邑人王見賓著

岱史 邑人劉勅修

歷乘

忠孝經註解

四書朱翼

陽春館詩集

海岱吟

城書

白鷗閣集 俱邑人劉勅著

論語亦說

仁義辨 俱邑人張經著

讀司馬遷樊噲傳而鴻門一席鬚眉俱生讀杜牧之阿房賦而秦宮之制與變畢見即如水香歷下北渚水西今皆圮廢獨賴南豐諸什猶可想像於

蒹葭遡洄間則此連篇累牘寧僅作風雲月露觀耶余於藝文既覈汰時吻而取古大家文辭以益之文悅于目則篇留于手不自知其帙之溢也亂後文獻凋殘諸家都亡善本恐後人不復見前輩風韻也故過存之都為四卷凡如千篇





歷城縣志卷十六

邑人葉承宗撰

雜志

災祥

紀變

傳疑

述聞

災祥近怪紀變近亂傳疑近神述聞近厄類而志
 之者何五石六鷁紀於春秋補天射日載在外紀
 商羊萍實存乎家語史遷曰談言微中可以解紛
 鶡冠子曰中流失船一壺千金安在齊諧虞初不
 與丘索並傳哉作雜志

災祥

洪範列言休咎春秋獨書災異志兼之從其實也

夫災祥王事之大者一邑何專焉書曰王省惟歲
卿士惟月師尹惟日反風滅火蝗不入境人定而
天從惟影響豈必雉雒興商熒惑顯宋乃見天心
仁愛耶

漢文帝七年十一月戊戌土木二星合于危

元帝初元四年濟南東平陵王伯之祖墓門梓桂

卒生枝葉上出屋

伯莽之祖王皇后曾祖劉向以爲王氏貴盛將代漢之兆

安帝元初三年春正月丁丑東平陵樹連理

三月東平陵有瓜異處共生八瓜同蒂

或以爲瓜者外

延離本而實外屬之象是時高皇后初立與外親耿寶等共讚廢太子立濟北王

延光三年二月戊子五色大鳥集濟南臺

時車駕東巡鳳

集縣丞霍收舍樹上賜臺長嶷帛十五疋收二十疋尉半之吏卒人三疋鳳凰所過亭郭無出今年田和賜男子爵人二級按凡五色大鳥似鳳者多羽蟲之孽是時安帝信中嘗侍樊豐阿母王聖讒言免太尉楊震不慙之象也

晉武帝太始四年大水

太康元年五月濟南雨雹傷禾稼三豆

是時王濬有大功而

權戚互相陷抑帝從容不斷陰脅陽之象也

二年二月辛酉隕霜於濟南傷麥五月大風折麥

三年閏八月己丑白龍二見歷城

惠帝永康二年四月彗見齊分

占曰齊有兵喪是時齊王罔起兵討

趙王倫倫滅罔擁兵不朝專權淫奢明年誅

永寧元年十一月熒惑太白闕虛危

占曰大兵起破軍殺將

七月歲星守虛危

占曰水守虛危有兵憂一曰守虛饑守危徃役煩下屈竭

元帝大興元年躔

四年壬辰在矢出虛危

占曰在矢所觸天下之所伐

明帝太寧二年六月乙巳齊州言濟河水口見八

龍昇天

三年山東大水

饑死不

成帝咸康八年

趙石虎建武八年

濟南平陵城北石虎自

移於城東南

石虎于是起南寇之計

孝武帝太元十二年十二月戊子辰星八月在危

占曰賊臣欲殺主

宋武帝永初三年十月辛卯有星孛於虛危向河津

掃浮鼓

占月有兵喪

二年十月癸巳客星見危逆行在離室北騰蛇南

孝武帝大明二年十一月壬子熒惑犯鈞鈴

占曰有兵

其年犯歷下遣羽林軍討平之

五年五月癸未白雀二見濟南

青州刺史劉道隆以獻

六年十一月十五日太白填星合於危

占曰天

文帝元嘉十七年大水

二十七年六月乙卯白雀見濟南郡

薛榮以獻

三十年正月癸巳饑

建德三年十一月丙子歲星與太白相犯光芒相

及在危十二月庚寅月犯歲星在危相去二寸

齊高帝建元四年七月戊辰月在危宿蝕

武帝永明九年四月癸未月在歲星北為犯在危

度

十年五月甲戌月行在危度入羽林九月癸未月

行掩犯填星一寸在危度

十一年四月壬寅月行在危度入羽林

順帝昇明三年歲星在虛危徘徊立枵之野

魏孝文承明元年八月齊州獻嘉禾

太和三年九月齊州獻嘉禾

天賜三年月掩太白在危

宣武帝景明二年三月辛亥齊州隕霜殺桑麥七

月齊州獻嘉禾

正始二年三月丁丑齊州大雹雨雪四月齊州隕
霜六月齊州獻嘉禾

三年閏月乙酉月在危蝕三月齊州獻白雉

延昌二年五月齊州獻白鹿

三年四月流星起天津東南流轆虛危十月齊州

甘露降

孝明帝熙平元年六月齊州野蚌生

二年十一月齊州濟南郡木連理

正光二年四月齊州隕霜

孝莊帝永安二年四月乙丑月蝕左危

神瑞六年二月辛巳有星孛於虛危

神嘉三年六月丙子大流星出危南入羽林

東魏孝靜帝元象元年夏山東大水蝦蟆鳴於樹上

大定十四年癸未有星孛於虛危

北齊文宣帝天保九年夏四月龍見齊州後堂

十年六月庚子填星犯井越與太白并

占日子
為玄枵

齊之分野大
臣誅斧鉞用

後主武平四年山東饑

是時大興土木窮侈極麗後宮侍御千餘人皆寶衣

玉食逆中氣之咎

六年八月山東諸州大水

天統元年六月壬戌彗星見於文昌長數寸入文

昌犯上將然復經紫微宮西垣入危漸長一丈

餘後百餘日在虛危滅

四年八月孛星入天市漸長四丈犯匏瓜虛危入

室

隋文帝開皇四年齊州水

煬帝大業五年齊饑

七年秋山東大水

八年山東大旱疫人多死

唐太宗貞觀元年夏山東旱免今歲租

七年八月山東大水

八年七月山東大水八月甲子有星孛於虛危歷

玄枵乙亥不見

高宗永徽元年秋齊州大水

四年山東蝗蝻稼聲如風雨

六年十月齊州河溢



總章元年山東大旱

咸亨八年月齊州大水

永淳元年六月山東大雨水大饑

上元二年八月齊州大水

永隆元年六月濟南大水溺死者甚衆

武后垂拱三年天下饑

大足元年諸州饑

中宗神龍二年五月山東旱饑

景隆元年十月丙寅太白熒惑合於虛危山東疫

玄宗天寶十五載五月熒惑鎮星同在虛危中天

芒南大動搖

代宗大曆八年閏十一月壬寅太白辰星合於危

德宗興元元年秋螟蝗自山而東際於海晦天蔽

野草木葉皆盡

貞元元年饑米斗千錢夏蝗東自海西盡河隴羣

飛蔽天旬日不息所至草木葉及畜毛靡有孑

遺饑饉枕道民蒸蝗暴乾去翅足而食之

三年閏五月戊寅枉矢墜於虛危

四年地生毛

憲宗元和十一年十一月戊子鎮星熒惑合於虛

危十二月鎮星太白辰星聚於危



文宗太和二年夏齊州大水

開成二年二月丙午有彗星於危長七尺餘西指

南斗戊申在危西南芒耀愈盛

凡彗星晨出則西指夕出則東

指未有徧指四方
凌犯如此之甚者

八月丁酉有彗星於虛危

危為玄枵
枵耗名也

四年黑蟲食田

五年夏齊州螟蝗害稼

占曰國多邪人朝無忠臣
君位食祿如蟲與民爭食

十一月戊寅有彗星見於東方

宣宗大中八年正月丙戌朔日有食之在危一度

懿宗咸通二年饑

僖宗乾符四年七月有大流星如盂自虛危入天

市入羽林滅 占為外兵

昭宗乾寧三年十月有客星三一大二小在虛危

間乍合乍離相隨東行狀如鬪經三日而二小

星滅其大者後沒

宋太祖建隆元年齊州大旱生魃大饑

四年八月齊州河決

乾德元年齊州饑

開寶二年齊州大水

七年春齊州野蠶成繭

太宗端拱元年齊州民徐美妻一產三男

淳化二年十一月壬辰填星與熒惑合於危

仁宗慶曆五年六月流星過虛危星有尾迹明燭

地

是後英宗以齊州防禦使入承大統

神宗元豐六年五月歷城縣禾二本合穗

哲宗紹聖三年齊州禾異畝同穎合秀九穗

孝宗隆興元年十二月壬午夜白氣見西南方出

危入昴

金世宗大定十六年山東旱蝗

章宗明昌二年秋山東東路旱大饑

十一月乙丑金木二星見在日前十三日方伏而

順行危宿在羽林軍上壁壘障下光芒明大

四年山東大稔

卷十六 災祥 友聲堂



熙宗天眷二年山東大稔

衛紹王大安二年四月山東東路大旱

六月淫雨大饑斗米至千餘錢

三年二月山東大旱

崇慶元年山東大旱

海陵正隆二年蝗

宣宗貞祐三年十二月庚辰大白晝見於危八十九日伏

興定五年山東行省蒙古綱奏慶雲見命圖以進

六月戊寅日將出有氣如火道經丑未歷虛危東西不見首尾移時沒

元世宗中統三年九月濟南郡饑免其賦稅

四年十二月濟南大水

二十九年三月濟南郡霜殺桑

世祖至元元年濟南郡大水

二年八月濟南郡雨雹

五年十二月濟南大水以米十二萬八千九百石

賑之

六年正月濟南進芝一本濟南歷城饑

八年六月濟南路蝗

十五年四月歷城縣進芝 歷城獲白雉以獻

二十二年秋濟南等路河水壞田

二十六年濟南隕霜殺菽

三十九年六月濟南郡蝗

成宗元貞元年五月歷城縣大清河水溢壞民居

大德二年二月辛酉歲星熒惑太白聚於危

四月山東蝗

五年六月濟南郡水十月濟南霖雨害稼

十月辛卯夜有流星大如杯色去尾長丈餘光

燭地自北起近東徐徐而行分爲二星前大後

小相離尺餘沒於危宿

六年五月濟南路大水

七年五月濟南路蝗濟南路水濟南路蟲食麥

十年冬十二月山東饑遣尙書武鼎賑之

武宗至大元年二月濟南大饑四月濟南大風雨

雹六月山東郡大饑

二年四月濟南蝗七月濟南路大雨水害稼

仁宗延佑六年六月濟南路大雨水害稼

三年二月濟南饑

英宗至治三年五月濟南霖雨害稼六月濟南郡

淫雨水深丈餘漂沒田廬

泰定帝泰定元年六月濟南蝗八月濟南霖雨水

深丈餘損禾稼

二年閏正月濟南饑六月歷城蝗九月濟南郡蝗

十二月濟南郡饑

三年夏四月濟南路饑免郡縣租稅十二月蝗

致和元年濟南雨水害稼

順帝元統二年三月山東霖雨水湧

三年濟南饑

六年歷城饑


二十三年濟南大旱十月丙申大名路向青齊一

方有赤氣炤耀千里

至元三年濟南饑遣使賑饑民九萬戶

至正元年濟南饑

二年五月濟南山崩水湧六月癸丑夜濟南山水



暴漲衝東西二關流入小清河黑山天麻石固等寨及卧龍山水通流入大清河漂没上下民居千餘家溺死者無筭

四年五月大雨二十餘日黃河暴溢平地水深二

丈許北侵安山延袤濟南老幼昏墊壯者流離

五年夏濟南饑大疫

六年濟南大饑山東地震七日乃止

七年三月山東地震有聲如雷天雨白毛

十六年山東大水

十七年四月濟南大風雨雹冬山東大饑人相食

十九年濟南鞠生大饑人相食

二十年山東地震雨白鼈

二十二年京師有白氣如索起危宿長五百丈掃

太微

太史奏山東當大水帝曰不然山東當失一大將

二十三年濟南大旱六月庚戌星隕於濟南龍山

入地五尺

二十六年六月濟南霖雨害稼飛蝗蔽天所過溝

壑盡平民大饑

八月大清河溢

二十七年五月山東地震

國朝洪武六年濟南暴漲

十年濟南大稔斗米七錢

景泰元年濟南饑

天順元年濟南大水饑人相食

成化九年三月四日濟南等縣晝晦

十年濟南大稔

弘治五年濟南大饑 七年濟南大稔

正德七年濟南州縣民言黑眚見至冬乃息

時老勿皆

擊銅器以自衛通宵不寐

嘉靖八年濟南蝗秋大水

十年濟南蝗

萬曆十年大饑

十六年濟南大疫秋大水

二十二年濟南大水

以米豆三萬六千賑之

三十五年濟南大水舜廟香泉發

三十八年王孝廉啓亨家牛產一麟龍頭麕身牛

蹄產時火起未幾沒而火亦熄



四十一年大稔

四十三年夏六月大旱東城樓獸噴烟三月不雨

歲大饑人相食

遣御史過庭訓賑之

四十四年春夏饑旱蝗

四十六年大稔

東南踰數日

天啓元年秋大水

二年正月初一日未時太陽暈曙生三珥傍有白

氣一道日暈於玄枵之次二月初七日夜地震

如雷房搖地動夏四月地震

五月蓮賊反中秋丞趙公彥平之

地震

四年正月朔至三日日暈環抱三珥有白氣一道

赤氣一道相射一珥抱日一珥如反弓之形至

六月朔大雨雹擊死一婦人禽鳥無筭

秋七月劉勅家產芝

七年七月初三日寅時大水三川廬舍漂沒殆盡

大清河溢

崇禎三年三月初九日大風晝晦

四年春二月朔卯日出如血至巳乃有光狼入西

城夏日生理

冬十二月 勒兵至縣東北境

五年春三月十二日大風黑氣十二月二十一日

大火焚南關數千家燃城上箭簾因風吹火落

踰城內復焚千餘家湖中樹木亦焦二十二日

辰時舜廟災

七年元日夜先雨後雪霹靂大作

八年秋旱

九年六月大雨雹殺西北禾蔬至盡拔木無筭

十年野疋生數日之內四野如洗八月日出入血

色周天至十二月乃已

十一年六月蝗

十二年蝗入城

疫 大旱

變後疫旱交 作死者無筭

九月二十四日戌時西南角樓燬貯砲四擊震

傷民房數千間

十三年二月日出如血大風靈夏大旱 疫

六月日出入有赤氣如血秋旱蝗

道殣相望 剽掠四起

紀變

濟南阻山帶河亦一用武之國也治則後平亂則先變蓋自列國瓜分兵爭僭據一治一亂史策彰彰錄其大者志諸末簡語曰前事不忘後事之師天下不能百年無事也尚亦思患而預防之哉魯莊公十年冬齊師滅譚譚子奔莒譚齊附庸國也桓出不禮焉立又不朝故及

魯成公二年六月癸酉季孫行父臧孫許叔孫僑如公孫嬰齊會晉郤克衛孫良夫曹公子于及齊侯戰于鞏齊師敗績秋七月齊侯使國佐如師已酉及國佐盟于袁婁公羊傳曰君不使乎大夫此其行使乎大夫何佚獲也其佚獲柰何師還齊侯晉郤克投戟再拜稽首馬前逢丑父者頃公之車右也面目與頃公相似衣服與頃公相似代頃公當左使頃公取飲頃公操飲而至曰革取清者頃公用是佚而不及逢丑父曰吾賴社稷之神靈吾君已免矣郤克曰欺三軍者其法柰何曰法斲於是斲逢丑父已酉及齊國佐盟於袁婁

漢王使酈生往說下齊王廣及其相國橫橫以爲
然解其歷下軍漢將韓信引兵且東擊齊齊使
華無傷田解軍於歷下以距漢漢使至乃罷守
戰備縱酒且遣使與漢平漢將韓信已平燕趙
用蒯通計度平原襲破齊歷下軍因入臨淄齊
王廣相橫怒以酈生爲賣已而烹酈生

東漢更始二年梁王永據國起兵至建武元年稱
帝睢陽立張步爲齊王時上方北憂漁陽南事
梁楚故步得專集齊地據十二郡焉五年上詔
耿弇進討張步步聞弇將至使費邑軍歷下以
拒之弇渡河先擊祝柯進攻巨里大破之步降
齊地悉平

晉慕容德乘時取青齊而成霸業石固寨乃其故
壘劉裕潛渡大峪塞五龍口破廣固城濟南諸
寨無所用之

慕容超大掠淮北擄濟南太守趙元驅掠千餘家
而歸劉裕乃伐超屠廣固執斬其王公以下三
千人

魏孝文延興三年十一月司馬小君自稱晉後聚衆三千餘人反于平陵號年聖君攻破郡縣殺害長吏齊州刺史武昌王平原身自討擊擒小君送京師斬之

宣武帝景明元年九月齊州民柳世明聚衆寇齊兗二州討平之

承明元年六月幽州北平府主簿河間邢杲率河北流民十餘萬戶反于青州自署漢王號年天統十月以車騎大將軍李叔仁討於濰水失利

而還十二月詔行臺于暉回師時邢杲次于歷下二年四月上黨王天穆齊獻武王大破邢杲於齊州之濟南杲降送至京師斬於都市

孝莊帝永安三年齊州人趙維州據西城反應爾朱兆刺史丹陽王蕭贊棄城走

皇興元年崔道固以歷城叛魏詔慕容白曜討之百計不能下乃築長圍以困之固降曜乃立平齊郡以歷城之民實之爲歸安縣使房崇吉爲縣令

隋煬帝大業六年鄒平民王薄擁衆據長白山剽掠齊濟之郊十二年王世克擊破之

十二年山東劇盜魏刁兒自號歷山飛劫掠燕地武賁郎將王辨擊破之

唐太宗貞觀十七年齊王祐反伏誅祐武德八年王齊領齊州都督貞觀十一年歸國其舅尚乘直長儉人也乃引客燕弘信謁祐祐說王使募劍客初上用王府長史司馬必用骨體敢言者有過失輒聞而祐溺羣小好弋獵長史薛大鼎

諫不聽帝免之更用權萬紀性剛直以法繩祐祐有咎君暮梁猛虎者騎射得幸萬紀斥之祐私引與狎昵萬紀說王上書謝罪萬紀見帝言祐且自新帝悅厚賜萬紀而仍戒祐祐以萬紀爲賣已益不平萬紀又以疑裁繫君暮等祐不勝忿帝召祐萬紀還京帥祐與燕弘京等謀射殺萬紀支解之左右勸祐遂發兵乃募城中男子王斤庫賁行賞人惡之皆夜縋亡去詔李勣等討之祐檄諸縣縣輒以聞勣未至而青淄等

兵已集或勸祐虜子女走豆子航爲盜計未決
兵鑿垣入執送京師賜死內侍省詔齊州給復
一年

肅宗乾元二年史思明陷齊州

僖宗廣明元年無棣洪霸郎爲盜齊棣間平盧節
度使安師道遣將王敬武擊破之

宋劉豫景州阜城人元符中登第累官殿中侍御
史被劾出爲兩浙察訪至真州丁父憂居焉金
兵陷河南高宗過雒陽起復豫知濟南豫到郡

金人利誘之百姓遮豫願以死守豫竟出降金
人徙豫知東平節制河南兵馬及張邦昌廢豫
使子麟以重賄結粘罕及其腹心高慶裔輩求
僭號粘罕假以百姓推戴請於金主立豫爲帝
國號大齊改元阜昌初據東平繼遷于汴僉發
鄉兵三十餘萬付子麟姪猗領之分道寇宋大
敗而歸豫猶請戰不已金主下詔廢爲蜀王父
子並徙上京豫僭位凡八年至上京改封曹王
而死初豫僭立嚴刑暴斂取快一時見兵士賣

陵中王梳卽置淘沙官再發河南山陵及發民間無主墳墓行五等稅法民鬻子者皆稅百錢下至倡優日有納課臣子納女獻妾者皆得遷官賞罪去汴之日金帛糧斛山積父子姬妾各百餘人金皇統間沂州普照寺碑亦謂豫專以苛政理國知衆不附尤狹中多忌者足證其暴云

宋末長白山寇李全雄兵五萬據有全齊金元宋三國視其左右顧以爲重輕皆其妖婦楊妙真所爲及敗乃曰梨花槍二十年無敵于天下非戰之罪也其子李顯忠歸元封公

李壇小字松壽維州人李全子也太祖十六年全叛宋舉山東州郡歸附拜全山東行省太宗三年全攻宋揚州敗死壇遂襲爲益都行省專制山東者三十餘年前後所奏凡數十事皆恫疑虛喝挾敵國以要朝廷而自爲完繕益兵計初以其子彥簡質於朝而僭爲私驛自益都至京師質子營至是彥簡遂用私驛逃歸壇遂反殲

蒙古戍兵引麾下吳舟還攻益都入之發府庫以犒其黨自益都至臨淄數百里寂無人聲帝遣諸軍討壇壇盜據濟南癸酉命史樞阿木帥師赴濟南壇率衆出掠輜重將及城官軍邀擊大敗之壇退保濟南五月庚申築環城圍之甲戌圍合壇自是不得復出猶日夜據守取城中子女賞將士以悅其心且分軍就食民家家賦之鹽令以人爲食人情潰散壇不能制各什伯相結縋城以出壇知城且破乃手刃愛妾乘舟入大明湖自投水中水淺不得死爲官軍所獲縛至諸王合必赤帳前丞相史天澤言宜卽誅之以安人心遂與蒙古軍官囊家並誅焉

建文二年庚辰夏四月燕師渡白溝河李景隆敗單騎奔濟南叅贊高巍遇叅政鐵鉉于臨邑遂趨濟南守城丁丑燕師迫濟南己卯李景隆出兵合戰城下敗績奔入城燕兵以箭射書城中使急降鐵鉉等悉力防禦辛巳燕兵隄水灌濟南濟南人大懼鐵鉉曰無恐計且破之不三日

遁矣令登陴人皆哭呼曰旦日且降盡輟守具
出千人城外伏地請降又請退兵十里無驚動
城中人無府聞濟南降大喜遂下令退軍受降
軍中大喜呼萬歲鐵鉉懸鐵板城門上伏壯士
圍堵中約候燕府入城呼千歲卽下鐵板拔橋
乃遣人請燕府入城燕府乘肩輿張蓋率勁騎
數人渡橋直至城下城門開守陴者皆登城伏
者比入門門中人卽呼千歲鐵板悉下傷燕王
馬首王棄馬取從馬走走至橋橋下伏兵發斷
橋橋不可動燕王得過橋復合兵圍濟南鐵鉉
隨機應敵間出兵累敗燕兵八月戊申濟南圍
解冬十月封盛庸爲歷城侯以鐵鉉爲山東布
政使

崇禎十一年臘月二十三日

圍益急時撫院顏公繼祖奉

旨防德會城止萊兵千人皆編民人守堦下無疑兵
外無援旅議同縶舍民嗟糶腹十三年巳卯正
月二日 架雲梯從西城迤北而上城上施火

器輒反風上炎戍卒莫支相率避走
遂乘勢
畢登焚殺官兵紳弁數十萬人踞城十有四日
乃去家餘焦壁室有深坑湖井克塞衢巷枕藉
蓋千百年來未有之慘也

傳疑

郭公夏五魯史必書談鬼搜神晉賢不廢天下理
之所必無容爲事之所必有自非博物鮮不以理
相格耳父老傳聞志傳紀載弗忍削也方朔海中
之歎張霸車中之識自昔已然何必過信阮瞻無
鬼遂纂志怪之書哉

明鏡石 濟南郡有方山相傳有負生得仙於此
山南有明鏡厓石方三丈魑魅行伏了了然在
鏡中南燕時鏡上有漆俗言山鬼惡其見已也
一夜漆塗之

飛來鎖 齊郡歷山上舊有鐵鎖大如人背繞其
峯再匝相傳本中山山神好移故海神鎖之挽
鎖斷飛來於此

房家圍池 在城隅北齊博陵君豹之山池也其

中雜樹森聳泉石崇邃歷中被襖以此爲勝昔
曾有人折其桐枝者公曰何故傷吾鳳條自後
人不敢復折公語叅軍孝逸曰昔季倫金谷山
泉何必踰此孝逸對曰曾詣維西遊其故所彼
此相方誠如明教孝逸嘗欲還鄴詞人餞宿于
此孝逸自爲詩曰風淪歷城水月倚華山樹時
人以兩句比謝靈運池塘十字焉

華泉赤血 華不注泉齊頃公取水處方圓百餘
步北齊時有人以繩千尺沉下試之不窮繩出
赤如血其人不久坐事死

函山白鳥 酉陽雜俎云齊郡函山有鳥名王母
使者漢武帝登此得玉函化爲白鳥飛去或曰
王母見用青鳥故其白鳥退闕于此

鐵牛 在府庠大門內微露其脊掘之愈深埋之
愈顯東漢郡國志謂歷城有鐵卽此蓋亦臨水
之鎮也世俗相傳以爲鐵牛山又以歷山頂爲
歷山縣治後爲煤山爲三山不顯云

朗公井 在城東三十里老君崖下酈道元曰苻

秦時有竺僧朗事佛圖澄與隱士張巨和居谷
中朗封井戒勿用至于寂後開之人往炤井能
見前世業根飲其水者能已嗔殺貪淫諸品
鐘鼓石 嵒山下有鐘鼓二石樵夫牧兒爭往擊
之聲聞數里

木魚 泉瀘莊東有甘露寺唐貞觀時建今寺廢
樵者嘗聞空中木魚聲

石驢 平陵王時有方士說王曰吾能使昏夜石
驢馱糧但不可過鷄鳴時耳試之果然後過雞
鳴用之遂仆今廢城門外驢尙存

神鶯 紅山在城南五十里相傳洞內有紅孩妖
洞上有二皂鵬高數尺翅若輪蒼狐狡兔見此
俱不能逃

糧塚 城東梁家莊世傳檀道濟軍至歷城乏食
乃唱籌量沙而以餘米覆其上今數塚尙存

鐵母 城東九里高尺餘峯壑俱備皆磁石也

瓢兒巖 渴馬崖南有瓢峯其形似瓢雲自瓢出
主雨雲自瓢入主晴或謂許繇當堯洪水時瓢

無所用故樹巖間後髦而忘之

鐵砧 方二尺許厚尺餘在城東高見莊相傳唐太宗東征高麗鑄兵器之具方大叅守地移置于家

石槨 傳者謂在華山前黃郡守濬河掘出閔子石棺盛其首移之高原今華山下石槨尚存陰地 平陵城西北有陰地數畝天色澄霽亦若雲陰迫視則無記謂青州有地鏡水影亦此類晏公 王季木曰俗傳江中有棕繩二號大宗二

宗許旌陽偶過江食柿棄其餘柿遂借爲日愈逼許當舟而現許倉卒無以禦敵取法印擊之中額兩宗得印稱正神一稱晏公一稱蕭公處處祀之歷下祀于北門內

迴車澗草 澗在華山下郤克逐齊侯處也草俱連騫蔓生如旋螺俗云兵車繞匝所致

朱雲墓草 雲本魯人從全節白子友學易因老死於此墓焉墓在全節城南十里草皆上指如劍佞人過之草必怒搖

劉夫人 稽神錄載長白山山西有夫人墓魏孝明
之世清河崔羅什弱冠被徵詣州夜經於此忽
見朱門粉壁樓臺相望俄有一青衣出語什曰
女郎湏見崔郎什恍然下馬入重門內有一青
衣通問曰女郎平陵劉府君之妻侍中吳質之
女府君兄行故欲相見什問曰魏帝與尊公爲
元城令然否女曰家君元城之日妾生之歲什
乃與論漢魏事悉與魏史符合

開元寺碑 宣政雜錄云濟南府開元寺因更修

掘地得古碑蓋會昌中汰僧碑也字皆列缺磨
滅不可讀惟八字獨存云僧盡烏巾尼皆綠鬢
僧惡而碎之後有詔改德士盡如碑言

呂公祠 元遺山名好問在太原有道人嘗邀同
食且曰吾家在濟南趵突泉上甚可樂也子能
從吾遊乎元曰有待數年後遺山過濟已忘前
約矣遊泉上倦卧樂源堂忽夢前道人揖之曰
久約不相憶耶何咫尺不在顧醒而始悟因起
過北岸入祠中儼然座上矣因爲重建此祠

石佛 成祖攻濟南時與鐵鉉戰忽有羣僧助鉉
勇不可當 成祖命人蹤跡之皆入大佛山

琵琶洞石壁上石刻佛體尚有汗命以鐵錘毀
其首今佛有身無首佛乃唐貞觀時製

毛二 王季木齊音云成化間有司治王宮其西
北爲居民毛二宅應規入毛以死爭不受價遂
自剄有司具奏因缺城一角示儉相傳六月一
日舉巷哭聲至今人稱其地爲毛二抹頭

徐僉事 齊乘云濟南憲司徐好古僉事繇分司
歸嘗鬱鬱不語一夕家人熟寐好古忽起抽刃
先殺其妻又殺其長子婢妾死者數人惟幼子
突窻間得逸徐乃自屠出腸而死竟不知其故
其居宅後棄爲炤磨廳事愚到官始毀之而建
架閣庫焉此事衆所目擊四方共聞慮刑者可
不戒哉

穆吏部 名深少登科居官多宦績暗爲中官所
冲一夕削籍遂鬱鬱成病額內有一人騎驢時
相往來

邢春元 名善爲人醇謹甫中式嘗若有人尾其
後遂自經遺詩曰可惜功名已到手西風一夜
竟成空

許解元 名邦才家在布政司街當道扁其門曰
海內名家內有瞻泰樓乃與于鱗倡和處後宅
爲胥吏所得命僕崔立掃樓忽見朱衣人云爾
何人敢居吾室遂大罵其主已而暴死

徐中丞 名從治巡撫山東
萊三月
不下一日中砲死先是肥城人不守京夜夢冥

府取造七省輪迴冊有黃黑二卷色黃造善色
黑造惡冊竦冥王命守京往萊請徐撫臺至萊
投書徐公卽發牌往四川成都鄴都縣到任徐
公未卒先有此說已而果卒

傅茂才 名志尹少有文名崇禎戊辰夢有張龍
李虎引至冥府傅抗禮曰名士不跪會張李噴
噴有言遂得甦明年是日又夢二人來再至冥
府不覺自跪至獄獄卒索錢榜笞甚苦俄張李
來解之得脫傅問曰我與二君無水米交何多

方救我耶二人曰前世與汝同爲商吾兩人爲
賊所劫君分貲救我得還故里誓報君三世傳
因問來世事二人曰來世君年四十餘傳寤以
告友人張經又三日驚呼曰張李來矣遂歿

呂僊閣聯

李中丞戴廩延人別號對泉少夢人

示一語云仙人原爲對泉來後數年撫東土至
趵突泉呂仙祠恍悟前夢乃新其祠宇毛直指
在乃益一語云勝地自逢開府闢迄今揭之閣
楹間

目塵洞碑

諸生張得密等山遊修此洞呂仙乃

降筆作記云且予天啓四年十二月二十二日
適有教下隨鶴子雲霞子靜壇子忘機子守靜
子携瓊漿致餽品歷陟仙鏡偏逝奇峰臨箕在
案請余在茲視其內面螺旋蝸結甘露玄津視
其外面石履巉巖苔草參差又視其齊城人士
交雜貴賤各態生還死復貧富雲于是欣賞
感慨遂題此洞曰目塵便給詩聯讚詠經滿几
楮及時沉暉余命送回起馨蘊純宿五子見余

愛慕衷卽不忘因率善信以啓其路覓匠巧以
造其儀今乃工完故筆在卽永垂于世以記云
爾

來鶴亭詩 來鶴橋北有來鶴亭天啓丁卯有人
以瓜殼濡墨題壁上云大仙何處黃鶴舞來鶴
橋通白雲樓勝地自逢人作主好風飄桂我驚
秋千家松菊山山月十里芰荷葉葉舟書罷新
詩人不見涌輪亭上望悠悠時亭壁新成道士
恐得罪乃詫以爲仙筆四方臨者連袂揮汗長
吏多羅拜其下已而察之酷塵野刹多此筆跡
乃青州狂生戲墨云

王家園蕉 王茂才瑞園在沙苑西內有芭蕉數
十本一日蕉生花相傳爲地湧金蓮活佛出世
鄉村士女來觀者數萬人王生閉門不內遂相
與毀垣而入數萬人皆羅拜于下號佛之聲聞
數里

西城下蛇 張子弘祚蜚語及上臺顏中丞執而
訊之辭連陳茂才洪祐陳故名家子遭時落魄

又木強不能辯乃擬陳大辟張反得城旦一日
候鞠中丞門城上忽降一蛇纏張頸萬衆闕然
中丞廉得其情乃坐張子法而釋陳生

土地祠碑 布政司土地祠李中丞同芳記曰庚
戌輯瑞辭神賦歸辛亥夏復來與神共事是年
冬禱雪未應密請于神神爲余言雪俟除夕可
得尺許明歲大稔無慮時余父子抱恙思歸神
力止之各示一方應手而愈迨過除果有雪盈
尺今年拜命撫齊歲果大稔神言悉驗神姓何
諱壽鼎南宋岡陵人前任平章贈言之二章曰
危閣間登思渺漫水天如在掌中看遊人莫著
禪衣去六月飛雲帶雪寒

述聞

春秋內傳成而以其餘爲國語太平御覽成而以
其餘爲廣記耳目覩聞無所附著彙爲一則邢子
愿所謂肋志也彼夫西京襍記有禪漢書江左世
說乃成晉史豈獨襲迹耳談供文人清塵已耶
公三帶歷山老樵也得黃帝明堂圖于石窟中武

帝欲作明堂於奉高傍未曉其制度帶乃上之
明堂中有一殿四面無壁茅蓋通水水圍公垣
爲複道上有樓從西南入後曰昆侖天子從之
于是上令奉高作明堂如帶圖

濟南矚氏宗人三百餘家豪猾二千石莫能制于
是景帝拜邳都爲濟南太守至則誅矚氏首惡
餘皆股栗居歲餘郡中不拾遺傍十數郡守畏
都如大府

甯成南陽人景帝時遷濟南都尉猾賊任威爲小
吏必陵其長吏時邳都爲守素聞其聲亦善選
之都死成爲中尉其治多放邳都武帝卽位
爲內史外戚毀成之短抵罪髡鉗

王莽女孝王皇后也孝平崩莽移漢號其女爲黃
皇公主欲更嫁之后稱疾不起及莽誅后曰何
面目見漢家遂投火死

獻帝元和中曹操爲濟南相國時十餘縣長吏多
阿附貴戚操奏免其人禁斷淫祠姦宄逃竄久
之徵還爲東郡太守

東晉時平陵城北石虎一夕移于城東南善石溝
上有狼狐千餘隨之迹皆成蹊趙王石虎大悅
曰虎者朕也自平陵而東南者天將使朕平江
南也于是起南寇之計

南齊王儉典吏部有姓譚者求官儉曰齊侯滅譚
那得有君客曰譚子奔莒是以有僕儉賞其善
據卒得職焉

魏神鼎四年檀道濟王仲德東走諸將追之至歷
城而還太平真君七年高涼王那至濟南東平
陵遷其民六千餘家于河北

歷城北有使沽林魏正始年
率賓僚避暑于此取蓮葉置硯格上盛酒
升以簪刺葉令與酒
特翕之名與何淵

秦叔寶所乘馬踏忽雷駭
領疆當前一躍而過

秦瓊始為將軍察護兒帳內
之吏怪曰士卒死喪將軍
叔

寶何也護
卑賤耶

羅士信爲裴仁基
印以報德且曰我死當墓其側

濟南王祐好養鬪鴨方卜及狸嘴鴨四
頭去及敗牽連誅滅者四十餘人

唐高宗問許敬宗曰天下洪流巨浸及不
甚細而載在四瀆何也對曰瀆之言獨也不
衆流獨能入海濟雖細獨而

唐楊德幹齊州刺史有威嚴時語曰寧食三斗炭
不逢楊德幹

員半千咸亨中上書自陳臣家貲不滿千錢有田
三十畝粟五十石聞陛下封神嶽舉豪英故鬻
錢走京師朝廷九品無葭莩親行年三十懷志
潔標未蒙一官不能陳力歸報天子陛下何惜
玉陛方寸也不使臣披露肝膽幸得天下英才
五千與權所長有一居先臣當伏死都市書奏
不報調武陟尉

高宗御武成殿問兵家有三陣何謂耶衆未對半
千進曰臣聞古者星宿孤虛天陣也山川向背
地陣也偏伍彌縫人陣也臣謂不然夫師以義
出沛若時雨得天之時爲天陣足食約費且耕
且戰得地之利爲地陣舉三軍如子弟從父兄
得人之和爲人陣會是則何以戰帝曰善

開元初山東大蝗姚元崇請分遣使捕蝗埋之上
曰蝗天災也誠繇不德而致焉卿請捕蝗得無
違天而傷義乎元崇進曰臣聞大田詩曰秉畀

炎火者捕蝗之術也古人行之于前陛下用之
于後古人行之所以安農陛下用之所以除害
臣聞安農非傷義也農安則物豐除害則人豐
興農去害有國家之大事也幸陛下熟思之上
喜曰事旣師古用可救時是朕心也遂行之時
中外咸以爲不可上謂左右曰吾與賢相討論
已定捕蝗之事敢議者死是歲所司奏捕蝗蟲
凡數百萬石時無饑饉天下賴焉

水香亭乃唐杖殺李邕處也邕字大和江都人父

善淹貫古今不能屬辭人號書籠邕少知名李
嶠爲內史薦邕拜右拾遺宋璟陳張昌宗反狀
武后不聽邕立階下大言曰璟所陳社稷大計
陛下當聽后色解即可璟奏後爲陳淄華諸州
刺史上計京國圍觀如堵咸以爲古人出爲北
海太守李林甫忌之坐以罪就郡杖殺之杜甫
爲之賦八哀詩濟南山水之表章於此蓋自唐
李邕始

宋元豐二年秦嘗院奏准中書度支郎中知齊州

韓鐸因旱詣本州龍洞山祈雪有應因奏龍洞
靈異欲祈聖惠特賜開侯當院看詳齊州龍洞
山龍王洞雖圖經不載旣緣祈禱有應合封爵
號奉勅旨林巘洞壑萃山川之秀則宜有神物
宅于其間方災沴旱乾百穀之仰雲雨皆可以
禱而獲也惟爾龍洞爲齊人望祈罔不答何可
勿崇爵以列侯冠以嘉號用厚薦報永孚光靈
宜特封順應侯牒至准

王舍店有讀書堂乃故龍圖侍郎張揆舊隱處也

有蕪東坡題讀書堂三大字今移縣庠又有魏
國王臨詩碑云熙寧逸老舊門牆少日窮經歷
水陽負笈便爲稽古地躬耕兼是養親堂已將
賢業歸青史尚有陳編秘縹囊嗣子穀難承世
學至今人愛鄭公鄉後題元豐庚申五月二十
一日興德平易堂大觀書萬曆初掘地得之今
在舖中

宋李文叔嘗言文不可苟作誠不著則不能工且
晉人能文者多矣至劉伯倫酒德頌陶靖節歸
去來辭字字如肺肝出遂高步晉人之上其誠
著也

文叔過臨淄絕句云擊鼓吹竽七百年臨淄城闕
尙依然如今只有耕耘者曾得當時九府錢

趙明誠幼時晝寢夢誦一書覺來惟憶三句云言
與司合安上已脫芝芙草拔以告其父父曰言
與司合是詞字安上已脫是女字之夫草拔是
之夫字非謂汝爲詞女之夫乎後得李格非女
易安果有文章其祭明誠文曰白日正中嘆麗

公之機捷堅城自墮憐杞婦之悲深文亦慘黯
又賀學生子啓云無午未二時之分有伯仲兩
偕之異既繫臂而繫足實難弟而難兄玉刻雙
璋錦挑對襟乃其警句也按明誠字德甫乃丞
相趙挺之子嘗著金石錄三十卷易安爲後序
蓋做歐陽修集古錄而數倍之考訂詳洽多所
發明

瑯環記云易安以重陽醉花陰詞函致明誠明誠
歎賞自媿弗逮務欲勝之一切謝客忘食忘寢
者三日夜作五十闕雜易安作以示陸德夫德
夫玩之再三曰只三句絕佳明誠詰之答曰莫
道不消魂簾捲西風人比黃花瘦則正易安詞
也

趙明誠守淄清照積書數十萬卷金八南下清照
倉皇渡江書漸散失惟漱玉集行世王季木齊
音云京朝名跡此中稀剗水黥山感異時惟有
女郎風雅在又隨兵舫泣江離

易安有一剪梅詞云紅藕香殘玉簟秋輕解羅裳

獨上蘭舟雲中誰寄錦書來鴈子回時月滿樓
花自飄零水自流一種相思兩地閒愁此情無
計可銷除纔下眉頭却上心頭最膾炙人口
蔡元工于詞靖康中陷庭辛稼軒以詩詞謁見
蔡曰子之詩則未也他日當以詞名家稼軒晚
年尚以長短句累五百首有奇

稼軒賦虞美人草浪淘沙詞云不肯遇江東玉帳
匆匆只今草木憶英雄唱着虞兮當日曲便舞
春風兒女此情同往事朦朧湘娥枝上淚痕濃

舜目重瞳堪痛恨羽又重瞳其南歌子新開池
戲作云散髮被襟處浮瓜沉李時涓涓流水細
侵堦鑿個池兒喚個月兒來盡棟頻搖動紅藻
盡倒闌闌勻紅粉照香腮有個人兒把個鏡兒
猜奇警峭拔可洗詞論之誣

李濂序曰辛稼軒平生與朱晦菴陳同甫洪景盧
劉改之輩友善晦菴嘗曰若朝廷賞罰明此等
人儘可用其答辛啓有云經綸事業股肱王室
之心游戲文章膾炙士林之口劉改之氣雄一

世其寄辛詞有曰古豈無人可以似我稼軒者
誰後百餘年邯鄲張堊過辛墓有詞曰嶺頭一
片青山可能埋得凌雲氣又曰謾人間留得陽
春白雪千載下無人繼同時之所推獎異代之
所追慕稼軒之槩可知已

聊菴歿時黨禁方嚴稼軒獨爲文哭之卒之日家
無餘財僅遺著述數帙而已謝疊山過其墓前
僧舍夜聞大聲疾呼似鳴其不平者疊山爲文
祭之而聲始息德祐初請于朝謚忠敏

王季木齊音云 人兵薄濟南有勇將關勝者善
用大刀屢陷 陣大戰兀术追奔至渴馬崖求
水不得北至齊城下馬走敲地泉湧故名馬跑
金人賄通劉豫許以帝齊誑勝出戰遂縛勝于
西郊送 管 百計說之不降罵 見殺且自
啖其睛示不爲用墓在城南渴馬崖西

劉豫墓在鵲山下墓中產蝎

元至正乙酉太史奏文昌星明文運將興時世祖
幸上都明日丙子帝生于儒州是夜張起巖亦

生及帝卽位始設科取士而起巖遂爲第一
元于欽著齊乘六卷嘗奉其母柩自灤口繇小清
河以達于新城之錦秋湖至棠鎮乃舍舟而東
報恩寺塔在龍洞東峰元豐二年僧宗義建四門
塔在神通寺東巖唐海公建又有龍虎塔在神
通寺姑嫂塔在丁公嶺皆勝蹟也餘不悉紀
公哭曰甚于喪我也未幾卒

李滄溟同殷許諸名士食鱓螯一士在傍朶頤滄
溟曰君亦復能食此不

殷棠川先生所著有明農軒樂府其新春宴鶴江
宅賞梅詞云入門來不暇相揖先問北窻前梅
花開未其寫真詞更入三昧

殷文莊有琴名南風已卯燬于火

陳明號峭湖有水部集家在布政司街東曲巷內
有石假山名曰九石山後歸張憲副志死自題
其墓曰峭湖詩人八柳先生陳僉憲墓

谷紹岱繼宗幼好學家貧嘗往古廟撥爐灰取遺

炷歸其母縮爲一束燃以夜讀日以爲嘗後遂
成進士

德府有白鸚鵡 端主甚愛之有人前以手引之
鸚鵡嚙其指其人負痛急揮之遂斷脰以死左
右繫其人將謂不測 端主曰物之存亡命也
彼豈有心哉之哉立命釋之

白雲湖中得一馬鹿形 端主每宴羣臣輒令背
負八寶盤自控馬近前以食啖之戊寅冬鹿馬
無故自斃

濯纓湖廣數十畝蓄魚無筭大者數尺陰雨往往
起龍韓觀察宅有芙蓉亭下卽芙蓉池蓄魚數
千頭于太僕池亭在龍潭西北亦蓄魚數百計
柰水寒晴多暴出 清極鱗鬣畢見

布政司後有仰泰樓舊有鳥巢其上崇禎壬申十
二月忽自移去人爭訝之踰數日遂火

陳憲副九疇弱冠時讀書別館有少婦月下踰垣
裸而至公但辭以疾願以翌日旣而絕不復往
又數年聞此婦死乃告子弟以爲戒曰使此婦

存不忍言之以傷人名節也

天啓辛酉

朝廷選大婚民間子女嫁娶殆盡

西門內鬻麵王翁有女十四容貌端妍其父母直婢畜之弗奇也有司上其名乘傳坐輦詣都後覩天乃在中州仍乘傳歸嫁爲胥人婦

王晴江見賓與洪友鶴孟賓竹善孟旣售王將縊于中野泣倦而寢寢一亡友云子功名不在孟下何自苦如此寤而察之所卧乃亡友某墓也因益自負遂登第至中丞

三原花叢有文集若干卷又有竹泉小集張令鶴

鳴題贊崇禎己卯偶軼五世孫茂才儻于塗間得其和尹冢宰送邊京兆考蹟還應天卷詩曰
淡淡疎林葉亂飛雨晴躍馬出郊畿一尊瀲灩
情偏冷千里迢迢意不違京兆今書循吏最鈞
衡還使庶民肥丹青已透相知眼自是陽春和
者稀筆勢飄蕭有仙氣今家藏爲寶玩云

己卯亂後四方唁辭甚富堯司理李恪云徒勞
組甲日論兵一薄城萬衆旬陰慘迴風當晝

晦熹微燐火向宵明空廬餘燼誰來往遺骨成
丘無姓名階厲何人奄至此鼻酸目腫泣無聲
孫太史之解有云十二山容失舊青慘同趙卒
犯天刑露荷遍洒文人淚灰壁橫飛壯士腥太
白何時可 月祖皇當日亦 傷心不拘華
泉飲熱鬼寒蘆夜夜螢劉總戎 和云歷山
萬象湫丹青誰遣天一司典刑白雪樓前泉斷
飄明湖水上荷沾腥千秋士節比筠節十日王
庭若朔庭還顧焚餘思舊堵當年數斗豈周螢

王陽明土試題壁云晚雲孤坐漫沉沉數盡寒更
落葉深高棟月明時燕語古堦霜細或蟲吟較
評正恐非吾力報答徒知盡此心賴有勝遊堪
自解秋風華嶽得追尋後題予謬以較試至此
假館濟南道夜坐謾書壁間兼呈道主袁先生
請教弘治甲子仲秋五日餘姚王守仁書後人
臨摹立石道門內

歷山題詠獨王中丞在晉寫出旻天號泣之懷近
日卅陽諸葛晉明詩曰南山秀色映齊州千佛

雲屏蒼翠浮北眺湖城縈灤水遙臨華峭障清
流耕耘業舊遺淳俗鹿豕林荒憶昔遊願借旻
天千古淚化爲甘澍潤平疇大與黎陽意協

萬曆戊午歲大旱李中丞長庚招郭羽士築壇禱
雨三應時酌突泉澗羽士爲鐵牌鎮之已復如
初近有海州杜惟全頗能隱刀點金之術亦一
異人也

楊莊揚卓弟也

環水作寨不能攻又
大撓亂以無輔却走城陷寨破獨以計

免

近日好古文辭者有于茂才維直是太僕鯨子生
來不名一錢讀魚池泉亭寒暑不輟周茂才之
士美鬚髯自號美髯能詩善作字已卯皆死
又有楊明經衍嗣張文學金聲皆能詩

張孟育名元英愛積書歲數百卷以經史子集分
局獨竟陵書別貯一笥顏之曰鍾閉門謝客日
焚香點較戊寅近數萬卷已卯變殘于游兵
今猶存數百卷

南中一君子問余曰歷下孰爲好學余曰其張孟
育乎客曰何余曰人多求田問舍張獨積書插
架一難也人多克棟塵封張獨歲較數百卷二
難也人胸無片墨輒肆雄譚張獨深藏若虛三
難也客曰雖未見張君公言亦復佳矣

孟育嘗贈余詩曰一夜西風到井梧碧天蕭瑟岱
雲孤知君此際饒秋思譜得新聲幾曲無又賦
得多病故人踈見寄

胡昭來名顯宗性聰穎讀書過目輒記敘述今古
事雖數萬言皆有層折關應意致恬如毫不使
氣令聽者媿媿忘倦近歲酷好樂府其念奴嬌
天月涼風動枕衾寒惹起離愁欲絕玉韻花情
何處去空憶遶梁歌雪含淚自憐低聲相問猶
記叮嚀切是誰催促頓教千里長別但恨薄倖
忘恩如何便去也不和人說剩把重門深閉却
不怕王孫慘咽願得鱗音傳伊住處慰我腸干
結免勞覓夢天涯夜夜游徹聲情態韻宛然詩
餘遺響假之以年何渠不駕辛軼李今則空憶

遶梁歌雪耳

王大儒字汝爲弱冠能詩酷嗜鍾譚詩歸爲詩鮮
雋不類時吻學未大成賫志以死死携友人岳
鍾秀所錄詩歸以殉嘗有贈友人尹若曾詩云
秃筆撞硯硯爲缺寃墨落紙紙爲裂丈夫哭則
類婦人笑不敢笑說不說君以奇禍得奇隍吞
聲百里腸縷結可恨悠悠成遠別鴈行從此忽
中折無情之憐妬不如搔首問天嘗面熱我有
敗鞘裹寒鐵其鳴蕭蕭刃比雪持以遥贈聊與
訣物不大滯不大泄縱爾家破猶存舌俛首事
人終不屑熱心欲降誰肯降出門一笑寒山劈
竟其所之居然長吉流也

王秋娘墓在佛山下碑鐫王小姐者是也大儒詩
云斷腸碑上小名香風雨經年損珮璫鏡瘦迴
非新月樣花殘猶憶舊時粧家承載酒逢寒食
歲歲招魂總故鄉紅袖撩人尋女伴誰憐孤塚
墓鴛鴦余愛其慘而媚

金線泉在趵突泉東北乃谷進士繼宗舊亭也其

贖後有感詩曰可憐一曲吟詩墅棄作三年賣
酒家入日止存君子竹傷心不見美人花池中
水湧魚爭躍樹裡風來鳥任譁此日野堂歸舊
主青山坐對興無涯後歸隱堂副九疇疊與文
社屢出科甲友人金見讀書其中頗其堂曰深
柳讀書堂余嘗取曾子固詩句更之曰冰綃堂
余爲十志義例各別餘如類無所隸文不相屬都
爲一卷詞近瑣綴意補缺遺君子察天戒而克謹
觀世變而預防考奇蹤以供談助緣舊聞以資博
觀附四則以殿十志歷事其備矣乎

歷城縣志卷十六止